


Կարգի

7-8

1995



გენლობი

ყვლაზე მეტად დღას ვენდობი,
ასე გენდობი შენც, პოეზიაჲ.
ყვლაზე მეტად მიწას ვენდობი,
ასე გენდობი შენც, პოეზიაჲ.
ნამდვილ სიყვარულს ვინ არ ენდობა,
ასე გენდობი შენც, პოეზიაჲ.
სამშობლს მედით თუ უმედობით
ვალამი სანჯლად მობილესია.
გული იბახის: მინდა, გაემედო,
ფეხდღო თვითონ სისხლს პოეზია,
ყვლა შეტისსვის, ყვლა შენდობის
ფერთელი მსურვალე შემღზე .სთესია.
ბოგობც სიცოცხლის ღელვას ვენდობი,
ასე გენდობი შენც, პოეზიაჲ!

ს ი ს კ ა რ ი



ივლისი-აგვისტო №7-8

საქართველოს გფერალთა კავშირის ხელშეკრებულ და
საზოგადოებრივ-პოლიტიკური
ჟურნალი

დაარსებულია

1852

აღდგენილია

1957

თბილისი

1995



ბამოიღვიპე, ქნარო!

3. ფსალმუნები — გავრძელება. ებრაულიდან თარგმნა
ჯემალ აჯიაშვილმა.

პოეზია და პროზა

- 7. შოთა ზოიძე — უსანძვიო სონეტები
- 12. ბივი მაღულარია — შემვედრა ბაგშირზე. რომანი.
- 48. ჯემალ ჯაყელი — ლექსები
- 52. დავით თედორაძე — ლექსები
- 58. ვახტანგ ახვლედიანი — ნოველები
- 75. მერაბ აბაშიძე — ზუგანი შემეცნოზლისკან. მოთხრობა.
- 88. შუშუნა ხაჯიშვილი — ლექსები
- 93. ლელა ბაბუჩი — ლექსები
- 96. ზვიად რატიანი — არითმია, ერთჯერადი გამოყენებას კომა
- 100. ზურაბ ლომჯანიძე — ლექსები
- 103. ჯემალ ხოფერიძე — ზეზი, რომანის ფრაგმენტები.
- 132. ნინო ხაბიშვილი — მოგონებები ოპროს ტაჯაზ
- 136. ირინე იმერლიშვილი — ნოველები
- 139. ზურაბ ზოიძე — ლექსები
- 142. ლია ჭყონია — ლექსები
- 143. ინგა ფალიანი — ნოველები
- 164. ნანა შაბათაშვილი-დავარაშვილი — ლექსები

ახალი თარგმანები

165. სვებლანა ალილუვა — ფიგნი შვილიშვილთათვის

ღიაღობი

171. თეიმურაზ ფანჯიკიძე, ბრივირ ფარულავა — რელიგიური და პროვნული

ფერილები

- 184. თენგიზ ჩხაიძე — უსაზრისო ყოფა
- 193. აკაკი მინდიაშვილი — „უჩემოდ არაფრის ქნა არ შემიძლიათ“
- 208. ბიორბი კანკავა — „მოთარანთ ჭკრივი“, „ყველა-კრულვიანი საკითხავი“, ანუ საკუთარ ისტორიასთან „ჩატახილი ხიდი“
- 222. სემიონ ფრანკი — „ქრისტიანული სოციალიზმის პრობლემა“

პილოცვა

231. ჩვენი ძალბატონი ეთერი

მთავარი რედაქტორი
ჯაურ კალანდია
სარედაქციო საბჭო
ბლანტიერ არაბული
ირაკლი ბაზაძე
ბიორბი ბაჭანიძე
მთ.რედ. მოადგილე

დავით თედორაძე
ლევან მაღაჯონია
ელზა მებრეველი
დავით მჟედელური

ჯემალ ქირია
პასუხისმგებელი მდივანი

ჯანო ჯანელიძე

სპონსორია გამომცემლობა
„აჭარა“,
დირექტორი
დავით თედორაძე

ჟურნალზე მუშაობდნენ:
ზურაბ ფირცხალიაშვილი,
ზურა კილაძე,
ქეთევან ხალვაში,
ეთერ ბუჭიძე,
ნატო ოსანაძე,
მაია მესხიძე,
იზოლდა ლაშხია,
რუსუდან მეგრელიშვილი

ფსალმუნები

ფსალმუნი 50

ფსალმუნი ასაფისა

1. ღმერთების ღმერთი —
 აღონაი ალაპარაკდა
 და გაეზრახა ქვეყნიერებას
მზის აღსავლიდან
დასავალამდე.
2. სიონის მთიდან —
 მშვენებათა სრულქმნილებიდან
 გამოგვეცხადა უფალი ჩვენი.
3. მოვალს ღმერთი და
 მღუპარებას როდი მოიტანს —
 სახმილი მისი შემუსრავს ყოველს
 და შემოგარეს ქარიშხალი გარემოცავს.
4. მაღლით
 ზეცას და დედამიწას გაეზრახება
 განსაკითხავად თავისი ხალხის:
5. „შემომიკრიბეთ წმინდანთა დასნი,
 ვინც აღთქმა მომცა
სამსხვერპლოზე აღსასრულებლად“.
6. ცათა საუფლო განაცხადებს სიმართლეს მისას,
 რადგან ღმერთია მსაჯული იგი.
7. „ისმინე ჩემი, ჩემო ხალხო,
 და გაგენდობი,
 შენც, ისრაელო, დაგემოწმები, —
 ეს მე ვარ ღმერთი —
 უფალი შენი.
8. განა მსხვერპლისთვის დაგამუნათებ:
 მე შენი ყოვლად-აღსავლენი
შესაწირველი
 თვალწინ მეგულვის მარად და მარად.
9. არ შევიწირო ზვარაკები შენი სახლიდან,
 არცა წაგვეგარო ერკემლები
ფარებთა შენთა.
10. ჩემია ყოვლი ბინადარი ტყეთა და
ველთა,
 ნადირ-ცხოველი მირიად მათა;



11. შემისწავლია
მთიანეთის ყველა ფართოსანი
და მხეცნი უდაბნოსანი
ჩემთან არიან.
12. რომც მშვივრად დავშთე, არას გეტყვი,
რადგან ჩემია
დედამიწა და
სავსება მისი.
13. განა გაუძლები ზვარაკთა ხორცით,
ერკემლის სისხლით
მოვიკლავ წყურვილს?
14. შესწირე შენს ღმერთს
შენეული სამადლობელი
და აღთქმა შენი აღასრულე
მაღალთა შინა.
15. შეჭირვების ჟამს შემომღალადებ,
მე ავბედობას გამოგარიდებ,
შენ – საგალობლით
შეგასხამ ქებას.“
16. ბოროტეულს კი ესიტყვა ღმერთი:
„რისად ქადაგებ სამართალს ჩემსას
და ბავით დაგაქვს
ჩემეული აღთქმა-პირობა?
17. აკი შენ თვითონ განუდექ სწავლას
და სიძულვილით უკუაგდე
სიტყვანი ჩემნი.
18. ნახე ქურდი და
თანუდექი,
მეძავს მიანდე წილხვედრი შენი
19. ავის სათქმელად მომართე პირი,
განპოხილია შენი ენა
ლიქნით და ზაკვით.
20. ზიხარ და
ძმისთვის იზრახავ ბოროტს,
დედაშენის ძეს ამუნათებ
მოსაყიენებლად.
21. ესე ყოველი იმოქმედე
და მე დავდუმდი,
ალბათ გეგონა დამიმსგავსებდი,
მაგრამ გამხელ და
შენეულ ცოდვებს
დაუფარავად გაგიფენ თვალწინ.
22. თქვენ კი,
რომელთაც დაივიწყეთ უფალი თქვენი,
გულისხმაყავით ესე ყოველი,



- თორემ მოგსრავთ და
ველარავინ შეგვეშველებათ.
23. სამადლობელთა შემწირველნი განმადიდებენ
და მართალ გზაზე მოსიარულეს
ხსნა ღმერთისაგან მოვევლინება.“

ფსალმუნი 51

ლოტბარისადმი. დავითის ფსალმუნი.

რაჟამს მოვიდა მასთან ნათან წინასწარმეტყველი, მას შემდეგ,
როცა ბათ-შებაყთან შევიდა.

3. მიწყალე, ღმერთო, შენი წყალობით
და შენი მრავალმოწყალებით,
მოწყალევე ჩემო,
წარხოცე ჩემი დანაშაული.
4. განბანე ჩემი უკეთურობა
და ჩემთა შეცოდებათაგან
განმასპეტაკე.
5. რადგან მე ვუწყვი ჩემეული უსჯულობა,
დღენიადავ თანამდევენ
ცოდვანი ჩემნი.
6. შენ ერთს, შენ გცოდე,
უფალო ჩემო,
წინაშე შენსა აღვასრულე დანაშაული,
ჭეშმარიტია შენი სიტყვები
და უტყუარი —
სამსჯავრო შენი.
7. უსჯულობით ჩავისახე,
აჰა, ესერა,
ცოდვით დამბადა დედამან ჩემმან.
8. გესათნობა დაფარული ჭეშმარიტება
და განმიცხადებ იდუმალ სიბრძნეს.
9. მასხურე შენი უსუჰი და
განვიწმინდები,
განმბანე მე და,
უფალო ჩემო,
განვსპეტაკდები უფროის თოვლის.
10. მასმინე მე ხმა სიხარულის
და ხმა გალობის,
რომ ჩემი ძვლები —
ნაგვემი შენგნით
სასიხარულოდ აღმემძრას ისევ.
11. უკუარიდე პირი შენი
ცოდო-ბრალს ჩემსას,

- უსჯულობა წარბოცე ჩემი.
12. მართალი გული მომმადლე კვალად
და გვამსა შიგან განმიახლე
სპეტაკი სული.
 13. ნუ უკუმაგდებ, უფალო, შენგან,
ნუ წამგერი სულსა მშვენიერსა
სიწმინდის შენის.
 14. კვლავ განმახარე შენმიერი მაცხოვრებით,
განმადლიერე ზეგარდმო სულით.
 15. მე კი ვასწავლი უსჯულობებს
ბილიკებს შენსას, —
ცოდვილნი შენდა მოიქცევიან.
 16. მიხსენ სისხლიდან,
სისხლისთხევიდან —
ო, ღმერთო, ღმერთო,
ღმერთო ჩემი მაცხოვრების, —
და ენა ჩემი განადიდებს
სიმათლეს შენსას.
 17. განხვენი, უფალო, ბაგენი ჩემნი
და პირი ჩემი გიგალობებს ქება-დიდებას.
 18. რამეთუ მსხვერპლი შესაწირად, შენ არ ისურვე,
არც ძღვენი ყოვლად-აღსავლენი
არა ინდომე.
 19. ღმერთის მსხვერპლი და შესაწირაჲი მოდრეკილი და
მორცხვი სულია,
მორიდებულ და მოდრეკილ გულებს
ნუ მისცემ, ღმერთო, მოლიზდართა შესალანძლავად.
 20. იყავნ, უფალო, ნება შენი და
კეთილმძღეობა მოკმადლე სიონს
და ზღუდეები აღუშენე იერუსალიმს.
 21. მაშინ ისურვებ მართლის შესაწირს,
აღსავლენსა და
ყოვლად დასაწველს —
და სამსხვერპლოზე ზვარაკები აღველინება.

ებრაულიდან თარგმნა ჭემალ აჭაშვილმა



შოთა ზოიძე

უსანძვიო სონეტები

1.

წარსულის ხსოვნა მივაბარე კეთილ მეზობელს,
 მომავლის გზები დავაზმანე ტაძარს ზარებად,
 სიკვდილის შიშით ზიარება არ მეზარება,
 მე ჩემს ეზოში ყოველ დილით ვზვდები ეზოპეს.
 აქ აღიმართა უპირველეს ჯვარი ნინოსი,
 აქ აღვლინა რუსთაველმა ღვთიური ლოცვა,
 აქ მოინათლა, მზით აივსო და მერე, როცა
 თვალწინ დადუღდა ინდოეთი, განგი, ნილოსი,
 ყოველი ღამე მესწერ ოდის კართან ათია,
 სახელი მისი პოეზიის ათინათია
 და უკვდავა უკუნითი უკუნისამდე.
 ახლა აქა ვარ, აქ გაჩრილი სამარის პირას,
 აქ ჭირახისპირ ამოზრდილი ტირიფი ტირის...
 მე შორი გზა მაქვს გასავლელი მასთან მისვლამდე.

2.

ვინ იცის, იქნებ დამიღამდეს მასთან მისვლამდე,
 ეს გზა შორია, როგორც ცა და მიწა ერთიან,
 დღეს ჩემი შემწე ყოვლისშემძლე მზოლოდ ღმერთია,
 სამყაროს ჩემსას უმისოდ ვერ გადაწინლავენ.
 გულზე მაჩნია განაჩენი დროის და სივრცის,
 წლები, რომლებიც ამ უქამო ფაშში გავლიე,
 ავსილი ჯამით საწამლავე ბევრი დავლიე,
 უემური ფაში რას მიქადის არავინ იცის?!

და მაინც ვდგავარ ფეხშიშველი და თმააშლილი,
 ჩემი პობია ჩემს მღვლეკარე დროსთან კავშირი,
 დროსთან, რომელიც ყოველივეს გადააფასებს.
 მოდიდან გავა ყალბი ტაში, ყალბი ტიტული,
 ხელში შეგვრჩება ზოგიერთის მზოლოდ ფიტული
 და გაეხსნება ასპარეზი მრავალ ათასებს.

3.

შწამს გაეხსნება ცხოვრების გზა მრავალ ათასებს,
 მანამდე ყველა მედროვე და კონსერვატორი,
 მანამდე ყველა მექრთამე და მისი პატრონი,
 ჯერ კიდევ თავის უსიციხო გვამს ძვირად აფასებს.
 ჯერ კიდევ კახა ტრადიციის უარმყოფელი,
 სავსე თქოებს ვნებაშლილ ვირებს სთავაზობს.

ემორჩილება ცარიელ გვამს — „ჩემო ლამაზო“,
 ჩემო კეთილო, შენით მიყვარს წუთითიფელი“.
 ასე ნებდება, ეფერება, ელაქუცება,
 დღე, დღე თენდება და ღამდება ისე უცვლელად,
 შებინდებისას ცას გააკობს სტკენით ტორილა.
 ღამე დაცვარავს სამყურას და დიდის ნიაგით
 ხეების ჩრდილში შეივრხევა ტოტი ქლიავის
 და ოდის კარი გაიღება თითო-ორილა.

4.

შარაზე მგზავრი გამოჩნდება თითო-ორილა,
 ბებერი მწევესი გაუღდება მინდორში ნახირს,
 გამოვა გარეთ და წაბახვს გუგულის ძახილს
 ბიჭი — მერცხალი, ახტაჯან გოგო — ოლოლი.
 მზარზე შეისვამს სოფლის დილა ვეება კოცონს,
 მწვანე ბორცვებზე ცხრათვალა მზე გაფენს ხალიჩებს,
 ხეებს და ფოთლებს მხნეობას და სითბოს ანიჭებს
 და ბოსტნის ბოლოს ღოყაწითულ ყვავილებს კოცინს.
 მზით იმოსება დედუღეთის ყოველი ადლი,
 მოედინება წყაროსავით ბუნების მაღლი,
 თავს იწონებენ ნაბიანი მთები გარშემო.
 გაბნეულია და ზეიმობს ირგვლივ ყოველი,
 სხვა სასწაული შე არც მინდა და არც მოველი,
 ჩემს მამულში ვარ, ჩემს მიწაზე და ჩემს ხალხში ვარ.

5.

დარეკეს ზარი და აივსო ეზო ბავშვებით,
 ბავშვი ბავშვია და დარბიან ეზოს გარშემო,
 ჩვენი ბავშვებით საქართველოს მუღმივ ვალში ვართ,
 ვალს გადავიხდით უმოწყალოდ თუ არ დავმწერებით.
 შამფურა ბიჭი სამფეროვანს მოარხევს დროშას,
 ჩვენი იმედი, ჩვენი რწმენა, ჯაგარი ჩვენი,
 გოგონებს მკერდზე საქართველოს დროშები შევნით,
 დროშა, რომელიც თავისუფალს გვაუწყებს დრო-ჟამს.
 კეთილი იყოს ეს ავსება და განათება,
 თავისუფლების მტერის სიკვდილი და ანათება,
 ჩვენი სამშობლოს ბედ-იბაბი ჩვენთა ხელთ არი.
 გამოჩნდა სივრცე და ვარსკვლავმა გამოანათა,
 ბედის ვარსკვლავმა, ჩემო დო, ჩემო სანათა,
 ვხუდავ ვინ არის საქართველოს კარგი მხედარი.

6.

და ყოვლბა პატრონი და წინ გამზღავი.
კითხვა, რომელიც ჩვენ დავესვა თავად ცხოვრებამ,
პასუხს მოელის დროის სამი განზომილებით,
ახლა ჭირდება საქართველოს კარგი მხედარი,
ხატი და რჯული, ჩვენ რომ ჩვენი საქმე ვაკეთოთ,
ჩემი ხვედრია სიმათლესთან დამძობილება,
მე მშობლიური არაფერი მეუცხოვება.
ვარ მოდებული ღობე-ყორეს ვაზის ლერწივით,
სულ მალე ბუდეს მიატოვებს ჩემი არწივი,
მიატოვებს და გადმოხედავს ციდან სამყაროს.
მე კი, მე, ჩემო საქართველო, ჩემო ტაძარო,
შენ, ჩემო ღედავ, ხოლო სხვისთვის დედინაცვალო,
მოვდივარ შენსკენ, ვარსკვლავების მომყავს მაყარი.
მეტე ექნება მამულს ჩვენსას მზე და სიკეთე

7.

შენს ღელე-ღურდანს, შენს მთა-გორებს ვერვინ გამყაროს,
ჩემო მტანჯველო და ათასჯერ ჩემთვის ტანჯულო,
მტერი, რომელიც ვერ იქნა და ვერ მოვარჯულე,
იქნება სადმე ვიწრო გზაზე გადამყაროს.
ეს ახირება ნუ იქნება დარდის მიზეზი,
სადარდელს ჩემსას ვინ დაუღოს ზღვარი ბოლომდე,
ბოლომდე მენდე თუკი ერთხელ გულით მომენდე
და ნახე ჩემი სიყვარული უფაქიზესი.
ღმერთმა ქნას, წაღმა დატრიალდეს ჩემი ბორბალი,
მე წარსულს ჩემსას სისხლიანი მკვრიდი მოვანე
და შევუხვიე ვაზის ლერწით გულის იარა.
ახლა კი დროა, თავი მივცე მაღალ მწვერვალებს,
გაზაფხულისკენ მოვაბრუნო ეს თებერვალი,
რომ ჩემს ეზოში სინარულმა ჩამოიაროს

8.

დღეს მე ვიწამე მხოლოდ ერთადერთი საშუალება,
ყველაფერს ერთად ადგილი აქვს ზღვარში და დროში,
ცხოვრებისათვის კმარა ერთი უბრალო გროში,
სიცოცხლისათვის მხოლოდ წვა და მხოლოდ წამება,
ბუნებას უყვარს იღუმალი პარადოქსები,
ჩემი საზღ-კარი მოვარიდე ზეკასამიშ ზონას,
სასწორით ხელში დგას თემიდა, ყველაფერს წონის,
ეს არის ჩვენი ბედისწყურის დღე და მოსწრება.
თანდათანობით ფართოვდება ფიქრის საგანი,
— ვინ გაუზომა დედამიწას სიგრძე-სიგანე
და ვინ უწოდა ადამიანს ადამიანი?!
შეპოჭილია არტახებით ჩემი ცხოვრება,
ამქვეყნიური არაფერი მეუცხოვება,
რაღაგანაც, ვიცე, მეტისმეტად დავივიანე.

9.

დღეს მეცხრე დღეა, რაც დავწერე შენზე სონეტი,
მეცხრე სონეტიც აღიმართა, როგორც ცნობა მუხა,
მღვდარ ბედს ვერსად გაეცქევი, ვერსად წაუხვალ,
სულ სხვა საქმეა რა დრო არის და რა მომენტი.
გრიგალი ჩადგა, ზღვა დაწყნარდა, ცა მოიწმინდა,
თეთრ მანდილოსანს მიაქროლებს თეთრი კარეტა,
მე დღე და ღამე ატუხული ვარ შენს კარებთან,
სხვა არაფერი — მხოლოდ შენი სიცოცხლე მინდა.
ღმერთმა შეგინდოს, რასაც მტანჯავ, რასაც მასწავლებ,
ერთ მშვენიერ დღეს ყელფად გაქცევი მე შენს ნაწნავებს,
და კომედია ტრაგედით გათამაშდება.
მანამდე ჩემი აღსარება ვის ჩავაბარო,
ვის ჩავაბარო აღსარება ჩემო მთა-ბარო,
ვიდრემდის ჩემი ბოლოქარი სული დაშთება?!

10.

მეათე სონეტს მივაფურქვევი ჩემი სათქმელი,
ჩემი სათქმელი მივაზვავე მზეს და განგებას,
ვინ მეკითხება განგებ სოფლის მე რა გამგე ვარ,
შენ სად დაგტოვე, მე სად დაგვხვდი და შენ სად მელი?
მე საქართველოს ნაწილი ვარ სისხლი სისხლთაგან,
ხორცი ხორცთაგან საქართველოს მე ვარ ნაწილი,
ტანზე მაცვია შავი ჩოხა, შავი ყაწიით,
ვარ გარუჯული საქართველოს ცხელი მზისაგან.
შენს სინარულში ბევრი ჩემი ცრემელი ვერია,
მე ვიცე, შენს მრევლს ჩემი მტერი ვერ მოერიდა,
სასოწარკვეთის საფუძველი რა მაქვს თვარა კი?!
ღმერთო, მომასწარ იმ ჩემს ნანატრ თავისუფლებას,
მე შემოიძლია ჩემს თავს მივეც ამის უფლება,
შენთან მოვიდე და ქართულად გელაპარაკო!

11.

სიტყვა, რომელიც ვერ არ მოითქვამს, შენ შთამაგონე,
მისი იმედით დავალ ასე თავაწეული,
მისით სავსეა ყველა ნერვი ჩემი სხეულის.
შენ მე წარმტაცე საიდუმლო და დამაღონე.
მამინ, როდესაც „საქართველოს გოგოთას“ ვწერდი
და წიწამურის ტრაგედია გულზე მეხატა,
სხვა გზა არ იყო, ვალდ უნდა გადამეხნადა,
სულერთი იყო სად დავსვამდი მძიმეს და წერტილს.
მაგრამ გამონჩნდა უნებლიეთ კითხვის ნიშანი,
კითხვის ნიშანი შემპარავი და გამთითშავი
და ყველაფერი აირია, როგორც ბასარი.
მე აქ ვარ ახლა თქვენი მონა, თქვენი მორჩილი,
ჩემს გემბანს ტალღა მოასკდება თეთრი ყინოვით,
რომ ყველა ნენი დამიღწეოს, დამცეს თავსარი!



12.

წავიდა ის დრო, შენ რომ შენი გვეგონა მარტო,
 შენი გვეგონა ეს ქვეყანა, ის დრო წავიდა,
 ჩემი დრო დაღვა და ცხოვრებას ვიწყებ თავიდან
 და ერთი-ერთზე ვიწრო გზაში შეხვედრას ვნატრობ.
 შენი წარსული გახატია კახა გავაზე,
 შენმა პატრონმა ყელღვში თავი გაყო თავისით.
 თავისუფლება პატიოსან თვალად დავისვით,
 რა აზრისა ხართ, ქალბატონო, ახლა ამაზე?
 შესის ქმარს საცოდავს, კიდევ კარგი, ღმერთმა უშველა,
 და შენი კუროც მიიბარა მიწამ უშვერად,
 შენ კი აქ დარბი, რომ საყოთარ ცოდვებს უყურო.
 დღეს ყველაფერი მორჩილდება დროს და განგებას,
 უფლის განგებას, ქალბატონო, მე რა გამეუ ვარ.
 ღმერთმა მტერიც კი არ მანახოს ულუქმაპუროდ.

13.

აუი ძალივით ჯაჰვს აიწყვეტს მთებში არაგვი,
 თავვე ეშვება, ყუფით უტკვს „ატხილ ქალებს“,
 ამ პირველქმნილი სიღამაზით რად გავიმსჭვალე?!
 ამ გაზაფხულით მოსაკლავი არ ვარ თვარა კი.
 მე ბევრი რამე შევიძლე... და შევიყვარე
 ის, რაც მთავარი და მთავარზე უმთავრისაა,
 ჩემი მამული, ჩემი მხარე, ჩემი მესია,
 ჩემი მესია — ჩემი მიწა და ჩემი მხარე.
 ჩემი ცხოვრება გაცლევით უფრო რთულია,
 ვიდრე ჩანს, რადგან ხშირად შუკი გამორთულია,
 შუკი, რომელიც გადათუღავს ღამეს კუნაპეტს.
 თუთი არაგვი სიბნელეშიც არაგვიანობს,
 მოჰქუხს, მოღვლავს და არასდროს არ აგვიანებს;
 შავ არაგვს თავის ძლევაშილ ტალღებს უმატებს.

14.

„ტანო-ტატანო, გულწამტანო, უცხოდ მარებო“,
 რომელი ერთი ჩამოვთვალო, რომელი ერთი,
 მე შირჩევია თვალებს შენსას დეკოლტე მკერდი,
 ოღონდ ამეღამ, ოღნავ დიად სახლის კარები.
 ვწერდი და ვწავდი უმოწყლოდ, ვწერდი და ვწავდი,
 სიბილწეს შენსას ვერ დაიტკვს ჩემი სონეტი,
 მე არასოდეს არ ვყოფილვარ შენი პოეტი,
 სულ ერთი იყო ჩემთვის მაშინ, შენ როგორ ვწამდი.
 შესის წითელ მანდატს ასდიდა ლოგინის ხუნი,
 ჰალსტუხიანი ჯაყობის ვენებს და სურვლს
 ყოლილი და მედიღურად შეფარებული.
 მე ვაბულსა ვარ, თუნდ ამავინ მკერდით დანახე
 რომ არასოდეს არ ვიქნები შენისთანაზე
 გაყადრებული, რომ აღარ ვთქვა შეყვარებული.

15.

ენებათა ღელვა აბოხოქრდა, როგორც ორღანი,
 არჩევანს თავის კანონი აქვს, წესი და რივი,
 კანონის იქით იშხირება, ვინ არის იგი,
 ან ამ წერილმანზე ფიქრი ჩემი რატომ მოვლავე?!
 რატომ აივხო მოლოდინით ცვესვგამძლე ყუთი,
 პატარა გული — ბოხოქარი შავი ზღვის ტალღა,
 ვინ ეზიდება ფიქრებს ჩემსას მაღლა და მაღლა,
 ჩემი სიცოცხლე ასაფრენი წამაა ნუთუ?!
 განკითხვის ნაცვლად ბოხოქარი ტაში და ტაში,
 მეც იქ ვივავი, ურუანტელი მივიღია ტანში,
 არა მონური მორჩილების, არამედ — რისხვის.
 მე ის ცხოვრება შიშველ ტვინში მიყრიდა ნემსებს
 და ვწერდი ჩემთვის ვამიყუამდ უწინაწერ ლექსებს,
 რომ გაყინვოდათ მსუნავ ბოხებს ძარღვებში სისხლი.

16.

ვერ მოვარჯულე უკულმართი ბედი მღევარი,
 მივყვები ბილიკს ზოგჯერ სული მიჰიარავს კბილით,
 შხაპუნა წვიმა გადარტყნავს ბილიკებს დილით.
 მწვანე ფოთლებში გამოახელს თვალებს მტკვანი.
 მოულოდნელად აღიმართა წინ რუბიკონი,
 რა გაამართლებს თუ გადატყდა ხმალი ვადაში,
 მზის ნაფხურებს ცხელ ქვიშაზე წვიმა გადამღის,
 სივრცეს გახაზავს წერის გუნდი, როგორც სტრიქონი.
 დღიურებს ბევრი უდღეური სახელი შერჩა,
 ისე ვით ომის ისტორიას წყეული ქერჩი,
 უსახელოდ რომ შეიწირა ჩვენი ბიჭები.
 თითქოს ვიღაცამ გულზე ბასრი დანა დამისვა,
 წამით შეიწრა დედამიწა და ჩამონისლა.
 ცოტა კიდევ და ჩემს საფლავსაც დააბიჯებენ.

17.

ჩემს თვალწინ ბევრი ბოხოქარი წელი დასრულდა,
 წლები დასრულდა ძიების და „ელდორადისი“,
 სხვა დრო მოვიდა, სულ სხვა ყინი და სხვა პათოსი,
 სხვა გზა არა მაქვს და მაემის ვინმეზე წარსულთან.
 „სისხლიან სონეტს“ დაგადევნე ჭალარა რითმი,
 რათა სიმაღლე მივუმატო მამულის დროშას,
 წლები, რომლებიც ჩამეხარჯა იმ თახსირ დროში,
 წამოეწევა ჩემს ცხოვრებას მთლიანად თითქმის.
 ახლა, როდესაც ჩვენი ყოფნა-არყოფნა წყდება,
 ბევრი ნიღაბით შემოიხა და გული მწყდება,
 თავად გაზევატ ვერ გარჩევს მტყუანს და მართალს.
 დროსთან ჭიდილი ალაშხებს ისე ცხოვრებას,
 ჩვენ კი ზოგი რამ ტყუილურალოდ გვეუცხოვება,
 რადგან ქვეყანას უკანონო კანონო მართავს.

18.

დაუდევრობას ჩვენსა ჩვენი ღმერთი შეეწირეთ,
ღმერთი ღმერთია, იმიტომ, რომ იგი ერთია,
მე მაინც მჯერა ჩემი შემწე ისევ ღმერთია,
რადგანაც ჩემი წინათგრძნობა ახლა მტყწილად.
წუხლის ღობეზე შეფრენილი ყივის მამალი,
მიიზღაზნება კამეჩივით შუადღის ჩრდილი,
ქალმა, რომელსაც დაეკარგა ქალაქში შვილი,
ვერსად იპოვა დაქანცული სულის წამალი.
აგვისტოს მწუხრი ვარსკვლავების ციცინათულებს
მიერეკება და საამურ დილას ათენებს,
რომ ადამიანს გაუღვიძოს ჟინი ცხოვრების.
გამოზოგილი სათნოება გამოვევლია
და ძველებურად პაემანზე აღარ გველიან,
კარგს არ გვიქადის ერთმანეთის გაუცხოება.

19.

კვლავ მითვალთვალებს სიმარტოვე, როგორც აგენტი,
კვლავ აფიქსირებს ჩემს ნაბიჯებს მარჯვნივ და მარცხნივ
იოტისოდენა გულგრილობა, იქვე მარცხი,
შექსპირისულ ტრაგედიის ერთი ფრაგმენტი.
მე გამოვდივარ ტრაგედიის პატარა როლში,
თოვით ვაგარდა და უცერად დაეშვა ფარდა,
ვინ განიცადა ეს სიკვდილი პოეტის გარდა,
პოეტის გარდა ვინ დააკლდა ხალხსა და ცოლ-შვილს.
რამდენჯერ მწარე სიმართლე ვთქვი, იმდენჯერ მომკლეს,
არ დაინდობენ მომავალში ალგეთის ბოკერს...
რალას გვიშველის ცარიელი ვაი და ვიძი.
მწარეა ხვედრი მარტოსულის და მარტოკაცის,
როცა რევკენი თავზე გახის და სიქას გატლის,
შენ კი სამშობლო გელანდება და გვეწავს შიში.

20.

მეოცე სონეტს საუკუნეს ვეძღვნი მეოცეს,
რომელიც თითქმის ეს-ეს არის ზელში ჩაკვადნა,
სუფთა სინდისი, სუფთა ფიქრი, სუფთა ჟანგბადი
მე ჩემმა დიდმა წინაპრებმა გადმომიღოცეს.
„რევოლუციურს, ჯერ არ ნახულს, ჯერ არ გაგონილს“
ხალხი უსმენდა, ხალხი უსმენს გულმოდგინებით,
ის დაიღალა და იჯერა გული ვინებით
და პერონზე დგას მოლოდინში ბოლი ვაგონის.
მე იმ ვაგონით დამანახეს ცივი ციხიბრი,
გადავდე თავი, მოვაშურე შენსკენ სირბილით,
იმ გზით, რომელიც სამშობლოში მივეყვანს მხოლოდ.
ვინც მიცნობს, ყველამ კარგად იცის ჩემი წარსული,
მე ახლა განგებ არ ვახსენებ ხმალი საარსული,
ეს ყველაფერი ისტორიის ქურუმებს ვთხოვოთ.

21.

გვიანლოვდება საუკუნე ოცდამეერთე,
აქ ჩერნობილის ტრაგედია უსისხლოდ ბოლავს,
ჭეშმარიტება დადგინდება ბოლოს და ბოლოს,
ბოლოს და ბოლოს გაუგებენ მიწაზე ღმერთებს.
ბირთვული საფრთხე კურცხალივით ცაზე კიდაი,
ჩვენ არ გავკრებიტ ჩელენჯერის ეკიპაჟივით,
მე ვარ მძევალი სააკაძის ერთი ვაჟივით,
წუთიდა დამრჩა, რისკ-ფაქტორი ისე დიდია.
მადლობა უფალს, მეც ამ დღეებს რომ მოვესწარი,
მეც ამ სიხარულს ვეფერები ხსოვნის დღესავით
და ვიმეორებ ვამისჟამად – ჩვენთან არს ღმერთი.
ვიცი სიმართლე ხმალზე უფრო ბასრი ხმალია,
მაგრამ ეს ხმალი მხელზე მხელად მოსახმარია...
მინდა სიმართლე ჩვენს ვულეზში ცეცხლივით ენთოს.

22.

გალაკტიონი, ლეონიძე, იყო გრანულიც...
ავერ ახლახან დავიტირე გოგი ცაბაძე,
მე აქ ვარ ახლა, მათ სიკვდილში ვეღარ წაგაბე,
რომ არ მეხილა 9 აპრილის ცხელი ვაშაბი.
რომ გაუმრთელოს აპური უღელს მონობის,
რომ დააჩოქოს ჩვენი ურჩი გოგო-ბიჭები,
რა ამბავია, სოღანლულთან რატომ იტყუა?
საქართველოსკენ ჯარს მოუძღვის როდიონოვი.
ლოცვა კურთხევა აღავლინა უნეტარესმა,
ვიდრე დემონმა ჩვენს მკერდებზე დაწა ალესა,
გამოთვლილი აქვს ყველა წუთი მწითურ იუდას.
და ქართულ მიწას მივაბარეთ ოცი ცხედარი,
მერაბ კოსტავა კვლავ აქ არი, კვლავაც მხნედ არი,
მაგრამ სულ მალე იმათ სულებს ამბავს მიუტანს.

23.

მზემ შურდულივით სხივი სტყარცნა ზღვას მწვანე კონცხთან,
თეთრი მანდილი გამოირიგა ტალღამ ნაპირთან,
გუშინ ცხოვრებამ აქ ისეთი რამე დამპირდა,
რომ აგვისტოს ცას იღუმალი ვარსკვლავი მოწყდა.
ჩემ შემს მომავალს მივახედ წარსულისაკენ,
ბოლოს და ბოლოს საზღვარი აქვს უსაზღვროებას,
რით არის სხვაზე უარესი ჩემი დროება,
ან უკეთესი – ყოველივეს ვეძებ და ვარკვევ
მთავრობის სახლთან მოშიმშილე ხალხის კარავი,
ნუთუ არ ფიქრობს ხალხის ბედზე ახლა არავინ?!
ან რას ითხოვენ შაკოსანი მანდილოსნები?!
რეალისტური სპექტაკლები თვით ხალხმა დადგა,
თვით ხალხი გახდა გამგებელი ყველაფრის რადგან,
მე შემომიღია ვიოცნებო ნამდვილ ოცნებით.

24.

დრომ მოიტანა ყველაფერი ჩვენში რაც ზდება,
 ძირს ღოზუნები, მიტინგების გვიდგას დრო-ჟამი,
 პიროვნებების დიქტატურა უნდა მოვშალოთ,
 ყალბი დიდება ნულა, მაგრამ მაინც მარცხდება.
 დემოკრატია ზოგს პეონია ნარდის თამაში,
 რევოლუციის ტოლფასია მეტი თუ არა,
 წამოღება ზალხი და ქუხილით გადაუარა
 ძველს და დრომოჭმულს, რაც სუფევდა ჩვენს ქვეყანაში.
 მადლობა უფალს, ამ ყველაფერის ვარ თვითმხილველი,
 გადათვლილია წყალში თევზი, ცაში ფრინველი,
 ვისი ბრალია რომ არ მოგვცა ფუტკარმა თაფლი?!
 ზოგი ცალტვინა, ზოგი ბეცი, ზოგი პინგვინი,
 შემოსილია სხვისი წილი მზით და გვირგვინით,
 გვირგვინით არა ხელოვნურით, არამედ დაფნის.

25.

გადავიკითხე რობაქიძის „გველის პერანგი“,
 მზიანი დღეა და ფოთლებზე ნამი იცინის,
 რუსეთს ეწვია ემიგრანტი სოლჟენიცინი,
 ძველი აზრებით და ახალი არქაქელაგით.
 რუსი მწერალი რუსეთს ძველი მოდელით აწყობს.
 იმპერიული აზრი მართავს იმის გონებას,
 აწ უკრაინა აღარავის დაემონება,
 ჩვენი სირცხვილი ჩამოვრეცხოთ ჩვენსავე აწყობს.
 სოლჟენიცინი ემიგრანტი ბოლო რუსია...
 და, რა თქმა უნდა, სულს სხვას ფიქრობს ბელორუსია...
 კაცმა არ იცის საით წავა შუა აზია...
 კაცი, რომელიც ტყეშალს კრეფს და ბალი პეონია, —
 თვით ზალხმა შეთხზა და ზალხშივე გამოვინია,
 ყველა სიბრძნეზე ბრძნული სიბრძნე ზალხის აზრია!
 (გაგრძელება იქნება)





შესვლრა გამზირზე

რომანი

I

ნაშუადღევს, ერთ-ერთი სამცხიერო-კვლევიით დაწესებულებიდან, რომელიც ამ სამიოდე წლის წინათ ახალ შენობაში გადავიდა და, ასე ვთქვათ, თავის საბოლოო თავშესაფარი დაიმკვიდრა, გამოვიდა მოხდენილად ჩაცმული, სუფთად გაპარსული, მაღალი, ჭაღარა, სასიამოვნო გარეგნობის მქონე სოლიდური მამაკაცი და, ძველი ჩვეულებისამებრ, იქაურობას ისე მოავლო თვალი, თითქოს მის წინ შავი ლიმუზინი უნდა ჩამომდგარიყო, მაგრამ ირგვლივ ლიმუზინივით შავი არაფერი ჩანდა. დღე ნათელი და ალერსიანი იყო, ცა უმანკო, უწყინარი, ნაგებობათა კონტურები — მსუბუქი, მოოქროვილი. ბერიკაცმა ნიავისაგან აშლილ ჭაღარა თმაზე ხელი გადაისვა და გადაწყვიტა, სიჭაბუკე გაეხსენებინა, — გამზირზე ფეხით გაესეირნა. მის გმობედვაში იყო რაღაც ქედმაღლური, მომთხონი, მაგრამ საუწყებო მანქანა მას უკვე აღარ ემსახურებოდა, საკუთარი კი შვილიშვილს აჩუქა, რადგან ბოლო დროს მანქანის ტარება უჭირდა. ამიტომ მცირე ხანს შეჩერდა, ირონიულად გაიღიმა და შემდეგ ფეხით გაუყვა გზას. იგი არა მარტო გარეგნობით იყო სოლიდური, არამედ ასაკითაც. იმ დღეს, როცა სამცხიერო დაწესებულებიდან გამოვიდა, ოთხმოცდასამი წელი შეუსრულდა. თანამშრომლებს ეს თარიღი ახსოვდათ და, რა თქმა უნდა, მოულოცეს, მაგრამ ამ მოლოცვას აკლდა ძველებური რიხი, გაქანება და მდიდრულად დასაჩუქრება. აკლდა იმიტომ, რომ ორი ათეული წლის მანძილზე ამ ინსტიტუტის დირექტორი იყო, ახლა კი კონსულტანტად ით-

ვლებოდა და ხელში რეალური ძალაუფლება არ ეჭირა. მიუხედავად ამისა, ბედს მაინც არ ემდუროდა. იმ დროში და იმ ცოდვის კითხვაში, მან რომ გამოიარა, ოთხმოცდასამ წლამდე მოყრა სახუმარო საქმე არ იყო. ახლა, ამ სიმორიდან წარსული რაღაცნაირად გაბუნდოვანებული, გაფერმკრთალებული, არეულ-დარეული ჩანდა, მაგრამ რამხელა შინაგანი ძალა, ჭკუა, გამჭრიახობა, მოსალოდნელი წარმატებისა თუ წარუმატებლობის გათვალისწინება იყო საჭირო იმისთვის, რომ ბოლომდე დაუმარცხლებლად ევლო და იმ ასაკამდე მოეღწია, რომლის იქეთ ძრწოლა და ისეთ რაღაცეებზე ფიქრი იწყება, რაც მხოლოდ ხანდაზმული ბერიკაცების საფიქრალია. ცხოვრებისა და ოჯახის წინაშე ვალი მოხდილი ჰქონდა, არავისი არაფერი ემართა, თავისუფალი დრო მთლიანად მას ეკუთვნოდა და შექმლო ისე გაეტარებინა, როგორც მოისურვებდა. ინსტიტუტში ხანდახან თუ შეივლიდა, ისიც თავის შესახსენებლად, თორემ მისი კონსულტაციები არავის არაფერში სჭირდებოდა. არც ეკითხებოდა არავინ არაფერს. მაგრამ ამის გამო, საკმაოდ სოლიდურ თანხას, კონსულტანტობისათვის რომ ერგებოდა, რეგულარულად ღებულობდა. დღესაც ისე ჩაიდო ჯიბეში, როგორც კანონიერად გამომუშავებული. ასეთი იყო უსიტყვეო შეთანხმება მასსა და ადმინისტრაციას შორის და ამ შეთანხმებას მის სიკვდილამდე ვერავინ დაარღვევდა. ანდა რატომ უნდა დაურღვიათ? მართალია, აქტიურ ცხოვრებას აღარ ეწეოდა, აღარ იყო ჩაფლულხ ინტრიგებსა, ქიშპობასა და მახეზლ-

რობაში და თუ თვეში ორჯერ ხელფასს დებულობდა, ეს მან საზოგადოებრივი მოღვაწეობით, მუყაითი შრომითა და ორგანიზატორული ნიჭით დაიმსახურა, რაც დაუფასეს კიდეც. არც სამეცნიერო ხარისხები აკლდა, არც წოდებები და არც ვილდობები. ორდენებითა და მედლებით მთელი ყუთი ჰქონდა გამოტენილი. ამიტომაც არ ჩაიკეტა სახლში, ამიტომაც ეჭირა თავი ისე, თითქოს ჯერაც საჭირო კაცი იყო და ისე არ დაჩაჩანაკებულა, რომ მისი პროფესიონალიზმი მის დაბერებასთან ერთად გაუფასურებულიყო.

თუმცა, ასე ფიქრი სახიფათო უფრო იყო, ვიდრე გამამხნეველები და დამამშვიდებელი. ასაკს თავისი გაჰქონდა, სიღრმეებში ითრევადა და ფეხებს უსველებდა. ცხოვრების გარეგნული მხარე ისე აღარ აინტერესებდა, როგორც განვლილი გზა და იმის შეფასება, რაც უკან მოიტოვა, რაც სულ უფრო ძალუძად მოითხოვდა სიცრუის, სიყალბის, გამოუვალი მდგომარეობის მომიზეზების უკუგდებას და იმ ცხოვრების მკაცრი, უკომპრომისო თვალთ დანახვას, რომელიც მხოლოდ მისი იყო და სხვისი არავისი არ შეიძლებოდა ყოფილიყო. მართალია, ყოველივე ამაში გარკვევასა და ყველაფრისთვის შესაბამისი ადგილის მიჩენას მისი დაღლილი გონება კი არა, უახლესი ელექტროგამომთვლელი მანქანაც ვერ შეიძლებდა, მაგრამ ამის გამო ის ჰქმდა, პასუხს რომ სთხოვდა და ამ ბოლო დროს თითქმის ყოველდღე ახსენებდა თავს, არ სუსტდებოდა, არ იჩქმალდებოდა.

ფეხით სიარულს იმდენად გადაჩვეული არ იყო, რამდენადაც ეხამუშებოდა. საუწყებო მანქანა იმ დღიდან ემსახურებოდა, რა დღესაც ისინი ღირექტორებს მიამაგრეს. მაშინ ქარხნის ღირექტორი იყო და მანქანა ისე მოერგო, როგორც პირველი ორდენი. მას შემდეგ არც სამსახურში წასულა საზოგადო ტრანსპორ-

ტით და არც შინ დაბრუნებულა. იცვლებოდა მისი ცხოვრების წესი, ის ჩვევები, წლიდან წლამდე სულ უფრო ღრმად რომ იდგამდა ფეხს მის ფსიქიკაში. მერე, როცა ავტომანქანების მოსახლეობაზე გაყიდვა დაიწყო, ინსტიტუტისათვის გამოყოფილი პირველი ავტომანქანა თვითონ შეიძინა, მისი ტარებაც ისწავლა, მაგრამ საკუთარ მანქანაზე შეიღო დასვა და როცა საუწყებო მანქანა ფუჭდებოდა ან მძლოლი ავად ხდებოდა, სამსახურში შეიღს მიჰყავდა და უკანაც მას მოჰყავდა. ეს ჩვევა ისე ჰქონდა გამჯდარი ძვალრბილში, რომ ახლა თავს თუ დაჩაგრულად არა, იმაზე უფრო დაბერებულად გრძნობდა, ვიდრე სინამდვილეში იყო. შეიძლება ამ გრძნობას ისიც ამძაფრებდა, რომ ქუჩაში ფეხით მიმავალი უფრო დაუცველი, შეუნიღბავი, შეუჯავშნავი ჩანდა, მარტო შეუჯავშნავი კი არა, იმ საზოგადოებრივ წონასა და იმ მბრძანებლურ იერს მოკლებული, მანქანაში მჯდარს რომ ჰქონდა. ყველაფერი ეს აფორიაქებდა, საღერღელს უშლიდა, ზოგჯერ კი ისეთ ფიქრებამდე მიჰყავდა, აქამდე ახლოს რომ არ იკარებდა. მისი ხნის კაცისათვის სულიერი სიმშვიდის დაკარგვა ჯანმრთელობის დაკარგვასაც უდრიდა. ამიტომ ამ საფრთხისათვის რაც შეიძლება მალე უნდა მოედო ბოლო, თანაც სხვებისაგან შეუძინეველად, ისე, როგორც უადგილო ადგილას გამოსულ მუწუკს რომ გამორწყავენ ზოლმე.

გამზირზე ფეხით გამოსეირნებას მხოლოდ ის ამართლებდა, რომ მშვენიერი დარი იდგა, გაყვითლებული ფოთლები ფარფატიტ ცვიოდნენ ტროტუარზე და ფეხებში ებლანდებოდნენ. ამ ფოთლებს ჰგავდნენ მისი დაულაგებელი ფიქრებიც. სხვებს იმიტომ არ უნდა სცოდნოდათ არაფერი, რომ საკუთარ თავთან ჭიდილში მანიც ვერავინ დაეხმარებოდა — ვერც ცოლი, ვერც შვილები და ვერც მეგობრე-

ბი. თუმცა სად ჰყავდა მეგობრები. ვინც არ ჩამოუცილებია, თვითონ ჩამოსცილდა. ამიტომ სიბერეში მარტო დარჩა და ყოველ წყენას, ტკივილს, უგუნებობას თვითონ უნდა გამკლავებოდა, თვითონ უნდა ამოექოლა ის ბზარი, საიდანაც ცივი ქარი უბერავდა და მტრულად განწყობილი ფიქრები მოეთოკა. მართალია, ბზარი უცბად არ გაჩენილა, გაორება მისთვის უცხო ხილი არ იყო, მაგრამ ამ ბოლო დროს ისე გაფართოვდა, რომ მისი არ-შემჩნევა აღარ შეიძლებოდა. უკან მოხედვა ჟრუანტულს ჰგვრიდა, ტვინს უმღვრევდა, გაურკვეველობის ბურუსში ახვევდა. ამიტომ თავქარიანობა იქნებოდა იმის უგულვებლყოფა, რაც მის სიცოცხლესა და კეთილდღეობას საფრთხეს უქმნიდა. სიბერეში არა მარტო სიმშვიდე და უზრუნველყოფილი ცხოვრება სჭირდებოდა, არამედ წლების მანძილზე შესისხრობებული პირვილეგიებიც. პირვილეგიები იცავდნენ, ამხნევედნენ, დაფიქრების უფლებას არ აძლევდნენ, ხოლო კაცის მტერი რომ ფიქრია, ეს მან დიდი ხანია შეიგნო. სწორედ ზედმეტმა ფიქრმა იცის ნაადრევად გაჭაღარაება, სახის კანის დაჭკნობა, სულში წყლულის გაჩენა. აქამდე მისი უპირატესობა ის იყო, რომ ტვინი არასოდეს უჭყლუტია, არჩევანის წინაშე ორჭოფობა არ დაუწყია, განწყენებული იდეა საკუთარ კეთილდღეობაზე მაღლა არ დაუყენებია. ყოველთვის იმას აკეთებდა, რასაც მისგან არსებული ვითარება მოითხოვდა, ყოველთვის ისე იქცეოდა, როგორც სალი აზრი კარნახობდა. მთელი სიცოცხლის მანძილზე შრომა და პასუხისმგებლობა სხვებზე ნაკლები ჰქონდა, შემოსავალი და პირვილეგიები კი სხვებზე მეტი. სწორედ ამიტომ აფასებდნენ და აწინაურებდნენ. რა დაბადების დღეებსა და იუბილეებს არ უხდიდნენ, რა ხოტბას არ ასხამდნენ, რა საჩუქრებით არ ასაჩუქრებდნენ. მაგრამ მისმა ზარმაც დარეკა და ყველაფერი ეს

წარსულს ჩაბარდა. თანამდებობის რეკავსთან ერთად, ხელმძღვანელობისა და თანამშრომლების პატივისცემაც დაკარგა, აღარ ელაქუცებოდნენ, აღარ ემსახურებოდნენ, ზურგს უკან კი, ალბათ, დასცინოდნენ კიდევ. თუმცა ეს ასეც უნდა მომხდარიყო, ბოლო დროს ხელისუფლებისათვის ბრძოლის მეთოდები დაიხვეწა, ცინიზმი გაათავკვდა. ახალგაზრდა თაობას ცოდნაც მასზე მეტი ჰქონდა, ალღოც უფრო გამახვილებული და იმაშიც უფრო დაოსტატებული და დაგეშილები იყვნენ, რაც მისგან და მისთანებისგან ისწავლეს.

ბერიკაცს ისეთი გრძნობა ჰქონდა, თითქოს შინაგანად პატარავდებოდა, რიხი და სითამამე აკლდებოდა. ის სამყარო, ირგვლივ რომ ერტყა, ჩრდილებით ივსებოდა, ოდესღაც ნათელი აზრები იცრცებოდა, ბუნდოვანდებოდა. ამის დამადასტურებელი ფაქტი ერთ-ერთ თანამშრომელთან ბუფეტში შეხვედრა და მასთან გამოლაპარაკება იყო. ბუფეტში წყურვილის მოსაკლავად, ჩაის დასალევად შევიდა. დაკავებული მხოლოდ ერთი მაგიდა აღმოჩნდა. იმ მაგიდასთან ერთი უხიავი თანამშრომელი, რაულ ნამჯიშვილი იჯდა. თვითონაც არ იცოდა რატომ, მაგრამ იგიც ამ მაგიდასთან ჩამოჯდა, ჩაის ჭიქა წინ დაიდგა და შედარებით ახალგაზრდა კაცის ბოღმიან მხერვას წააწყდა. რაული შვეკვრემანი, შეუხედავი, უხასიათო კაცი იყო, მაგრამ უადრესად ნიჭიერი, მშრომელი და დაურიდებელი. თანამშრომლებს არა მარტო პირდაპირობისათვის არ უყვარდათ, არამედ იმის გამოც, რომ ბუნებამ მისთანა ახირებულ და შეუხედავ კაცს ნიჭი დაამაძღა. მიუხედავად ამისა, პატივს მაინც სცემდნენ და მასთან გამოლაპარაკებას ერიდებოდნენ. თვითონ ნამჯიშვილს კი ყველაზე მეტად ის აცოფებდა, რომ მისი ნიჭი ამაოდ იხარჯებოდა უნიჭობისა და უსაქმურობის ჭაობში, იმ

დაწესებულებაში, რომელიც ხალხით იყო საკვე, მაგრამ მისთვის მაინც უდაბნოს ჰგავდა. ამის გამო იბოლმებოდა, იღრინებოდა, საკუთარ გულს ასკდებოდა. ერთი-ორჯერ გოგოებიც კი მიუგზავნეს, იქნებ ცოტა მოტყედეს, მორბილდესო, მაგრამ მისი ხაზგასმული უყურადღებობით გაანჩნლებულნი უკან გამოიბოდნენ. აი, ასეთი კაცი იჯდა მის წინ და პურსა და ძეხვს ისე შეექცეოდა, თითქოს ერთიც მოწამლული იყო და მეორეც. სხვა დროს არათუ მის მაგიდასთან ჩამოჯდებოდა, არც კი შეამჩნევდა, მაგრამ ახლა რაღაცამ უბიძგა, რაღაც ისეთმა, რაც გაცნობიერებული არ ჰქონდა.

— როგორ ბრძანდებით, ბატონო ექს-დირექტორო? თქვენ რომ დაგინახეთ, ისეთი გრძნობა შემექმნა, თითქოს ამ ხალხორეში ბნელი ღერეფნიდან შემოიბარეთ, — უთხრა რაულმა და გაქონილი ხელები ერთმანეთს შეაწმინდა.

— მას შემდეგ, რაც დირექტორი აღარა ვარ, ბოლმა კიდევ უფრო მოვამატებიათ, რაულ.

— ამ სიკეთეს ჩვენში რა გამოლევს, ბოლმა რომ არა, ქვის სროლას იმ დღიდან დაიწყო, რა დღესაც აქ ფეხი შემოვდგი.

— ის დღე მეც კარგად მახსოვს, ჩემო რაულ, და მაშინ უღვაშებაცმაცუნებული ვირთხის გამოძეგვება უფრო გქონდათ, ვიდრე ქვის მსროლელის.

— მაშინ არ ვიცოდი, სავირთხეში თუ ამოვყოფდი თავს. რაც შეეხება ქვის სროლას, იმ დროს ამისათვის ციხეში სვამდნენ კაცს.

— თქვენ თუ გვინათ, მარტო ეს ინსტიტუტია სავირთხე, ძალიან ცდებით. სავირთხეა მთელი ეს ქვეყანა. გარდა ამისა, ქვის სროლა სრულიადაც არ ნიშნავს შეამბოხებას. თქვენ ის გაცოფებთ, სიბნელეში რომ ვერ პოულობთ იმას, რისი პოვნის იმედიც გქონდათ, მაგრამ სიბნელეში რომ რამე იპოვო, ცოტაოდენი სი-

ნათლე მაინც უნდა შემოდიოდეს საიდგენ-
ლაც.

— საიდან უნდა შემოდიოდეს სინათლე, როცა ყველა სარკმელს, ყველა ჭუჭრუტანას თქვენისთანა ბნელეთის მოციქულები ეფარებიან ზურგით. თუმცა ეს თქვენი პირდაპირი მოვალეობაა და, რას იზამთ, ბნელის გასაშუქებლად თავს ხომ ვერ გაიფუჭებთ. მაგრამ დავანებით ამას თავი. ყველაზე მეტად ის მაკვირვებს, რატომ ხარჯავთ ამდენ ფულს იმაში, რაც არ გჭირდებათ, — მეცნიერებასა და ხელოვნებაში. აი, ამისათვის მართლაც უნდა გაგადროთ ტყავი კაცმა, მაგრამ სადაა პატრონი.

დრო შეიცვალა, თორემ ასეთი რამ რომ გაეფიქრებინა კიდევ რაულ ნამჯიშვილს, ხმამაღლა მაინც არ იტყოდა.

— ჩვენ იმის ყიდვა კი არ გვინდა, რაულ ბატონო, რაც თქვენ მიგაჩნიათ ფასეულობად, არამედ იმისი, რასაც ილუზია ჰქვია და რაც პურზე ნაკლებად არ სჭირდებათ გლახაკთა და უპოვართ. რა შეგიძლიათ მისცეთ თქვენ ადამიანს იმის ფასი, რასაც ჩვენ ვაძლევდით და ჯერაც ვაძლევთ ხალხს. ჩვენი საქმიანობის მასშტაბებთან შედარებით, თქვენი ლაბორატორიაში ფუსფუსი ჩხირკედლობაა და მეტი არაფერი.

— იცით, რას გეტყვით, ბატონო ექს-დირექტორო, დიდ ტყუილს ისეთივე მყრალი სუნი უდის, როგორც პატარას. თუ თქვენს მიერ შეთითხნილი ილუზია ასე საჭიროა ხალხისათვის, თქვენმა თავმა რაღა დავიშავათ, რატომ არ იზიარებთ, რატომ აქარწყლებთ თვალთმაქცობითა და ცინიზმით. თქვენ აქ უპოვარნი და გლახაკნი ახსენეთ. იმაზე მეტი უზნეობა რა შეიძლება იყოს ამ ქვეყანაზე, ვიდრე უპოვართა და გლახაკთა შეგნებულად მოტყუება?

— თქვენ ჯერ ახალგაზრდა და გულბრყვილო ხართ, ჩემო რაულ. მას

შემდეგ, რაც კაცობრიობა არსებობს, უპოვართ და გლახკათ ყოველთვის ატყუებდნენ და დღესაც ატყუებენ. სწორედ ამისთვის იქმნებოდა მითები, რელიგიები, იდეოლოგიები. უიღუზიოდ იმის ატანა, რასაც ცხოვრება ჰქვია, თითქმის შეუძლებელია.

— თქვენ როგორღა იტანთ?

— ჩვენც გვიჭირს, მაგრამ ჩვენ ქურუმები ვართ და უნდა ავიტანოთ.

— ქურუმები კი არა, ხელისუფლების მიმტაცებლები და მოძალადეები ხართ. ძალად ახვევთ ხალხს თავზე ისეთ სისულელებებს, რაც საღ აზრსა და ისტორიულ გამოცდილებას ეწინააღმდეგება. იქ, სადაც თქვენს ბატონობასა და მჩხიბობას წყალი უდგება, ყოველგვარი ღოგია, ყოველგვარი ზნეობა გამორიცხულია. ეს კი, არა მარტო ცინიზმია, არამედ მძიმე დანაშაულიც. თუმცა ცოდვა და დანაშაული ყველას ერთად იმდენი გაქვთ ჩადენილი, ვერავითარი საწყაულით ვერ აირწყვება.

რაულ ნამჯიშვილი თანდათან ემხში შედიოდა და ბრალმდებლის როლი უფრო მოსწონდა, ვიდრე განმსჯელის.

— ბოროტება, დანაშაული და სისასტიკე თუ მატულობს, ჩემო რაულ, თორემ კლებით ჯერჯერობით არ კლებულობს. ასე იყო წარსულში და ამას ისტორია ცხადად ადასტურებს. ცხოვრება საცერია, კაცობრიობას კი მოკლე მენსიერება აქვს. ერთი საუკუნის შემდეგ ყველაფერი ის, რაც ჩვენში ხდება, რომანტიკული ელფერიით შეიმოსება და ისინი, ვისაც შენ ახლა ბრალს სდებ, დამნაშავენი კი არ იქნებიან, არამედ დიადი პერსონაჟები. მათი სახელი ძლიერებასთანაა დაკავშირებული, ძლიერებს კი ხალხი არ ივიწყებს. ისტორია იგივე მითია და ამ მითის გამოყენება ყველას ისე შეუძლია, როგორ ინტერპრეტაციასაც მისცემს. რა დროც უნდა დადგეს, ვის რა ექნება იმის საწინააღმდეგო, რომ ქვეყნად ადამიანის მიერ

ადამიანის ექსპლუატაცია მოისპობს სოციალური თანასწორობა დამყარდეს, ვინ დაარქმევს ბოროტმოქმედებას იმას, რომ საზოგადოების მიერ შექმნილი დოვლათი მთელ საზოგადოებას ეკუთვნოდეს და არა მხვეჭელებს, ვინ დაადანაშაულებს კაცთმოძულეობაში იმას, ვინც უშუშვერობას ადამიანის დამამცირებელ მოვლენად თვლის? ღრმა კვალს ისტორიაში იდეები ტოვებენ და არა მათი კონკრეტული გამოვლინებანი. ის, რაც იყო, არავის სტკივა, მტკივნეული ის არის, რის ზემოქმედებასაც საკუთარ თავზე განიცდი.

— ტყუილა ფიქრობთ, რომ ყველაფერი ისე იქნება, როგორც თქვენ აქ დახატეთ. ხალხი უკვე იღვიძებს, თავისუფლება სიბრძავესა და სიყრუსაგან. ზოლო როცა თქვენს ძვირად ღირებულ იღუზიას მთლიანად მოიშორებს თავიდან, ისეთ რამეებს გამოვიჩნრეკთ, რაც გაცნობიერებულნიც კი არა გაქვთ. ხალხიც და ცალკეული პიროვნებებიც იმაზე გონიერია, ვიდრე თქვენ გგონიათ. აი, ესაა თქვენი ყველაზე დიდი შეცდომა და სწორედ ამან გამოუთხარა ძირი თქვენს პროვინციულ ყოყლოჩინობას.

სიბერეში ბევრ ისეთ რამეზე აეხილა თვალი, რაც მანამდე შეუმჩნეველი რჩებოდა. წესით, ეს ქვების მსროლელი კაცი უნდა სძულებოდა, თუ არ ეძულებოდა, ამგვარი დამოკიდებულება მაინც უნდა გამოემყლანებინა მის მიმართ, მაგრამ წლების მანძილზე გამოუმუშავებულმა ჩვევამ ამჯერად უღალატა. მოპაექრე ცნობისმოყვარეობას უფრო იწყვედა, ვიდრე სიძულვილს და ეს ცოტათი აფიქრებდა. სიძულვილის გომნობის დაკარგვა საკუთარი თავისადმი პატივისცემის დაკარგვას უდრიდა. იგი შეგნებულად დადგა იქ, სადაც იდგნენ ძლიერნი ამა ქვეყნისა, სადაც გულჩვილობა და შემწყწნარებლობა ლაჩრობად ითვლებოდა. ამიტომ არ უნდა დალაპარაკებოდა, თავი არ უნ-

და გაეტოლებინა ისეთი კაცისათვის, მის წინ რომ იჯდა და გულს იოხებდა, მაგრამ საკუთარ თავს ვერ ერეოდა, იმასაც ვერ ახერხებდა, რომ ამდგარიყო და იქაურობას გასცლოდა.

— ჯერ ერთი, რაულ ბატონო, მითები, რელიგიები და იდეოლოგიები პროვინციებში იქმნება და არა მეტროპოლიაში, ასეთი შობადობისათვის მეტროპოლია ბერწია და ჯანსაღ ნაყოფს ვერ იძლევა, მეორეც, თქვენ კიდევ დიდხანს ინანებთ, ის ილუზია რომ გათელეთ ფეხით, რომელიც პურს გაჭმევდათ და გასულდგომულბდათ. დაიწყებთ ბოლიალს ერთი მცდარი აზრიდან მეორისაკენ, დაისისხლიანებთ ფეხებს, ჩაიხლუჩით ხმას, მოუშვებთ წვერს, დაიმშვეით და დაზღმურტიანდებით, მაგრამ იმას მაინც ვერ მიაგნებთ, რაც ახლა სწორი და გონივრული გეჩვენებათ. ჩაერევიტ ისეთ რამეებში, რაც თქვენი საქმე არაა, ერთის მაგივრად, ას და ათას შეცდომას დაუშვებთ, არა მარტო გაბოროტდებით, არამედ საკუთარ სისხლსა და ხორცსაც კი არ დაინდობთ და მართლა ისე დაევიწროვდებით და გაპროვინციალდებით, რომ დღის სინათლეზე გამოსვლას ბნელ სოროში ჯდომას ამჯობინებთ. თქვენ რომ ბოლომდე გქონდეთ გაცნობიერებული, ვინა ხართ და რა დონეზე დგახართ, დაუფიქრებლად არ დაიწყებდით ქვების სროლას და ღვარძლიან ბეუტურს.

— ბარემ ისიც დაგემატებინათ, ბატონო ექსდირექტორო, რომ თქვენი გადაშენების შემდეგ, მეორედ მოსვლის ხანა დადგება. ბატონობა სიცრუითა და მუქარით დაიწყეთ, მთელი სიცოცხლე უგუნურობასა და უზნეობაში გაატარეთ, ახლა კი, როცა სიკვდილი მოგიხთლოვდათ, როცა ინგრევა ის გოდოლი, ქოხებსა და მიწურებს ზემოდან რომ დაჰყურებდა, მეორედ მოსვლას გვიწინასწარმეტყველებთ.

თქვენი უბედურება ისაა, რომ ყველაფერი გარყვინით და გაათახსირეთ, ხელჩასაჭიდი არაფერი დაიტოვეთ. სისხლის დაღვრა და დასჯაც კი არ შეგიძლიათ ისე, როგორც ამას თავის დროზე თქვენი სულიერი მამები აკეთებდნენ. მათ სწამდათ მაინც რაღაც, თქვენ კი რწმენასაც აქციეთ ზურგი, ღმერთსაც და ხელში შეგრჩათ მარტო სიკვდილი, რომლის გაშიშვლებულმა სახიერებამ შეგზარათ, გონება დაგიჩლუნგათ, ისეთ ჩინში გამოგამწყვდიათ, საიდანაც გამოსავალი არ არსებობს. ჩვენ შეიძლება ერთხანს მართლაც გამტვრიოთ ქოთნები, საბედისწერო შეცდომები დაეუშვათ, მაგრამ ბოლოს მაინც გავალთ იმ გზაზე, ყველა ჭკუათმოყოფელმა რომ უნდა იაროს.

— ეს გზა ბევრს დაუწყია იმედით და უიმედობით დაუმთავრებია.

— უიმედობით ისინი ამთავრებენ, ვინც ილუზიას დროშასავით აფრიალებს და მარცხს გამარჯვებად თვლის.

— ბედისა და გზის არჩევაში არის რაღაც მაცდუნებელი, მომნუსხველი, და, ასე წარმოიდგინეთ, სასაცილოც კი.

— ეს ახლა გახდა მომნუსხველი და სასაცილო, თორემ იმ გზამ, თქვენ რომ აირჩიეთ, სიცილსაც გადაგაჩვიათ და ხუმრობასაც. სიცილი დაცინვად, მკრეხელობად გეჩვენებოდათ.

— ეს იმიტომ, რომ ჩვენ კი არ ვლახლანდარობდით და ვხუმრობდით, მართლა საქმეს ვაკეთებდით.

— ხუმრობით არც ჩვენ ვხუმრობთ. რაც შეეხება საქმეს, გამუქთახორება დიდ საქმიანობას არ მოითხოვს. თქვენი ერთი დიდი დანაშაული ისიცაა, რომ ხალხი შრომას გადააჩვიეთ, ფასეულობას ფასი დაუკარგეთ. ყველაფერი ეს ახლა უკან შემოგიბრუნდათ და თქვენც ისე ვაგაუფასურათ და გაგამცონარათ, როგორც თქვენ აუფასურებდით და ამცონარებ-

დით ცხოვრებას.

ნახევრად ჩაბნელებულ ბუფეტში კომბინირებული ცხიმის, თამბაქოსა და ნესტის სუნი იდგა. ყველაფრს, რაც ირგვლივ ჩანდა, ჩრდილებსაც კი, სიდუსჭირისა და სიბეჩავის ფერი ედო. ეს ფერი განწყობილებას ასუსტებდა, აძაბუნებდა. ხელოვნურად განათებულ დღეს მხოლოდ კედელზე დაკიდებული საათი ანიჭებდა რეალობას. ცხოვრება კარგავდა მიმზიდველობას, რიტმს, უსახურდებოდა, უბადრუკდებოდა, მაგრამ ყველაფერი ეს ხდებოდა მის მიღმა, სხვების ბუნაგებსა და სორობებში და ამიტომ ისე ვერ თრგუნავდა, რომ საკუთარი თავი დაევიწყებინა. მის დამოკიდებულებას ამ პირქუშ, წვერგაუპარსავი კაცისადმი მისივე მდგომარეობა აპირობებდა და არა განწყობილება. განწყობილებას მისთვის არ ჰქონდა ის მნიშვნელობა, რასაც ნევრასტენიკები ანიჭებენ. წონასწორობიდან ადვილად ვერც გესლიანი სიტყვა გამოიყვანდა და ვერც დაუფარავი სიძულელი. სიძულელი მისთვის უცხო ხილი არ იყო, ამ გრძნობას ყველგან ჰქონდა გასავალი, სადაც კი უცხოვრია. გარდა ამისა, სხვებზე უკეთ იცოდა, როგორ შეენარჩუნებია და დაეცვა ის, რაც წლების მანძილზე მასში შემოვიდა და დამკვიდრდა. ამიტომ აქამდე არც სინდისი აწუხებდა, არაფერს სთხოვდა ისეთს, რისი დაშვება და გამართლება არ შეიძლებოდა. დღემდე მას ურთიერთსაწინააღმდეგო მოსაზრებების გამთლიანებაც ეხერხებოდა და თუ იღიმებოდა, მხოლოდ იმიტომ, რომ ტყუილად ფიქრობდა მისი დამთხვეული თანამშრომელი და მოწინააღმდეგე, ორივე ბეჭზე დავდო.

— ასეა საქმე, ბატონო ექსდირექტორო და თქვენთვის, ალბათ, უკეთესი იქნებოდა, დღეს აქ არ შემოხეტებულყავით. თქვენისთანა ნაპატივები კაცი საერთო სათქველფავში უსიამოვნების მეტს არა-

ფერს გადაეყრება, — უთხრა რაულ ნამჯიჯიძე. ჯიშვილმა ნიშნის მოგებით.

— თქვენ თუ გგონიათ, რაულ ბატონო, ყველაფერი ისე წარიმართება, როგორც თქვენა გაქვთ წარმოდგენილი და ნავარაუდები, მეტისმეტად ბეცი და წინდაუხედავი ყოფილხართ. ცხოვრებას ძალების მოსინჯვა უფრო უყვარს, ვიდრე ნაფიქრალისა და ნაოცნებარის გამართლება. გარდა ამისა, მოწინააღმდეგის წინასწარ დაშინება და განწირვა არც ისე ღირსეული საქციელია.

— რატომ არ დაიქცევა ეს ქვეყანა, როცა თქვენისთანები ზნეობასა და ღირსებაზე იწყებენ ლაპარაკს, — წამოიძახა რაულ ნამჯიშვილმა და ისედაც ვიწრო თვალები კიდევ უფრო დაუვიწროვდა. — თუმცა თქვენ ხომ ყველგან და ყოველთვის მართლები, უცოდველები იყავით, მაშინაც კი, როცა გამცემლობასა და ჯალათობას კისრულობდით. შეიძლება პირადად თქვენ ამგვარი საზიზღრობები არ ჩაგიდენიათ, მაგრამ ეს არაფერს ცვლის. კოლექტიური ბოლოტმოქმედებისათვის მთელმა კოლექტივმა უნდა აგოს პასუხი და არა ცალკეულმა ურჩხულებმა.

— თქვენ, ჩემო რაულ, იმიტომ აღმოჩნდით ბარიკადის მეორე მხარეს, რომ ახლა ეს ხელსაყრელი და მომგებიანია, თორემ ისეთი ბოროტო მიზანდასახულობით განმსჯვალული კაცი, როგორიც თქვენა ხართ, კომუნისტების აღმავლობის პერიოდში პარტიის ღონისძიებათა უკომპრომისო გამტარებელი და უპირისპისლიანესი ჯალათი იქნებოდით. და იცით, რატომ? იმიტომ, რომ ბოსელში ხართ დაბადებული და გაზრდილი. დემოკრატია თქვენთვის ისეთივე უცხო ხილია, როგორც თეთრი დათვისათვის ბანანი. თქვენი გულისწყრომა, პათეთიკა, ამბიციები გაცვეთილი, ვულგარული და უდღეურია, რადგან წინ კი არ იყურებით, არამედ უკან, სიბნელეში, საიქედნეში,

სადაც უგუნურობა, უსულგულობა და გა-
ნუკითხაობა სუფევს...

უეცრად ბერიკაცი გონს მოეგო და
შეჩერდა. იგრძნო, ხმას რომ ძალა ემატე-
ბოდა და ცხვირ-პირში სისხლი აწვებო-
და. ეს კი სიბერით გამოწვეული სისუსტე
უფრო იყო, ვიდრე მოწინააღმდეგის უხე-
შობისა და უზრდელობის შედეგი. აქამდე
ამგვარი რამ არ ემართებოდა, ასე იოლად
არ ეგებოდა პროვოკაციაზე. ამიტომ ჩაის
ჭიქა ლამბაქიანად გვერდზე გასწია, ფეხ-
ზე წამოდგა და ისე გაეცალა იქაურობას,
თითქოს ნამჯიშვილი საერთოდ არ არსე-
ბობდა ამ ქვეყანაზე.

II

მტერისა და მზის სხივებისაგან დამ-
ძიმებული ჭადრები თავიანთ წილ სივრ-
ცეს ისაკუთრებდნენ და ძველ სახლებს
ძველებურ კოლორიტს უნარჩუნებდნენ.
ბერიკაცი წელგამართული მიჰყვებოდა
ტროტუარს, დროდადრო ჰალსტუხს ის-
წორებდა და ცდილობდა რაღაც ისეთს
დასხლტომოდა ხელიდან, რისგანაც თავის
დაღწევა იოლი საქმე არ იყო. ახირება
თუ არა, რაღა მაინცდამაინც დღეს მოუ-
ნდა გამზირზე ფეხით გამოსეირნება, რა-
ღა დღეს აეშალა საღერდელი და გადაა-
ბიჯა იმ ზღვარს, რომლის მიღმა ხეტიანი
სახიფათო იყო? რა უნდა ენახა აქ
ისეთი, ასჯერ და ათასჯერ რომ არ უნა-
ხავს? ყოველი შენობის ფასადი, ყოველი
ბოძი, ხე, ვიტრინა, რეკლამა მის მეხსიე-
რებაში ისე იყო ჩაჭედებული, რომ დანითაც
ვერ ამოფხეკდი. აქ რომ ყველაფერი თავ-
დაყირა გადატრიალებულიყო, მაინც
არაფერი შეიცვლებოდა. ორიოდ შენო-
ბის გარდა, ყველა სახლი მასზე ხანდაზ-
მული, რამდენჯერმე შელებილ-შეკეთე-
ბული, მასზე მეტი კარგისა და ავის მომს-
წრე იყო, მის თვალწინ იცვლიდა პატრო-
ნებსა და აბრებს, მის თვალწინ იჩრდილე-
ბოდა და მის თვალწინ იღვიძებდა ღამეუ-
ლი ზმანებებისაგან. ეს გამზირი და მისი

კოლორიტი იმიტომ აღარ იტაცებდა
თვალს, რომ თბილისში დაიბადა, თბი-
ლისში გაიზარდა და თუ არ ჩავთვლით
სტუდენტობის წლებს და ნებაყოფლობით
გადასახლებას, მთელი სიცოცხლე თბი-
ლისში გაატარა. ისიც კი ცხადად ახსოვ-
და, ამ ქუჩაზე რომ კონკეტი დარახარაზე
ბდნენ, ოთხკუთხა ქვებით მოფენილ ქვა-
ფენილზე ეტლები დაჰქროდნენ და ტრო-
ტუარზე იმ დროისათვის მოდურად ჩაც-
მული თბილისელები დასეირნობდნენ.
ყველაფერი ეს მის მეხსიერებაში არა მა-
რტო აღბეჭდილი იყო, არამედ თბილად
შეფერადებულიც.

თბილად იმიტომ ახსოვდა, რომ ბა-
კშობის შთაბეჭდილებები იყო, შემდეგ
კი დრო ცოფიანივით გახელდა, ცხოვრე-
ბა აიშალა და აიბურძგნა, გაძვირდა პუ-
რი, გაიფუდა სისხლი, მაგრამ ამ ქარტე-
ხილებს მან იმთავითვე აუღო ალღო.
სხვებივით კი არ დაიბნა, დაფრთხა და
დაგლახაკდა, არამედ სულის მხნეობა
მოიკრიბა, დროს დროულად მოეგო და
ამ ცხოვრებისაგან იმაზე მეტი მიიღო,
ვიდრე ერგებოდა. დიდი ნიჭითა და შრო-
მისუნარიანობით არც გიმნაზიაში გამო-
იჩრეოდა და არც უმაღლეს სასწავლებე-
ლში. იყო საგნები, რომელთაც გულს ვერ
უდებდა და თუ ამის საშუალება ეძლეო-
და, სხვებს იზმარებდა. საერთოდ, სხვე-
ბის გამოყენების ნიჭი დაბადებიდანვე და-
ჰყვა. სამაგიეროდ ყველა თამაშს უღებდა
აღლოს და ჩინებული ტანმოვარჯიშე
იყო. სპორტის ამ სახეობაში არც გიმნა-
ზიაში და არც უმაღლეს სასწავლებელში
ტოლი არ ჰყავდა. იმ დროს სპორტსა და
სპორტსმენს ის დაფასება არ ჰქონდა,
როგორც შემდეგ დააფასეს, თორემ შეი-
ძლება პროფესიონალი სპორტსმენი და-
მდგარიყო. თუმცა, რით სჯობია სპორტ-
სმენის კარიერა იმ კაცის კარიერას, ვინც
ორი დისერტაცია დაიცვა და დოქტორი,
პროფესორი და ინსტიტუტის დირექტო-

რი გახდა. მართალია, არაფერი აღმოუჩინია, მეცნიერებაში კვალი არ დაუტოვებია, სამაგიეროდ კვლევითი ინსტიტუტი დააარსა და მის მუშაობას ოცი წელი ხელმძღვანელობდა. ადვილი საქმე არც დირექტრობაა, მასაც ნიჭი და მოქნილობა სჭირდება. ჯერ ერთი, თანამდებობა უნდა მოირგო, შეიშნო, ყველას უნდა დაანახვო, რომ შენ კი არა ხარ თანამდებობისათვის შექმნილი, არამედ თანამდებობა შენთვის, მეორეც, ქერცლი და ჭუჭყი ინტელექტსაც აქვს და ამ ჭუჭყმა რომ სხვები არ გასვაროს, დროზე უნდა გადაუკებო გზა.

საერთოდ კი კვლევითი ინსტიტუტი ისეთივე ბიუროკრატიული დაწესებულება იყო, როგორც ადმინისტრაციული სამმართველოები. ადამიანები აქაც ლუკმა პურზე იყვნენ მიჯაჭვულნი და მათ ურთიერთობასაც ამ ლუკმის სიმსუფხე-სიმწვარე განსაზღვრავდა. ეს კი გაუთავებელ ინტრიგებს, მახუზღარობას, ენის მიტან-მოტანას, თანამდებობისათვის ბრძოლას იწვევდა, მაგრამ აპოგეას მაშინ აღწევდა, როცა ბინები იყო დასარიგებელი ან ავტომანქანები გასანაწილებელი. ამ დროს იწყებოდა ისტერიკები, ღრიალი, ტირილი, გულის შეღონება. ყოველივე ამას დაშოშმინება, გათვალისწინება, ისე მოგვარება სჭირდებოდა, რომ არც ინსტიტუტის პრესტიჟი შეღალხულიყო და არც მგლებს დაეჭამათ ცხვრები. მაგრამ ყველაზე მთავარი დირექტორისათვის მაინც ისაა, რომ სასკანდალო ამბები დროზე გამოავლინოს და მანამდე აღკვეთოს, სანამ ხმები გარეთ გააღწევდეს და მთელ ქალაქს მოედებოდეს. ვისაც ეს არ შეუძლია, დირექტრობაზე არც კი უნდა იოცნებოს.

ბერიკატი ერთხანს შეჩერდა, იქაურობას თვალი მოავლო, მაგრამ როცა საყურადღებო ვერაფერი დაინახა, ისევ განაგრძო გზა. ბოლო დროს მხერამ დაკარგა ის სიმახვილე და გამჭრიახობა, რითაც

ერთ დროს თავი მოჰქონდა. ზოგჯერ ისევე, თითქმის რამე კარგავდა სახეს, სახის მეტი რომ არაფერი გააჩნდა, ზოგჯერ კი ისეთი რამე იძენდა ფერს, მუდამ უფერული რომ იყო. შეიძლება ამ გამსუფუბასა და გათალხებას იმდენად მხედველობა არ იწვევდა, რამდენადაც გამრუდებული წარმოდგენა, შეიძლება შუქი და ჩრდილი მის შეგნებაში უფრო ირეოდა, ვიდრე იმ გარემოში, ირგვლივ რომ ერტყა. მიუხედავად ამისა, მხედველობიდან მაინც არ გამოორჩენია, როგორ აირეკლნენ ვიტრინის დიდ მინაზე შემოდგომის მზის სხივები და მის ფეხებთან დაიბნენ. მათმა ანარეკლმა უფრო გაათბო, ვიდრე დასიცხა. სითბო და მოფერება მას სწორედ ახლა სჭირდებოდა, ახლა უნდოდა სხვის ხელს გაეკეთებინა მისთვის ის, რისი გაკეთებაც საკუთარი ხელით აღარ შეეძლო, მაგრამ სითბოსა და ალერსს მისთვის არავინ იმეტებდა. ანდა რატომ უნდა გაემეტებინათ, იგი ამ ბოლო დროს, სიცოცხლის მიწურულში მოთბა და მოთვინიერდა, თორემ ამ ათიოდე წლის წინათ არავისაგან არავითარ თანაგრძნობას არ თხოულობდა, პანაშვიდებზე და გასვენებებშიც ვალის მოსახდელად დადიოდა, ვიდრე იმის გამო, რომ მიცვალებულს პატივს სცემდა და ებრალებოდა. სხვისი სიკვდილი მაშინ მისთვის ჩვეულებრივი, ბუნებრივი ამბავი იყო და გულს არ ეკარებოდა. იმ დროს სიკვდილზე ფიქრს კიდევ იმიტომ გაუბროდა, რომ იმ საზოგადოებაში, სადაც ტრიალებდა, სიკვდილზე ფიქრი და ლაპარაკი სისუსტედ, სილაჩრედ, უიდეურობად ითვლებოდა. ამიტომ ის სიმძიმე, სიკვდილზე ფიქრს რომ ახლავს თან, ერთბაშად დაატყდა თავს. ამ სიმძიმისათვის რომ გაემლო, ვიღაცას ან რაღაცას უნდა ჩასჭიდებოდა, მაგრამ ის ვიღაც, ვის წინაშეც მუხლს იყრიან, პირადად მას შერისხული ჰყავდა. არადა, უმიხოდ არა მარტო ცხოვრება კარგავდა

აზრს, არამედ მთელი ის ტანჯვა-წამება, კაცობრიობამ რომ გამოიარა. ამიტომაც უმძიმდებოდა ნაბიჯი, ამიტომაც ეუცხოებოდა ბავშვობიდანვე ნაცნობი ქუჩის რიტმი, ამიტომაც ეპარებოდა ახალშობილივით შიშველი აზრი, რომ მასაც დაუდგა მარტოობის, დაკნინებისა და კვდომის ხანა. მოულოდნელი, რა თქმა უნდა, ამაში არაფერი იყო, მარტოობა ადრეც არაერთხელ უგრძნია, მაგრამ ის სხვაგვარი მარტოობა იყო, არსებობის უგუნურობითა და მოწყენილობით გამოწვეული მარტოობა, ახლანდელ მარტოობას კი მისი სულის ხანახების გავერანება, მეხსიერების გაბუნდოვანება, აჩრდილებად ქცეული ადამიანების გაუსახურება იწვევდა. როცა კაცს წარსულის მეტი არაფერი უჭირავს ხელში, გარიყავს და მარტოობას ვერსად გაექცევა, მაგრამ ამას წინათ სადღაც ამოიკითხა, უკან მიტოვებული წლებიც სიმდიდრეაო და სხვა თუ არაფერი, ეს სიმდიდრე მაინც ეყვრა ჯერჯერობით ხელთ.

მისი ცხოვრებისეული გზის კიდევ ერთი უპირატესობა ის იყო, რომ სიბერე ერთბაშად, მოულოდნელად კი არ დაატყდა თავს, არამედ დიდხანს, ნელ-ნელა ეპარებოდა და უწყინრად, უმტკივნეულოდ დაბერდა. მოხდა ისე, რომ მის ორგანიზმში მიმდინარე ბიოლოგიური პროცესები თვით მას გამორჩა მხედველობიდან, სიბერემ მორიდებით მოუკაკუნა კარზე, რისთვისაც მადლობის მეტი რა უნდა ეთქვა გამჩენისათვის, მაგრამ ბოლოს მაინც დგება დღე, როცა ვერც სხვას დაუმალა და ვერც საკუთარ თავს, რომ ყავილი გაგივიდა, შენი დრო მოჭამე, დაბერდი. და ეს ხდება არა შეუმჩნეველად, არამედ ყველას თვალწინ, თანამშრომლებისა და მეგობარების გულის გასახარად. ამის შემდეგ სანუგეშოდ ის გრჩება, რომ ადამიანურად, წესიერად დაბერდი და სხვებივით არ აყოლებულხარ, არ აგიტყ-

ხია ერთი აურზაური.

ზოლო წესიერად რომ იცოდებოდა ამ ქვეყანაზე და წესიერად რომ დაბერდა, ამაში ეჭვი არ ეპარებოდა. წესიერად დაბერდა თუ არა, აბა რა ჯანდაბაა, როცა შენს სიცოცხლეში არაეინ მოგიკლავს, არაეინ გაგიცია, არაფერი მოგიპარავს, არ გაყომარაბაზებულხარ, უგონოდ არ გალექმილხარ, არც სხვისი და არც საკუთარი ქონება არ გაგიფლანგავს, ცოლისა და შვილებისათვის თითი არ დაგიკარებია, ურცხვი, უტიფარი და გამომძალველი არასოდეს ყოფილხარ, ოჯახი უპატრონოდ და ულუკმაპუროდ არ დაგიგდია? მეტი რა უნდა ქნას ერთმა კაცმა? თუ ესეც დასაფასებელი არაა, მაშინ არ ყოფილა საშველი და ისაა.

ამავე დროს რამდენი მისი ნაცნობი და ამხანაგი მოტეხა ცხოვრებამ, რამდენი ჩაიყვანა უდროოდ საფლავეში. ზოგს ალღომ უღალატა, ზოგს ზომიერების გრძნობამ. სვამდნენ და ჭამდნენ იმდენს, რამდენსაც ვერ ინელებდნენ, ქალს მანამდე არ ეშვებოდნენ, სანამ არ მოყირჭდებოდათ ან რაიმე სკანდალურ ისტორიაში არ გაებმებოდნენ. რამდენი შეცდენილი ქალიშვილი მოუწყვია ინსტიტუტში უფროსებისა და კოლეგების თხოვნით, რამდენ მანიკიერებაზე და უმსგავსებაზე დაუხუჭავს თვალი. თვალის დახუჭვა იმიტომ ეხერხებოდა, რომ მამა აბრამის ბატკანი არც თვითონ იყო, არც თვითონ იკლებდა იმას, რაც რანგით ერგებოდა, მაგრამ ხარბი და მდაბიო არასოდეს ყოფილა, არც ქონება აკვირვებდა და არც თანამდებობა. ამიტომ შინაც და გარეთაც წესიერი კაცის სახელი ჰქონდა მოხვეჭილი და თუ გაორებულ ცხოვრებას ეწეოდა, ეს სრულიად არ ნიშნავს, რომ ვინდარა და სალახანა იყო.

ის სინამდვილე, მისი მეხსიერების ფსკერზე რომ იყო დალექილი და ის გარემო, ირგვლივ რომ ერტყა, ერთმანეთს

ვერ ავსებდნენ და შინაგან დაძაბულობას იწვევდნენ, რის შედეგადაც დრო ინლიჩებოდა, ღია სივრცე აღმავალ-დაღმავალ ქუჩებად იტოტებოდა და არაფერს შეიცავდა ისეთს, მისი დღევანდელი განწყობილება რომ დაეშოშმინებინა. დაშოშმინება კი აუცილებელი იყო, რადგან სისხლი ედგა ძარღვებში, რომელსაც არაბუნებრივად, არანორმალურად ფუნქციონირება არ შეეძლო. ამიტომაც პატარავდებოდა საკუთარ თვალში და ის ლაქები, მის გარდა რომ ვერავინ ხედავდა, სინდისის ქენჯნის ნიშნებად მიაჩნდა. სინდისის ქენჯნა კი მისი საქმე არ იყო, ვერ ითავისებდა, ვერ ჰგუობდა და ჩვეულებისათვის რომ არ ეღალატა, გამზირზე რომ არ გამოხეტიალებულიყო, მოჯარულ ფიქრებს უკან დაახევიანებდა, მომწიფების, მოღონიერების საშუალებას არ მისცემდა, რადგან ამგვარმა ფიქრმა ზრდა, გამრავლება, შებოჭვა და კაცის გასრესა იცის, მაგრამ დღეს ვერც უკან ახევიანებდა და ვერც ფრთებს აკვეცდა. ასეთ ხასიათზე მაშინ დგებოდა, როცა ვიღაც ან რაღაც კალაპოტიდან ამოაგდებდა, ისეთი მხრიდან მოუკვლიდა ან ისეთ რამეს შეახსენებდა, რაც შუღლით, ბოღმით, პირადი ამბიციებით უფრო იყო ნაკარნახევი, ვიდრე ცხოვრებისეული აუცილებლობით. დრო ისევ იღვარჭნებოდა, წუთისოფელი ისევ მუხთლობდა და ზემო სართულებიდან პანტა-პუნტით ცვიოდნენ ნაჯალათარნი, ნაყაჩადარნი, ნაკაცარნი, კატასავით ოთხ ფეხზე დგებოდნენ და არა მარტო რწმენასა და რჯულს იცვლიდნენ, არამედ თავს იწინვლავდნენ და მომნანიებლობასაც კი იჩემებდნენ.

გასულ წელს ერთი ძველი ნაცნობი ეწვია, ორგანოების არაერთხელ დაჯილდოებული, დამსახურებული მუშაკი, რომლისაც ერთ დროს, სხვებთან ერთად, მასაც ეშინოდა. ამ კაცის სტუმრობამ არა მარტო გააკვირვა, შეაცბუნა კიდევ. ვერაფრით გაეგო, რა საქმე შეიძლება ჰქონო-

და მასთან, რით დააინტერესა და მოინტერესა? მიუხედავად ამისა, მაინც შეიპატიჟა. სტუმარმა სახლში შემუშუბული, მორღვეული, სხეულების, ტანჯვისა და უაზრობისაგან გაშავვითლებული სახე შემოიტანა. აღარსად ჩანდა მისი სიუხეშე, სიგოროზე, აზროვნებას მიუჩვეველი კაცის თავდაჯერილობა. მის წინ იდგა კაცი, რომელიც სწორედ ფიქრმა და სინდისმა გააწამა. ის, რაც მას ბოლო დროს თავს გადახდა, ყურმოკრულად იცოდა. სანამ მსახურობდა, პატივისცემა და დაფასება არ აკლდა, მაგრამ ცხოვრება გამრულდა, იმ ცოდვებისათვის, ადრე რომ ჰქონდა ჩადენილი, მისი სამსახურში გაჩერება აღარ შეიძლებოდა და მისივე თხოვნით დაითხოვეს სამსახურიდან. ამასობაში ცოლიც მოუკვდა, დარჩა მარტო, სხვების ხელის შემყურე. მიუხედავად ამისა, დიდკაცობა და მბრძანებლობა მაინც ვერ მოიშალა. ამის ატანა მისი ოჯახის წევრებმა აღარ ისურვეს. ერთხანს უთმინეს, შემდეგ აუხირდნენ, საკუთარი ბინიდან გამოაგდეს, მოშორებით ერთი ოთახი უყიდეს და რაც მისი იყო, იმ ოთახში შეუყარეს. თანამდებობის დაკარგვამ და მარტოობამ ფიქრებისა და საღერღელის აშლა იცის. შეუჩნდა ეშმაკი, აჯიჯგინა საკუთარი თავი და ისე მოაქცია, რომ მასში იმ კაცის ლანდიც კი არ დარჩა, რაც იყო.

ამ კაცის სტუმრობას არაფრით არ მოელოდა, ცნობითაც კი ძლივს იცნო. სასიკეთო საქმეზე რომ არ იყო მოსული, ამას დიდი მიხვედრა არ უნდოდა და ამიტომ ოჯახში კი არ მიიღო, არამედ კაბინეტში შეიყვანა და მეუღლეს იქ მოატანინა ყველაფერი, რაც კი გასამასპინძლებლად დასჭირდებოდა. სახლში ყოველთვის ჰქონდა საუცხოო კაზური ღვინოები და, ცხადია, ორიოდვე ჭიქის ვადაკვრა ამ შინაგანადაც და გარეგნულადაც მოჭმულნილი კაცისათვის მისწრება იქნებოდა.

როცა წაიხმეს და ერთმანეთის შეთვალეობა-შემოთვალეობით გული იჯერეს, სტუმარმა ჯიქურად ჰკითხა:

— იცი, რატომ გესტუმრე? მინდოდა მენახა, აგეხილა თვალი თუ ისევე დაბრმავებული ხარ?

დაუპატივებელი სტუმრისაგან არც მოურიდებულ კითხვას მოელოდა და არც პათეთიკურ გამკითხაობას. იყო ამ გამკითხაობაში რაღაც მოუფიქრებელი, აუწონ-დაუწონავი, უფრო ბრალმდებლური, ვიდრე მომნაიებლური. ჯერჯერობით მას მარცხი, დამცირება უფრო ალაპარაკებდა, ვიდრე მოსალოდნელი კატასტროფა. თუმცა, ეს მხოლოდ ვარაუდი იყო. შეიძლება სიბერემ, სიკვდილის მოახლოებამ უფრო შეაშინა, ვიდრე ერთ დროს უფროსების რისხვა აშინებდა. შეიძლება ამ შიშმა დააკარგინა რწმენაც და ხსნის იმედიც, მაგრამ მის თვალში, იგი არ იყო ის კაცი, ყველაფერი რომ ბოლომდე გადაეფასებინა და ჯოჯოხეთის ცეცხლიდან განწმენდილი გამოსულიყო. ყოფილ ფუნქციონერს ისიც კი ამბობებდად მიაჩნდა, სინამდვილეს რომ თვალი გაუსწორა, წარსულს რომ უდიერად იხსენიებდა. ეტყობა, მეამბოხეობით თავი მოჰქონდა, დიდ გაუკაცობად მიაჩნდა და ისეთ ადამიანებს ეძებდა, ვისაც ან თანამოაზრედ გაიხდიდა, ანდა ნამუსზე შეაგდებდა, კედელთან მიაყენებდა. ეს უფრო სპეკულაციას ჰკავდა, ვიდრე ჭეშმარიტების გზაზე დადგომას. ამიტომ სტუმარს ისევე უდიერად უპასუხა, როგორც მან განიკითხა.

— განსხვავება ჩვენს შორის ისაა, რომ თვალი მე ყოველთვის ახელილი მქონდა და ბრმად კი არ ვთვალთმაქცობდი, არამედ შეგნებულად.

— ისე ამბობ, შეგნებულადო, თითქოს შეგნებულ მეძავეობას, შეუგნებელთან შედარებით, რაიმე უპირატესობა ჰქონდეს.

— უპირატესობა ისა აქვს, რომ თქვენს მითებსა და კერპებს ემსახურებოდით, მე კი საკუთარ ინტერესებს.

— მით უარესი შენთვის. ეტყობა, მართალია, რომ ამბობენ, შენდობას ის კაცი იმსახურებს, ვინც უმეცრების გამო სცოდავს, ვიდრე ის, შეგნებულად რომ სჩადის სისამაგლესო.

— ეგ ძველი ზღაპარია და მხოლოდ მაშინ აგონდებათ, როცა სანუგეშო სხვა არაფერი რჩებათ. თქვენმა შეუგნებლობამ იმდენი სისხლი დაგადრევეინათ, რომ აღარ იცით, ხელები სად წაიღოთ. მე კი ხელები სუფთა მაქვს და იმისათვის, რასაც მივადწე, არც არავინ გამითელია და არც არავისთვის გადამიბიჯებია.

— მაღე, ალბათ, იმასაც მეტყვი, არავინ გამიციაო?

— შენ წარმოიდგინე, მართლა არავინ გამიცია. და არა იმიტომ, რომ სხვებზე უკეთესი ვიყავი ან უდანაშაულო კაცის გაცემას თავის განწირვა მერჩია. ამხელა კეთილშობილება რომ მქონოდა, დღეს ამ სავარძელში არ ვიჯდებოდი. გამცემლობა იმიტომ არ ვიკისრე, რომ ვიცოდი, როგორ გამათხსირებდნენ, რა ჯოჯოხეთშიც ამოვყოფდი თავს და ყველაფერი ვიღონე იმისათვის, რომ ამ ჯოჯოხეთისათვის თავი დამეღწია.

— სხვისთვის რომ ამგვარი რამ გეთქვა, შეიძლება დაეჯერებინა, მაგრამ მე, ძველმა ჩეკისტმა როგორ დაგიჯერო, რომ მოგვატყუე, ხელიდან დაგვისხლტი?

— თქვენი მოტყუება არც ისე ძნელი იყო, როგორც თქვენ გგონიათ. იმაზე უკეთესები, რაც ახლა ხართ, არც მაშინ იყავით. მიზნის მისაღწევად ყოველთვის უმარტივეს, უპრიმიტიულეს მეთოდებს იყენებდით და არასოდეს არ ცდილობდით ტვინი გაგენძრიათ, ისეთი ბაღე მოგექსოვათ, ვერავინ დაგსხლტომოდით ხელიდან. ახლა შენ ჩემს დოსიეს არავინ გაჩვენებს, მაგრამ კარგი იყო, ეჩვენები-

ნათ. მაშინ არ შემოძვრებოდი აქ მონანიე მელიასავით და ბრალდებებს არ წამომიყენებდი.

— ძალიან თუ გინდა, დაგიჯერებ, მაგრამ ახლა ამას მნიშვნელობა არა აქვს. ახლა მთავარი ისაა, მართლა წაწყმედილნი, უკეთურნი და ცოდვილნი ვართ, თუ ჩვენი უგუნური მძინვარების გამართლება რითიმე კიდე შეიძლება?

— საკითხის ასე დაყენება იმას ნიშნავს, რომ ჯერ კიდე ილუზიების ტყვეობაში ხარ, — უპასუხა მან და ისეთი გრძნობა შეექმნა, თითქოს სტუმარმა მის კაბინეტში სიცივე შემოიტანა და აჩრდილები შემოიღო, რამაც კიდე უფრო გააღიზიანა, რადგან მისი ბინის კუთხე-კუნჭულები აჩრდილების საბუდარი არასოდეს ყოფილა. უსიამო გრძნობას ისიც იწყვედა, ამ სულწაწყმედილმა კაცმა საკუთარი თავის ზელახლა ძებნა მაშინ რომ დაიწყო, როცა ძებნას არავითარი აზრი აღარ ჰქონდა. ადრე ასეთებს საგიჟეთში ამწყვდევენ, ახლა კი, თუ დასაბმელი არ იყო, საკუთარი თავის ჯიჯგნის უფლებას აძლევდნენ.

— როგორ ფიქრობ, ვგავარ მე იმ კაცს, ვინც თავზე ნაცარს იყრის და ცოდვების შიშით აღარ იცის, რომელ წყალს მისცეს თავი? — ჰკითხა მან სტუმარს, რომელსაც თითები ისე დაკრუნჩხვოდა, რომ ჭიქის აღება უჭირდა.

— ტყუილა მოგაქვს ამით თავი. ახლა შეიძლება არ ჰგავხარ, მაგრამ ერთი დრო არავის შერჩენია და არც შენ შეგრჩება. ადრე თუ გვიან, ის ჭუჭყი, შიგნით რომ გაქვს დაგროვილი, საიმედო ჯებირს გააღვევს, აიძვრება, აბოძობდება და ისე გაგაშიშვლებს, რომ თავი არსად გექნება გამოსაყოფი. აი, მაშინ ვნახავ, როგორ იყოფლოჩინებ და იკოპწიაკებ!..

— ცხოვრების დასრულება რომ უფრო ძნელია, ვიდრე მისი დასასრულამდე მიტანა, ეს ბანალური ჭეშმარიტებაა, მა-

გრამ ერთი რამ მაინც მაკვირვებს: რატომ უნდა მოვიშხამო და მოვიწამლო ისევე, როგორც შენ მოიშხამე და მოიწამლე? ამ ქვეყნად ჩვენ არც ერთად გვივლია და არც იდეური თანამებრძოლები ვყოფილვართ.

— როცა საქმე წარსულს ეხება, ამას მნიშვნელობა არა აქვს. ესა თუ ის ეპოქა კი არ ხჩადის ცოდვებს, არამედ ამ ეპოქის შვილები. ამიტომ ჩვენ ერთი დალით ვართ დადალულნი, ერთად ვჭამდით სისხლიან პურს. იმათ შორის, ვინც სამართლებრივ ან ზნეობრივ დანაშაულს სჩადიოდა, მართლმე არ ვყოფილვართ. მე თუ ჯალათი და ვიგინდარა ვიყავი, ჯალათი და ვიგინდარა იყავი შენც. ამიტომ ჯალათებმა და ვიგინდარებმა ერთად უნდა აგონ პასუხი იმაზე, რაც მოიმოქმედეს და არა ცალ-ცალკე.

— მე მეგონა, რაღაც გადააფასე, განიწმინდე, განკაცდი, მაგრამ, ეტყობა, ვიგინდარობა და გაიძვერობა მოუცილებელი ჭირია. რა თქმა უნდა, ინდივიდუალურ პასუხისმგებლობას კოლექტიური გირჩევნიათ. ერთობლივი დანაშაული დანაშაულად არც კი ითვლება, რადგან უპიროვნო, უსახელდებულაა. რაც უფრო მეტია დამნაშავე, მით უფრო ნაკლებია ყოველი მათგანის წვლილი. გაანგარიშება სწორია და ამგვარ გაანგარიშებას მხოლოდ ჩვენში თუ მოიგონებდნენ.

— წარსულის შეფასების დროს ანგარიშსწორება კი არ არის მთავარი, არამედ მართლწესრიგისა და სამართლიანობის აღდგენა. თუ სამართლიანობა არ აღსდგა, ჩვენზე ცოდვილნიც კი ჩვენზე მართლები აღმოჩნდებიან და თითოეული ჩვენგანის ცოდვები ერთი ათად დამძიმდება. ახლა კი რა ხდება, ყველა დასჯილი, დამსჯელი პირისისხლიანი ჯალათიც კი, მართალია, ყველა დაუსჯელი დამსჯელი კი — დამნაშავე.

— ამაში გასაკვირი არაფერია. ასე

ხდებოდა ყოველთვის და ასე ხდება ახლაც. თქვე მამაცხოვნებულებო, ისიც გინდათ, რომ საკუთარი სიკვდილით მოკვდეთ, უსახელო, საერთო ორმოში კი არ დაიმარხოთ, არამედ წინასწარ შერჩეულ, მხოლოდ თქვენთვის გათხრილ სამარეში და ამხელა სიკეთის საფასურად არაფერი გინდათ გაიღოთ. თუმცა თქვენ ისეთი ხალხი ხართ, ყველაფერი რომ ეცოტაჰყება, შავი მიწაც კი. თქვენ რომ სამართლიანობას მოითხოვოთ, რაღა თქვან იმათ, ვისაც თქვენი წყალობით საფლავიც კი არ ეღირსა.

— ვთქვათ და იმაში, რომ საფლავი არ ეღირსათ, მე მიმიძღვის ბრალი, მაგრამ შენ და შენისთანები ჩემს მიერ გამოტანილ განაჩენს მხურვალე ტაშს უკრავდით. ტაში რომ არ დაგვეკრა, ახლა ამ კაბინეტში არ იქნებოდი გამოტყვევებული მონურ-ბატონკაცური გამომეტყველებით. ბინებსა და თანამდებობებს ტყუილად, ლამაზი თვალებისათვის არ იძლეოდნენ. შენ აქ კაცის გაყიდვაზე ჩამოაგდე სიტყვა და ბრიყული სიამაყით განაცხადე, არავინ გამიყიდიაო. რა განსხვავებაა გაყიდვასა და სულის გაყიდვას შორის. ჩვენ უსულო ხალხი ვართ და სხეულს იმიტომ ვუფრთხილდებით, რომ სხვა არაფერი გაგვაჩნია.

სანამ სტუმარი მჭევრმეტყველებდა, მან ცოტაოდენი ღვინო მოსვა და როცა თვალმა ნაცნობი სივრცე ისევ შეკრა, პირდაპირ ჰკითხა:

— ვერ გამიგია, რა გინდა ჩემგან? ამოგიდგე გვერდით და გურაზუნოთ ერთად თავი კედელს?

— აქამდე შენ ჯერ არ მისულხარ. რომ მიხვიდე კიდეც, კედელზე თავის საჩუხურებლად ვაჟკაცობა არ გეყოფა.

— სისულელეებისათვის მე მართლაც არ მყოფნის ვაჟკაცობა.

— სისულელეებს შენ იმას ეძახი, რაც არ გსიამოვნებს, რაც შენს თავს იმ სახით

დაგანახებს, როგორიც ხარ. ზიხარ, რომ იმობასავით და გაიძახი, ხელები სუფთა მაქვს, სისხლი არ მცხიაო. ყველაფერი ის, რასაც შენ დაუმსახურებლად დაეპატრონე, სისხლის ფასადაა შექმნილი, იმათი სისხლის ფასად, ვინც საკუთარ საფლავს ვერ ეღირსა. სისხლითაა მორწყული ის გზა, შენ რომ საერთაშორისო ვაგონით გაიარე და იმავე ვაგონით დაბრუნდი უკან. სისხლი ჟონავს ჭერიდან, კედლებიდან, იატაკიდან. თვალი წითელი ფერის მეტს ვერაფერს აღიქვამს, შენ კი მოკალათებულხარ აქ ჩასუქებული მატლივით და ცინიკურად იკრიჭები.

ეს უკვე უზრდელობა, თავზელობა იყო. მხოლოდ ახლა ინანა, ამ შუღლით გატყენილ კაცს კარი რომ გაუღო და შინ შემოუშვა.

— შენ თუ აქ იმისთვის მოხვედი, რომ შენი სისხლიანი ხელები მე შემაწმინდო, ახლავე ადექი და გადი აქედან, — უთხრა მან სტუმარს ისე, როგორც ეკადრებოდა და ფეხზე წამოდგა.

ფეხზე სტუმარიც წამოდგა.

— მე კი წავალ, მაგრამ მალე აქ ჩემზე მკაცრი მსაჯული დაგიჯდება და მისგან ასე ადვილად ვერ დაიხსნი თავს.

როცა სტუმარი ოთახიდან გავიდა, ერთი ჭიქა ღვინო კიდევე გადაჰკრა. წყენამ მაშინვე გაუარა, კმაყოფილებას კი ის გვრიდა, რომ იყო ღრო, როცა ამ ვითომდა მონანიე კაცს არათუ სახლიდან ვერ გააგდებდა, მის წინაშე თითის წვერებზეც კი ივლიდა, მაგრამ ახლა, როცა დაჩიავებულსა და განიარაღებულს ხედავდა, როცა საღმა აზრმა ცოტათი მაინც იძალა და რაღაც-რაღაცები თავის ადგილას დააყენა, სტუმრის დამცირება და გაბაიბურება ერთგვარ სიამოვნებასაც კი ანიჭებდა. ეს იმდენად ბუნებრივი იყო, რომ მასში ერთი ბეწო სინანულის გრძნობაც კი არ გამოუწვევია.

III

ქუჩა ხალხით იყო სავსე, მაგრამ ბერიკაცი მაინც ისე მიაბიჯებდა, თითქოს ირგვლივ არავინ ჭაჭანებდა, არავინ არაფერს იგონებდა, არაფერს ფიქრობდა. მხოლოდ ნიავე უბერავდა მსუბუქად და ხეებს უხმაუროდ მარცვავდა. ბერიკაცს უნდოდა რაღაც ისეთში დარწმუნებულიყო, რაზე ფიქრსაც აქამდე გაუბოდა, ისე დაელაგებინა მოვლენები, რომ მისი სულიერი საღარო მეტისმეტად არ გაძარცვულიყო, მაგრამ საკუთარ თავთან დაახლოება უჭირდა, დილიდანვე დალაგებული გეგმები ამ გაუთვალისწინებელ გამოსეირნებაში, ამ გაუმართლებელ ახირებაში იძირებოდა და მის სმენამდე მხოლოდ ღრმა უფსკრულში ჩაცვენილი კენჭების გამოძახილი აღწევდა. ამ გამოძახილში იყო რაღაც არაამქვეყნიური, ბნელეთისეული, მაგრამ ყველაზე მეტად მაინც ის აღიზიანებდა, რომ საკუთარ თავს ვერ სცნობდა, ვერ იმორჩილებდა, ფეხს ვერ უწყობდა. მას შემდეგ, რაც ინსტიტუტიდა გამოვიდა, ეშმაკი შეუჯდა და მოსვენებას აღარ აძლევდა. იმ ცხოვრებისეულ გამოცდილებას, რამაც აქამდე მშვიდობიანად მოიყვანა, მასსავე აუფასურებინებდა, აღარიბებდა, ათვალწუნებინებდა. არადა, ვერც ეშმაკს უხერხებდა რამეს და ვერც საკუთარ თავს. ვერ გაეგო, რამ გააგულჩვილა, რამ მომჩვარა და მოშხამა ისე, რომ დამსახურებულად განვლილ გზას და საკუთარ ღირსებებს თვითონვე უთხრიდა ძირს. ასეთი რამ ნასვამსაც კი არ მოსვლია არასოდეს.

ბერიკაცმა სცადა მოგონებები როგორმე დაელაგებინა, დაეხარისხებინა, სისტემაში მოეყვანა, მაგრამ არაფერი გამოუდიოდა და ყველაფერს იმას აბრალებდა, რომ შეგუების უნარი დაუჩლუნგდა, მეხსიერებაში რაღაც ისე გადაიკვანძა, რომ აღარც თავი უჩანდა და აღარც ბოლო. ასე რომ არ ყოფილიყო, რა უნდოდა ახლა

ქუჩაში? ამ დროს შინ უნდა მჯდარიყო და ან გაზეთი ეკითხა, ანდა ტელევიზორისათვის ეყურებინა. სავარძელი დააშოშმინებდა, დააწყნარებდა, უფლებას არ მისცემდა იმ ჩვეულებებისათვის ეღალატა, აქამდე რომ საიმედოდ იცავდნენ, დასაგმობს აგმობინებდნენ და მოსაწონს აწონინებდნენ. მაგრამ დღეს ყველაფერი უკუღმა შეტრიალდა, საკუთარი თავი თვითონვე აცდუნა და ამ ცდუნებას ის მოჰყვა, რომ მოვლენები სხვადასხვაგვარად გადალაგდა, დამცავი ჯებირები მოირღვა და იმას, რაც მიღმა დარჩა სიმტკიცე და საიმედოობა დააკლდა.

ყველაზე უფრო დამაფიქრებელი ის იყო, რომ პრივილეგიებში, რომლებითაც სარგებლობდა, თავისუფალი მოქმედება არ შედიოდა. უადგილო რეაქცია ან იმის დაცვა, რაც დაცვას არ იმსახურებდა, მართო შეცდომად კი არ ითვლებოდა, არამედ დანაშაულადაც. შეცდომისათვის, სულ ერთია ორგანიზაციული იქნებოდა იგი თუ ადმინისტრაციული, პასუხს არავინ სთხოვდა, არავინ ურისხდებოდა. ყველა თანამდებობაზე, სადაც კი უმუშავია, შეცდომა ერთი კი არა, ასიც დაუშვია, განსაკუთრებით მაშინ, როცა გალაყვანებულების მიღება იყო საჭირო, მაგრამ თავი მაინც ისე ეჭირა, თითქოს ასეთი რამ მას არაფრით არ შეიძლებოდა მოსვლოდა. მარცხის ან შეცდომის აღიარება იმას ნიშნავდა, რომ დიფერენცირებულ საზოგადოებას დაპირისპირებოდა და საკუთარი თავისათვის თვითონ მოგვეწო სასამართლო, რაც არა მარტო შეუმჩნეველი არ დარჩებოდათ ყოველ კუთხე-კუნჭულში ჩასაფრებულ მოთვალთვალებებს, არამედ მაშინვე თავიანთ სასარგებლოდ გამოიყენებდნენ.

კაცის უბედურება მაშინ იწყება, როცა სახლს მოშორდება და გარე-გარე დაიწყებს წანწალს, — გაიფიქრა ბერიკაცმა და იმ სინამდვილის აღდგენა მოინდომა, რომელიც არ ირღვეოდა, ბურუსსა და

ქაოსში არ იძირებოდა. სწორედ ასეთი სინამდვილე ეცლებოდა ახლა ხელიდან და ეს არა მარტო ანაღვლიანებდა, არამედ იმაზე უმწიფოსაც კი ხდიდა, ვიდრე იყო. უეცრად ბერიკაცი შეჩერდა, უცნაურად წამოჭარხალდა და ისე მიაჩერდა მოპირდაპირე მხრიდან მომავალ მამაკაცს, თითქოს ეშმაკი შემოეფეთა და არა ჩვეულებრივი მოკვდავი. რომ იცნო და ოდესღაც კარგად იცნობდა, ამაზე მისი შეცბუნება მეტყველებდა, მაგრამ წინ გადაგომა და მისალმება მაინც არ უფიქრია, ამდენი ხნის უნახავი კაცის მოკითხვა ფამილარობად, პირმოთხოვად მიაჩნდა. ანდა რატომ უნდა მოეკითხა, როცა მისი ცხოვრება, მისი ასავალ-დასავალი არ აინტერესებდა. მიუხედავად ამისა, ალელვება მაინც დაეტყო, მაინც არ ესიამოვნა იმ კაცის დანახვა, ვინც საბოლოოდ დავიწყებული და მეხსიერებიდან ამორეცხილი ჰყავდა. მისთვის იგი კარგა ხანია მკვდარი იყო, ახლა კი ისე გამოეცხადა ქუჩაში, თითქოს ბაზალტით მოპირკეთებული კედლიდან გამოვიდა.

ის კაცი კი, ვისი დანახვაც ბერიკაცს არ ესიამოვნა, მასზე უფრო ხნიერი და მოტეხილი ჩანდა, მარჯვენა ხელში ჯოხი ეჭირა, ცალი ფეხით შესამჩნევად კოჭლობდა, სახე ფერმკრთალი, ნაოჭებით დაღარული ჰქონდა, წვერი მოშეებული, ხელები დალაქიანებული. ერთი სიტყვით, მასზე უფრო ბებერი, მოუკვლევი და ჩაუცმელ-დაუსურავი ჩანდა, მაგრამ თვალები ჰქონდა ისეთი ცოცხალი, გამოუმეტყველება კი ისეთი დამოუკიდებელი, თითქოს სიბერემ ფიზიკურად კი მოტეხა, მაგრამ მის სულში ვერ შეაღწია. მოდიოდა თავისუფლად, სადღაც შორს, გამეფულ-გამომვლელთ ვერ ამჩნევდა და ეტყობა, კონკრეტული სახე მისთვის არც ქუჩას ჰქონდა და არც ტროტუარზე გაწოლილ ჩრდილებს. შეიძლება იმ წუთში საკუთარი თავიც კი არ ახსოვდა, რადგან ინსტიტუტის

ყოფილ დირექტორს ისე ჩაუარა გვერდით, რომ ზედაც არ შეუხედავს, რამაც ბერიკაცი არა მარტო შეურაცხყო, არამედ უზომოდ გაანაწყენა.

ნამუსია ახლა ეს, სამართლიანია ახლა ეს, მეც ოთხმოცდასამი წელი უნდა მეცხოვრა ამ ქვეყანაზე და იმასაც, ვინც თავისი სიშლეგითა და დაუღეგარობით აქამდე ასჯერ მკვდარი უნდა იყოს? — ცხარობდა ბერიკაცი და ცდილობდა ნაბიჯი ისე გადაედგა, რომ ძველი შემართება არ დაეკარგა. ისინი ერთი ხნისანი იყვნენ, ერთ უბანში ცხოვრობდნენ, ერთად სწავლობდნენ გიმნაზიაში და ერთმანეთი ბავშვობიდანვე არ უყვარდათ. რამდენჯერმე ჩხუბიც კი მოსვლიათ. ზოგჯერ მიზეზად სულ მცირე რამეც კი ემართოდა, უბრალო წაკინკლავება. ჩხუბში ყოველთვის ჯაბნიდა, მაგრამ მირიან ზარდაშელი არც მარცხს იმჩნევდა და არც გალახვას. მას სწორედ მისი ეს თვისება არ უყვარდა ყველაზე მეტად და ზოგჯერ აშინებდა კიდევ. არა იმიტომ, რომ მირიანი მას როდისმე მოერეოდა ან სულიერი სიმტკიცით დაჯაბნიდა, არა, ამგვარი რამ მოსალოდნელი არ იყო. მისი ნაგარჯიშევი, დაკუნთული სხეული მირიანისთან ბიჭს ორ-სამს გალახავდა. ეშინოდა სხვა რამისა, იმ მთლიანობისა, იმ შეუვალობისა, რასაც საკუთარ თავში ვერ გრძნობდა. შეიძლება სწორედ შეუვალობა იყო იმის მიზეზი, რომ მირიანს თავი უფრო დამოუკიდებლად, უფრო ღირსეულად ეჭირა, ვიდრე მას. უთანხმოებას მათ შორის ისიც იწვევდა, რომ მირიანი ტანვარჯიშსა და სპორტს არაფრად აგებდა, შეჯიბრებასა და შეხლა-შემოხლაში მონაწილეობას არ იღებდა. მირიანის კიდევ ერთი თავისებურება ის იყო, რომ ყველაფერზე მეტად ხატვა უყვარდა და კარგადაც ხატავდა, ზოგჯერ გაკვეთილებზეც. მართალია, მასწავლებლები უშლიდნენ, მაგრამ თვითონ არ იშლიდა.

სახატავი ქალღაღდი, ფანქრები და საღებავები გამოუღვეელი ჰქონდა, მამამისი დაუზარელად ამარაგებდა. მირიანის მამას პირადად არ იცნობდა, მაგრამ როგორც ამხანაგები ამბობდნენ, დიდად დაოსტატებული ქვაზე მკვეთელი იყო, თბილისში იტალიელებთან მუშაობდა და იმდენი შემოსავალი ჰქონდა, რომ ოჯახსაც ინახავდა და შვილის გიმნაზიაში აღზრდაც არ უჭირდა. სწავლითა და მუყაითობით არც მირიანი გამოირჩეოდა, ხშირად აცდნენ კიდეც გაკვეთილებს, მაგრამ საგნებისადმი რაღაცნაირი გონიერული, აზრიანი მიდგომა იცოდა და ამა თუ იმ საკითხის ერთმანეთთან დაკავშირება არ უჭირდა. არაფერი შურდა მისი ისე, როგორც ეს თვისება. მაგრამ ამ თვისებამ მირიანს თუ ავნო, თორემ ვერაფერი სიკეთე მოუტანა. ალბათ, იმიტომ, რომ ცხოვრებისეული მოვლენების სწორად შეფასებისა და რთულ სიტუაციებში გარკვევის უნარი აკლდა. როცა გიმნაზია დახურეს და ისინი ცხოვრებაში გზის არჩევის წინაშე აღმდგნენ, მირიანმა უკეთესი ვერაფერი მოიფიქრა და საკუთარ მამას დაუდგა შეგირდად. ერთხანს კიდე ხვდებოდნენ ერთმანეთს ქუჩაში, შემდეგ კი მათი გზები გაიყარა. მან თბილისში მუშებისა და გლეხებისათვის გახსნილი სასწავლებელი დაამთავრა, რაც უმაღლეს სასწავლებელში ჩაბარების უფლებას აძლევდა, მირიანი, კი, როგორც თანაკლასელები ამბობდნენ, სადღაც გადაიკარგა. ზოგი ამტკიცებდა, პარიზში გაიქცა ხატვის სასწავლებლად, ზოგი კი ამბობდა, რუსეთში გადავიდა, სახელოსნო გახსნა და ნების დროს გამდიდრებული მდაბიობის პორტრეტების ხატვით ირჩენს თავსო. ასე იყო თუ ისე, მირიანი თბილისიდან გაქრა. ღმერთმა იცის, სად დაბორილებდა და როგორ ცხოვრობდა — მშვიერ-მწყურვალი, ჩაუცმელ-დაუზურავი თუ მართლა მდაბიოთა პორტრეტების ჯღაბნით შოულო-

ბდა ლუკმაპურს. ასეთი კაცი ახლაც ცნალი იყო და ისე თავისუფლად, ისე თამამად დასეირნობდა გამზირზე, რომ მისნაირ დამსახურებულ და პატივსაცემ კაცსაც კი ვერ ამჩნევდა.

სიმართლე მან მოგვიანებით გაიგო და ის, რაც უამბებს, ყველა ჭორზე უფრო სარწმუნო და დამაჯერებელი ჩანდა. ისე უეცრად და უმიზეზოდ კაცი არ ქრება ქალაქიდან, როგორც მირიან ზარდაშეული გაქრა. არეული, სასტიკი დრო იყო, ადამიანები ერთმანეთზე ნადირობდნენ. სუფთად, ოდნავ წესიერად ჩაცმულ კაცსა თუ ქალს ქუჩაში ქვებს ესროდნენ, ჩაბნელებულ ქალაქში დაღამებიდან გათენებამდე ისმოდა ჩექმების ბრახუნი, ტყვიების წივილი, წვერგაბურძენული სილუეტების ქლოშინი. ქვეყანა მთლიანობასა და ერთიანობას ვერ გუობდა, იზარებოდა, ისეთი ფერი ედო, თითქოს ნალველი შეასხურესო. ქუჩები თვალვდათხრილივით დაპაკუნობდნენ თავიანთ ქვაფენილებზე და მზის ამოსვლის შემდეგაც ვერ თავისუფლდებოდნენ იმ კომპარისაგან, ღამღამობით რომ ისხამდნენ ხორცს. ჰაერი მტვრითა და ხიფათით უფრო იყო დამუხტული, ვიდრე ჟანგბადით. პატივცემულნი თვალსა და ხელს შუა კარგავდნენ პატივისცემლებს, თანამოაზრენი თანამოაზრეებს, მეინახენი მეინახეებს. იმათი სისხლი, ვისაც ამქვეყნად აღარ ედგომებოდა, წყალზე უფრო იაფი იყო. კერპთაყვანისმცემლები ისე ხმამაღლა ბლაოდნენ, რომ მათ ბლავილში ეკლესიების გუმბათები იღვწებოდა. ნგრევა მარტო ქვეშისა და ღორღის დახვევა კი არ იყო, არამედ სხვათა ნაამაგარის გაპარტახებაც, იმ კვალის გადარეცხვაც, ისედაც განხლებულ ტვინს კიდე უფრო რომ ახელებდა. ამ განხლებას ვერც არაყი აცხრობდა და ვერც მეძაგვების მრუშობა და ბილწისიგვაობა. სადღაც ცივ სარდაფებში, გაორთქლილ სამ-

ლოცველობებში შექმნილი მითები ადგილობრივი სამოსელით იმოსებოდნენ, მართლმსაჯულებას უგულვებელყოფდნენ და სიმართლედ მხოლოდ ის მიაჩნდათ, რაც ხელს აძლევდათ. სხვა სიმართლე არ არსებობდა, ხოლო ამ ერთის უზენაესობის დასაცავად ყოველგვარი ეჭვი ძირშივე იფხვრებოდა, ყველა არამკითხე ისჯებოდა, ყველა მეამბოხე და მებაირალე იხვერიტებოდა. ურწმუნოთა სამხილებლად ირღვეოდა ზღუდეები, მიჯნები, კედლები. ჭერი აღარ ჭერობდა და კარი აღარ კარობდა. რაც მზე ჩადიოდა და საგნებს შორის სიცარიელე ისადგურებდა, რამდენიმე კარზე ერთდროულად იწყებოდა მუშტებისა და კონდახების ბრახუნი, დედის გინება, მუქარა, მთელი ქუჩისა და მთელი სახლის აფორიაქება. დედის გინებასა და მუქარას შიგნიდან ბავშვების ღნავილი, ქალების წყველა-კრულვა და ძაღლების ყფა ან წკავეწკავი ეხმიანებოდა. მომზღურთ მოთმინება ღალატობდათ, თავში სისხლი აწვებოდათ, დამზღურთ კი ხელ-ფეხი უცივდებოდათ, გონება უჩაღუნდებოდათ. ზოგი კარი აკანკალებული ხელით იღებოდა, ზოგი კი იღუწებოდა, ჩამტვრეული კბილივით ფარღალღაღღებოდა. და იმ დროს, როცა სახლებში ცოდვის კითხვა ტრიალებდა, სადღაც, შორს უკვე ისმოდა აცმული გასაღებების ჟღარუნი და მძიმე, რკინით შეჭედული კარის ჭრიალი, რაც გამოძახილს მხოლოდ ბნელ ღამეში პოულობდა.

ის ამბავი, ერთ-ერთმა ამხანაგმა რომ განდო, სარწმუნო იმიტომ იყო, რომ ჯერ ერთი, ამხანაგმა ხმა დაიდაბლა და სათქმელი თითქმის ჩურჩულით აუწყა, მირიანი ძალმომრეობას, კაცის უმიზეზოდ დაჩაგვრას, გაჭირვებულის უყურადღებოდ მიტოვებას ვერ იტანდა და იმ განუკითხაობის ჟამს, უნდოდა თუ არა, უსამართლოდ დევნილს ან დამპყრობლების

წინააღმდეგ ამბოხებულს, უთუოდ გაემართავდა ხელს. ამაში ეჭვი არ ეპარებოდა და მისი ეს კარაული, ამხანაგის ნამბობმაც დაადასტურა. ისინი მერხზე ისხდნენ ბაღში. ამხანაგი დიდხანს ყოყმანობდა, ბოლოს კი ვერ მოითმინა და უთხრა:

— იცი, რატომ გადაიკარგა მირიანი?

— არა.

— ოღონდ, რასაც გეტყვი, ჩვენს შორის უნდა დარჩეს.

— თუ არ მენდობი, ნუ მეტყვი. რაც ორმა იცის, ღორმაც იცის.

მათი თანაკლასელი გულწრფელი, თავმოყვარე, სანდომიანი ჭაბუკი იყო. ჯერ კიდევ ცხოვრებისაგან გაუხედნავს დაუსაბუთებელი ეჭვებისა და საიდუმლოებების დიდხანს გულში შენახვა არ შეეძლო. ამის გამო ერთი-ორჯერ უსიამოვნებასაც კი გადაეყარა. უნდობლობა და უგულობა მისი საქმე არ იყო და ის რეჟიმი, მტკიცედ რომ იკიდებდა ცხოვრებაში ფეხს, ან გასრესდა, ანდა საბოლოოდ გაათახსირებდა. ამის არა ერთი და ორი მაგალითი მან უკვე იცოდა და ადამიანში ჩაბუდებული უკეთურობისა უფრო ეშინოდა, ვიდრე მისი ბუნებრივი თვისებებისა. აიტომ არ ესიამოვნა, როცა ამხანაგმა სიტყვა მირიანზე ჩამოუგდო, მაგრამ უკან დახევა აღარ იკადრა.

— მე იმიტომ გაგაფრთხილე, რომ თუ სადმე რამე წამოგცდა, შენი ცოდვა მე არ დამაწვეს კისერზე. მერწმუნე, სხვა აზრი გულში არ გამივლია, — უთხრა ამხანაგმა მობოდიშებით.

— შენ თუ გგონია, მე მიფრთხილდები იმისათვის, რაც დიდად არ მაინტერესებს, ეს არც ისე ხაზგასმელი კეთილშობილებაა. გარდა ამისა, ჯერ კიდევ გასარკვევია, ჩვენ ორს შორის ვინაა გასაფრთხილებელი.

ბაღის ერთ კუთხეში რუსეთიდან გადმობეწილი, ძონძებში გახეული მოზარდები, ანუ როგორც მაშინ ეძახდნენ „პა-

ცნები“ მოკლათებულიყვნენ და გაზეთის ქაღალდში გახვეულ წეკოს ერთმანეთს უტოვებდნენ. ამ პაცნების ზეგავლენით თუ ღუმილის გასაქარწყლებლად, მისმა ამხანაგმაც მოუკიდა პაპიროსს და მხოლოდ ამის შემდეგ თქვა:

— მაკლია მირიანი. მასთან მეგობრობა რალაცნაირად მამშვიდებდა, მამხნეკებდა. არც წუწუნი უყვარდა, არც იმის დაფასება, რასაც ფასი არა აქვს და არც იმის დაუნახობა, რაც ფასეულია. არ ღირდა ის კაცი იმად, რომ მის გამო მირიანი თბილისიდან გადახვეწილიყო.

— ვინ კაცი?

— იყო ამ უბანში ერთი შეებერტყილი ახალგაზრდა კაცი, რომელიც ომამდე მირიანის ეზოში ცხოვრობდა. სახელად დიმიტრი, დიტო ერქვა, მეტსახელად კი „მასონი“. შენ იცი, მეც იქვე, გვერდით ეზოში ვცხოვრობ და ამიტომ ყოველდღე ვხვდებოდი ქუჩაში. სიარულზე ეტყობოდა, რომ საკუთარი თავის ფასი იცოდა. უბანში დამრტყმელი, უშიშარი, ხელგამლილი კაცის სახელი ჰქონდა მოხვეჭილი. ბუნებით სიბარიტი იყო, უყვარდა ჩაცმა-დახურვა, კარგი ცხოვრება და თითქმის ყოველდღე რესტორანში სადილობდა. როცა ფული შემოაკლდებოდა, ჯიბის გასასქელებლად არაფერს თაკილობდა — არც აფერისტობას, არც გამოძალვას და არც ვინმე არიფის გატყავებას კარტსა, ყომარსა თუ ბილიარდში. ბილიარდს ისე თამაშობდა, შენისთანებს ფორას აძლევდა. ერთი სიტყვით, ისეთი კაცი იყო, თავს რომ არავის დააჩაგვრინებდა, მისეულს არავის არაფერს დაუთმობდა და ვინც წინ გადაუდგებოდა, კბილებით გამოღადრავდა ყელს. როცა ომი დაიწყო, სადღაც დაიკარგა, არ ვიცი ჯარში გაიწვიეს თუ თვითონ გაეცქა გაწვევას, მაგრამ რამდენიმე თვის შემდეგ ბაქოში აღმოჩნდა, სადაც ისეთ საქმეებში ჩაება, რომ დიდძალი ფული იშოვა. იმასაც ამბობდნენ, კაკა-

სიის არმიის მოიჯარე გახდა და ასე უცრად იმიტომ გამდიდრდაო. ასე იყო თუ ისე, ბაქოში სახლები შეიძინა, რომელიც საწარმო დააფინანსა, კერძო ბანკი გახსნა. ამასობაში მეფე დაამხეს, რუსეთში მეორე რევოლუცია მოხდა, ბაქო საფრონტო ქალაქად იქცა და ხელიდან ხელში გადადიოდა. რუსეთი მაშინ ბაქოს თავცოცხალი არავის დაუთმობდა. ამხელა ქვეყანაში ბაქო ნავთობის ერთადერთი საბადო იყო და ყოველი მხრიდან ბლოკირებულ რუსეთში ნავთი სისხლზე მეტად ფასობდა. ამიტომ მისი აღება ერთი დღითაც არ დაუყოვნებიათ. დაიწყო რბევა, ჩხრეკა, დაპატიმრება. დარბეულთა შორის ჩვენი „მასონიც“ აღმოჩნდა, მაგრამ იგი ის კაცი არ იყო, სისხლით მონაგარი რომ უსისხლოდ დაეთმო. ამიტომ ბევრი არ უფიქრია, რამდენიმე ეკოლეტებჩამოგლეჯილ ოფიცერს თავი მოუყარა, შეაიარაღა და ბოლშევიკებს ომი გამოუცხადა. მისმა და მისი თანამებრძოლების ტყვიამ არა ერთი და ორი გამოცდილი ჩეკისტი იმსხვერპლა. ამ თავზეხელაღებული ჯგუფის თარეშმა ადგილობრივი ხელისუფლება სერიოზულად შეაშფოთა. ჯგუფის სალიკვიდაციოდ ჯილდოების დაწესება და ჩეკას საუკეთესო ძალების მობილიზაცია დასჭირდათ. თუ ვინმეს სადმე წაასწრებდნენ, იქვე უღებდნენ ბოლოს. ბაქოში გაჩერება აღარ შეიძლებოდა და „მასონმაც“ საქართველოს მოაშურა. მომდევნო წელს ბოლშევიკებმა თბილისიც აიღეს. თბილისის აღების შემდეგ გაუჭირდა, უფრო ფრთხილად იქცეოდა, უფრო მოხერხებულად იმალებოდა. ერთხელ შეაპყრეს კიდეც, მაგრამ არ იცოდნენ ვინ იყო და ადვილად დაუსხლტათ ხელიდან. ამასობაში თბილისში ბევრმა ბაქოელმა ჩეკისტმა მოიყარა თავი. ამიერკავკასიის ცენტრი ისევ აქეთკენ ინაცვლებდა და მის კვალს გაფაციცებით დაუწყეს ძებნა, არ უნდოდათ შეერჩინათ

ის სისხლი, მან რომ ასე მოურიდებლად დაღვარა. ბოლომდე გაიგეს, რომ თბილისში იყო და არსად გაქცეულა. ამის შემდეგ რკალი მის ირგვლივ თანდათან იკვრებოდა, ისე დასდევდნენ, როგორც ცოფიან ნადირს, მაგრამ ალღო მასაც ნადირისა ჰქონდა.

— კარგი, გეყოფა, ამგვარი ამბები იმდენი მომისმენია, რომ გაგონება აღარ მინდა. შენ ის მითხარი, მირიანს რა ხელი ურეგია ამ საქმეში, რა სისულელე ჩაიდინა ისეთი, რომ თბილისში აღარ დაეღვამებოდა? — შეაწყვეტინა მან სიტყვა ამხანაგს და მხოლოდ ახლა დაინახა ცხადად, რომ ხეებს ნორჩი, სიმწვანით აბიბინებული ფოთლები გამოელოთ.

— ერთ დღეს ვიღაც უცნობმა მირიანი მამამისის სახელოსნოდან გამოიხმო, გვერდზე გაიყვანა და ჩურჩულით რაღაც უამბო. მცირე ხნის შემდეგ მირიანი სახელოსნოში შეუბრუნდა, ტანსაცმელი გამოიცვალა და იმ კაცს უკან გაჰყვა. უცნობმა ბოტანიკურ ბაღში მიიყვანა. მუსულმანთა სასაფლაოზე, აგურის ერთ-ერთი აკლდამის ძირში „მასონი“ იწვა მხარგასისხლიანებული და მიტკლის ფერი ედო. მირიანმა ჯიბიდან არყით სავსე ბოთლი ამოიღო, ცოტა დაჭრილს მოასმევინა, დანარჩენით კი ჭრილობა მოხანა, შეუხვია და დაღამებამდე იქვე დატოვა. ნაშუაღამევს, იმავე უცნობის დახმარებით, დაჭრილი ერთი რუსი მხატვრის სახელოსნოში გადაიყვანა. ის რუსი მხატვარი რამდენიმე თვის წინათ თურქეთში გადავიდა და დაბრუნებამდე სახელოსნო მირიანს ჩააბარა. მეორე დღეს უცნობმა ბოხჩით იარაღი მოიტანა, გადაჭრილი შაშხანა, მაუზერი და ორი ხელყუმბარა. შემდეგ ის კაცი სახელოსნოში აღარ გამოჩენილა. მირიანი კი მანამდე უკლიდა დაჭრილს, სანამ ფეხზე არ დააყენა. და სწორედ იმ ღამეს, როცა ისინი ერთმანეთს ემშვიდობებოდნენ და „მასონს“ ქალაქი

უნდა დაეტოვებინა, სახელოსნოს სამი მხრიდან ალყა შემოარტყეს. მეოთხე მხრიდან სახელოსნო მეზობელი სახლის ეზოს კედელს ებჯინებოდა. „შენ თავს უშველე, მე კი ამ ძაღლებს აქვე გამოუყვან წირვას“, უთხრა „მასონმა“ მირიანს და საბრძოლველად მოემზადა. ის კედელი, სახელოსნოს რომ ებჯინებოდა, ერთ ადგილას გამორღვეული იყო. მირიანმა იმ ხვრელის წყალობით დააღწია თავი საფრთხეს და როცა სამშვიდობოზე გავიდა, ყუმბარის აფეთქების ხმა მოესმა. მას შემდეგ იგი ჩემს გარდა, თბილისში არავის უნახავს.

— სიკვდილს მირიანის ის ჯიბიდან გავარდნილი მეზობელიც გადაურჩა? — ჰკითხა მან ამხანაგს უფრო ირონიულად, ვიდრე თანაგრძნობით.

— გადაურჩა კი არა, საცერივით დაცხრილეს. უკეთესი დღე არც მირიანს დაადგებოდა, დროზე რომ არ გასცლოდა იქაურობას.

— მირიანს რომ ჭკუა და წინდახედულობა აკლდა, ამაში ეჭვი არ მეპარებოდა, მაგრამ მაინც არ მეგონა ასეთ სისულელეს თუ ჩაიდენდა. აწი მთელი ცხოვრება შიშსა და მალვაში უნდა გაატაროს. ამგვარი საქციელი უგუნურობა უფროა, ვიდრე კეთილშობილება. ის კაცი მართლაც არ ღირდა იმად, რომ მისთვის ვინმეს თავი გაეწირა. დაიმახსოვრე ჩემი სიტყვა, სანამ ამქვეყნად ბოლშევიკები არსებობენ და, როგორც ჩანს, კიდევ დიდხანს იარსებობენ, მირიანი ადამიანურ ცხოვრებას აღარ ეღირსება.

— შენ რაც გინდა ის იფიქრე და ის თქვი, მე კი მირიანი მაინც კაცურ კაცად მიმაჩნია და ძალიან მაკლია.

— ეს იმიტომ, რომ შენი არაფერი გაგაჩნია.

— რაებს მიქარავ, ყბაში გალაწუნება ხომ არ მოგენატრა?

— ჯერ ერთი, შენ ეგ ჩემთან არ გაგი-

ვა. ყბაში გალაწუნება მე რომ ვიცი, შენ არ დაგეისზმრება. მეორეც, თუ ასეთი მეგობარი იყავი, თუ იცოდი, რომ დაგაკლდებოდა, რატომ არ გააფრთხილე, რატომ არ შეაჩერე მანამდე, სანამ საბედისწერო ნაბიჯს გადადგამდა. როდის უნდა დააღწიოთ ამ ქართველებმა თავი ყოფლოჩინობასა და ინფანტილიზმს, როდის უნდა გახდეთ საქმის ხალხი და კაცები?

— ეს ამბავი მე მაშინ გავიგე, როცა ყველაფერი დამთავრებული იყო, მირიანს კი, რითაც შემემლო, ხელი გაუშაროთ.

— აი რა, ჩემო ძმაო. ამიერიდან მე შენ არ გიცნობ და შენ მე არ მიცნობ, ჩემთვის არაფერი გიამბნია და შენგან არაფერი მომისმენია. ასე აჯობებს შენთვისაც და ჩემთვისაც. კარგად იყავი, თუ შეგიძლია, ჭკუას მოუხმე და ამ ამბავს სხვას ნურავის მოუყვები, თუ არადა, ჯანდაბამდისაც გზა გქონია. თქვენისთანა სულელების გადაშენებ, კაცი ისე წააგებს თავს, რომ საკუთარი ჭკუის გამოყენებასაც კი ვერ მოასწრებ, — უსაყვედურა მან ამხანაგს და იქაურობას გაეცალა.

მაშინ იგი იმიტომ შემოსწერა ამხანაგს, იმიტომ განერიდა გულბრწყვილობასა და ქარაფშუტობას, რომ ახალი დროის სუნთქვა, იმ ქარიშხლის ძალა იგრძნო, ჩრდილოეთიდან რომ უბერავდა. ახლა მთავარი იყო, ეკლესიის მიერ ჩამოყალიბებული ფორმულების გადაფორმულირება, იმის გაგება, რომ ახალი შურს ძიობდა ძველზე და არა მარტო საკუთარი ქვეყნის ფარგლებში, არამედ მთელ მსოფლიოში, ისეთ ქვეყანაშიც კი, სადაც ქარხნის ერთი მილიც არ ბოლავდა. ამ შურისძიებას ბოლო რომ არ ექნებოდა, გუმანით მიხვდა და მარტოს თავი აარიდა, გვერდზე გაცოცდა, გაირინდა. მაშინ სხვანაირად მოქცევა არ შეეძლო, არ იყო ისე აღჭურვილი, რომ ასპარეზზე თამამად გამოსულიყო. მისი ჭკუისა და ხასი-

ათის კაცს ამის შესაძლებლობა მხოლოდ მოგვიანებით მიეცა და მან ისე მოიჩანა თავი აქამდე, რომ დიდად არ გატანჯულა, არ გაწვალბულა.

IV

ბერიკაცი გრძნობდა, გამზირზე გამოსეირნება რომ ისევე უნაყოფო და უშედეგო იყო, როგორც სიბერით გამოწვეულ სიძაბუნესთან ბრძოლა. მისი ჩამცხრალი, ჩაფერფლილი ფანტაზია ვერაფერს აცოცხლებდა, ვერაფერს მოსავედა ბუნებრივი ფერებით. გამკვლელ-გამომკვლელნი არა მარტო უსახურნი და უბადრუკნი ეჩვენებოდა, არამედ გავულგარებულნიც და გაუხამსებულნიც. დრო იყო, ტაქსი დაექირაკვებინა და შინ წასულიყო, დავეიწყებინა დღევანდელი დღეც და ფასადებდამახინჯებული, გაღარიბებული გამზირიც, მაგრამ საკვირველი ის იყო, რომ აღარც წინისაკენ მიუწვევდა გული და ეს არა მარტო აკვირვებდა, არამედ იძულებულს ხდიდა, უფრო ღრმად ჩაფიქრებულა დღევანდელ აზირებას, ისეთი რამისათვის გაესწორებინა თვალი, რაც ცხოვრებამ მოიძულა, უკუაგდო.

დილით რომ მარცხენა ფეხზე ადგა, ამაში ეჭვი არ ეპარებოდა, სხვაგვარად ძნელი ასახსნელი იყო ის, რომ გული არ მიუწვევდა მყუდრო, კეთილმოწყობილი ბინისაკენ, რომელიც, მართალია, მთავრობამ მისცა, მაგრამ საკუთარი თანხით გადააკეთა, გააფართოვა, გაარემონტა და ისე მორთო, როგორც მისი რანგის კაცს ეკადრებოდა. გული არ მიუწვევდა იმ ბინისაკენ, სადაც შვილები და შვილიშვილები დაზარდა, სადაც ამ ბოლო დროს უვლიდნენ, უფრთხილდებოდნენ და სისხლს არ უშრობდნენ, სადაც ყოველი ნივთი ამხნევებდა, ყოველი ძვრად ღირებული საჩუქარი მის მიერ განვლილ გზას ამართლებდა. ეს იყო პირველი შემთხვევა, მას რომ გული შინისკენ არ მიუწვევდა, შინაურთაგან არავინ ენატრებოდა და როგორც კი იგრძ-

ნო, სადაცაა ოჯახის წევრებზე ფიქრიც აეკვიატებოდა, სამართლიანად თუ უსამართლოდ მათაც დაეროდა, მაშინვე უკან დაიხია, შორეულ წარსულს წაეპოტინა და ამან ცოტათი დაამშვიდა.

მირიანთან შეხვედრა, მისი ასე თამამად ხეტიალი ქუჩაში და, საერთოდ მისი არსებობა იმიტომ აღიზიანებდა, იმიტომ უმღვრევდა გუნებას, რომ უსამართლობად მიაჩნდა. ამ გრძნობას შური და ბოღმა კი არ იწვევდა, არამედ ჩვეულებრივი, ადამიანური განაწყენება. მან ყველაფერი იღონა იმისათვის, რომ გონივრულად, უშეცდომოდ გზის გაუმრუდებლად ეცხოვრა, სადაც მოთმინება იყო საჭირო — მოეთმინა, სადაც ღოდინი — უფრო ხელსაყრელ დროს ან შემთხვევას დალოდებოდა, არ აპყოლოდა ემოციებს, წამიერ იმპულსებს, არ შესჭიდებოდა და შებრძოლებოდა იმათ, რომელთა მძვინვარებას ზღვარი არ ედო. მირიანმა კი ყველაფერი იღონა იმისათვის, რომ რაც შეიძლება მალე წასულიყო ამ ქვეყნიდან, ითავნება, იდიდგულა, არავის და არაფერს არ გაუწია ანგარიში და მანაც ოთხმოცდასამ წლამდე მოაღწია, მანაც არ წაეიდა ამ სოფლიდან იმათზე ადრე, ვისაც შიშმა სინდის-ნამუსი დააეიწყა, კაცობაზე ხელი ააღებინა. სხვა დროს მასთან შეხვედრას ყურადღებას არ მიაქცევდა, შემთხვევითობას დააბრალებდა, მაგრამ დღეს რატომღაც წონასწორობიდან გამოჰყავდა, აღიზიანებდა, აწიწმატებდა. ეს კი ამცირებდა, ისეთ რაღაცაზე ამხევილებდა ყურადღებას, რაც ყურადღების ღირსი არ იყო.

ბერიკაცმა ისევ გაისწორა ჰალსტუხი, გუნებაში ვიღაცას თუ რაღაცას გაუწყრა, მაგრამ მისმა განწყობამ შედეგი არ გამოიღო და ისევ განაგრძო გზა და ფიქრი. ვითომ მართლა ასეა საქმე, ვითომ მართლა არაფერი დაუშავა და წაართვა მირიანმა? წართმევაა, აბა, რა ჯანდაბაა,

როცა გგონია, რომ მთელი სიცოცხლე კაცურად იცხოვრე, საზოგადოებისა და ოჯახის წინაშე პირნათლად მოიხადე ვალი და უეცრად გამოტყვერება ვიღაც ტვინგადაბრუნებული და ისე მოგტაცებს ყველა ღვაწლსა და დამსახურებას, თითქოს მოპარული გქონდეს და არა მძიმე შრომით მოპოვებული? გამარცხაა, აბა, რა ოხრობაა, როცა სინდისი დამშვიდებული გაქვს, არავისი არაფერი გმართებს, ახარებ შენს ჭიას და უეცრად გამოტყვერება ნაწანწალები, სალახანა და გინდა თუ არა, მანაც დაგაკარგვინებს წონასწორობას, ამოგაგდებს კალაპოტიდან? წართმევაა, აბა, რა შავი ქვაა, როცა ვიღაც წუპაკი და მამამადლი შენივე წარსულს არ განებებს და თვითონ კი არ გიფათურებს სულში ხელს, არამედ შენ თვითონ გაფათურებინებს და ისეთ რაღაცებს გახსენებს, რაც არ გიყვარდა და რისიც ცოტათი გეშინოდა კიდევ?

ბერიკაცს ისეთი გრძნობა ჰქონდა, თითქოს გზა, რომელსაც შეგნებულად დაადგა, იცვითებოდა, ირეცხებოდა, არ ტოვებდა არც ერთ იმ ნიშანს, ათეული წლების მანძილზე ურყევი და საიმედო რომ ჩანდა. და ეს გზა სადღაც მიწის ზედაპირზე, ხევში ან ტაფობში კი არ გადიოდა, არამედ მის შეგნებაში და როცა ბურუსით იფარებოდა, სიარული უჭირდა, ბარბაცებდა, ლასლასებდა, მაგრამ სხვების დასანახად კი არა, ამას ცოცხალი თავით არ დაუშვებდა, არამედ იმ საუფლოში, რომლის ოღრო-ჩოღრო რელიეფს მის მეტი ვერავინ ხედავდა. ახლა ამას ისიც ემატებოდა, რომ შინისკენ მიმავალი გზაც მიიგრინ-მოიგრინა, ატალახდა, დატბორიანდა. გარეთ შემოდგომის მშვიდი, თბილი ამინდი იდგა, მას კი სცხელოდა და ეს სიცხე გარედან კი არ იღვრებოდა მის სხეულში, არამედ შიგნიდან მოედინებოდა და თავში აწვეებოდა.

ამიტომაც უჭირდა იმის გარკვევა, მოულოდნელი აგზნების ბრალი იყო ეს სიცხე თუ ავადმყოფობა ეძალებოდა. ადრე საერთოდ არ იცოდა, რა იყო ავადმყოფობა, ყოველთვის შესაშური ჯანი და ღონე ჰქონდა, მაგრამ სამუდამო რაა ამქვეყნად? გასულ წელს და ისიც გაზაფხულზე და არა ზამთარში, ფილტვების ანთება დაემართა, იმდენი ახველა, თავის სიცოცხლეში რომ არ უხვევლებია და მთელი თვე ლოგინში ეგდო. რენტგენის აპარატიც კი შინ მოუტანეს და ისე გადაუღეს სურათი. მხოლოდ მაშინ გამოსცადა საკუთარ თავზე, რა საზოგადოება ავადმყოფობა. ამიტომაც შეაშფოთა ტერფებიდან დაძრულმა სიმხურვალემ, ავადმყოფობას ისევ უგუნებობა ერჩია, მაგრამ ადვილი ასატანი არც ისეთი უგუნებობა იყო, დღეს რომ მის სულში ჩაიკვამლა. კვამლი წონას იძენდა, ყველაფერ ნათელსა და მსუბუქს ხარბად იწოვდა და უმოწყალოდ აჩანაგებდა იმ ბალს, მან რომ მოსაოხებლად გააშენა. ამის მიზეზი მარტო მირიანთან შეხვედრა არ ყოფილა. ბოლო დროს ქვეშეცნეულად გრძნობდა, რომ მასში რაღაც იმღვრეოდა, მაგრამ მირიანთან შეხვედრამ ნაკადული ღელედ აქცია, ჩვეულებრივი, გაკვალული გზა კი ლაბირინთად.

ბერიკაცი შეეცადა თავი დაედწია გამჭვარტლული, გაბუნდოვანებული ცდუნებებისათვის, გადალაგებული მოგონებები უკანვე გადმოლაგებინა და ამ გადალაგება-გადმოლაგებას თავი ვერ გაართვა, ბუზღუნის ხასიათზე დადგა. კაცი ყოველთვის უნდა ერიდოს ისეთ ადგილებში ხეტიალს, სადაც შეიძლება ნაძირალებს ან წარსულში გაუჩინარებულ შლეგებს გადაეყაროს. მათგან ყველაფერია მოსალოდნელი. შეუძლიათ, ქუჩაში გაგაჩერონ, სახეში შეგაფურთხონ და ისე განაგრძონ გზა, თითქოს არაფერი მომხდარაო. ასეთებს რა გამოცვლის, რა გაუნ-

ლებს შუღლსა და ბოდმას? კიდევ კარგი ზარდაშელმა ისე ჩაუარა გვერდით, ვერ იცნო, თორემ, ღმერთმა იცის, რა გუნებაზე დადგებოდა, რამდენ გესლსა და ბოდმას გადმონათხვედა, რა აყალ-მაყალს ატყხნა? და ამას მხოლოდ იმის გამო ჩაიდენდა, რომ ცხოვრებაში ხელი მოეცარა, დრო და ნიჭი უაზროდ გაფლანგა. ასეთები ჯავრს ყოველთვის სხვებზე იყრიან, თავიანთ უჯიათობასა და უგუნურობას საზოგადოებას აბრალებენ. მაშინ მას რომ თავი შეეკავებინა და გაუგონარი სირეგვენე არ ჩაედინა, არა მარტო თვითონ ასცდებოდა სასჯელს, არამედ ამხანაგებსაც არ აურევდა და აუწევავდა ცხოვრებას.

ის, რაც ბერიკაცს გაახსენდა, ჯერ კიდევ ომამდე მოხდა. იმ წელს ზამთარი ისეთი ცივი იყო, რომ მოკლე, გათოშილ დღეებს ფეხები დამზრალი ჰქონდათ, ზაფხული კი ისეთი ცხელი, რომ ქუჩის მოცახცახე ჩრდილები ცოდევილებივით იხრუკებოდნენ. სიცხეს, სიჩლუნგესთან ერთად, სულიერი სიბეცეც მოჰქონდა თან და არავის დანახვა, არაფრის გაგონება არ უნდოდა. ამ სიბრმავისა და სიყრუის უამს ხალხი ღვინოსა და ღვინის ეტანებოდა. ყოველთვის სახსე იყო რესტორნები, სასაუზმეები, სასადილოები.

ერთ კვირა დღეს ამხანაგებმა გამოუარეს. მაშინ უკვე ინჟინერი იყო, ცოლშვილი ჰყავდა და ჯერ კიდევ მთაწმინდაზე ცხოვრობდა. ბიჭებს ქეიფი, ერთმანეთთან შეხვედრა მონატრებოდათ და კაცურად სთხოვეს, ფუნიკულიორზე ავიდეთ და თითო ჭიქა ღვინო დავლიოთო. მათ შორის მირიან ზარდაშელიც იყო. მისი დანახვა არ ესიამოვნა, მაგრამ არ შეიმჩნია. ის ზაფხული მასხვც გამომაყვებლად მოქმედებდა და თავი მხოლოდ იმით ინუგეშა, რომ თანაკლასელთა შორის არ ჩანდა ის ყმაწვილი, ბაღში რომ თავი გააღანძღვინა. თბილისში მა-

შინ ტაქსები არ დადიოდა. მანქანები მხოლოდ ცენტრალური კომიტეტისა და მთავრობის წევრებს ემსახურებოდნენ და ამიტომ ფეხით შეუყვანენ აღმართს. ვიწრო ტროტუარზე დაწყვილებულები მიაბიჯებდნენ. მის გვერდით აღმოჩნდა თეიმურაზ კალატოზიშვილი, დინჯი, იაფფასიანი ამბიციებს მოკლებული, თავის ტყავში ჩატყული კაცი, რომელიც ერთ-ერთ ახალგაზსნილ უმაღლეს სასწავლებელში მათემატიკის კურსს კითხულობდა. ისინი ცოტათი ჩამორჩნენ წინ მიმავალთ და რადგან ცნობისმოყვარეობა აწვალებდა, ერთმანეთის მიკითხვ-მოკითხვის შემდეგ, თეიმურაზს პირდაპირ ჰკითხა:

— რამდენადაც მახსოვს, შენ და მირიან ზარდაშელი მეგობრობდით. ამიტომ გეცოდინება, რომ ერთ დროს სადღაც გადაიხვეწა და საქართველოდან ფეხი ამოიკვეთა. დღეს კი თქვენს შორის დავინახე და, ცოტა არ იყოს, გამიკვირდა. ნუთუ მართლა დაუბრუნდა უძლები შვილი სამშობლოს?

— შენი სარკაზმი მაშინ იქნებოდა გამართლებული, მირიანი რომ გამდიდრებული დაბრუნებულიყო სამშობლოში და მტრების ჯინაზე, ისეთი ცხოვრება მოეწყო, რომ შურით გამსკდარიყვნენ. ახლა კი ისე ჟღერს, თითქოს ღვარძლი გალაპარაკებდეს.

— ეს, ალბათ, იმიტომ, რომ ინფორმირებული არა ვარ. არ ვიცი, სად იყო, რას აკეთებდა ან ახლა როგორ ცხოვრობს და რას ფიქრობს.

— რას ფიქრობს, არც მე ვიცი. გამოკითხვა და სხვა საქმეში ჩარევა არ მიყვარს. დაბრუნებით კი ამ ცოტა ხნის წინათ დაბრუნდა და ჯერჯერობით ფეხი ვერსად მოიკიდა. თუმცა, რა გასაკვირია. ამისათვის მას არც გარემო უწყობს ხელს და არც საკუთარი თავი. მაგრამ ახლა იმხელა ტვირთი ჰკიდია მხრებზე, რომ არა მგონია, ძველებურად აიწყვიტოს.

— რა ჰქნა, დაცოლშვილდა?

— მგონი კი.

— ამას მისგან არ მოველოდი.

— არც მე. მაგრამ იქიდან, საიდანაც ჩამოვიდა, ვიღაც ახალგაზრდა, თხელი, ქერა ქალი და სამიოდე წლის ბავშვი ჩამოიყვანა. არ ვიცი, ის ქალი ცოლია მისი, საყვარელი თუ უბრალოდ, შეიბრადა, შეივრდომა და პატრონობს. ბავშვი კი, ხომ იცით, ბავშვია და მიმსგავსებით შეიძლება ყველას მიაძგავსო. ამას წინათ ის ქალი ქუჩაში შემხვდა. მის უცხოობას ქერა, სადად დავარცხნილი თმა კიდევ უფრო უსვამდა ხაზს. ისეთი შთაბეჭდილება დამრჩა, ძველი დროის შემთხვევით გადარჩენილი ნაფოტი უნდა იყოს. მათ გარდა, მირიანს მოხუცი დედაც ჰყავს სახლში. ქმრის სიკვდილმა ეს ისედაც სუსტი ქალი, ძალიან მოტყნა. რა ხანია, ქუჩაში გამოსული არ მინახავს.

— არა მგონია, მირიანმა არ იცოდეს, ქალსა და ბავშვს რომ ოჯახში შემოიყვან, ადვილად ვეღარ გაყრი გარეთ. ეს კი იმას ნიშნავს, რომ ოჯახს მოეკიდა.

— მეც ასე ვფიქრობ, მაგრამ თბილისში სამუშაოს შოვნა ჭირს, მით უმეტეს, ისეთი კაცისათვის, ვისაც სახელმწიფო დაწესებულებებში მოკალათებული მოხელეები სისხლისმძმელ წურბელებივით სძულს. ამიტომ არც სამსახური აქვს და არც რეგულარული შემოსავალი. სახელოსნოს გახსნაზე კატეგორიული უარი უთხრეს. ფინანგენტები ყნოსვით გრძნობენ, ვინ რა სულიერია და ვის რას გამოიჩინებია. ერთი უბედურება კიდევ ისაა, რომ ვინც მას იცნობს, რეკომენდაციას ვერ უწევს, არ იცის, ხვალ ან ზეგ რა ოფოფები შეუჩნდება, რა ამბებს დაატრიალებს. ამიტომ ჯერჯერობით ფირნიშების წერით, წიგნების გაფორმებით, დაზიანებული სურათების რესტავრაციით ირჩენს თავს, ხოლო როცა სამუშაო არ ყოფნის, არც კარ-ფანჯრების შეღებვასა

და შპალერის გაკერას თაკილობს. ამბობენ, თვითონ ყველავეს იკლებს, ოჯახს კი არაფერს უჭირვებსო, თუ ეს მართალია, მორჯულებულა და ეს არის.

უნდოდა თეიმურაზისათვის კეითხა, ხომ არ აწუხებენ, სადმე ხომ არ იბარებენო, მაგრამ კითხვა სულელური მოეჩვენა და დროზე შეიკავა თავი. შეიძლება თეიმურაზმა არაფერი იცოდა იმის შესახებ, რაც მან ბაღში მოისმინა. ამიტომ ამ ამბის გახმაურებას აზრი არ ჰქონდა. იმის ახსნა კი, მირიანს რომ არ იბარებდნენ და აწუხებდნენ, ძველი კადრების დარბევით და ახლების დაწინაურებით შეიძლებოდა. ეტყობა, ძველებიდან აღარავინ დარჩა ჩეკაში ისეთი, ის ტრაგიკული ღამე და მისი მონაწილეები რომ ხსომებოდა. გარდა ამისა, სახელმწიფოს დაუძინებელი მტრები ბურჟუები და მემამულეები კი აღარ იყვნენ, არამედ ტროცკისტები და მავნებლები. შეიძლება არქივში ჯერ კიდევ იდო მირიანის მამხილებელი საბუთები, მაგრამ სანამ ვინმე არ დააბეზლებდა, არქივში ქექვას არავინ დაიწყებდა. დაბეზლებით კი, ალბათ, არ დააბეზლებდნენ ისეთ კაცს, ვინც სოციალური თვალსაზრისით არაფერს წარმოადგენდა და ვისაც წასართმევი არაფერი ჰქონდა. დრო რომ შეიცვალა და აქცენტები გადაადგილდა, ამას ისიც ადასტურებდა, რომ ქუჩებში შაშხანებისა და მაუზერების ბათქა-ბუთქი აღარ იხმოდა, კარგ ტონად არც ძველი „საგმირო საქმეების“ გახსენება ითვლებოდა. ახლა, ოცდაჩვიდმეტი წლის ზაფხულში, კი კაცს გაუხმაურებლად იყვანდნენ და გაუხმაურებლად ისტუმრებდნენ იმ ქვეყნად. მაგრამ ეს სრულიად არ ნიშნავდა იმას, რომ გარკვეული დროის გასვლის შემდეგ, დამნაშავეს დანაშაულს პატიობდნენ და თუ მიაგნებდნენ, ისევე სასტიკად არ დასჯიდნენ, როგორც თავის დროზე იმსახურებდა. ამიტომ სიფრთხილე არც ახლა იყო ზედმე-

ტი. შეიძლება თეიმურაზს სინდისის ტკიპითა ჰქონდა, შეიძლება ისეთივე წესიერ კაცად დარჩა, როგორც იყო, მაგრამ ასეც რომ არ ყოფილიყო, თეიმურაზი იმდენად არ აფრთხობდა, რამდენადც მირიანი. იგი მას სხვებზე უკეთ იცნობდა და არ სჯეროდა მისი მორჯულება, მოშინაურება.

— ქვეყანაზე რა არ ხდება, თეთრი შავდება და შავი თეთრდება, მაგრამ მაინც მიჭირს იმის დაჯერება, რომ იმ ქალმა მირიანის მორჯულება და მოშინაურება შეძლო, — უთხრა მან თეიმურაზს და ქუჩაში გადმოზრდილი ალუბლის ტოტი ხელით გასწია.

— მართალი გითხრა, ამის დაჯერება მეც მიჭირს. კაცი რომ ასე მოულოდნელად და რადიკალურად იცვლებოდეს, დედამიწაზე სამოთხე კარგა ხნის დამკვიდრებული იქნებოდა. აქ რაღაც სხვა ამბავია. ის ქალი მე არ მეჩვენება ისეთ არსებად, ვინმეს მოთოკვა, მორჯულება, მოშინაურება რომ შეეძლოს. რატომღაც მგონია, ამის უფლება მას არც აქამდე ჰქონია მოპოვებული და არც ახლა აქვს.

— იქნებ უყვარს ან იქნებ იმხელა პატივისცემა დაიმსახურა მირიანის თვალში, რომ არ ეღალატების?

— არ ვიცი. ისინი ერთად არ მინახავს. რომ მენახა კიდევ, ქალისა და კაცის ურთიერთობაში გარკვევა ისევე მიჭირს, როგორც მტკერის ფსკერზე კაცის დანახვა. შეიძლება მირიანი სახლში სხვაა და გარეთ სხვაა. ოჯახურ ნიადაგზე გაორებულების მეტი რა მინახავს ამქვეყნად. თუმცა ამგვარი ზოგადი ვარაუდი კონკრეტული შეითხვევის ასახსნელად არ გამოდგება. ჩემი ეჭვი იმან გამოიწვია, რომ მირიანთან ორიოდე შეხვედრამ საბოლოოდ დამარწმუნა, იგი არათუ არ შეცვლილა, არამედ კიდევ უფრო გამირიანდა.

— მერედა, როგორია კიდევ უფრო

გამირიანებული მირიანი?

— ისეთი, თითქოს საპყრობილის კედლებს მუშტებს ურტყამდეს და ტკივილი-საგან რომ არ იყვიროს, ტუჩებს ისისხლიანებს. თუმცა ჩემზე ნაკლებად მას არც შენ იცნობ და ადვილად შეგიძლია წარმოიდგინო, როგორი იქნება.

თეიმურაზი მიხვდა, იმაზე მეტი რომ წამოროშა, რისი თქმაც შეიძლებოდა და ამიტომ დასკვნის გამოტანა მას გადმოულოცა. მას კი არც უცდია იმის წარმოდგენა, როგორი შეიძლებოდა ყოფილიყო კიდევ უფრო გამირიანებული მირიანი, რადგან კაცს, რომელიც წაგებულ საქმეს ებლაუჭებოდა, ამის ღირსად არ თვლიდა. საერთოდ, არ უყვარდა ამგვარი იმპროვიზებული თავშეყრა, რესტორანში ქეიფი და იმ წლების გახსენება, როცა ამ ქვეყნისა არაფერი ესმოდათ. იყო ამაში რაღაც დრომოჭმული, პროვინციული, პრიმიტიულად რიტუალური. ამიტომაც ვერ აგრილებდა კოჯრიდან მონაბერი ნიავი.

როგორც იქნა, აათავეს იმ დღევანდელი სიცხისათვის შეუფერებელი აღმართი, ფოთლებმომქდრალი ბალი გადაჭრეს და ერთად მოიყარეს თავი. ტრამვაის ქვედა სადგურში ცოტათი გრილოდა, სულის მოთქმა შეიძლებოდა. ის წელი ისეთი იყო, ჭკუა რომ არ მოეკითხებოდა. მწვანეს წითლად ღებავდა, ცისფერს ნაცრისფრად. ადამიანებს ნიღბები ეფარებოდათ და ისე უმწყოდ გამოიყურებოდნენ, თითქოს უჩინარი ხელი სამოსელისაგან ძარცვავდათ. ამ უჩინარი ხელისა ისე ეშინოდა ყველას, რომ ერთმანეთს პირს არიდებდნენ, თვალებს აქეთ-იქით აციცებდნენ და როცა იცინოდნენ, მათ სიცილში იყო რაღაც არაბუნებრივი, ისტერიული, იმ დროის შესაფერისი, სიტყვები რომ ქვებად აქცია. ტრამვაი ჭრივლით მიიწვევდა ზევით, ჰაერი მტკრისაგან იწმინდებოდა და უზარმაზარი, ხანადაღებული ჩრდი-

ლი, ტრამვაის ყოველ მიახლოებისას უკან იხევდა.

V

რესტორანში ხალვათობა იყო. სუფრა აივანზე გააშლევინეს. გზაში მათ კიდევ ერთი ამხანაგი შემოემატათ და მაგიდას შეიდნენ შემოუსხდნენ. ძირს გართხმული თბილისი მძიმედ სუნთქავდა, ჩრდილს ეტებდა, მაგრამ ჩრდილი არსად ჩანდა და თავის ქუჩებიანად და მოედნებიანად წითელ სახურავებს აფარებდა თავს. მაშინ რესტორნებში ისეთ კერძებს ამზადებდნენ და ქარხნებში ისეთ ღვინოს ასხამდნენ, უკეთესს ვერაფერს ინატრებდა კაცი. შეიძლება ამით იმ წელიწადს უხდიდნენ ხარკს, ჭკუა რომ არ მოეკითხებოდა. დაიწყო ღზინი. იგონებდნენ ბავშვობას, გიმნაზიას, თავს გადამხდარ ამბებს, კურიოზულ შემთხვევებს, მასწავლებელთა ახირებულობას. იყო ერთი სიცილი და ხარხარი, დროდადრო ვინმე ანეგლოტსაც ჩაურთავდა, მაგრამ მთელ ამ გართობასა და დროსტარებას აკლდა უშუალობა, გულწრფელობა, მოთხოვნების დაკმაყოფილების იმგვარი სურვილი, რისთვისაც ქეიფი იმართება. ამის მიზეზი მორცხვობა, მერყეობა, შემბორკავი თავაზიანობა კი არ იყო, არამედ სიფრთხილე და უნდობლობა. მიუხედავად სისხლის ანმაურებისა და სენტიმენტალური მოგონებებით გაფერუმარილებული განწყობილებისა, ვერავინ ბედავდა უხეიროდ მორგებული ნიღბის ჩამოხსნას, სიტყვის ორაზროვნებისაგან გათავისუფლებას, სიმართლისათვის უპირატესობის მინიჭებას. მთელი საუბრის მანძილზე არაფერი ინასკვებოდა, არაფერი იწმინდებოდა, არაფერს არ ჰქონდა დასრულებული საზე. სარკაზმიც და იუმორიც კი რაღაცნაირი უმარილო, უკბილო იყო. ამას ყველა გრძნობდა, მაგრამ არავინ იმჩნევდა. და არა იმიტომ, რომ განათლება ან ჭკუა აკლდათ, ზოგიერთ მათგანს

ისეთი ენა ჰქონდა, ყვავს ჩამოაგდებდა ხიდან, არამედ იმის გამო, რომ არ უნდოდათ გადარჯულებულიყვნენ, გადაჯიშებულიყვნენ, გათითოკაცებულებიყვნენ. ერთად პურის ჭამას ჯერ კიდევ ჰქონდა აზრი და თბილისური ემსხი. შეიძლება ისინი მთლად ასე არ ფიქრობდნენ, შეიძლება სადავოც ბევრი რამ ჰქონდათ, მაგრამ იმაში, რომ პურის ნატვრას პურის ჭამა სჯობია, სრულიად მართლები იყვნენ. ამ სუფრაზე რომ ვინმეს რაიმე მკრეხელური წამოეყრანტალებინა, პირველი თვითონ აღუდგებოდა წინ და ან ხმას ჩააკმენდინებდა, ანდა იქაურობას გაეცლებოდა. ამის გამო არც ღაჩრად იგრძნობდა თავს და არც სინდისი შეაწუხებდა. არის მომენტები, როცა კაცს მეტი სერიოზულობა მართებს, ვიდრე ყოვლოჩინობა, ქაფაფუტობა და უაზრო ჯიბრი. ახლა ისინი ბიჭები აღარ იყვნენ, ლოთი და ჩხუბისთავი არავინ ერიათ და თუ უნდოდათ მშვიდობიანად დაბრუნებულიყვნენ შინ, თავინთ ტყავში უნდა დატყულიყვნენ. ერთადერთი, ვისი ქცევის გათვალისწინებაც ჭირდა, მირიანი იყო, მაგრამ მირიანი ხმას არ იღებდა, ქაღალდის ხელსახოცზე რაღაცას ხატავდა და მხოლოდ ღვინოს ეძალეობდა.

როცა შესაღამოვდა, რესტორანში იმდენმა ხალხმა მოიყარა თავი, რომ ტყვა აღარ იყო. დღის სინათლე ხელოვნურმა შუქმა შესცვალა. კოჯრიდან დაძრულმა ნიავმა ხელსახოცები ააფრიალა. ამ რესტორანში ფულიანი, წონიანი, გავლენიანი ხალხი დადიოდა, მათ შორის ისეთი ფუნქციონერებიც, სხვაგან პურის ჭამა რომ არ ეკადრებოდათ. უმეტესობას ცოლ-შვილი აგარაკზე ჰყავდა გაყვანილი და ახლა თავისუფლებით სარგებლობდნენ, დანაკლისს ინაზღაურებდნენ. იმატა ყაყანმა, ჭურჭლის წკარუნმა, სახის ნაკვთების რღვევამ და ზარხოსმა. სამყარო იფარგლებოდა იმ სივრცით, რაც რესტორანს ეჭირა და ამ სივრცეში ზომიერების გრძნობა თანდათან ადგილს უთმობდა სისმაგეს, ღვარძლს, სიმრუშეს. აკაკობა გველეშაპივით იღვიძებდა, იქორებოდა, სარბიელს მოითხოვდა. აღარავინ იყურებოდა ცისკენ, აღარავინ მალავდა თავისი მქშინავი, ცხიმოვანი ხორცის სიმრუდეს, აღარავინ აღარ ჰქონდა იმის სურვილი, რომ სხვასა და თავის თავს მორიდებოდა. იქაურ ჰაერს რომ უეცრად ხორცი შეესხა და სინამდვილედ ქცეულიყო, უფრო კომპარული სურათების წარმოადგენა, ალბათ, აპოკალიფსის შემთხვევებსაც კი გაუჭირდებოდათ. ისეთები, ერთმანეთი რომ ჭირივით სძულდათ, ამ რესტორანში ბევრად უფრო მეტი იყო, ვიდრე მის სარდაფებში ვირთხები, ისეთები, სიმყრალეს რომ სუფთა ჰაერზე არ გასცვლიდნენ, კიდევ უფრო მეტი, ვიდრე აბეზარი ბუხები, ისეთები კი, არც ღმერთსა და არც კაცს რომ არ დაგიდევდნენ და თავიანთი მიზნის მისაღწევად არავითარ დანაშაულს არ მოერიდებოდნენ, ვირთხებსაც ჭარბობდნენ და ბუხებსაც. აქ ისხდნენ მედროვეები, კარიერისტები, რომლებიც მიწიერი მეუფის განგებით ადამიანის ბედს განაგებდნენ და რაც უფრო მაღლა მიიწვევდნენ სამსახურებრივ კიბეზე, მით უფრო კარგავდნენ ადამიანობასა და სახიერებას, მით უფრო ემსგავსებოდნენ ერთმანეთს.

— მოგონებები მხოლოდ იმ კაცს აფორიაქებს, ვინც ამ ცხოვრებაში სიკეთისა და ბოროტების მეტს ვერაფერს ხედავს და ჰგონია, რომ მის ცხოვრებაში მართლაც იყო რაღაც კარგი, — თქვა ამ დროს ერთმა მათგანმა ამხანაგმა, რომელსაც ფილოსოფოსობა უყვარდა და ამ ფრაზამ იმდენად მიიქცია მისი ყურადღება, რომ აზრი გაუწყდა.

— მე არა მგონია, ირაციონალური სიცარიელე სჯობდეს იმ გულის ფეთქებას, რასაც მოგონებები იწვევენ, — უპასუხა

თეიმურაზ კალატოზიშვილმა.

— ეს იმიტომ, რომ ბევრს ჰგონია, სიკეთეში არის რაღაც თბილი, ცოცხალი, ხელშესახები.

— არის კიდევ. სიკეთე რომ თბილი, ცოცხალი, ხელშესახები არ იყოს, ჩაღის ფასიც არ ექნებოდა. სიკეთე და ბოროტება იმიტომ არიან გასულიერებულნი, რომ ადამიანის ბუნების ორგანული ნაწილები არიან.

— რა აზრი აქვს ისეთი ცნებების გასულიერებას, რომელთა სახელით უამრავ ცოდვას სჩადიან და ამით არც სიკეთე მრავლდება და არც ბოროტება კლებულობს. ეს ხომ ისეთი თამაშია, სადაც ოფლად და ცრემლად იღვრებიან, მოკვებით კი არავინ არაფერს იკვებს.

— გაჩუმდით, თუ ღმერთი გწამთ, — ჩაერია მათ საუბარში მირიან ზარდაშელი, — თქვენს ჭკუის ჭყლეტაში უფრო მეტი სიბინძურეა, ვიდრე იმ საკანალიზაციო მილში, აქედან რომ მტკვარში ჩადის.

მირიანს უნდოდა კიდევ რაღაც ეთქვა, მაგრამ შეცრად ხელი ჩაიქნია, საკვებ ჭიქას დასწვდა და უხმოდ დაცალა. სუფრაზე უხერხული ღუმელი ჩამოვარდა. მაგიდაზე გაწოლილმა ჩრდილმა ცოტა უკან დაიხია. ამხანაგებს მირიანის გამოხდომისათვის მაინცდამაინც დიდი ყურადღება არ მიუქცევიათ, მთვრალი კაცის ახირებად ჩათვალეს. მან კი მაშინვე იგრძნო, რომ მირიანისათვის ბოლომდე იყო ჩამოყალიბებული ის სინამდვილე, რომელიც სხვებისათვის ჯერ კიდევ ყალიბდებოდა. ეს კი მირიანს არა მარტო ყოყმანისაგან ათავისუფლებდა, არამედ შემბოჰავი მარწუხებისგანაც და იმ წრეში, სადაც არავითარი უწესრიგობის დაშვება არ შეიძლებოდა, მეამბოხური განწყობილება შემოაქონდა. ერთი წუთით ისიც კი გაიფიქრა, ავადგები და გავცვლები აქაურობასო, მაგრამ ამდენ ხალხში ამდენ ხანს

ჯდომის შემდეგ, ამას არავითარი ალარ ჰქონდა, უდროოდ გაქცევა თავის გასამართლებდად არ გამოდგებოდა.

თამადამ ახალი სადღეგრძელო წამოიწყო. ამით უხერხულობის გაფანტვა და სუფრის ზომიერ ფარგლებამდე დავიწროება სურდა, მაგრამ მას უკვე აღარ სჯეროდა, რომ თამადა ამ მძიმე მოვალეობას თავს გაართმევდა და მისი შეშფოთება თანდათან მატულობდა, ისეთ სახეს იღებდა, როგორც ბრალდებულს აქვს განაჩენის გამოტანის წინ. უსიამო ფიქრები რომ მოეშორებინა, სავსე ჭიქა აიტაცა, სულმოუთქმელად გადაჰკრა და როცა ჭიქა პირიდან მოიშორა, მოხდა სწორედ ის, რასაც გული უგრძნობდა.

მათგან ორიოდე მაგიდის მოშორებით ვიღაც ბობოლები ისხდნენ, ღვინოს სვამდნენ და, მიუხედავად იმისა, რომ აქ საქეიფოდ იყვნენ ამოსულნი, დიდკაცურ იერს მაინც არ იშორებდნენ სახიდან. შეემლოთ, კაბინეტი ექირაგებინათ და იქ გაეტარებინათ დრო, მაგრამ ამ სიცხეში ეს სიმწრის ოფლის ღვრა უფრო იქნებოდა, ვიდრე ქეიფი. იმიტომაც გააშლევინეს სუფრა აივანზე. ოფიციალტები ისეთი მოწინებით ექცეოდნენ, ეტყობოდა, ისინი პირველად არ იყვნენ აქ. სამივეს ჩექმები, გალიფე შარვლები და თეთრი, გვერდზე გაჭრილი, საყელომოქარგული პერანგები ეცვათ. ძველი რევოლუციონერები და კლასთა ბრძოლებში გამობრძმედილი ბოლშევიკები რომ იყვნენ, სერიოზულობაზე ეტყობოდათ. სიცილი, ღიმილი, სილაღე მათთვის ისეთივე დაუსშვებელი რამ იყო, როგორც კომუნისტური დოგმების ჭეშმარიტებაში ეკვოს შეტანა. შინაგანად ისე იყვნენ მოწყობილნი, რომ ხალხში საერთოდ არ უნდა გამოსულიყვნენ, არ უნდა დაენახებინათ სხვებისთვის ის სქეტანტური გამომეტყველება, დაღივით რომ აჩნდათ სახეზე, მაგრამ ახლა უცოლშვილოდ იყვნენ დარჩენილნი, დახუ-

რული სასაღილოს კერძები ყელში ჰქონდათ ამოსული და ქართული კერძების მოყვარულებმა ცდუნებას ვერ გაუძლეს, სექტის ეთიკეტი დაარღვიეს. შეიძლება მათი აქ ამოსვლის მიზეზი მარტო ეს არ იყო, შეიძლება სხვა რამეც უშხამავდათ გუნებას, შეიძლება წყალი ჰქონდათ შემდგარი, მაგრამ გარედან ეს არ ეტყობოდათ. ყოველ შემთხვევაში, თავი ისე ეჭირათ, როგორც ნაღვაწ, დამსახურებულ მოქალაქეებს, რომლებიც სხვებისაგან პატივისცემას იმიტომ მოითხოვდნენ, რომ ხალხს თავისუფლება და საამური ცხოვრება მოუტანეს.

სანამ მეამბოხეობაზე და მის შედეგებზე ფიქრობდა, ერთ-ერთი იმ ბობოლათაგანი, რომელსაც დიდი, მელოტი თავი და საკმაოდ მოზრდილი ღიპი ჰქონდა, ფეხზე წამოდგა, ხელში საკვე ჭიქა აიღო და დიდი რიხით დაიწყო სტალინისა და მისი უერთგულესი მოწაფის, ბერიას სადღეგრძელო. ეს იყო რაღაც წარმოუდგენელი სივთქე, რაღაც ისეთი, რასაც ახსნა არ მოეძებნებოდა, რაც შეიძლება ჩაედინა მარტო კომუნისტს და მეტს არავის. მთელ დარბაზში ისმოდა ტრაფარეტული ეპითეტები, პათოსით წარმოთქმული დითირამები, იმ ლოზუნგების განმარტებები, რომელთაც პროლეტარიატის ბელადს და მის უერთგულეს მოწაფეს მიაწერდნენ. სიტუაცია სასაცილო და კომიკური იქნებოდა, ტრაგიკული და იდიოტური რომ არ ყოფილიყო. დარბაზი გაისუსა, დადამბლავდა, ვერ გარკვეულიყო, ეს სერიოზული კაცი ბელადის განდიდების ახალ მეთოდს ნერგავდა, თუ თვალი და ყური ატყუებდათ, რაღაც ეჩვენებოდათ. რესტორანში, ღვინის ხმაში, ღრიანცელში იმათ სახელის ხსენება, რომელთა ავტორიტეტის შებღალვა და გასვრა არაფრით არ შეიძლებოდა, ძნელი აღსაქმელი, ძნელი გასათვისებელი იყო. მელოტი კი თავისას მიაჭენებდა და მის ხმა-

ში ხანდახან პათეტიკურ ბგერებს დრამატული ნოტები ცვლიდა.

უეცრად მან მზერა მირიან ზარდაშელზე გადაიჩანა. გუმანით გრძნობდა, აქ რაღაც უნდა მომხდარიყო, რასაც გაუთვალისწინებელი შედეგები მოჰყვებოდა. მირიანი თავჩაქინდრული, გაფითრებული იჯდა, გათიშული ჩანდა და შეცდომაში სწორედ ამან შეიყვანა, ეგონა, ბოლო ჰქონდა მოღებული და მისგან არავითარ გამოხდომას აღარ მოელოდა, მაგრამ უეცრად მირიანი ნადირივით ფრთხილად და სწრაფად წამოდგა, სუფრიდან ღვინით საკვე ჭიქა აიტაცა, თვალის დახმამხმებაში მიიჭრა იმ მაგიდასთან, მელოტმა ტრიბუნად რომ გაიხადა და მთელი ჭიქა ღვინო ისე შეასხა ორატორს სახეში, თვალიც კი არ დაუხამხამებია. გაოგნებულ დარბაზს ინსტინქტური, ცხოველური გმინვა აღმოხდა. ყველა მიხვდა, რომ ღვინო მელოტს კი არ შეასხეს სახეში, არამედ იმათ, ვინც მას ცამდე აჰყავდა. მცირე ხანს სამარისებური სიჩუმე იდგა, შემდეგ კი ვიღაცამ დანაგაყრილივით იღრიალა, მას სხვებიც აჰყვნენ და ატყდა, მაგრამ რა ატყდა! იმ ერთი ჭიქა ღვინის სახეში შესხმა თუ ყუმბარის აფეთქება არა, თოფის გაგარდნა მაინც იყო. მთელი რესტორანი ფეხზე წამოიჭრა, აღარავის ექეიფებოდა და ემღერებოდა. მოირბინეს ოფიციალტებმა, მეზუფეტებმა, მალე რესტორნის დირექტორიც გამოჩნდა. მას და მის ამხანაგებს სახეზე მიწისფერი ედოთ, ის, რაც მირიანმა ჩაიღინა, სახუმარო საქმე არ იყო, მით უმეტეს ახლა, ამ გაგანია რეპრესიების დროს. უეცრად დირექტორი ორიოდ წუთით სადღაც გაქრა და ისევ დაბრუნდა. ყველაზე საოცარი ის იყო, რომ ბრბო ყვიროდა, ყაყანებდა, იმუქრებოდა, მაგრამ მირიანს ახლოს არავინ ეკარებოდა, თითქოს ერთ წუთში იგი კეთროვანად გადაიქცა და ვინც შეეხებოდა, მასაც გა-

სვრიდა, წაბილწავდა. მირიანი აღარ ითვლებოდა ადამიანად, აღარ ეკუთვნოდა კაცთა მოღმას, იგი რესტორანში შემთხვევით შემოხეტებული დინოზავრი იყო და მისთვის იმათ უნდა მოეკლოთ, ვისაც ეს უშუალოდ ევალებოდა. მათ ფუნქციებში აქ მყოფთაგან ვერაგინ ჩაერეოდა, რადგან ამის გამო შეიძლება ისინიც დინოზავრებად მოენათლათ. ამიტომ ყველაზე ჭკვიანურად დირექტორი მოიქცა. გაიქცა და იქ დარეკა, სადაც დინოზავრებს არჯულებდნენ. მალე მოვიდნენ კიდეც. ტყავის ჩექმები და ტყავის ქურთუკები ეცვათ, ერთი ერთ მხარეს ამოუდგა მირიანს გვერდით, მეორე, მეორე მხარეს და ისე გაიყვანეს რესტორნიდან, როგორც მძიმე ავადმყოფი. მას შემდეგ მირიანი არ უნახავთ. ამ ოციოდე წლის წინათ, ერთმა იმათგანმა, იმ დღეს რომ რესტორანში ქეიფობდნენ, სამსახურში დაურეკა და უთხრა:

- გაიგე სასწაული?
- რა სასწაული?
- მირიანი დაბრუნებულია.

VI

ბერიკაცს უკვირდა, როდის შემოეპარა ყოვლისმომცველი სკეპტიციზმი, როდის დაიღო მის სულში ბინა მჩხიბაობამ, როცა ყველა ზერელი და ბზარი დაგმანული ჰქონდა. ამ მხრიდან არც ღალატს მოელოდა და არც სივერაგეს, მაგრამ საფრთხე სწორედ იქიდან შემოიძურწა, საიდანაც არ მოელოდა. იშლებოდა ის ზღვარი, რომელიც არ უნდა წაშლილიყო, ინგრეოდა ის კედელი, რომელიც არ უნდა მონგრეულიყო. ამ ცოტა ხნის წინათაც კი სკეპტიციზმისა და მჩხიბაობის ძლევა მოსილება გაზვიადებული ეგონა, არ სჯეროდა, რომ ის, რაც სხვებს აჩაჩანაკებდა, მასაც მოერეოდა, მაგრამ ახლა ზედბოდა, რომ საქმე უფრო რთულად იყო და შინაგანი წინააღმდეგობის აღსადგენად რაღაც სხვა, უფრო თანამედროვე ხერხი უნდა მოეგონებინა, თორემ ის სი-

ბრძნე და გამოცდილება, აქამდე რომ მოჰყვა, აღარ ჭრიდა. ინსტიტუტიდან გამოსვლის შემდეგ მის მეხსიერებაში ყველაფერი აირია, გამრუდდა, გადასხვაფერდა და ამიტომ მოგონებების შემოტევისაგან ისე უნდა დაეცვა თავი, რომ არ განიარაღებულიყო, მეტისმეტად არ გაბიაბრებულიყო. ამ რღვევის მიზეზი მარტო სიბერე რომ ყოფილიყო, არაფერს იტყოდა, მაგრამ ერთ დღეში ხომ არ დაბერებულა, დაბერებით აგერ უკვე ოცი წელიწადია, ბერდება და რაღა ახლა, ნახევარ საათში გამოჩერჩეტდა? არა, აქ რაღაც სხვა ამბავი იყო და სწორედ იმ მიზეზს უნდოდა მიგნება, რამაც საკუთარ თავს დაუპირისპირა.

ბერიკაცმა პორტფელი ხელიდან ხელში გადაიტანა და იქაურობას თვალი მოაველო. ქალაქი მოუკვლელი, უპატრონო მოჩვენება და შინაგანად დაიძაბა. შეიძლება ეს დაძაბულობა იმდენად ქალაქის მოუკვლელობის ბრალი არ იყო, რამდენადაც იმ ჩრდილების აფორიაქებისა, აქამდე რომ მშვიდად თვლემდნენ. უგუნებობა აზრსაც კი არ აცლიდა ჩამოყალიბებას, ერთს ისე მოსდევდა მეორე, თითქოს სახრით ერეკებოდნენ.

ყველაფერი იმ მუდრეგის ბრალია, ცხარობდა ბერიკაცი, მისი დანახვა ვის არ აურევს ტვინს? კაცი რომ სიცოცხლის ნახევარზე მეტს საღდაც ჯანდაბაში გაატარებს, რაღა უნდა იმას სამშობლოში? გდებულიყო იქ, სადაც იყო და ეცლია ხალხისათვის ცხოვრება. არა, მომაკვდავი ნადირივით მაინც აქ მოიტანა თავი. ახლა კი უცხოსავით დაჩლახუნებს ამ გამოზირზე და თავი ისე უჭირავს, თითქოს მთელმა ქვეყანამ ზედ გადაუარა. ამას არ სჯობდა, მუდარიყო შინ წყნარად, ეკეთებინა თავისი საქმე და არც სხვები გაემწარებინა და არც საკუთარი თავი. მაგრამ კაცი რომ გაუკუღმართდება, მერე იმას წაღმა ველარავინ შემოაბრუნებს. მაშინ

ბევრი რამ არც მას მოსწონდა და არც მის ამხანაგებს, მაგრამ ამის გამო არ გადარეულან, ფუნქციონერისათვის სახეში ღვიწრო არ შეუსხამთ. ამით ხომ თავიც დაიღუპა და ცოლ-შვილიც გასწირა. თავითუ არ ებრალეობდა, ისინი მაინც შეებრალებინა. მისი დაჭერის შემდეგ იმ ქალმა მთელი წელიწადი იმიშპილა, რაც გასაყიდი ჰქონდა, გაყიდა, ქალაქში ნათესავი და შემწე არავინ ჰყავდა, მირიანის გამო სამსახურშიც არ ღებულობდნენ და როცა იმედი გადაეწურა, სამზარეულოში გასანთლული თოკი კაუჭს გამოაბა და თავი ჩამოიხრჩო. ბავშვი კოჯრის ბავშვთა სახლში წაიყვანეს. ომის დროს რაღაც ინფექციური აავდემყოფობა შეეყარა და ისიც დაუტირებლად მიაბარეს მიწას. ეს ამბავი მას მოგვიანებით, რამდენიმე წლის შემდეგ უამბეს, მაგრამ აზრი იმაზე, რაც მამინ მირიანმა ჩაიდინა, არ შეცვლია.

ცოლ-შვილი ხომ გასწირა და გასწირა, მაგრამ მირიანის მამინდელმა გამოცდომამ ამხანაგებისც შავ ღლეში ჩაყარა. იმ ზაფრისა და დამცირების მეხსიერებიდან ამოშანთვას საკმაოდ დიდი დრო დასჭირდა. ზოგჯერ გალურსული იყო, ზოგჯერ თავისთვის ფაჩუნობდა, მაგრამ მეხსიერება რის მეხსიერებაა, მოულოდნელად რომ არ გიმტყუნოს, ზურგში დანა არ ჩაცეკვს? იმ ამბების შემდეგ ბევრი დრო გავიდა, დასალაგებელი დალაგდა, გასვრილი და წაბილწული მიიწმინდა-მოიწმინდა, რაც არ სიამოვნებდა ქარსა და მტკვერს გაატანა და ამიტომ ვერ შეამჩნია, როგორ გადაეცალა მტკერი დამარხულსა და დავიწყებულს, როგორ ამოიზარდა ნაკვიდან გადასხეპილი რტოები და როგორ შეისხა ხორცი.

წარსულის მკვდრეთით აღდგომამ ბერეკაცია არა მარტო გაანაწყენა, არამედ ლანძღვა-გინების ხასიათზეც კი დააყენა. არ უყვარდა დროის ღრევა, ერთხელ და

სამუდამოდ დალაგებული მოველენების გადაადგილ-გადმოადგილება, ირაციონალურ სიცარიელეში შეჭრა. მის ცხოვრებაში ბევრი რამ ხდებოდა ისეთი, რასაც არ მოელოდა, რაშიც მხოლოდ იმიტომ მიუძღვოდა ბრალი, რომ შედეგები ვერ გაითვალისწინა, თორემ მამა აბრამის ბატკანი. რომ არ იყო, ეს თვითონ კარგად იცოდა. ანდა რატომ უნდა ყოფილიყო მამა აბრამის ბატკანი, რატომ უნდა წამხდარიყო იმის გამო, რაც შეიძლება ორიოდე კაცს ხსომებოდა და ისიც ბუნდოვნად, რატომ უნდა მიეჩნია სილაჩრედ და სიჩლუნგედ ის, რასაც ჭკუა და საღი აზრი კარნახობდა, რატომ უნდა ემრუდებინა გზა იმის გამო, რომ უგუნურად სიცოცხლესა და სიკვდილს ადამიანურად სიცოცხლე და სიკვდილი ერჩია. ამიტომაც მიაჩნდა წარსული ყოველთვის აბეზარ, უტიფარ, ანჩხლ ღელაკაცად, რომელსაც არც თავისი თავის მოვლა შეუძლია და არც იმის ახსნა, რატომ წვალობს და იტანჯება ადამიანი ასე უსაშველოდ საუკუნეების მანძილზე? წარსულის ბრალი იყო ისიც, რომ ახლა მის გონებაში აჩრდილები დაბორილობდნენ, რაღაცას ამაღლიდნენ და რაღაცას ითხოვდნენ, მაგრამ ეს სრულებით არ ნიშნავს იმას, რომ მართლები იყვნენ, რომ მათ წინაშე ფარ-ხმალის დაყრას და გულზე ხელების დაკრეფას აპირებდა. აჩრდილები არა მარტო უსახურნი იყვნენ, არამედ ამ ქვეყნიდან წასულნიც და სწორედ იმ ნიშნებს ატარებდნენ, რითაც იგი მათ ერთმანეთისაგან ანსხვავებდა. ამ ნიშნების მატარებელთ კი არავითარი უფლება არ ჰქონდათ იგი ნამუსზე შეეგდოთ, გაესვართ, დაეკნინებინათ. შეიძლება ღერძზე ძველებურად ველარ ტრიალებდა, შეიძლება სირბილში ახალგაზრდებს უკან ველარ იტოვებდა, მაგრამ არც ისე დაუძღვრებული იყო, რომ სალახანებს ვერ გამკლავებოდა, საკადრისი პასუხი

არ გაეცა იმ სულწაწყმედელთათვის, რომელთაც მიწაც კი არ ღებულობდა და ზედაპირზე დაბორილებდნენ.

უეცრად პატარა ბიჭი, რომელიც დედას ხელიდან დაუსხლტა, ბერიკაცს დაეჯახა და პორთფელი გაავადებინა. ბერიკაცი ისე შეტორტმანდა, კინალამ წაიქცა, მაგრამ იყოჩაღა და ისევ გასწორდა. ერთხანს გაოგნებული იდგა, ვერ გაეგო, რა მოხდა, მართლა დაეჯახა ვინმე თუ იმდენად დაუძღურდა, რომ ხელიდან პორტფელიც კი უვარდება. გონს მხოლოდ მაშინ მოეგო, როცა ახალგაზრდა ქალმა პორტფელი აიღო, თეთრი ცხვირსახოცით გადაწმინდა და ბიდიშისმომხდელი ღიმილით გაუწოდა. ქალი ლამაზი, მოხდენილი იყო, ღიმილიც უხდებოდა და მიმოხვრაც, მაგრამ ახლა ბერიკაცი ისე იყო შინაგანად შემფოთებული, რომ ლამაზი ქალის ღიმილი კი არა, გაახალგაზრდავებაც ვერ მოიყვანდა ხასიათზე. ახირება ხომ არ იკმარა და არ იკმარა, აიგდო თავი, ახლა კი კინალამ არ შეარცხვინა თითის ტოლა ბიჭმა, კინალამ არ გამშლართა ტროტუარზე.

ბერიკაცმა გზა ბუზღუნით განაგრძო, მაგრამ სადღაც შიგნით, შესაძლებლობათა ზღვარს მიღმა, გრძნობდა, რომ მის სატკივარს ახლა სხვა წამალი მოუხდებოდა — მოუსვენარი ბიჭის დედის თეთრი ხელის სითბო, ალერსი, მისი ღონე და მოქნილობა. ერთი წუთით თითქმის ხელშესახებად იგრძნო ქათქათა, ზავერდოვანი სხეული. იყო ამ სხეულში რაღაც დასაბამისმიერი გამაღონიერებელი, მანუგეშებელი, მაგრამ მთელი ეს მარადიული, მომაოხებელი, მარტოობისა და ტკივილის დამაყურებელი სიმდიდრე სხვას ეკუთვნოდა და მისთვის არავინ არაფერს გაიმეტებდა. არადა, ახლა მასზე უკეთ არავინ იცოდა იმ ღიმილისა და იმ ხელის ფასი, რომელმაც თეთრი ცხვირსახოცით პორტფელი გადაწმინდა. იმ ქალს რომ

მისდამი, არა როგორც მოხუცისა, არამედ როგორც მამაკაცისადმი ცოტაოდენი ყურადღება გამოეჩინა, დაეფასებინა, ისე მოუვლიდა, როგორც არავის მოუვლია, ისეთ პატივს სცემდა, როგორც არავის უცია. ამჯერად იგი არ ტყუოდა, არ თვალთმაქცობდა, თავისკენ არაფერს ექაჩებოდა. უბრალოდ, გრძნობდა ჰქონდა ასეთი და ეს გრძნობა რომ ნადვილი, უბიწო და უანგარო იყო, ამაში ეჭვი არ ეპარებოდა. უსამართლობად მხოლოდ ის მიაჩნდა, რომ ასაკის გამო, ამის უფლება წართმეული ჰქონდა და კვლარასოდეს დაიბრუნებდა.

ბერიკაცი წელში გასწორდა, თვალეზში თითქოს სითბოც კი ჩაუდგა, მაგრამ გამზირზე მაინც დაუპატიჟებელი სტუმარივით გრძნობდა თავს და ზოგჯერ ისეთი რამე ეუცხოვებოდა, რასაც უცხოობისა არაფერი ეცხო. სახლები გახუნებული ფერებისაგან იმარცვებოდნენ, ქუჩის მორთულ-მოკაზმულობა ძველი სახის დაბრუნებაზე უარს ამბობდა. ნიავეი ფოთლებს იქითკენ ერეკებოდა, საითაც გზა არ ედოთ. წარსულს არა მარტო გონების თვალი აშუქებდა, არამედ სიბნელიდან გამოცოცხებული ასოციაციებითაც და ამგვარ ერთობლივ შემოტევას მისი გონება კვლარ უძლებდა, მოგონებები ისე წინლავდნენ და ჯიჯგნიდნენ, როგორც შეთქმულნი.

ერთი კვირაც არ იყო გასული მას შემდეგ, რაც მირიან ზარდაშელი დაიჭირეს და იმ სუფრის ყველა მონაწილე შინსახკომში დაიბარეს. შინსახკომი სახელად ერქვა, თორემ იმ ამბებს, რაც იმ შენობაში ხდებოდა, შინაგან საქმეთა სახალხო კომისარიატთან საერთო ცოტარამ ჰქონდა, გამოძიებლებიც თავისი ჰყავდა და ტრიბუნალებსაც თვითონ ადგენდა. მთელ მის სტრუქტურაში ერთი რგოლი არ იყო ისეთი, უდანაშაულო ადამიანს რომ გამოსარჩლებოდა. ამიტომ ის, ვისაც იქ

იბარებდნენ, მხოლოდ იმიტომ იყო დამ-
ნაშავე, რომ დაიბარეს, ვისაც ეს არ სჯე-
როდა — აჯერებდნენ, თანაც ისე, რომ
შეხსენება აღარ სჭირდებოდა.

ჩამწარებული ქეიფის მონაწილენი
ერთად კი არ დაიბარეს, არამედ ცალ-ცა-
ლკე-ცალ-ცალკე დაბარებას თავისი უპი-
რატესობა ჰქონდა. რასაც მარტო კაცს
სტყუებდნენ, იმის ჯგუფისათვის გამოძა-
ლვა ჭირდა. მოწმე იმ დროს არავის ეხა-
ტებოდა გულზე, იმ დანვსებულებაში კი,
სადაც დაიბარეს, უცხო თვალი არ უყვა-
რდათ. ამის პირველი ნიშანი ის იყო, რომ
იბარებდნენ ღამ-ღამობით, ზოგჯერ შუა-
ღამითაც კი და ამას აკეთებდნენ უფრო
დასაშინებლად, ვიდრე სიმათლის და-
სადგენად. რა როგორ მოხდა, ვინ რა თქვა
და ვინ რა მოიძოქმედა, მათ ისე კარგად
იცოდნენ, რომ პირადად მას რაღაც-რა-
ღაცების გახსენებაც კი დასჭირდა. ეს კი
იმას ნიშნავდა, რომ მათ შორის თუ ორი
არა, ერთი მაინც იყო შინსახკომის აგენ-
ტი. იმიტომ რაიმეს დამალვას, ვინმესათ-
ვის, განსაკუთრებით მთავარი ბრალდებ-
ულისათვის ხელის დაფარებას აზრი არ
ჰქონდა.

გამომძიებელი შავგერემანი კაცი
იყო, სახე მოგრძო ჰქონდა, ფერი — ნაცი-
ხარისა და დაბეჯითებით ვერც ერთ იმ
ეროვნებას ვერ მიაკუთვნებდი, თბილის-
ში რომ სახლობდნენ. გამხდარსა და ვი-
წრომხრებიანს, სამხედრო ფორმა არ
უნდებოდა, განსაკუთრებით გალიფე და
ჩექმები. ასე არ უნდა სცმოდა კაცს, რო-
მელსაც გარეგნობა ინტელიგენტური
ჰქონდა, ხმა კი რბილი და არაადამიანუ-
რად ცივი. თავი ისე ეჭირა, თითქოს ჩვე-
ულებრივი მოხელე იყო, სახელმწიფოს
უშიშროებას იცავდა და ძალით თავს
არავის არაფერს ახვევდა, მაგრამ თვალე-
ბი ღალატობდნენ. მათში იმ კაცის ცინი-
ზმი იგრძნობოდა, მრავალი ადამიანის
ტანჯკასა და წამებაში რომ მიუღია მო-

ნაწილეობა და ამგვარ რამეს არა მარტო
შეჩვეული იყო, არამედ მოთხოვნილება-
დაც კი ჰქონდა გადაქცეული. ამაზე მისი
სახის გამოციებული ნაკეთები და ტუჩე-
ბის მოხაზულობა მეტყველებდა. გამოც-
დილება რომ დიდი ჰქონდა, რეაქციაზე
ეტყობოდა. მაგიდასთან ჩასაფრებულ-
ვით იჯდა, მხედველობიდან არაფერი
რჩებოდა და წინადადებას უეცრად ისე
შეატრიალებდა, რომ საქმე დაემძიმებინ-
ა. როცა გამომძიებელმა ანკეტური მო-
ნაცემები ოქმში შეიტანა, თავი ასწია და
უთხრა:

— რომ გიყურებთ, მიუხვედრელი კა-
ცი არ ჩანხართ. რამ დაგაბრმავათ ისე,
რომ თქვენს მეგობარში პირწავადნილი
კონტრრევოლუციონერი ვერ ამოიცა-
ნით?

აგდება, დამცირება პირველივე კითხ-
ვიდან დაიწყო. სხვა ადგილას და სხვა
ვითარებაში მისთვის რომ ვინმეს ეთქვა,
მიუხვედრელი კაცი არ ჩანხარო, ისეთ
პასუხს მიიღებდა, რომ მეორედ თავის
აგდების სურვილი არ დაებადებოდა, მაგ-
რამ აქ, ამ კაბინეტში საკმარისი იყო გუ-
ლისწყრომა გამოემქვანებინა ან სკამი-
დან ოდნავ წამოწეულიყო, გამომძიებ-
ელი მაშინვე მაგიდის ქვეშ დამაგრებულ
ლილაკს დააჭერდა, კაბინეტში „დამძუ-
შავებლები“ შემოცვივდებოდნენ, ხოლო
თუ დროზე არ მოეგებოდა გონს, ფეხქვე-
შაც კი გაივლებდნენ.

— ის კაცი, თქვენ რომ ჩემს მეგობრად
ნათლაეთ, ჩემი მეგობარი არასოდეს ყო-
ფილა, — უპასუხა მან თამამად, რადგან
ეს მართლაც ასე იყო.

— რამდენადაც მე ქართულ ჩვეულე-
ბას ვიცნობ, საქეიფოდ სუფრას მხოლოდ
მეგობრები უსხდებიან.

— ეს რომ მართლა ასე იყოს, ქარ-
თულ სუფრაზე ამდენი ჩხუბი და აყალ-
მაყალი არ ატყვებოდა, მაგრამ ამაზე ლა-
პარაკი შორს წაგვიყვანდა. მე სხვა რამ

მინდა გკითხოთ, როგორ შეიძლება ჩემს მეგობრად ჩაითვალოს კაცი, რომელიც თხუთმეტი წელიწადია თვალთ არ მინახავს?

— ჯერ ერთი, კითხვებს აქ მხოლოდ მე ვიძლევი, მეორეც, ეს ხომ კონსპირატორთა ჩვეულებრივი ხერხია და იმას ნიშნავს, რომ თქვენს შორის არსებობდა შუალედური რგოლი, რომელმაც ქეიფი იმისათვის გამართა, რომ რესტორანში კონტრრევოლუცია მოგეწყობო.

— პირადად ჩემთვის არც შეთქმულების გეგმა გაუნდვიათ და არც არაფერი დაუგალებიათ. მე მგონი ის, რაც რესტორანში მოხდა, მთვრალი კაცის სიშლეგე იყო და მეტი არაფერი, თორემ ასე უაზროდ რომელი ჭკუათმყოფელი ილუპავს თავს?

გამომძიებელს ისეთი პასუხი გასცა, როგორც უნდა გაეცა, მაგრამ ზარდაშელის საქციელის შეფასებაში მართალი არ იყო. მირიანმა ერთხელ უკვე გასწირა თავი უაზროდ და იმან, რაც რესტორანში მოხდა, ის უაზრობა საბოლოოდ დააკვირგინა. კიდევ კარგი, უნებართვოდ გამომძიებელს არქივში არ უშვებდნენ, თორემ საქმე უსაშველოდ გართულდებოდა.

— თქვენ გინდათ პოლიტიკური აქცია სიმთვრალეს, სიშმაგეს გადააბრალოთ, მაგრამ ასე მარტივად რომ იყოს საქმე, აქ არც დაგებარებდით. ამიტომ კაცურად გირჩევთ, გულწრფელად აღიაროთ ის, რაც ჩვენ უთქვენოდაც ვიცით.

ეს უკვე იმდენად პრიმიტიული დემაგოგია იყო, რომ მისთვის ანგარიშის გაწევა სირეგვენი იქნებოდა.

— რა უნდა ვაღიარო?

— ის, რომ ანტისაბჭოთა შეთქმულებაში ლებულობდით მონაწილეობას.

— რამდენადაც ვიცი, შეთქმულნი ერთმანეთს უნდა ხედებოდნენ, მე კი წლების მანძილზე მათგან ოთხი ათასი კილომეტრით ვიყავი დაშორებული, არც ერთ მა-

თანთან არავითარი კონტაქტი არ მქონდა და არც თბილისში ჩამოსვლის შემდეგ შეხვედრილვარ. გულწრფელობა იმან გამოიჩინოს, ვინც შეთქმულების მოსაწყობად ღია, ხალხით გაჭედული დარბაზი აირჩიოს.

— გიჟებს, შლეგებსა და კონტრრევოლუციონერებს ჩვენ როგორმე თქვენზე უკეთ ვანსხვავებთ ერთმანეთისაგან. მე დარწმუნებული ვარ, რომ თქვენი საქართველოდან გადახვეწაც კონტრრევოლუციურ საქმიანობასთან იყო დაკავშირებული. რას აკეთებდით მოსკოვში?

— ვსწავლობდი.

— სად?

— პოლიტექნიკურ ინსტიტუტში.

— რომელ ფაკულტეტზე?

— ჩარხსამშენებლოზე.

— დაამთავრეთ?

— თქვენ წარმოიდგინეთ, რომ დავამთავრე.

— თუ დაამთავრეთ, დიპლომსაც ჩამოიტანდით და დახასიათებასაც.

— ყველაფერი ჩამოვიტანე.

— მერედა ინჟინერმა კაცმა არ უნდა იცოდეთ, რომ ამისთანა ბინძურ საქმეში არ უნდა გაერიოთ? სანამ თქვენისთანა ბედოვლათებს უმაღლეს სასწავლებლებში ლებულობენ, ჩვენ საქმე არ გამოგველევა, — თქვა გამომძიებელმა ისეთი გამომეტყველებით, რომ, ეჭვობა, გულზე სკდებოდა, უმაღლესი რომ არ ჰქონდა დამთავრებული და ჯიბეში დიპლომი არ ედო.

— ჯერ ერთი, ამ ქვეყანაზე სიბინძურე ბევრად უფრო მეტია, ვიდრე სიწმინდე, მეორეც, იმათ შორის, ვინც იქ იყო, ჩემზე ნაკლები ცენზი არცერთს არა აქვთ, — უპასუხა მან.

— სხვების დანაშაული თქვენსას არ ამსუბუქებს.

— თუ რესტორანში პურის საჭმელად შესვლა დანაშაულია, რა თქმა უნდა...

გამომძიებელმა პაპიროსს მოუკიდა

და ერთხანს ჩაფიქრდა. მის ჩაფიქრებაში იყო რაღაც მზაკერული, ნაცადი, მაგრამ კითხვა ნაკლებად მკაცრი, ნაკლებად დე-მაგოგიური აღმოჩნდა, ვიდრე ელოდა:

— მაშ თქვენ ფიქრობთ, რომ ის, რაც რესტორანში მოხდა, მთვრალი კაცის ახირება იყო და არა სახელმწიფო დანა-შაული?

— მართალი თუ გინდათ, ეს იყო ხუ-ლიგნობა და მეტი არაფერი.

— კი მაგრამ, იცით, ვინ არის ის კაცი, ვისაც ასე უდღერად მოექცნენ?

— არა, არ ვიცი.

— ძველი ბოლშევიკი, ლენინის თანა-მებრძოლი, სამოქალაქო ომის აქტიური მონაწილე.

— შეიძლება, მაგრამ ის კაცი ვერ ყო-ფილა მთლად დალაგებული.

— რა თქვით?

— ვერ ყოფილა-მეთქი მთლად დალა-გებული.

გამომძიებელს თავში რაღაც აზრმა გაუელვა და ისე ჩაფიქრდა, თითქოს სწორედ იმას მიაგნო, რაზედაც დღე და დამე თავს იმტვრევდა. ეს ჩაფიქრება რომ მის უკანასკნელ პასუხთან და ძვე-ლი ბოლშევიკის საქციელთან იყო დაკა-ვშირებული, ამაში ეჭვი არ ეპარებოდა. იქნებ ჯი ბობოლას მართლაც ჰქონდა წყალი შემდგარი, შეიძლება ის სალა-მოს უკვე იცოდა, რა დღეც ელოდა და სარეაბილიტაციოდ უკანასკნელ, ყველა-ზე გაცვეთილ, ყველაზე ორჭოფულ ხერხს მიმართა, ვერ გაითვალისწინა, რომ მისი უადგილო დითირამების გა-მოყენება მის წინააღმდეგაც შეიძლებო-და. ეტყობა, სწორედ ამან გაახარა გამო-მძიებელი. მან რა თქმა უნდა, იცოდა, ძველ ბოლშევიკს რომ წყალი ჰქონდა შე-ყენებული და ახლა თავისუფლად შეემ-ლო საქმე შეეტრიალებინა, დამნაშავე გაემართლებინა და უდანაშაულო დაესა-ჯა. ვინ იყო მირიან ზარდაშელი იმასთან

შედარებით, ვისი სახელიც ლენინთან იყო დაკავშირებული. მირიანის გაკონტრრეგოლუციონერებისათვის მა-ღლობასაც კი არავინ ეტყოდა, ძველი ბო-ლშევიკის გატროცკისტებისათვის კი არა მარტო დააწინაურებდნენ, არამედ კარგა მოზრდილი თანხითაც დააჯარიმებდნენ.

გამომძიებელი ფიქრებიდან გამოე-რკვა, ისევე ჩასაფრებული კაცის პოზა მიიღო და კიდევ უფრო შერბილებული ხმით უთხრა:

— რაიმეს ხელაღებით მტკიცება ად-ვილია, რასაც , ეტყობა, შეჩვეული ხართ. მე კი მინდა დამაჯერებლად ამი-ხსნათ, რატომ არ არის ის კაცი დალა-გებული.

— იმიტომ, რომ რესტორანი არ არის ის ადგილი, სადაც შეიძლება დიდი ბელადისა და მისი უერთგულესი მოწა-ფის დაუფიქრებლად ხსენება. ირგვლივ ქეიფობდნენ, ყაყანებდნენ, ბილწსიტყვა-ობდნენ, ბევრი ჭინჭყლისა და ჩხუბის ხასიათზე იყო, ბევრს არათუ აზრის, სი-ტყვის მნიშვნელობაც კი არ ესმოდა. ალბათ, იყვნენ ისეთებიც, წალბა ნათქ-ვამი რომ უკულმა ესმოდათ. ასეთ გარე-მოში ბელადისა და მისი უერთგულესი მოწაფის ქებაც კი, მათი სახელების გან-ზრახ გასვრასა და დამდაბლებას ნიშ-ნავს. თუ დამიჯერებთ, ბევრმა მისი სიტყვები დაცინვად მიიღო და არა ქე-ბად. ამიტომაც ახტნენ და აყაყანდნენ.

— ღვინოც ამიტომ შეასხეს სახეში?

— გამორიცხვული არც ესაა.

— ზარდაშელი რომ ამას არ ამბობს.

— ზარდაშელი გალენილი მთვრალი იყო და, ალბათ, არ იცის, რა თქვას, მაგ-რამ მისი საქციელის ახსნა ადვილად შე-იძლება.

— აბა, ერთი ამისხენით!

— იმ დღეს ზარდაშელი სმის ხასიათ-ზე იყო, ღვინო სწყუროდა და არ უნდოდა ვინმეს სუფრა ჩაემწარებინა.

— იმ მიტინგით, უფრო სწორად, იმ ფარსით, იმ კაცმა რომ გამართა. შეიძლება მის სიტყვებს არეულობა, შეხლა-შემოხლა გამოეწვია და რესტორნიდან ხალხი გაერეკათ.

გამომძიებლისთვისაც და მისი უფროსებისთვისაც მირიანის საქციელის ადამიანური სისუსტით, მისი სიმდაბლით ახსნა უფრო გასაკები იყო, ვიდრე იმისა, რომ მან შეგნებულად ჩაიდინა პოლიტიკური აქტი.

— მაშ თქვენ ფიქრობთ, რომ მირიან ზარდაშელის საქციელი მხოლოდ ბოროტი ხულიგნობა იყო და მეტი არაფერი? — ჰკითხა გამომძიებელმა.

— კი არ ვფიქრობ, დარწმუნებული ვარ.

— თქვენი ამხანაგებიც ამ აზრისა არიან?

— თუ ცოტაოდენი ჭკუა აქვთ, ამ აზრისა უნდა იყვნენ, შეიძლება არიან კიდევ და თვითონ ვერ ხვდებიან, — მიაწოდა გამომძიებელს კიდევ ერთი გამოსადეგი აზრი.

გამომძიებლის გამომეტყველებამ და გადაწყვეტილების მიღებამ იგი საბოლოოდ დაარწმუნა, რომ შეიძლება მასზე უფრო იყო დამოკიდებული ადამიანის ბედი, ვიდრე იმათზე, ვის განკარგულებებსაც იგი ასრულებდა.

— რა ემართება ამ ხალხს? როგორც კი ჩვენთან მოხვდებიან, ისე იბნევიან, ვერ ხვდებიან, რა არის მათთვის სასარგებლო და რა არა, — უთხრა გამომძიებელმა ისე, თითქოს მართლაც არ იცოდა, რა აბნევდა

მათ ხელში მოხვედრილ ადამიანს და მათ შორის მის ამხანაგებსაც.

— თქვენ ისე ერთგულად ემსახურებით ჩვენი ქვეყნის ინტერესებს, ისე ღრმად იყურებით ადამიანის სულში, ისე კარგად იცით მარსიზმ-ლენინიზმის მოძღვრება, რომ ამ მოძღვრებაში ჩაუხედავი ადამიანები ძალაუნებურად იბნევიან, — მოუქონა თავი გამომძიებელს.

— შეიძლება, შეიძლება, — დაეთანხმა გამომძიებელი, — აკი გითხარით მიხვედრილი კაცი ჩანხარ-მეთქი. აბა, ჩამოაყალიბეთ თქვენი აზრი ისე, რომ წყალი არ გაუვიდეს.

გამომძიებელმა კალმისტარი აიღო, ქალაღი მოიძარჯვა და წერას შეუდგა.

მან უკვე იცოდა, რას მოითხოვდა მისგან გამომძიებელი და როცა აზრის ჩამოყალიბება უჭირდა, ერთ-ორ სიტყვას შეაწევდა ხოლმე. ბოლოს წერა დაამთავრა, დაწერილი საშრობით გააშრო და წასაკითხად გამოუწოდა. ოქმში არაფერი იყო შეტანილი ისეთი, რაც მის მდგომარეობას დაამძიმებდა და ამიტომ უყოყმანოდ მოაწერა ხელი.

— ახლა წადით, ოღონდ ქალაქიდან არ გახვიდეთ. როგორც კი დაგვჭირდებით — გამოვიძახებთ, — უთხრა გამომძიებელმა, ფეხზე წამოდგა, საშუაზე ხელი მოუწერა და მორიგე ოფიცერი გამოიძახა. როცა გარეთ გამოვიდა, ისეთი გრძნობა ჰქონდა, თითქოს ურჩხულის ბუნაგს დააღწია თავი და სიბინძურისაგან განიწმინდა.

(გაგრძელება იწყება)



ჯიჲალ ჯაჲელი

ქართული ანბანი

თავსადღეგრძელო სიმაღლით შესვა,
 ვინც სული შენით ამოინათა.
 მოსჭიდებხარ სიცოცხლეს ფესვად
 ანბანო ჩვენთა, — ქართლოსიანთა.
 სულში წკარუნობ ღამით თუ დილით,
 ვით უკვდავების თეთრი ბწყარედი
 პირველად თქმული, პირველად ქმნილი
 და ღვთაებრივი სისუფთავეთი.
 შენი სიცოცხლე ზარივით ერთვის
 გენებს, როგორაც ნამი დილისა.
 ანბანო, სულო, ქართული ღმერთის
 კრიალოსანის თეთრო თილისმავ.
 ყველაზე სუფთა გამოსხივებაე
 ქართველი კაცის, მისი ბუნების,
 ნათელ რწმენათა ნათელ იებად
 ნაფერები და ნადუღუნები.
 სამშობლოს ბედის, ქართული სულის
 დამზევებაე და აღორძინებაე.
 მზის მონათესო, ზეგარდმოსულო,
 და უკვდავების ამომძიებებაე,
 შენა ხარ ჩვენი ხმლისა და ზვარის
 და ყოვლის, რაიც იმედად გვედო —
 შენა ხარ ჩვენი მთისა და ბარის
 მთლად საქართველოს სიცოცხლის კრედო,
 მაღალი სიბრძნის ზიარტურტელი
 გელათის, მცხეთის და იყალთოსი.
 შენა ხარ ჩვენთა მარადუცვლელი
 სულის დვრიტა და აზრის სამოსი.

დარბაზის, ტაძრის, ქვისა თუ აზრის,
 მამის თუ დედის, ძმის თუ ღობილის
 სიამაყის და სიცოცხლის ვაზი —
 საუკუნეებს შემოკდობილი.
 დიდი სიბერე და სიჭარმაგე
 ერის მზისა და მისი მეობის.
 მარადისობის გენებს განაგებ
 ყველაზე დიდი მემკვიდრეობის.
 ვენახისათვის როგორაც ფესვი, —
 მთავარარსობა შენა ხარ ენის.
 შენა ხარ ჩემი ხატი და ფრესკა,
 ციური ფერი ხმისა და ბგერის.
 შენა ხარ, როგორც ქართული გზები,
 მწვერვალისაკენ აღმა მავალი,
 სპეტაკი სულის, ნათელი გზების,
 წინაპარიც და შთამომავალიც,
 ქართული წიგნის უძველესობა,
 მისი ფესვები, სული და მდადე.
 ლამაზი, როგორც ენამზეობა,
 და მშვენიერი როგორც სიცხადე,
 ღვთისა და კაცის ხვედრი და წილი
 იმედის ზეცა და მზრუნველობა.
 ჭირგადახდილი, ომგამოვლილი,
 გადარჩენილი ერის მეობა.
 ქართული ენის სულო ანბანო,
 დიდო მიზეზო ხმლის და ფიცისა,
 დაე, მირონმა შენმა განბანოს
 ყოველი ღირსი არა მიწისა.

მესხეთო ჩემო

მესხეთო ჩემო, ზავსისფერი ზავსის ზმანებაე,
 სათოფურებში გარჩენილო ყვავის ბუდენო,
 ძირძველო დარდო, დარხეულო მწუხრის ზარებად,
 დროთა მსახვრალთა და ტაძართა ძელნო
 მრუდენო!...
 მესხეთო ჩემო, ჩამოშლილო სიმწრის დარდებო,
 ქვათა კვითინით დაფანტულო სულო სიბრძნისაე,

სიშორისა და მონატრების სენგადამდებო,
 საწუთროვ, ხანაც მზის რონინის, ხანაც სიძვისაე!...
 ჯავის თაღებში შეფერენილო მზეუ და სიბნელეე,
 სანთლის წვეთივით დაღვენთილო იმედის წვეთო,
 რვაასწლოვანო, ეკლოვანო გზათა სიბნელეე,
 უმეცართაგან დამცრობილო გენო და ღმერთო!...
 გაღავნის ბეწუმი ჩარჩენილო ლომის ქანდაკო,

ეშვთა მომტკრევით სიძვის ჟამთა თეთრო
 ხარებაჲ.

მესხეთო ჩემო, უღვიძარო სულო ქადაგო,
 შენ, საფიცარო, სანუკვარო და სახარებაჲ,
 შემინდე, შენი მონატრების სულს ვეკენესები,
 შენი დიდება უკვდავებას ერისას ერთვის.
 ისე გამძლე და მდიდარია შენი ფესვები,
 როგორც თამარი, როგორც შოთა და ნება
 ღმერთის.

შემინდე, შენი მონატრების სულს ვეაჭები,
 თუ შენს ქვახატზე შემებარა სურო ვიწყების.
 მე დიდქართველო, შენი გენით, სავსე მაჭებით,
 შენთან ვთავდები და ისევე შენთან ვიწყები.
 დგახარ მოწყენით ბებერი და მაინც მოზავთე,
 თვალბზამქრალი და სიმართლის მაინც თემიდა.

ბევრი მძულვარი შენს ლიბოსთან მოცხრენ
 მოზავდენენ

ცოდვამდიდარი ტერფებამდე ბინძურ თხემიდან.
 შემინდე, თუ კი შენზე ძვირი წაიხასიტეს,
 ვერ გიპატრონე და ვერ გექმენ ზმაღად ნალესად.
 ისე დიდია შენი გული, ვიცი, დაიტეგს
 მონარქის შხამსაც და მირონის სიანკარესაც!
 მესხეთო ჩემო, ბასტიონო ოდეს ნათელო,
 სახელი შენი ტკივილია ქვეყნის მარადი.
 შენი იმედის ძეღზე იდგა მთლად საქართველო,
 თვით იმსხვრეოდი, ჯვარ-ხატივით მას იფარავდი.
 შემინდე, ქვებში შემონახულ სულს ვეაჭები,
 ფრთა მონატრების ჩიტვით რომ ვერ მოგახალე.
 ჯვარი გეწეროს, გაგმთელოს ზენამ ფანჯრები,
 ჯვარი გეწეროს, შენს კურთხევად თავი დაგებარე!!!

მაჭახელა¹

„ვღგავარ იქ, სადაც უნდა ვიდგე“
 ასლან აბაშიძე.

საუკუნის მეჩქერება შუქი გულზე
 და სიყვარულს ასე ვიხბდი ყველა ვალში.
 მონადირეს შველი მუდამ ნატვრით უმზერს,
 მაშინაც კი, როს უმიზნებს სიკვდილს თვალში.
 ოაზისზე ვის უგლია კვერით ოდეს
 ვაი იმას, ვინც ვერ არჩევს არწივს ქორში!
 არასოდეს, ბატონებო, არასოდეს
 მაჭახელა არ გუგუნებს ძმათა ომში.
 გიჟის ხალათს ნუ ჩააცმევთ გაჭრილს ველად,
 ჩაავონეთ, გადუშალეთ ძმობის წიგნი.
 ძმათა ომში არ გუგუნებს მაჭახელა,
 მაჭახელა არ ბობოქრობს ძმათა ომში.
 მაჭახელა პირმეხდება ცეცხლის ტალღით
 საქართველოს საზღვრებთან და იმის გარეთ.
 ქვეყნის შიგნით ნამუსია იარაღი,

და ამ ნამუსს, ბატონებო, მოუარეთ.
 მოუარეთ! ამას ბრძანებს გოდერძიდან
 ისტორიულ საქართველოს შუაგული.
 ტაო-კლარჯეთს, ტბეთს თუ ხახულს მოძებნიდა
 დიდი ტკუის ბაზიერი დაკარგული.
 მოძებნიდა!
 დანარჩენი ზღაპარია,
 საშიშია, მათხოვარი როცა ქველობს.
 აქ ვღგავარ და ის საგანძე მებარია,
 რითაც მუდამ ამაყობდა საქართველო.
 მებარია!
 ქვეყნის შიგან მოშურნეთა
 დასალახვრად და წინაპრის სასახელოდ.
 მაჭებიდან სისხლის წვეთი ახლაც წვეთავს,
 რომ ლამკირი გავუმავრო საქარველოს.

¹ ისტორიულად ცნობილი და აღიარებული თოფი, რომელსაც აკეთებდნენ ხელვაჩაურის რაიონის მაჭახელის ხეობაში.

ვაჟა-ფშაველას ქმელი ზღვისპირას

უზენაესი პოეზიის ამონამძივო
 და წყაროსთვალო უწმინდესი მთების წყაროსი,
 დიდო ვაჟო, არწივეთის დიდო არწივო,
 ამ ზღვისპირეთზე გაგიცვლია მთების ტაროსი.
 რად ჩამოფრინდი?! მადლიერი გახლავარ გარნა!..
 ხომ არ გგონია აქ ბერთვისი, შატლი, არშა?
 გუშინ შემომხდნენ გოგოთური, აფშინა,
 ფარნა, —
 ღვთის გულისათვის გვასწავლეო, სად არის ვაჟა!..
 მერე მობრძანდა ლუხუში და უკლებლივ ყველა,
 სალამ-ქალამი ათინათეს ფირუზ-ხვითურად.
 მერე ცხენდაცხენ შემოიჭრა ბრიალა ლელა
 და ზღვის შიშველი ქალშავეები გააბითურა.
 დასცბრენ ტალღები, დაიოკა ზღვამაც წადილი

და გაიტრუნა ნაგუგუნარ-ნაზანზარები.
 ოლიმპოს გავდა ყოველი მთა ახლა ამ დილით
 და აქ, ბათუმში, გაისმოდა ტაოს ზარები!
 რეკავდა ტაო, არტანუჯი,
 ართვინი, ხანძთა,
 მონატრებული უცისფრესი სულის ეროსი.
 ისმოდა გმინვა სიამეამით დაკარგულ
 განძთა, —
 საქართველოს მკერდს მოწყვეტილი საქართველოსი.
 და შენ იდექი აფოფრილი მთების არწივი,
 ფეხზე გკოცნიდნენ ზღვის ტალღები ნაზანზარები.
 თვით სულიც შენი ზანზარებდა, — ღმერთის ნაწილი
 და განუწყვეტლად გუგუნებენ ტაოს ზარები.

1990

ქამთსაბრუნავი

(ვიკლიდან „დროო მკურნალო“)

ახლა აქედან ეამთა ეამს ვუმზერ, —
 გზებს, ნაბიჯებად დათვლილ არშინებს.
 ყოფნა-არყოფნის თუ ვდგავარ ზღურბლზე,
 მაშ, მწუხრის ზარი რად არ
 მაშინებს?!

დროო მკურნალო!
 რწმენის ღვთაებას
 ვვედრი, შეგინდოს თუნდაც მცირედი.
 თორემ ეკლებზე თმებით დაება
 ლოდინი, ნატვრა, მზე და იმედი!
 ნუ გამითელავ ფერების იმედს,

ამიწკრიავე ნდობის ფანჯრები.
 გაწყალებისგან გადამირჩინე
 რგაასწლოვანი ჩემი მაცხები.
 ამგერადაც თუ ველარ მიშველი,
 სამუში თუკი კვლავ მომედება,
 იმედი ჩემი, სული შიშველი,
 კედელში მსხვერპლად ჩაიჭედება.
 ათეულ წლობით მეწვა სხეული, —
 შველა უნდოდა დაცემულ ირემს.
 დასტურ მკურნალი თუ ხარ სნეულის,
 მარკეი, ამდენ ხანს რად მამოჰირე?!

სიმართლე

მაგიური თვისება აქვს სიმართლეს,
 მისით ქრება წიბოები შურისა.
 იმავე წუთში, იმავე საათს, იმავე დღეს
 იკურნება სნეულება სულისა.
 ცისკრისფერი კულულებით შემოდის
 ქალწულებრივ სიწმინდეთა ნათება.
 დამშენდები, ვისაც ოდეს შენოდი
 უნეტარეს კელაპტრებად, სანთლებად.

სამკურნალო მაგია აქვს სიმართლეს,
 გრძნეულების ხვითოსავით ეღვარე.
 იმავე წუთში, იმავე საათს, იმავე დღეს
 შემოიფრენს სული ვნების მწვერვალებს.
 აენტება, აანთებს და ილამებს
 მარგალიტი აადულოს სინათლის.
 მომაჩქერეთ თუნდაც ერთი დილა მე
 თვით ღმერთამდე ამაღლებულ სიმართლის.

1990

თეთრი ირემი

აქ ბალახობენ თეთრი ირემები,
 ნიმფებისაგან ნაჩუქარები.
 აქ ერთი გოგო ოქროს სირმება
 მოფართქალდება ფეხაჩქარებით.
 სურნელი ათრობს, ხიბლავს ძალიან,
 რომ ადრე დგება თიბათვე წლეულს.
 ეალერსება ირემს ხალიანს,
 ირემების ჯოგში ერთს გამორჩეულს.
 სურვილებს გაშლის ვარდის ბუჩქებდად,
 ყელზე ეხვევა, ვარცხნის თითებით.
 ნაზდება, თვრება და იფურჩქნება
 მამრი ირემი გულმორჩილებით.
 თეთრი ასული საოცარ ეშხით
 თმაქარაშოტა სრბოლას აბირებს.

ჩაეჭიდება ქორბუდას რქებში
 და ოცნების გზებს გაინაპირებს.
 ცას გაეკვრება ნახტომი ირმის,
 როგორც ჩუქურთმა ქართული სულის.
 ქვეყნიერებას რომ შემოივლის,
 ბედნიერება ეწვევა სრული.
 მერე ქორბუდა ამაყად დგება
 და მობრიალე წყლიან თვალებით
 ამბობს, რომ ათრობს ქალთაგან ქება
 და გასაოცრად უყვარს ქალები.
 ლტოლვის ღმერთია მისი მიზანი
 და აუღერდება ხმათა ზარებად.
 ირმის სახეში მე რომ მიცანით,
 ამაში ეჭვი არ მეპარება.

1990

მოველ ნათმენი ვნების ღირსებით,
 რომ გაგამხილო ყველა აღიბი.
 ჩემი ალერსით კიბარისები
 როგორ გადიქცნენ ლამაზ ქალებად.
 ჩემი ალერსით ჩუმი მხველები
 როგორ აენტენ ვნების ცალებად.
 ჩემი ალერსით ალვის ხეები
 როგორ გადიქცნენ ამორძალებად!

მოველ ნათმენი მოუთმინარი
 თეთრი ვნებით და თეთრი მითებით.
 შენი ღოში და შენი მქინარი,
 შენს ხეობაში ნაბულრავები.
 მოველ ნათმენი მოუთმინარი
 და შენი თმების ზღართში გავები,
 შენი ხარალდი და გამხედნარი,
 შენს ხეობაში ნაბულრავები!



დავით თედორაძე

ალგაჟენებელი

უკვდავებისთვის ეყოფა ცხრა ერს
დავითის მეფობა!
მეფე
აფხაზთა,
ქართველთა,
კახთა,
სომეხთა,
რანთა,
სხვას,
სხვას ვის ყავდა
თუნდ მაშინ
თუნდ სხვა დროს ქართველთ გარდა!
დავითმა სმალი იშიშველა,
მტერი გაფუჭდა შიშისგან!
გადაირბინა
ტაოხკარი

თურქის ლაშქარმა,
ვით ტურის ჯოგმა
ძუ ავაზის დრენით დამფრთხალმა.
უკუქცეულმა
სპარსმაც
შარა გაავერანა
და გაიშალა,
აღორძინდა ქართველთ ქვეყანა.
აგო ტაძრები,
ხანაგები,
გზები,
სიდეები...
კაი დრო იყო,
საქართველოს ხცნობდნენ დიდებით.
უკვდავებისთვის ეყოფა
ცხრა ერს დავითის მეფობა!

ასლა როცა საქართველო
მზრუნველებით გავხილია...
ნეტა კაცი შემაზვედრა -
მათქმევინა ჭგავს ილიას -
თუნდაც ძმათა შეგონებით,
თუნდაც "ქვათა დადადისით",
თორემ მტრების გასახარად
ქართველებში რა არ იხმის.
ეჰ, როდემდე ვიკეკლუფოთ
სიტყვით გულზე დასაქარგით,
ნეტა კაცი შემაზვედრა -
მათქმევინა ჭგავს აკაკის,
თუნდ ჩონგურის აკვნეხებით,
თუნდ ბრწყინვალე "განთიადით",

თორემ მტრების გასახარად
გავბრიყვდით და გავტიალდით.
მადლის ხიბლი დაგვავიწყდა,
დმერთს ვთხოვთ ცოდვა გვაბატოც...
ნეტა კაცი შემაზვედრა -
ეთქვა: როგორ ჭგავს გალაკტიონს -
თუნდ ნადველის გულში ფარვით
თუნდ მამულზე მწუხარებით,
თორემ მტრების გასახარად
მოგვიმრავლდნენ გულხარბები.
ჩვენო დიდო წინაბრებო,
თქვენი ნიჭი მოგვაშუქეთ,
რომ ძმის სატი არ დავკარგოთ,
რომ იცხოვროს ერმა უკეთ.

წყევლა

ვინც საქართველოს უორგულებს
 ცაც გაუშავდეს,
 წყალიცა!
 ვინც საქართველოს უორგულებს
 ცოლიც გატუზდეს,
 ქალიცა!
 ვინც საქართველოს უორგულებს
 სულიც დაუბრმავდეს,
 თვალიცა!
 ვინც საქართველოს უორგულებს
 ზორციც დაენაცროს,
 ძვალიცა!
 მადლი არ ეღირსოს,

უმადურმა
 ყვაგი და ყორანი კვებოს,
 დედა გველს შეაჭამოს,
 მამის სისხლით
 თმა-წვერი შეიდეგოს!
 ჩაძაღლდეს მიხი ნაშიერიც
 უწყლოდ,
 უდაბნოს ზანძრითა,
 გვარიც წაბილწული,
 ჯიშიც წაბილწული,
 ინსენიებოდეს დვარძლითა!
 ვინც საქართველოს
 უორგულებს...

ვის მოვაწონო თავი

რაც უნდა ჭირი მომეძრო,
 ბილწთ არ შევეკერი ზავითა:
 მცნებას ვერ შემაცვლევინებ
 მოწღვავებულის ავითა—

ვაჟა-ფშაველა

ვის უნდა ვენდო,
 რომ აღარ ვიცი —
 აღარც ვივინი, აღარც ვტირივარ,
 სული სიმშვიდეს
 ერგეში ჰპოვებს.
 მომრავლდა
 დამსმენი,
 მომრავლდა
 ჩამშვები,
 ქაჯიც ვერ ამოხსნის
 რისთვის ან ვის გამო
 გაგაბითურებენ პოეტს.

ის, ვინც რაინდად გამეცნო,
 დამომოდგრა,
 მაიმედა,
 რაკი შეპირდნენ ჩინ-მედალს,
 იდედლა,
 გამიმეტა.
 ამათ ამქარში
 გაზრდილმა
 ვის მოვაწონო თავი,
 მადლობა უფაღს,
 არა ვარ
 ბილწთან შეკრული ზავით!

საქართველოს გუბ ბჰეხატოს ბუღეი

მიხი იყოს გამორჩენის სიხარული,
 ვინც ღოზუნგობს შეზღონგების
 გულისთვის,
 მე მოვკვადები საქართველოს
 სიყვარულით,
 არც რას ველი დედის სამსახურისთვის.

ვტკბები მზით და მლოცველივით უზმაუროდ
 ვმსახურებ და ვუნთებ თაფლის
 სანთელს,
 შენ დაიხსნი ჩემს სამშობლოს,
 სიყვარულო,
 შენი მადლი არ მოაკლდეს ქართველს.

ბირჯვარს ვიწერ, საქართველო
 უკვდავია,
 ასე მწამს და ასე სწამდათ ოდით,
 ჩვენს მამულზე მტრებს უჩვენოდ
 უდავიათ
 და ჩვენს ბედზე ხელ უჩვენოდ
 ბჭობდნენ.

ახლა, როცა ცა გაიხსნა
 ვარდისფერად,
 ახლა, როცა დვითურ ნათელს
 ვუშვერთ,
 თქვენ მოგიძღვნით ლადი სულის ამ
 სიმღერას -
 საქართველოს მზე გვეხატოს გულზე.

როცა წვიმები ამირბარობენ

წვიმს -
 ბათუმს წვიმა როდის უკვირდა,
 ცა წარბის გახსნას არც კი აპირებს,
 ამოაგორე, ცაო უბიდან
 მზე - სიხარულით რომ ამატროს.

ამოაგორე, ცაო, უბიდან
 მზე და სიცოცხლეს მიეც ხალისი,
 დაბრუნდებიან სიყრმის სიზმრები
 და სიყვარულიც მოვა თავისით.

რომ მოიღზინოს ჩემმა სტუმარმა,
 და ზღვას დარდები მიახამაროს,
 რომ მიატოვონ რეტრო ქალებმა,
 იენძელონ და იახამანონ -

მაგრამ ვის მისწვდეს
 სიბრძნე სურვილთა,
 როცა წვიმები ამირბარობენ,
 ამოაგორე, ცაო, უბიდან
 მზე და ქალაქი ამიგალობე!

ნეტა ამ დღეებს მკვდარი ვენახე

ჩემს წუხილს ალბათ გაიგებს სხვებიც,
 ალბათ იმათმა სულმაც იწვალა,
 როცა ოცნებას შეაჭრეს ფრთები,
 როცა იმედი გარდაიცვალა.

ყურთა დახშობა სჯობს მის ძაგებას,
 თვალთა დათხრა სჯობს ახალ ბაზაღეთს,
 მაინც რა მოხდა, მშობის მაქებართ
 ასე ერთურთი რით შევაზარეთ.

მე ხშირად ვგავარ შვილმოკლულ მამას,
 ცრემლს რომ მაღავს და სულში ეღვრება,
 ყოველდღე ახალ ტკივილით მშხამავს
 ქვეყანა - ხელთ რომ იგდეს რეგენებმა.

დარდმა გამზრა და სისხლიც გახვედა,
 ნეტა ამ დღეებს მკვდარი ვენახე,
 ოდონდ, მამულო, ყრმა რომ გხედავდი
 ისე მყოლოდი და შემენახე.

იქნებ არ მოსვლა მერცია

რამ შემქმნა ადამიანად,
 რატომ არ მოველ წვიმადა
 ვაჟა-ფშაველა

დალოცვილ ვაჟას უთქმია -
 რატომ არ მოველ წვიმადა...
 შე რა ვთქვა, როცა მას შემდეგ
 სიგლაზემ ასჯერ იმატა.

ქვეყანა არეულია
 და ყველგან შხამი თეხია,
 და უმტკიცებენ ძმები ძმებს
 ვინ ვისზე უკეთესია.

საშოვრად უნდათ სამშობლო
 ნახვევ-ნამარცვით ტკბებიან,
 ზალხს აბრიყვებენ, მშრომელ კაცს
 სიმშვიდე მონატრებია.

ლიქნა კაცობა წაბილწა
 და პირფერობამ დირსება,
 ქვეყანა გმირთა, რაინდთა,
 ქურდბაგაცებით ივსება.

გამკითხავს სადღა შეხვედები,
 ყველა კანონი მკვდარია,
 ვის ენადვლება რა გიჭირს,
 რა გიმძიმს, რა გიზარია.

შე დალოცვილო, შე რა ვთქვა,
 რას ამოვუდგე გვერდშია,
 იქნება არ მოვსულიყავ,
 იქნებ არ მოსვლა მერცია.

დღეს მეფეს დავლოცავ

მკელი დვინო,
 ბურმარილი უზვად...
 რომანტიკა,
 რომანტიკა ბუხარია.
 საქეიფოდ ვერ ავეწყვეთ, ვწუხვართ,
 გულს არ უხარია, გულს არ უხარია.

აფხაზეთს რა უნდა?!
 ოხი რას ითხოვს?!
 ქართველი ქართველს ვიდახთვის
 ხწირავს?!

რუსთველის ქვეყანა,
 თამარის ქვეყანა,
 დამდგარა უფსკრულის პირას.

დღეს მეფეს დავლოცავ,
 ბრძენსა და სხივნარევს,
 ერისთვის მოღვაწე მამას,
 გიორგის!
 გიორგის!
 გიორგი ბრწყინვალეს!
 ურჩების დალოცვილ წამალს!

სველი ზღარბები

გამთენიისას ამიტირა წვიმამ პალმები,
 დალაზეროს დმერთმა,
 არ მინდოდა წვიმა სრულებით,
 მიბაჯბაჯებენ ბინებისკენ სველი
 ზღარბები -
 ძილგატეხილი, უწყინარი დამის
 მდგმურები,
 მე საით, ვისკენ, რომელ ქუჩას უნდა
 დავადგე,
 ვის დაეუტოვო სანაპირო ბადის სიმშვიდე,
 არ გამოვიდა, ჩემებურად ვერ ვითამადე,
 ქეიფი ჩაქრა, ვიდრე გულგებს
 გადამიშლიდნენ.
 ელვა ანათებს გაღმა სერებს, ექვსი დაიწყო,
 ძინავს ქალაქს და ჩამირთულა ნისლში
 ზღვისპირი,

მოვალ და გეტყვი -
 ისევ დავთვერ, ვითომ რა იყო,
 დავთვერ და ყრმობას,
 ჩვენს სიყვარულს ისევ მივსტირი.
 არ გამოვიდა კაი საქმე დვინის გარემე,
 ქართული დვინო... მის დაშურავს
 ვენადვალები,
 ცხრაშეტი კაცის სიყვარული მოვითარეშე.
 აუბი არა, გულკუთილი მიყვარს მოვრალეები.
 რაღა ამაღამ ამიტირა წვიმამ პალმები,
 დალაზეროს დმერთმა,
 არ მინდოდა წვიმა სრულებით,
 მოვდივარ შენსკენ, საყვარელო,
 სველი ზღარბებით,
 ამავეც ცრემლით, უძილობით,
 საყვედურებით.

ირაკლის

შენ გაჩნდი,
 შვილო,
 რომ მე უარმყო
 და ამომივსო სული ვარდებით,
 ჯვარზე გააკარ ტკივილი ჩემი,
 ქარებს მიუგდე ჩემი დარდები.
 მისჯილი მქონდა სიფრუის შუამი
 და სიყვარულის ფერფლით გართობა,
 ბედნიერება მსტუმრობდა დამით,
 მიჰქონდა ჩემი ახალგაზრდობა.
 მასწრობდა ვნება -
 მთვარის წაწალი,
 ხულს მიმღვრევენ და შევლას ველოდი.

გრძნობა და სიტყვა გულს დასასალი
 იწყება,
 შვილო,
 საქართველოთი!
 შენც შეგბოჭავენ კომმარულ სიზმრით,
 აგიცაზცაზებს ბაგეს კრწანისი...
 არ გამიცივდე ოქროზე ფიქრით,
 ერისთვის ტანზე თაფლი წაისვი.
 ერისთვის,
 შვილო,
 თუკი იცოცხლებ
 ამომეგვება სული ვარდებით...
 ჯვარზე გააკარ ტკივილი ჩემი,
 ქარებს მიუგდე ჩემი დარდები!

ბეჭელა უფრო დიდხანს ძლებს
 ვიდრე ბათუმში თოვლი
 და მაინც, მაინც
 მიყვარს მზე
 უბირველესად ყოვლის.
 მომწონს
 ქარების წივილი,
 წვიმაც,
 სეტყვაც და
 ბარდნაც...

და მაინც დიდი
 ტკივილით
 დამაძხო მზეზე დარდმა.
 მზეო, ამოდი,
 გაბრწყინდი,
 გამათბე,
 გამალადე,
 ბადში ვდგავარ და
 დარდს ვყიდი,
 მყიდველი დამანახე.



ნოველები

ბეჰარი და ლომა

ყველაზე ძლიერი მხეცი რომაა, ჩემო შვილო და ღირელო, ნადირთა მეფეს რომ ეძახიან, თუ მამდარია, საკბილოს არ ერჩის, ეს საკბილომაც იცის და მამდარი ლომის ცხვირწინ ბალახობს გულმშვიდიდა. აჰა, ისე, ხომის გულისათვის რომ დაერიოს თავის ქვეშევრდომთ, ხვალ მშვიერი დარჩება. სამეფოს გარეშე დარჩება მეფე. მაშინ ხომ მეფედ აღარ იქნება. პირიქით, ზრუნავს კიდევაც, რათა მის საბრძანებელში ნადირი გამრავლდეს, მოშენდეს და გასუქდეს. ამითანაი ჭკვიანია ლომი. მეფეს მარტო ძალა კი არა, ჭკვაც უნდა, ჩემო შვილო და ღირელო.

დანისპარაულში ვცხოვრობ მე. გაგიგონია? დანისპარაული თუ გაგიგონია-მეთქი. მთებს გამოკვავებული სოფელია. მთებსა და კლდეებს. იმის იქით, რომ იტყვიან, მამალი არ ყივის. მარა, კააი სოფელია, შვილო და ღირელო. მეზობელი ოჯახი მყავდა ერთი. შვილები ქალაქში წავიდნენ, მიატოვეს ბერ-ღედაბერი, ოჯახ-ბუჯალი და დასახლდნენ ქალაქში. ერთხანს დაცუქცუქებდნენ ეზო-კარში მოხუცი ცოლ-ქმარი, უვლიდნენ ბაღ-ბაღჩას და ერთმანეთს, მარა მალე ესენიც მოკდნენ. ჯერ კაცი, რაღაც თვენახევრის მერე — ქალი. დარჩათ ძალღი. ადრე, სანამ პატრონი ჰყავდა სახლს, ერთი ჩვეულებრივი ოთხფეხი გვეგონა, მერე...

ზოგს ადამიანი უნდა ერქვას და იმას ძალღი, სამართლიანია ეს? სამი წელი გავიდა მას შემდეგ. ახლაც იქაა. დარაჯობს სახლ-კარსა და ყანა-ბაღჩას. ხან ერთი, ხან მეორე შვილი ამოვა ქალაქიდან ორ-სამ კვირაში და ამოიტანენ საჭმელს. ჩამოკრეფენ ხილს და ჩაყრიან მანქანაში.

უნდა ნახოთ ერთი, რა დღეშია ი ძალღი. სიხარულისაგან რამდენიმეჯერ შემოურბენს ეზო-კარს, ყფს და დარბის, დაკუნტრუშობს, მალაყებს გადადის. მთელ სოფელს ამცნობს, ჩემები მესტუმრნენო. მართლა უპატრონო კი არა ვარო. მერე სტუმრები ჩამოჯდებიან ეზოში და გაყურდებიან. ერთმანეთს არიდებენ ნალვლიან მზერას. ძალღიც მათ წინ გაწვება, თათებზე თავს დადებს და ატირდება უხმოდ.

სხვადასხვაა მათი სადარდებელი, ჩემო შვილო და ღირელო, ძალღვან სხვადასხვა. ქალაქელი სტუმრები — მშობლიურ სახლ-კარს ნალვლობენ.

ძალღი კი... საკუთარ უპატრონობას ტირის — ჰჰ!

მერე დაუტოვებენ ძალღს ორ-სამი კვირის სამყოფს, ერთხელ კიდე ამოიოხრებენ და გაუდგებიან ქალაქის გზას.

გამოზოგვით, მიცუცქებ-მიცუცქებით ჭამს ძალღი თავის სარჩოს და დარაჯობს სახლ-კარსა და მამულს, კაცისაგან მიტოვებულს. გვიგონევი, ჩემო შვილო და ღირელო, რაც გითხარი?

კი მიხთი, მარა არ გინდა გაიგო, მურვან-ყრუსავით ხარ. იმ ჩვენი ცოდვის საცესე, ყრუს თურმე იმიტომ კი არ უწოდებდნენ, რომ არ ესმოდა. აჰაჰჰ! ეშმაკი იყო, ჭო, ეშმაკი... თან ბოროტი. რის გავგონებაც არ უნდოდა, ვერ გაავგონებდი.

საბარგო მანქანა რომაა, დი-იდი, „კამაზი“, იმის კაფინაში ვიჯექით მე და შოფერი. დიდი ხნის ამბავს კი არ გიყვები, აჯერ ახლა იყო, ერთი თვის წინ. მესამე — ლომა. სოფლიდან ბათომს მივემგზავრებოდი. ბადიშებთან. მომენატრა და იმიტომ. უფროს

შვილიშვილს ელგუჯაი ქვია. გეცოდინება. ფირმა აქვს ახლა, თვარა ადრე მასწავლებელი იყო. იმის... ფიზკულტურის. თხუთმეტი წელი ასწავლა ი ფიზკულტურა. ავარჯიშა და ავარჯიშა ბაღები. საქართველოს პირველობაზეც ჰყავდა ერთი-ორჯერ. ახლა ფიზკულტურისათვის ვის სცალდა, შვილო და დირელო. მაი გაკეთილები საერთოდ არ ტარდება. ამოიღეს ცხრილიდან. ჰოდა თუ არ ჩატარდება, ფარას ვინ მოგცემს! სადაც საჭირო და აუცილებელია, იქ ვეღარ იხდის თავრობაი და ტყვილად მოგცემს? არ გედერიო, ჭო! მერედა, რომც მოგცეს, გეყოფა? ადრეც არ ყოფნიდათ, მარა სულს იბრუნებდნენ. ახლა მასწავლებლის ხელფასით, ჩემო შვილო და დირელო, ერთ კილო პანტა მსხალს თუ იყიდი. არადა, ქალ-ბაღანას რჩენა უნდა. რა ექნა. იფიქრა, იფიქრა.. ისე, კაი თავიანი გამოდგა ელგუჯაი. ეშმაკია, უუ!.. ჯიბიდან გავარდნილი. იმისთანას იტყვის და გააკეთებს, მაშინვე თუ არა, მერე მაინც შესრულდება. იმიტომ რომ წინ იმზირება. ისეთია, თვალებიდან ბეწვს გამოგადრობს. ჰოდა, ამ ცხოვრებას ჩამორჩებოდა? ფიზკულტურის მასწავლებელი იყო, ახლა ბუხ... რა ჰქვია, ჭო, იმას? ბუხ... მესმენია. ბიზმესმენი? არც ასე? აჰა, როგორ? მეც მასე არ ვამბობ?... ქვაზე რომ დასვა, ჭო, ტიტველ ქვაზე და უთხრა, ე ქვა შენიაო, ოქროდ აქცევს. საიდან გამოგვივიდა ამფერი ბუხ... ისა, წედან რომ ვთქვი... მე — ბლავვი. თოხისა და ლაფათკის გარდა, არაფერი რომ მინახავს ცხოვრებაში. ჩემი ქალი ხომ თლავა ბენტერაი. დანისპარაულს იქით თუ სოფელია კილო, მგონია არც იცის.

ჰოდა, იმას გეუბნებოდი, შვილო და დირელო, ბათომს მივემგზავრებოდი-მეთქი. ი შოფერიც მაშინ გავიცანი. კააი ახალგაზრდა იყო. მაშინვე მომეწონა... მთავარ გზაზე გავედი და გაეჩრდი, რაიმე ჩამოივლის და გავყვები-მეთქი. გადის ათი წუთი, ოცი, ნახევარი საათი... მანქანის ჭაჭანება არ არის. ადრე იმითანაი მოძრაობა იყო, იმი-თანაი, მეორე მხარეს ვერ გადახვიდოდი... უცებ, გამოჩნდა ერთი. ვუქნევ ხელებს. შენც არ მომიკდე. უწინ, იმ დაწყველილ-დაფსილი კომუნისტების დროს, ჩვენს სოფელში ავტობუსი დადიოდა. დღეში სამ რეისს აკეთებდა. ახლა ჩვენსავით მიგდებულ სოფელში კი არა, შიგ ქალაგშიც არ დადის თურმე ავტობუსები. ეჰ, რა დრო მოვიდა... ავერ, მეორე... იმასაც ვუქნევ ხელებს. გაჩერებას ვინ ჩივა, ჭო, ჩამიქროლა და ტალახი მომაშხნეფა.

ვდგავარ ოთხმოცს გადაცილებული ბერიკაცი... თურწვერდაფენილი... ვი-იციდი. ის იყო, ხელი ჩავიქნიე და უკან დასაბრუნებლად შევტრიალდი, რომ როხროხაი ხმა შემომესმა:

— დედევ, საით?

— ქალაქში, — ისე გამიხარდა, რომ ტანზე ადრე სულმა გამისწრო მანქანისაკენ... ფეხები ამებორკა და წავიქეცი.

მომვარდა ი როხროხაი. მაშინვე მომვარდა, დამავლო ხელი და ბლავვით ამიტაცა.

— რამე ხომ არ იტკინე, დედევ?

— არაფერი, შვილო და დირელო, არაფერი მტკენია.

ასე ატატებული ჩამსვა კაფინკაში.

— თუ გინდა, ბაბუს დაგიძახებ.

— შენ როგორც გინდოდეს, შვილო და დირელო, ისე, ჩვენთან, მთიან სოფლებში, დედვა მიღებული.

— ვიცი, მაშინ მეც მასე მოგმართავ.

ჰოდა, ვიჯექით იმ დიდი მანქანის კაფინკაში მე და ი როხროხაი, მესამეც — ლომა.

კააი სოფელია დანისპარაული. მართლა არ ყოფილხარ? ე რა მითხარი, ჭკუა გენი მოგიწონე მაგი. თუმცა, რომელი სოფელია ცუდი ამ ჩვენს დალოცვილ ქვეყანაში. ამისთანაი მიწაზე იშრომე და იცხოვრე, შვილო და დირელო, იშრომე და იცხოვრე. მარაა... არ გვინდა. ხალხი ვართ სხვანაირი, მეტი იბრეთი და იმიტომ. რა მითხარ? აფერია, დაწყვება ყოლიფერი? ვითომ? სხვასაც სჭირვებია ასეო, რომ მებნევი, არ მესმის მაგი. იმ სხვისაგან არ უნდა გვესწავლა? მარტო ჩვენ რომ დაგვმართოდა, კიდევ პო, მე თუ ეხვდები, სიბერისაგან გამოჭუჭუნებული ბერიკაცი, უმაღლეს დამთავრებულებს, მეცნიერებს, პრაფისორებს, არტისტებს რა მოგივიდათ? ა? რაღა აფერი, ოქროსავით ბიჭები და გოგვები ჩაწვენ მიწაში. რომ ჩაუფიქრდები, ცეცხლი მომეკიდება. ეროვნული მოძრაობაო! რა გაკეთდა ხალხისათვის? ერთი მაინც მითხარი, ერ-თი! ა, ამხელა, ნეკის ფრჩხილისტოლა თუ გაკეთდა მაინც? ერთმაეთის ხოცვაა ეროვნული საქმე? ერთმანეთის?! ქურდობა, ბანდიტობა, გუუტანლობა, ნამუსის ახდა, სკამითვინ ერთი-მეორის გამეტება, შვილო და დირელო, სკამი-თვინ! თფუი! ჩემი ძველი ჯორკო მირჩვენია მთელი ღუნიის მაგითანაი სკამებს. ვისი ბრალია ე ყოლიფერი, შენ გეკითხები, განათლებულს, ხალხში გამოსულ-გამოჩენილს და მიპასუხო უნდა. ვაღდებულნი ხარ და იმიტომ. იქნებ ისევ იმ თართქალი გოგო-ბიჭების? თუ მათი დამწვარ-დათუთქული მშობლებისა და საბედოების? იმიტომ გასწავლეთ და ხალხში გამოგიყვანეთ, რომ გვიპატრონოთ, თუ ქვეყანა დააფსოთ? შენი ბრალიცაა ე ყოლიფერი, აპა, რა გგონია, შენიც. თლა ჯეელიც აღარა, ხარ, შეჭალარავებულხარ უკვე.

მაპატიე, შვილო და დირელო, ასე რომ გელაპარაკები, მარაა... რომ ეუყურებ ამ ერთ დროს ლამაზ ქვეყანას, გული მეჭუჭკება. უმეტესად მაინც იმ ჩვენი არჩეულების ბრალია. ბედი არ გინდა? ჰი-ჰიიი!... ყველა იმფერი როგორ შევარჩიეთ მაინც... ეუყურებ მათი სხდომების გადმოცემას და... თუმცა ახლა ვედარტ მაგას ეუყურებ, სადაა სინათლე... ეუყურებდი და ვფიქრობდი, ყველა ამფერი... იბრეთი რაფერ შევარჩიეთ-მეთქი. მაგასაც ნიჭი უნდა. ღუნია რომ შემოიარო, მთელი ღუნია, ჩვენს პარლამენტში რომ არიან, ისეთებს ვერ ნახავ. ლაპარაკობენ და ლაპარაკობენ, ლაპარაკობენ და ლაპარ... მარა რას ლაპარაკობენ, ხებერი აქვთ? მთავარია იქაქანონ. მარტო მაგით საქმე გაკეთდება? კი, შვილო და დირელო, ორი სამი ჭკვიანიც ურევია, მარა ვინ უსმენს?

რა თქვი? ისევ ჩვენი ბრალია?

კი ბატონო, იყოს მასე... მარა... თუ გახსოვს, არჩევნებისათვის მზადება რომ დაიწყო და ატყდა და ატყდა ერთი ჰაი-ჰუი! არიქაო, ყველამ მრგვალ მაგიდასნა მისცეთ ხმაო, გახსოვს? ასეა საჭირო, თვარა დავილუპებით, დავიფსობითო, გახსოვს? სახლებში დადიოდნენ, გზებში დადიოდნენ, ყანაბაღჩებში დადიოდნენ. დღისით დადიოდნენ, ღამით დად... ღმერთი არ გაგიწყრეთ და სხვას არ მისცეთ ხმაი, რაც მოხდება, თქვენი ბრალი იქნებაო, ვინ გვეუბნებოდა ამას?

მარა, შენ რომ ხმაი მიეცი, მერე, ე რა ვქენიო, ამითანაი შეცდომა როგორ მომივიდაო და, თოფი ესროლე, ზარბაზანი ესროლე, ბომბი ესროლე... თანაც სად ჩემო შვილო და დირელო, ჩვენი დედო თბილისის გულისგულში, რუსთაველის ქუჩაზე, რაფერ მოგივიდა მაგი? იმ შეცდომას რომ დიდი დანაშაულიც მიაყოლე, იმიტომ ვართ ასე. რუსთაველის ქუჩაზე, ჭოლო!... ორ-სამჯერ მეც ვარ ნამყოფი თბილისში და მაგ ქუჩაზე უსულ-უსულ, ფეხის ცერებზე მივლია... ი თოფ-ზარბაზნები უნდა შემოგეტრი-ალებინა და საკუთარი თავისთვისნა გებუთქა.

ამას ისე ვამბობ, საცა სამართალია-მეთქი, თვარა სული რომ მწარეა, ყველგან ვეხვეწი. ვიცი, ჰოდა თავს თუ ვერ მოიკლავ, ნურც სხვას უბათქუნებ. მე ჩემს გუმანს გებნევი. მარაა, მოსმენა თქვენ არ იცით და დაჯერება, ე, ნასწავლი ხალხი, ერთმანეთს არ უსმენთ და მე მომისმენთ? ე-უკ!

ერთს კი გეტყვი და კარგად ჩაუფიქრდი, შვილო და ღირელო: ხალხური სიბრძნე რომ გვაქ — ზღაპრები, ანდაზები, ლექსები, სიმღერები, მთელ მსოფლიოს რომ მოსწონს, ჩემთანა მიწას მიბჯკენილ ხალხს შეუქმნია. სოფლებიდან მოდის, ჩვენი კლდე-ღრეებიდან მოდის, ყანა-მინდვრებიდან მოდის, ბუხრებთან გატარებული ზამთრის გრძელი ღამეებიდან მოდის. გვიგონევი?!

ჰოდა, იმას გიყვებოდი, ვიჯექი მეთქი კაფინკაში. შოფერი ჯველი კაცი იყო, გულგახსნილი და როხროხაი. მხრები ჰქონდა — აჰა! ამერიკელი მოკრივე რომაა, ცნობილი, ჭო.. ჰო, გამახსენდა, უკაცრავად ნათქვამია... კასიუს კლეი, იმას ჰგავდა სულ. მოყვანილობაში და სიშავეშიც. თმებიც კუჭკუჭ-კუჭკუჭაი. ბეჟარი მქვიაო, შემოკლებით — ბეჟა. ცოლ-შვილი თუ გყავს? — კკითხე. მყავსო. აჰა, ამ ასაკში ან უნდა გყავდეს ცოლ-შვილი, ან... რაცხა ტენტი უნდა იყოო. კარქათ ვერც მაგო... ჰო, ჰო, მასე თქვა, იმპოტენტივო. გუმანით მივხვდი, რას ნიშნავს. სამი ბიჭი მყავს, მამა ენაცვალოთ, სამი დედუნაიო, სამი გონგლიაო, სამი ბოკვერაო, სამი ჩხუბისთავაო... ჰო, კიდე რაცხა თქვა... აღარ მახსოვს. ყველაზე კარქათ რომ თქვა, იგი დამევიწყდა სწორედ. ახლა გოგო ხომ უნდა იყოსო? იყოსნა, აბა, რა-მეთქი. ერთიცნა იყოს და ორიც-მეთქი. ორი ბევრიაო, ადრე არც მაგაზე ვიტყოდი ვარს, მარა დრო დადგა ცუდიო. იმედი მაქვს, გამოსწორდება ყოლიფერი, აი, ნახავ, თუ არ გამოსწორდესო.

მე, შვილო და ღირელო, აწი, რაღას ენახავ. ჩემი კერძი ჰაერი კაი ხანია ჩავისუნთქე, ახლა სხვისას ველაპავ, სხვისას. თქვენი ჯავრი ნუ წამყვება და მე რა საფიქრალ-სადარდებელი ვარ. ეეჰ, იმისთანაი დრო დადგა, იმისთანაი, ძალღი პატრონს ვერ ცნობს-მეთქი.

ამის თქმაზე ძალღმა დაიწკმუტუნა.

რა მკითხე?

მანქანაში ძალღი საიდან გაჩნდაო?

აჰა, მესამეც ლომა იყო-თქვა, არ გითხარი? ძალღი იყო ლომა. ისე მთელი ამ ამბის მთავარი და მთავარი იმეცხვარის ჯიშის ძალღია. ამ ხნის კაცი ვარ, რა არ მინახავს, რა გადამხდენია, ი-იმხელა ძალღი პირველად ენახე, ჭო. დიდი რუხი ღრუბელივით იყო. ნამდვილი ბომბორა. ჩემსა და ბეჟარს შორის იჯდა. შემომყვება. მისი ხმა ზარბაზანივით გავარდა კაფინკაში. კინალამ გული გადამიტრიალდა შიშით.

ბეჟარმა თაზე გადაუსვა ხელი:

— წყნარად, ლომავე, ნუ დაგვიფეთე სტუმარი.

მერე მე მომიბრუნდა:

— გაბრაზებული როცაა, მაშინ უნდა ნახო მაგის ყფა. მესთატენა გეგონება. კბილებს რომ დაკრეჭს... ერთი, შეხედე...

— ე კბილები კი არა, ლომის ეშვებია, — მივუგე.

— წელან ძალღი რომ ახსენე, იმაზე შემოგეხმინა.

— თავისი ჯიშის სახელიც იცის? — გავიკვირე.

— ლომამ ყველაფერი იცის, დედე.

გამეცინა:

— შენ და შენი ნაგაზი... არ კი გეწყინოს... ისე გეგზართ ერთმანეთს, ორივე დიდებულსა... ორივე შავები, შენაც რომ ლომა გრქმეოდა, არ გამიკვირდებოდა.

— შენიშნე? — სიცილითვე მიპასუხა, — მაგი შენაც შენიშნე, დედევ? პირველად მაინც ცოლმა მითხრა, ჰე-ჰჰეე...

— ყაყ-ყაყ-ყაყე!.. — აჰყვა ძაღლიც. რომ შეგხედე, თვალებს არ დაუჯჯრე: ადამიანით იცინოდა, ყაყ-ყაყ-ვე!.. იკრიჭებოდა, კილამ გადავიქეცი სიცილისაგან.

— ე რა ძაღლი გყოლია, ჭოო!.. რა იბრეთი!.. — ვამბობდი და სულს ძლივს ვითქვამდი. შეგხედავდი რა გემრიელად იკრიჭებოდა და ისევე მომასკდებოდა სიცილი. ლომა ხან მე შემხედავდა, ხან ბეჟარს, იცინიანო და, თვალებმოჭუტვით ყაყ-ყაყ-ყაყვე!.. — თვითონვე გადაფიჩინდებოდა.

უცებ შეწყვიტეს სიცილი ბეჟარმა და ლომამ, შეთანხმებულებივით.

— ძაღლი პატრონს ვერ ცნობსო, შენ ამბობ, დედევ... რას ერჩი ძაღლებს. ისინი პატრონს ყოველთვის ცნობენ, სანამ პატრონები ცნობენ მათ. არა, აქაც არა ვარ მართალი. ძაღლი ყოველთვის ცნობს პატრონს, თუნდაც პატრონმა კინწისკვრით გააგდოს. კაცსა და არაკაცს ერთი შეხედვით ხედებიან ძაღლები შორიდანვე. არაკაცებს მყრალი სუნი უდით, ალბათ, ძალიან მყრალი, რაკი ასე ვერ იტანენ ძაღლები.

ამას რომ ამბობდი, სხვანაირი სახე ჰქონდა ბეჟას. ნაღვლიანი, ძაღვან ნაღვლიანი.

— ამ ნაგაზს რომ უყურებ, დედევ, შესახედავადაა ძაღლი, თვარა გული ოქროსი აქვს. თანაც ჩვეულებრივისა კი არა ბაჯაღლოსი. რა ვუყოთ, რომ ვერ ლაპარაკობს. სხვისას ხედება. ზოგჯერ უთქმელადაც. ახლა მითხარ, რით არ სჯობია იმათ, ვისაც შენი არ ესმის, თავისას კი ლაპარაკობს და ლაპარაკობს. ასეთი კაცი პირუტყვი რომ იყოს, აჯობებდა.

— მართალს ამბობ, შვილო და დირედო... ვამჩნევ, დიდი დირდი გაქ გულზე.

— მაქვს! — ბეჟარმა მძიმედ ამოიოხრა, — ნეტავ ლაპარაკი, შეეძლოს... — ლომამ დაიწკმუტუნა, ბეჟარს მხარზე თათი დაადო და სახე გაულოკა.

— ე ძაღლი მართლა ყოლიფერს ხდება?

— ყველაფერს. ზოგჯერ ჩვენზე მეტსაც.

— იმითანი რა ჰქენი, შვილო და დირედო, რომ მოსვენება არ გაქ?

ბეჟარს ნიკაპი უთრთოდა. მგონი ტიროდა, ჭო, შიგნით ტიროდა და იფუფქებოდა ი მთასავით კაცი. ლომაც წკურავდა თვალებს. დროდარო დაიწკმუტუნებდა. სხვაგან იყო ახლა ბეჟარი. სხვა სურათებს ხედავდა. ისიც, ლომაც სხვაგან იყო. ძაღლიცა და პატრონიც შორს იყვნენ აქედან.

„ნენევ, ე რა ხალხს გადავეყარე!“ — გავიფიქრე. „ხალხს“-მეთქი. ლომასაც ადამიანებში ვთვლიდი უკვე. მართალიც ვიყავი:

— ბეჟარ, ლომა, რა დაგემართათ, ჭო! — შევუძახე.

აპაჰ! არ ესმის ჩემი. თავანთ ბურანში იყვნენ გახვეულები.

— მაპატიეთ, თუ რაიმე ისე ვერ ვთქვი, — ამოვილულულე წყენით.

მივხვდი, ცოტა ხანს საკუთარ თავთან სურდათ დარჩენა. საკუთარ ფიქრებსა და დარდებში უნდოდათ მოდულება.

— შენ რა შუაში ხარ, დედევჰჰ!.. — მიპასუხა და ისე ამოიოხრა, მეგონა, გულიც ამოიფხრიწა-მეთქი. შეკითხვიდან ორი-სამი წუთის შემდეგ გამცა პასუხი. არ ვიცი, მაშინვე ვერ გაიცნობიერა თუ გვიან მიადწია მის გონებადვე, — თვითონ უნდა მაპატიო, დედევ.

— დიდი საფიქრალი გქონია...

არაფერი მიპასუხა. გასაღები გადაატრიალა და ძრავა ჩართო. ნელა დაძრა მანქანა.
 ნა.

— ამას რომ უყურებ, — ნაგაზს თავზე ხელი გადაუსვა, — დიდი სიმძიმე აწევს გულზე. თავის დარღებში გახვეულს რომ ვნახავ, გული მეთუთქება.

— შენი ძაღლი არაა?

— ახლა — კი, ოთხი თვეა.

— მანამდე?

— ეტყობა, კარგი კაცი იყო მისი პატრონი. ცოცხალი არ უნდა იყოს.

— განიცდის?

— ჰო.

ლომას პატრონის კალთაში ელო თავი. უცებ ჟურნალტელმა დამიარა სხეულში. ტიროდა ნაგაზი. თვალებიდან ღაპალუკით ჩამოსდიოდა ცრემლები.

აღარ ვიცოდი, რა მექნა. სიტყვებიც ვერ გამოვინახე, შევილო და დირელო. ვიჯექი და ველოდი. ვიცოდი, სათქმელი ჰქონდა ბექარს. მეტად საჩოთირო. ალბათ, ამიტომაც ვერ გადაეწვიტა, ეთქვა თუ არა. იქნებ არავეისთვის გაემხილა ჯერ? მგონი ასე იყო. შინაგანი ხმა მეუბნებოდა. ამიტომაც არ ვჩქარობდი.

უცებ ლომამ თავი ასწია, წამოჯდა და გზას გახედა. შევაძმინე, როგორ დაიძაბა. ბექარს მოხედა წამით და ისევ გახედა გზას. მანქანა სწრაფად მიქროდა თავდაღმართში. ლომამ დაიწკმუტუნა და საჭეს თათი ჩამოჰკრა.

— რაო, რა მინდაო? — კკითხე ბექარს.

— წინ საშიშროებააო.

— საიდან ხვდება?

— აი, მაგას კი არ მეუბნება. ახლა მე სიჩქარეს მოგუმატებ. ვნახოთ, როგორ მოიქცევა.

ბექარმა ბერკეტი გადართაო და პედალს ფეხი დააჭირა. ნაგაზმა დაიღრინა და სახელოში ეცა პატრონს.

— გავიგე, კაცო, გავიგე, დაწყნარდი. აჰა, ნელა მივედივარ. — წინ კი ჯერაც არაფერი ჩანდა ისეთი.

— შეცდა, — ჩავილაპარაკე მე, — დღეს უღალატა გუმანმა.

ძაღლმა მომიხედა. წამით შეხვდა ერთმანეთს ჩვენი მზერა.

ახლაც მახსოვს ი შემოხედევა. ჯერ შეეცბი, მერე შიშმაც გამკრა. მომეჩვენა, ცხოველი კი არა, ადამიანი მიმზერდა, ჭო, ოღონდ ცხოველის ტანში შესული.

დაახლოებით ნახევარი კილომეტრი გავიარეთ. ლომამ შეჰყეფა. მოსახვევს გავცდით და დიდ ლოდს მივადექით. შუა გზაზე ეგდო. მანქანიდან ჩამოვედით.

— იმ კლდიდან მოწყვეტილა, — ვთქვი და ცაში ატყორცნილ შვერილს მივუთითე.

— რომ დაგვეჯახებოდა, ბურთივით გისვრიდა ხეობაში.

— ნუთუ ხმაური გაიგონა?

— აკი გითხარი, დედევე, ლომა სხვანაირი ძაღლია-მეთქი.

ბაგირი გამოაბა ლოდს და გზის კიდესთან მიათრია მანქანი.

— ოთხი თვის წინ რუსეთში ვიყავი, — დაიწყო ბექარმა, — მანდარინი და ჩაი ჩავიტანე. თან ფირმის წარმომადგენელი მახლდა, ნიკო ბერიძე. კაი ბიჭი იყო. მანქანის მართვაც იცოდა. გზადაგზა მცვლიდა კიდევაც. დღეს შოფრობა ვინ არ იცის, მარა, ამ მანქანის საჭეს ყველას ვერ ანდობ. სხვანაირი გამოცდილება უნდა და იმიტომ. მე

პროფესიონალი მძღოლი ვარ და ვამბობ: მანქანის საჭე ყველა სათვის არ მიიციცი... შეიძლება ნორმალური იყოს ცხოვრებაში, ადამიანებთან ურთიერთობაში, მაგრამ საჭესთან... მეზობელი მყავდა ერთი, კოკი ფერთელაძე. კარ-ფანჯრების უბადლო ოსტატი. საიდან არ მოდიოდნენ მასთან შეკვეთის მისაცემად. ფულსაც ბლომად აკეთებდა. ნელა და გულდაგულ მუშაობდა. ვინმე რომ ეტყოდა, ცოტა დამიჩქარეო, იცი, რას უპასუხებდა? შენ ჩემო ძმაო, ცუდად გაკეთებული გლომებიო, ცუდად სხვაგან აკეთებენ და იქ მიბრძანდიო. ასეთი კაცი იყო კოკი ფერთელაძე. მანქანა იყიდა, „ფიგული“. მართვის უფლება როდის აიღო, არ ვიცი. ერთ დღეს, ვხედავ, მოაქროლებს ვიღაცა ჭაობისფერ მანქანას. მსუბუქ მანქანებს შორის გაძერა-გამოძერა, გაძერა-გამოძერა... კიდევ ერთს გაასწრო და ვხედავ, ჩემს გზაზე გადმოვიდა. მე ადრე ვივრძენი ეს. ბევრად ადრე და სიჩქარეს ეუკელი, მეუე გავაჩერე მანქანა. ძლივს ამიარა. ათითხუთმეტი სანტიმეტრით წინ რომ გამეჩერებინა, შემასკლებოდა. უხხ, შენი-იი!.. ამის თქმა მოვასწარი და კოკიც ვიცანი. კიდევ კარგი, ღროზე დავაჭირე ენას კბილი, თვარა შოფრების გინება, დე-დეეე!

იმ საღამოს სახლში დავიმართოხელე და წყნარად, ლამაზად ვუთხარი, ძალიან სწრაფად დადიხარ, დღეს გადარჩი, იმიტომ რომ შემხვედრ მანქანას პროფესიონალი უჯდა-მეთქი.

– მაგაზე ნაკლები პროფესიონალის! – ისე დამიწირება, სტაჟიან შოფერსაც შემურდებოდა.

- შენ, ბიჭო, კოკი ხომ ხარ? – კკითხე.
- რატომ მეკითხები?
- იმიტომ, რომ შენი პირიდან გინება ჯერ არ გამიგონია.
- ეტყობა, შოფერი ვხდები.
- გინებით – კი. ჩათვალე, რომ უკვე ხარ. თანაც პირველი კლასის. იცი თუ არა, რომ ის პროფესიონალი მე ვარ? სიკვდილს გადაგარჩინე, ბიჭო, სიკვდილს, შენ კი მაგინებ? მეზობელი არ იყო, მე ვიცი. – ზურგი ვაქციე.

დამეწია. მკლავში ჩამავლო ხელი და ტანით მომეყრდნო:

– მაპატიე, ბეჭარ, გულში ნუ ჩაიდებ, თუ ძმა ხარ. პირობას გაძლევ, კუს სიჩქარით ვივლი.

რამდენიმე დღის შემდეგ, სწორედ ისეთსავე სიტუაციაში, შემხვედრ ავტობუსს შეასკდა... ახალგაზრდა ცოლი და ოქროსავეთ გოგო-ბიჭი დააობლა.

ჰოდა, იმას ვამბობდი, ჩემო დედე, ხანდახან შემეცვლებოდა-მეთქი. ჯერ უჭირდა ნიკოს. ი-იმხელა მანქანის მართვა ადვილი არ არის, მაგრამ, ვხედავდი, თვალსა და ხელს შუა ოსტატდებოდა. ასე ჩავიტანეთ ი ჩაი და ციტრუსი დანიშნულების ადგილას, ვორკუტაში. იცი სად არის ვორკუტა?

- რა? – კკითხე სიცილით, ვიფიქრე მომეყურა-მეთქი.
- ვორკუტა, ქალაქია ასეთი.
- იბრეთი სახელი ჰქონია, – ვუპასუხე. თან ეჭვით შევხედე, ხომ არ მახლავს-მეთქი.

– შორსაა, დედე, ძალიან შორს, ჩრდილოეთში... გაცვალეთ ჩვენი ტვირთი სასტამბო ქალაქში...

– ე რა მითხარი, ჭო? ქალაქდითვინ გეიარე იმხელა გზა? ქალაქდითვინ? – კკითხე ბრაზით, – ხალხს შია, წყურია, შენ კი ქალაქდითვინ ჩაიტანე ჩვენი ნაშრომი-

ნაგრამი ერთი ვაგონი ჩაი და ციტრუსი?!

გაიცინა ბექარმა. მისებურად, როხროხით:

– შენ იცი ახლა რა ღირს ქალღი?

– თუ ძვირი ღირს, მით უფრო...

– კარაქისა და ბრინჯის შესახებ ვადა კი არ მომქონდა, დედევ, წიგნები, ჟურნალები,

გაზეთები უნდა დაბეჭდილიყო.

– ჰოო, მაგ სხვა ამბავია. აგერ, ოთხმოცს გადაცილებული ბერიკაცი ვარ, მარაა...

კაი წიგნი ძალვან მიყვარს. გაზეთი საჭიროა. თუმცა ბოლო დროს ხებერი არ აქვთ, რას ბეჭდავენ, – მივუგე.

– დრომ მოიტანა მაგი, დედევ. ეშველება მაგასაც... ოჯახებისათვისაც ვიყიდეთ რაღაც რაღაცები... ჩვენთან ყველაფერს ცეცხლი ეკიდება, იქ ბევრად იაფი იყო.

– ყველა ჩვენ გვჯობს. დავლუქეთ ქვეყანა.

– ვხედავ, ნიკო ფებს ითრევს. სახეზეც სხვანაირია, დამორცხვებულივით. შენ რაღაც გაწუხებს? – კვითხე.

– ბექარ, კაცი ხარ და გამიგებ, ერთი სათხოვარი მაქვს.

– ჰე, თქვი ბარემ.

– ხვალ დილაადრიან ნუ გავალთ. რამდენიმე საათით გადავდლოთ, ა?

– რატომ?

– კაცი ხომ ხარ-მეთქი!

– ვარ და იმიტომაც მეკითხები.

– ერთი გოგო გავიცანი.

– ვორკუტაში, ჭოო?

– რა, არ შეიძლება?

– ვორკუტაში, ჩემო ძმაო, ვორკუტელი ბიჭები დადიან, არ იცი მაგი შეენ?... ჰო, კარგი... ოღონდ თავი არ შეირცხვინო, იცოდევ.

სიხარულისაგან შეხტა ნიკო. გადამხვია და მოკუერცხლა. ამ ღამეს ნუ დამელოდებიო, კარებიდან მომამახა.

სალამოს ცხრა თუ ათი იქნებოდა, სასტუმროში დაბრუნდა.

– ?! – თვალებით შევეკითხე.

– ვერაო.

– რატომაო?

– ცოლად შემირთე და ისეო.

– ბიჭოს?! მერე – შენ...

– დაებრუნდები და შეგირთავ-მეთქი. ჯერ შემირთე და მერე დაბრუნდიო. ასე უცებ ვერ... – მეც ასე უცებ ვერაო, მომიგო.

– კაი გოგო ყოფილა, – ჩაეურთე ბექარს.

– მეც სწორედ მასე ვუთხარი, დედევ, რას ერჩი, ნაღდი გოგო ყოფილა მეთქი. აგერ, ბიჭო, დერეფანში რომ მორიგვია, არც ტანი აკლია და არც ფეხი. მაგ საქმისათვის სული მისდის, ეტყობა...

– შენ საიდან იცი? – თვალები გაუბრწყინდა ნიკოს.

– გამოცდილება...

იმ ღამეს ვორკუტაში მიწა იძრა. რატომ იცინი, დედევ? მართალს გეუბნები...

ექსპლადიანი მიწისძვრა იყო. ზოგიერთ სახლს ბზარი გაუჩნდა.

— ჰი-ჰი-ჰიიი!... კაი ზუმარა ხარ.

— შენ იცინი, ჩვენ კი ღამის ორ საათზე ქუჩაში გაეცვივდით. იმ ყინვაში. დე-დევე!.. ნახევარი საათი გაემელი. დაებრუნდი ნომერში თუ არა... ისევ აქანავდა ჭალი. ერთი, შენი!... შეუუკურთხე და ლოგინში ვდურთე თავი.

ღილით, ოთახში შემოსვლისთანავე, მკითხა:

— წუხელ მიწისძვრა იყო?...

— მერე როგორი! შენ რა, არ გაგიგია?

— მაგისტვის გვეცალა! — მერე დაუმატა, — მართალია... ვორკუტაში ვორკუტე-ლი ბიჭები ცხოვრობენ, მარა... არც ჩვენ ვართ ნაკლები.

ხელი ზურგში შემოკკარი:

— ჩაგეთვალა, ახლა კი...

— ნახევარი საათი, ბექარ, — ადამის ვაშლი კინალამ გამოიღო ორი თითით, — ნახევარი საათით დამასვენე.

როცა შორი გზიდან ვბრუნდები, ასე მგონია, მანქანაც გრძნობს და უფრო მსუბუქად მისრიალებს. მოტორი კი არ გუგუნებს, მღერის. ჩვენც კარგ გუნებაზე ვიყავით. საქმე დიდებულად მოვაგვარეთ, ნიკო ხომ...

მგზავრობაში ყველაზე უკეთ შეიცნობ ადამიანს. სულ უფრო და უფრო მომწონდა ნიკო. მხიარული, კეთილი, მიმნდობი... ანეკდოტების უძირო ყულაბა იყო. ერთი ნაკლი ბქონდა მხოლოდ, ქალები...

— ხომ არ სძულდა? — ჩაეურთე.

— სძულდაო? აპა-პა! სულს ლევდა. რომ ჩავალთ, მე უნდა დაგაქორწინო, თორემ ვინ იცის, რას შეესწრები-მეთქი, დავექადნე.

— ყაბულს ვარო, — მომიგო.

ოღონდ ქალს დაპირებოდი...

მოსკოვს რომ მიეუახლოვდით, შევამჩნიე, ისევ აუტყდა ცმუკვა.

— ვიცი, ნიკო, რაც გჭირს, მაგრამ არაფერი გამოვა, მივანხალე. შენს გამო სასტუმროს ვერ დავუწყებ ძებნას-მეთქი.

ეჰ, თითო ნაკლი ყველას გვაქვს, დედევე. ბევრი რომ არ გავაგრძელო, დარჩა ნიკო მოსკოვში, მე კი გაუღდექი გზას. ძნელია მარტოდმარტო მგზავრობა იმხელა გზაზე, მაგრამ რა უნდა მექნა...

— მაგ ნაკლი კი არა, ღალატია, შვილო და დირელი, — ეუთხარი.

— მეც მასვე ვფიქრობდი, დედევე, კაცი მეგონა, ქალებს აყოლილი ბეჩი ყოფილა, კაბის გულინათვის ამხელა გზაზე მიმატოვა-მეთქი. ამ ფიქრებით მოვდივარ, თან ჩემს თავზეც ვბრაზდები: მისი ფირმის საქმეს აკეთებ. ხელშეკრულებაში ფირმის წარმომადგენლის მეგზურობაცაა გათვალისწინებული. მათვე დაარღვიეს. მარტოდმარტო გამომიშვეს ათასობით დოლარის საქონელით. გზაზე რომ მოხდეს რაიმე, ვინ აგებს პასუხს? მე შენ გეტყვი, ძველი ღრო არ იყოს, კაცი რომ კაცობდა და კანონი კანონობდა. ქალებთან დროსტარება უფრო საჭიროდ მიაჩნია, ვიდრე თავისი ფირმის ბედი, თფუ! მეც მაშინვე დავეყვი. ჩემ ხათრიან ხასიათს რა ეუთხრა! კიდევ კარგი, ქალად არ გავჩნდი...

თოვა დაიწყო წვრილად. თანდათან მოუმატა. მარტოდმარტო ვარ ლარივით გაჭიმული გზაზე. არა, აგერ, მსუბუქი მანქანა გამოჩნდა. სარკეში ვხედავ, „მერსედესი“

უნდა იყოს. ქარივით მოდის. ფარებით სიგნალს მაძლევს. რა უნდათ, ნეტავ? ხელი უნებლიედ ცურდება დაბლა. გრძელტარიან ქანჩს ვუჭერ თითებს. „მერსედესში“ ორნი არიან. ჯერჯერობით თავდასხმას არ აპირებენ. ეს ყველაფრით ჩანს. თავისი ხელწერა აქვს ყველას. ვინ იცის, რა აქვთ ჩაფიქრებული. ორი ბევრი არაა — ეს ხელდახელ შესაბამელად. დღეს ყველა ყაჩაღი კბილებამდგა შეიარაღებული. „მერსედესი“ ახლოსაა. კულში მყავს გამობმული. განუწყვეტლივ აციმციმებს ფარებს — მიბრძანებს, გაეჩერდე. გასწრების შუქფარებიც ჩართული აქვს. ერთი... ქალია („იქნებ მეჩვენება?“) გამისწორდებიან და გაკვრავ ამ ჩემი „კამაზით“ გვერდს. ოდნავი წახაზუნებაც ეყოფა, ბურთივით გავისვრი. თადარიგს ვიჭერ. რამდენიმე წამში ყველაფერი უნდა დამთავრდეს. გზას ვათვალთვრებ, მანქანის ჭაჭანება არ არის. სინქარეს ოდნავ ვუკელი. „მერსედესი“ მაშინვე აკეთებს რეაქციას — ისარივით იჭრება წინ. „რა სწრაფად წამოვეგ ანკესზე, სულელო!“. მეც ვაწვები ფეხს სინქარის პედალს. ვგრძნობ, როგორ იძაბება მანქანის სხეული. მძღავრი გული აქვს „კამაზს“. პროფესიონალი მძღოლი ვარ და წამის მესაყდებში შემიძლია გავთვალო მდგომარეობა.

ხვაერიელად თოვს. გამალებით მუშაობს საწმენდები. სარკეში წამითაც არ ვკარგავ „მერსედესის“ მოქმედებას. „დროა!“ გვერდით მინა ეშვება. ქალის ხელი გამოჩნდა. მერე თავიც. „ბეკარ, ასტანავიტე-ეე!.. მი სვლი-ი! სტოიტე, ბე-კაარ!“. უფრო დავინახე, ვიდრე გავიგონე. იქედან კაციც იქნევს ხელს. ახლა თავიც გამოყო. ნიკოა! „გააჩერე, შე გოთვერანო!“ — ყვირის.

ერთმანეთს ისე გადავეხვიეთ, ვითომ რამდენიმე წელიწადი არ გვენახა.

— გაიცანი, ეს ლარისააო. ეს — მისი „მერსედესი“.

— ლამაზი თუ იყო მაინც?

— ეშმაკსაც გადააცდენდა, დედევ, სატანასაც! ისეთი ბედნიერი სახე ჰქონდათ, რომ ნიკას ვკითხე, მოსკოვშიც მიწისძვრა...

არაო, თავი გააქნია. მოსკოვი შენ ვორკუტა ხომ არ გგონია, დიდი ქალაქიაო. ლარისა კი მიუჯდა თავისი „მერსედესის“ საჭეს და გაფრინდა. ამოიოხრა ნიკომ. ისე ამოიოხრა, გულ-ღვიძლიც ამოიფხრიწა თითქოს. ვინ იცის, როდის შევხვდებით ერთმანეთს, ან შევხვდებით კი?... — ამოვიკითხე მის თვალბეჭდში. ე-ეჰ, ნიკო, ნიკო!

— ჩამოსვლამდე სულ ასე ჩერდებოდა ქალაქებში?

— მეც მაგი ვკითხე, დედევ, კიდევ რომელ ქალაქებში გავჩერდებით, წინასწარ მაინც ვიცოდე-მეთქი. არცერთშიო. ლარისას შემდეგ არცერთშიო. მიპასუხა და ისევ ამოიფხრიწა გულ-ღვიძლი.

ვეცვლებოდით ერთმანეთს, ხან იგი უჯდა საჭეს, ხან — მე. ასე გამოვიარეთ მთელი რუსეთი და ჩვენი საზღვარი მდინარე ფსოუმდე.

აფხაზეთში ომი დაგვხვდა.

გაჩერებდნენ, საბუთებს გვისინჯავდნენ, ტვირთს დაათვალთვრებდნენ და გვიშვებდნენ. ავტომეჭებისა და ქვემეხების ბათქაბუთქში გამოვატარეთ უშველებელი მანქანა გაგონ-მისაბმელით. ერთი ენგურამდე მიგვალწევია და, მერე შინ ვართ, ვეუბნებოდით ერთმანეთს.

გამოვიარეთ ენგურიც, ერთმანეთს გადავეხვიეთ და გადარჩენა მოვულოცეთ.

კაცი ბჭობდა და ღმერთი იცინოდაო, დედევ.

თხუთმეტი თუ ოცი კილომეტრი გვექნებოდა გავლილი, სამი ავტომატიანი გადავიდა. ლულები მოგვიშვირეს: გაჩერდითო.

გაეჩერდით.

ჩამოდიოთ.

ჩავედით.

ვინ ხართ, სად ყოფილხართ და საით მიდიხართო.

საბუთები ვაჩვენეთ.

ეს მანქანა დაგვჭირდება. ვაგონიცო.

— იცით, ბიჭებო, — ჩაერია ნიკო, — ეს ქალაქი თუ არ ჩაეიტანეთ, ვეღარ გამოვა წიგნები, გაზეთები, ვერ დავებეჭდავთ თქვენი ვაჟკაცობის შესახებ...

— ქალაქი ჩვენც გვჭირდება, — მოვეიგეს, — ზაფხულში ბალახები იყო, ფოთლები... ადვილად გავდიოდით. ახლა ჩხირებისაგან უკანალები დაჩხვლებილ-დაფხოზილი გვაქვს.

— გასაღები! — ბრძანა ერთმა. ჩანდა, ამათი უფროსი იყო.

კაბინისაკენ ვანიშნე თავით, ზედაა-მეთქი.

— ქართველები არა ხართ? — ნიკომ.

— ენა, შე თათარო! — კონდახი მოუღირა უფროსმა. — შმაგო! — მეგობარს მიუბრუნდა და მანქანაზე ანიშნა, — სწრაფად!

შმაგი კატის სისწრაფით განტა საფეხურისაკენ.

— თათარო?! — შეჰყვირა უცებ ნიკომ და ჰაერშივე მისწვდა შმაგს. ორივე მიწაზე გაგორდა... მესამე ავტომატიანი, აქამდე ჩუმად რომ იდგა, მივიდა და კონდახი თავში ჩაარტყა ზემოდან მოქცეულ ნიკოს. მე გავიწიე, მაგრამ იმწამსვე ავტომატის ლულის ცივი შეხება ვიგრძენი კეფაში.

შმაგმა გულადმა გადაატრიალა ნიკო. სახე სისხლით მოთხეროდა. ჩანდა, გრძნობა მაინც არ დაეკარგა. ტუჩებში ჩამდგარი სისხლი ათრთოლებული ხელით მოიშორა. ამოიწია, მაგრამ ვერ მოერია დამძიმებული სხეულს. შმაგი ორი ნაბიჯით მოშორდა და ავტომატის ჯერი მიუშვა...

მიწაზე გაშოტილი ნიკო ხტოდა, ძაგძაგებდა. ფეხებს და ხელებს იქნევდა. თავს ურტყამდა მიწას. პირიდან სისხლი წასკდა. შმაგი კი ისროდა და ისროდა. თანდათან მოდუნდა ნიკო, ჩაწვნარდა. მჭიდვეში ტყვიების გათაყვებამდე ისროდა შმაგი.

გუფიცები, დედე, არც შურისძიებაზე მიფიქრია, არც ვაჟკაცობაზე, არც იმაზე, რა მომივიდოდა... არც ის ვიცი, როდის გადავწყვიტე, თუ გადავწყვიტე საერთოდ... მათ უფროსს ავტომატის ლულაზე ხელი ვუტაცე და გამოვეგლიჯე. მერე წამს იგი ხელში მყავდა აყვანილი. ნიკოს რომ კონდახი ჩაარტყა, იმას ვესროლე. ორივე ერთად აიხორხლა მიწაზე. შმაგისაკენ შევბრუნდი. მანქანას აკვროდა ზურგით, მის წინ უშველუბელი ნაგაზი იჯდა და უღრენდა. უფროსის ავტომატს დავწვდი და ჰაერში მივუშვი. მერე მეორის მჭიდვეც დავცალე და იგიც მოვისროლე. ამასობაში ორივე წამოიხანხლა ფეხზე. ჯერ ერთს ამოვდევი ყბაში, მერე მეორეს. ძალა, დედე, ღმერთს არ დაუშურებია ჩემთვის, მაგრამ მაშინ, ალბათ, ათკეცი მქონდა. უგრძნობლად გაიშოტნენ მიწაზე. შმაგთან აღარ მივსულვარ. ისედაც აღარ ვარგოდა კაცად. ნაგაზს ხაზაში ჩასჩერებოდა და კანკალებდა. არც ის მიფიქრია მაშინ, საიდან გაჩენილიყო ი-იმხელა ნაგაზი. ნიკოს ცხედავდი მარტო, საკუთარი სისხლის ტბორში რომ იწვა. ახლა რომ ვიხსენებ ყველაფერს, მგონია, სიზმარში მყოფივით ვმოქმედებდი. კაბინაში, სავარძლის უკან, მოსასვენებელში, დავაწვინე ნიკო. ზემოდან მისივე ქურქი დავახურე. ძრავა ჩაერთო და მანქანა დაეძარი.

ორასიოდე მეტრი მექნებოდა გავლილი, უცებ თავში გამკრა: ძაღლი! „ეს რა გქნის! მან — ცხოველმა მიხსნა, მე — ადამიანმა, ვუღალატე. ისინი ხომ მოჰკლავენ. უკანასკნელ ლაჩაროვით მოვიქეცი. თფუ! უნდა დაებრუნდე“. მანქანა დაეპოხრუჭე თუ არა, სარკეში თვალი მოვკარ... მოსხვევიდან გამოვარდა. იმავე წამს ტა-ტა-ტა-აა! ავტომატი აჭახჭახდა. ნაგაზი მაშინვე გაწვა. ისევ წამოვარდა. გრივალეით მოჰქროდა. კარი გავაღე. საფეხურს არ გაკარებია, ისე შემოვარდა. ერთი-ორჯერ შემომყეფა. სააღყოზარბაზანივით დაიქუხა კაბინაში. წადიო, მიბრძანა. მაშინვე დავმარი მანქანა. პატრონის სიყვარულით თუ განსაცდელის შიშით, სპორტული მანქანის სიჩქარით გაფრინდა ჩემი „კამაზი“. ტა-ტა-ტა-ა-ა!.. მოისმა უკან და ვიგრძენი, რამდენიმე ტყვია მოხვდა ვაგონს.

სამშვიდობოს რომ დავიგულე თავი, მანქანა გაგაჩერე.

შეეცბი. დამნაშავეს თვალებით შემომტკეპროდა ნაგაზი, მაპატიე, რომ შეგაწუხეო, მეუბნებოდა მისი მზერა, ნუ გამაგდებო, მთხოვდა...

ბურთი მომაწვა ყელში. კისერზე ხელები მოვხვიე, გულში ჩავიკარ და ავტირდი. უცებ ვიგრძენ, იგიც ტიროდა. ეს შენ მაპატიე, ვეუბნებოდი, არ მინდოდა ღალატი. არც მიფიქრია... გემუდარები, დამიჯერე... საიდან მოფრინდი ჩემს მხსნელად. იქნება ყველაფერი სინამდვილე არცაა?...

იქნებ ჩემი ნიკო ცოცხალია?... ფარდა გადავწიე.

ნაგაზმა დაიემუვლა.

მეც...

მას შემდეგ ერთად ვართ. ლომა დავარქე. სხვა სახელი არც შეეფერება ალბათ.

პირველ ხანებში დაბნეული შემომხედავდა. უკვირდა, ნამდვილ სახელს რომ არ კუძახდი, მერე შეეჩვია.

— მძიმე ამბავი გადაგხდენია თავს, შვილო და დირელო, ძა-ღვან მძიმე.

— ამას რომ უყურებ, — ძაღლს თავზე დაადო თავისი დიდი ტორი, — თავიდანვე გითხარ, დედე, ისეთი სიმწარე უნახავს, ხანდახან ადამიანივით უნდა საკუთარ თავთან დარჩენა. გაწვება, თავს თათებში ჩარგავს და ტირის. უხმოდ აღვარდვარებს ცრემლებს.

— ენა არ აქვს, თვარა ვინ იცის, რას მოყვებოდა.

— ეს სხვებისათვის არა აქვს, დედე.

— შენთვის?

— აქვს და მიყვება კიდევ.

— არ გადამრიო!

— ჩემი ადრინდელი პატრონიც შენსავით მძლოლი იყო. ჩვენც „კამაზი“ გვქონდა, ვაგონ-მისაბმელიანი და შენსავით დავდიოდი რეისებშიო. ერთ დღეს სწორედ იმ ადგილას, დაგვაყაჩაღესო. ჩემმა პატრონმა წინააღმდეგობა გაუწია. მაშინვე მოკლეს, მე კი დამჭრესო, ტყვია აი, აქ მომხვდაო, — ბეჭარმა ბალანი გადაუწია და ნაჭრილობები მაჩვენა. — მაინც ვერ გამაჩერეს, მერე ავტომატის კონდახი ჩამარტყეს თავშიო. მკვლარი ვეგონე და მიმატოვესო.

— კი. ესენი იქნებოდნენ.

— მეც მახე მგონია, დედე. ჩვენს მანქანას რომ დაესხნენ, ვეღარ მოითმინა, თავის პატრონს ეხმარებოდა ამით.

— იქნებ შურისძიებაზე ფიქრობდა?

— არა მგონია. შურისძიებაზე — არა. ლომა სხვანაირი ძაღლია, ეგ რომ ჰქონდა გულში, იქვე დაგლეჯდა შმაგს. სხვებსაც. ერთი კი ცხადია, შემთხვევით არ იყო იქ, — მაგაში გეთანხმები, დედევ. იქნებ ფიქრობდა კიდევაც, მაგრამ ბოლო დროს ვერ გაიმეტა... არ ვიცი. ლომა სიკეთისთვისაა გაჩენილი. მიტყეებისთვისაა გაჩენილი... აკი ვერც მე შეეძელი, დედევ...

ლომამ პატრონს ხელი გაულოკა, მერე კალათში ჩაუღო თავი და გაიტრუნა.

ქალაქში ჩასვლამდე ხმა აღარ ამოგვიღია.

მალე ერთმანეთს დავეცილდით.

რაც დრო გადის, მით უფრო ვხვდები, რით ჰგვანან ერთმანეთს ი ჩემი უცნაური ნაცნობები — ბეჟარი და ლომა.

უშეველებელი სინათლით. სიკეთისა და მიტყეების სინათლით, ჩემო შვილო და დირელო.

თუნთა

კაი ხანია, ქალაქში გავთხოვდი. შვილები დაგვეზარდნენ, მალე შვილიშვილებიც გვეყოლება. მარაა... გამოგიტყდები, გო, გარეგნულად ვარ ქალაქელი, გარეგნულად. ადრე ამას არ ვამბობდი, იმიტომ, რომ ახალგაზრდა ვიყავი და მრცხვენოდა ვითამ. არ კვადრულობდი და იმიტომ. სიზმარში კი სულ იქა ვიყავი, კლდეს გამოკვავებულ ჩემ სოფელში. იქა დაფრინავდი პეპელასავით. ახლაც იქა ვარ. ახლა — უფრო სზირად. სიზმარში, გო, სიზმარში. კი, ქალაქი ქალაქია, სხვანაირს გაგზდის — ლაპარაკითაც, ჩაცმულობითაც, მიზრა-მოზრითაც. კმაყოფილი ვარ, მაგრამ... სიზმრებში, გო, სიზმრებში ჩემ სოფელში დაფრინავ დღესაც.

ოჯახი? ორი გოგო და ერთი ბიჭი გვყავს, ენაცვალოთ დედა. უკვე დიდები არიან. უფროსი გავთხოვეთ, ამიტომაც გითხარი, მალე ბებია გაეხვდები-მეთქი. ისე, ცოტა მეხამუშება, გო... ადრეა ჩემი ბებიობა. ბევრი ჩემი ტოლი ამ ასაკში თხოვდება და ბაღებს აჩენს. ჩვიდმეტისაც არ ვიყავი, ელდარმა რომ... უშენოდ ყოველი წუთი ჩემთვის ჯოჯოხეთიაო. რა მექნა, მართალია ხომ არ დავწავდი ბიჭს. ავდექი და გავეყვი. კი არ ვნანობ, პირიქით, კაი კაცი შემხვდა, ჭკვიანი, შეხედული, საქმიანი... მარა, სიზმრებში მაინც ი სოფლელი გოგო ვარ!..

ელდარზე გეუბნებოდი, ჩემ ქმარზე, ისეთია, ქვიდან წყალს გამოადენს. ეშმაკია-უუ! ამ ცხოვრებას მაშინვე აუღო ალღო. ბიზნესმენია ახლა. ადრე? რა ვიყავით ჩვენ ადრე! იგი გეოგრაფიას ასწავლიდა. უმაღლესში კი არა, სკოლაში. მე კიდო — მდივანი... ქალაქკომისაო? ცეკას არ გინდა, ცეკას?! პირადი მდივანი, გო, სეკრეტარმა. ხუთი მინისტრი გამოვიცვალე, ხუ-თი, ხუთივეს, მოსვლისთანავე, რაცხა იმედები ჰქონდა. ხომ ხვდები... კააი გოგო ვიყავი, კააი. რომ ჩავივლიდი, კაცები ოო-ხხ! ამოიგნეშებდნენ, ერთი მაგიო... მე კი ჩემი კაცის ერთი შემოხედვა მთელ ღუნისა მირჩვენოდა. ახლაც მირჩენია, მარაა... კაცი მაინც კაცია. ალბათ, ჩემი კაციც უკუტკუტებს თავის სეკრეტარმას. ლამაზი შეურჩევია-აა! ფეხები — შხვანტალა, თმები — მარიანასავით ხვეული და ფუშფუშა. მარა მაი შენი ცინდალივით მარიანა სად მივა იმ... გასასკიპარჭავთან. ხმაიც ნაზი-ნაზი, მიკნავებულ-მიბნედილი: „ბატონო ელდა-ა-არ!“ ერთი ჩავაფარო-მეთქი, მომინდება, მარა რა ვქნა,

მიზეზი არ მაქ, გო, მიზეზი. სულ თითო-თითოდ დავაგლეჯდი იმ ფუფუშა თქვენს „ბატონო ელდა-ა-არ!“ უხხ!

სხვამხრივ, რა მეთქმის. კაი ჩაცმა, კაი დახურვა, მანქანა — „მერსედესი“, უკანასკნელი მოდელის. შიგ რადიო, მაგნიტოფონი, ტელევიზორი. ბინაც გამოვიცვალეთ. ადრე ერთოთახიანში ვიჭიჭყებოდით, გო. ახლა... მოიცა, დავთვალეთ... ლოჯიანად ხუთი ოთახია. თანაც გარემონტებულ-გაწკრიბებულს. სხვები რომ დროშებს აფრიალებდნენ და „გაუმარჯოს, გაუმარ-ჯოს!“ იძახდნენ, სინამდვილეში კი ქვეყანას ანგრევდნენ, ჩემი კაცი საქმეზე ფიქრობდა მაშინ, საქმეზე. შემოტანაზე ფიქრობდა, იმიტომ, რომ ბიზნესმენია ნიჭით. დროშების ტრიალით და „ჯოს-ჯოს“ ძახილით რა საქმეც გაკეთდა, კი ხედავ.

მე თუ მკითხავ, პოლიტიკა ქალის საქმე არაა, გო. ქალი ქალინა იყოს, ქალაქში რომ გამოვა, ქუჩებსნა დეეტყოს. ახალგაზრდა აღარა ვარ, მალე შეილიშვილები-პპ... მაინც ცდილობ. შინაც და გარეთაც ჩემ ქმარს ვაწონებ თავს.

ისე, კაი კაცი შემხვდა, კაი. არაფერი რომ არ შეეშლება, ისეთი. იცის ვისთან, სად, როგორ. მაგაში ხუ-თი-ა-ნი უწერია! მერე კიდო, იმისთანა გამძვრალია, წინასწარ ხვდება, ვის დანიშნავენ, სად დანიშნავენ, რატომ დანიშნავენ. წი-ნას-წარ! გადირევი, გო, საიდან ხვდება, როგორ ხვდება... რომ კკითხე, მეც არ ვიცო, სიცილით მიპასუხა. თვალბში შეგხედე, ხომ არ მატყვილებს-მეთქი. მართალს მეუბნებოდა. იტყვის — შესრულდება, იტყვის — შესრულდება. უკვე შეეჩვიე. არ დამიჯერებ და, მგონი, ისინიც ბაიბურში არ არიან, ვისაც დაწინაურებას უპირებენ, ამან უკვე იცის! საჭირო კაცია ჩემი ქმარი. დიდიდან დადამებაძმე და დადამებიდან დიდიამდე საქმეშია. ძნელი ყოფილა ბიზნესმენობა, ძაღვან ძნელი, მარა... გამაგებია ერთი, საზღვარგარეთ როგორაა ნეტაი, ბიზნესმენები ცოლებს არ ეფერებიან? თუ იმ ფეხებშხვანტალა სეკრეტარშის ბრალია? მთავრობაშიც გავლენა აქვს. ჩემ ქმარზე ვამბობ, გო, საჭირო კაცია. სპონსორობა უყვარს. რა? სპონსორობა რა არის, არ იცი? როცა სხვას ფულით ეხმარები, კი არ ჩაასესხებ, ეხმარები. ესე იგი, შენ რომ ფარას მოამცრე და სხვას მისცემ, იგია სპონსორობა. დღეს უფულოს და უპატრონოს რა გამოლევს, პოდა, სტუმრებია ჩამოსული — ელდარ! კონცერტია მოსაწყობი — ელ-და-არ, წიგნებია გამოსაცემი — ელ-დარ! ამ ჩემს ქმარსაც ყველა ეცოდება, გო, ყველა. ამიტომაც უყვართ და აფასებენ. ნეტაი იმ ფეხებშხვანტალასაც უყვარს? თუ უყვარს, რაფერ, ა?

ერთ დღეს, ვხედავ, თურქული უსწავლია. როდის მოასწრო, კი არ ვიცო, გო. გასულ კვირას თურქი ბიზნესმენები გვეწვია ოჯახში. სამი კაცი. ვხედავ, ჩემი კაცი კიკიკიებს თურქულად. აკრუჭუნებს ენას მათებურად. ვდგევარ და ვუყურებ პირდაღებულს. აგი ჩემი ელდარია თუ მეჩვენება-მეთქი! სტუმრები რომ გავაცილეთ, ვეითხები, — ჭო, თურქული იცოდი? საიდანო, მიპასუხა, ჩაუჯექი და სამ თვეში შევისწავლეო. სამ თვეშიო, გო! სკოლაში პირველ კლასიდან მეათე კლასამდე გააღუკივილი სამოსანი იყო თურმე, ახლა, საქმეს რომ დასჭირდა, სამ თვეში, გო!...

პოდა, იმას გეუბნებოდი, გარეგნულად ვარ ქალაქელი, თვარა სიზმრებში ისევ იქ დაეფრინავ, მაღალ კლდეს მიჭუჭკულ-მიჭიპჭიპებულ ჩემ სოფელში.

რა მკითხე? ხანდახან თუ ავდივარ?

მე გულის მოკვლა მინდა კიდევ, გო? სადღაა ჩემი სოფელი, ხან ლაჟვარდებში მოფარფატე, ხან ნისლებთან მოჩურჩულე ჩემი სოფელი სადღაა-მეთქი. ამ ხუთი წლის წინ ცალი მხარე მოწყდა და უფსკრულში ჩავარდა, სახლებიან-ყანებიანად. სამი კაცი

ჩაიტანა. დღესაც იქ არიან. უფრო სწორედ, ორი კაცი და ერთი ქალი. სხვები გახფინდნენ. ზოგი სად, ზოგი სად. დაცარიელდა ჩემი სოფელი. აღარ არის. იყო და აღარ არის, გო. სიზმრებში კი იქა ვარ, ჩემი ბავშვობის სოფელში. პეპელასავით დაფერინავ და კკრეფ და კკრეფ ყვავილებს. თან ვლიღინებ. უცებ დედის ხმა შემომესმება: თუნთაა! — ლამაზი ხმა აქვს, მუსიკასავით ლამაზი, — თუნთაა! მე ვასუსობ: — აქა ვააარ, ნენიკოო!.. — და მივბრბვარ მისკენ. ყვავილების თაიგულით მივბრბვარ მისკენ. გზადაგზა დამივარდება ყვავილი. ეჩერდები, ვიღებ და ისევ მივბრბვარ. დედა ჭიშკართან დგას — ლამაზი, აშოლტილი. რა მკითხე? ჩემსავით? მე მასთან სად მივალ, გო. დგას ხელებგამოწვდილი. მოშორებით, ღობეს იქით, ბაღში, მამა ბარს დაბჯენია და გვიყურებს.

უცებ დედა ქრება. მამაც. ვდგევარ ხელებგაწვდილი. ცალ ხელში ყვავილების თაიგულით. ირგვლივ ნისლია. დროდადრო დედიკოს სახე გამოჩნდება მქრქალად: — თუნთაა! ხმა ჩემამდე არ მოდის, მაგრამ პირის მოძრაობით ვხდები: — თუნ-თაა! მამის სახეც გაივლებს წამიერად, მერე ნისლში იძირება ყველაფერი.

საკუთარი სლუკუნი ძალვიძებს. მარტო ვარ. ელდარი, ჩვეულებრივ, უთენია წასულა. არც მოსვლა გამიგია მისი და არც წასვლა. ლოგინს ეტყობა, გო, ლოგინს, რომ წოლილა. ჩემ გვერდით წოლილა ჩემი ქმარი. მარტო ვარ, საკუთარ ცრემლებთან ერთად. ვიცი იმისკენ მიუწევს გული... თმაფუშფუშასაკენ... ფეხებშხანტალასაკენ... მეხი ეცა, გო, მეხი „მერსედესსაც“ და დოლარებსაც. მეხი ეცა ხუთოთახიან ბინას, ბაროკო-როკოკოთი გაწყობილ-გაწკრივებულს. რომ შეიძლებოდეს... ვიდეოლენტივით ყველაფრის უკან დატრიალება რომ შეიძლებოდეს, უყოყმანოდ დავაჭვრდი ღილაკს თითს... დავაჭვრდი და უფსკრულიდან ამოვიტანდი ნახევარ სოფელს... იქ ცოცხლად ჩამარხულ დედ-მამასთან ერთად... სოფლელებს მოვაბრუნებდი სახლებში. ყველას... ყველას! მერე პატარა გოგონად გადავიქცეოდი, გავშლიდი ხელებს და ე-ე-ჰე-ჰეიი!... პეპელასავით გაეფიფინდებოდი მინდორში ყვავილების დასაკრეფად. და ისევ ერთად ვიცხოვრებდით მე, დედა, მამა და მალალ კლდეს მიფუნჩხულ-მიჭიპჭიპებული ჩემი სოფელი.

ბუხრის პირას

რა მითხარ, ჩემო ბატონო? პატარაა ჩემი სოფელი?

ეს სხვებისათვისაა პატარა, თორემ, აბა, მე მკითხეთ ერთი. მთელი ქვეყანაა... არა, მთელი სამყაროა ჩემთვის ე სოფელი.

გვარიანად თოვს, არა? ითოვოს; რა გენაღვლება. ზამთარი იმიტომაა, რომ ითოვოს. ბავშვებს გუუჭირდებათ ცოტა, სხვაფრივ რა უშავს. ბავშვებს იმიტომ, რომ სკოლა მეზობელ სოფელშია, რვაწლიანი. ჩვენ რატომ არა გვაქვს? აკი თვითონ ბრძანეთ, პატარა სოფელიაო. ჩვენც იმ სკოლაში დავდიოდით. ზამთარში გვიძინებდებოდა. მოგვხსენებათ, მთაში თოვლი იცი-იის!.. ზოგჯერ გახედავ და, საკვამურები მოჩანს მხოლოდ. ქათქათა მთები, ქათქათა ტყეები, ქათქათა ბორცვები და სახლების ნაცვლად, საკვამურები... საკვამურები... ორი-სამი თვე თოვლქვეშ ვცხოვრობთ. და-თვებივით, ჩემო ბატონო. შეჩვეულები ვართ. თუ გაზაფხულ-ზაფხულში კარგად იშრომებ, ზეცას მაღლს ეტყვი და მიწასაც, ასწილად დაგიბრუნებს ე დალოცვილი,

იმისთანა მიწაა. შემოდგომა იცის ჩვენთან... რა გინდა, სულო — სიმინდი, ლობიო ჩვენი კარტოფილი ხომ მთელ მსოფლიოშია განთქმული. ხილი გინდა, ბოსტინეულთ გინდა... თამბაქოც გვარიანი შემოდის. გაეაწყობთ ასე ჩიბუხებს და ვაბოლებთ ბუხრის პირას. თან ვწრუპავთ ჩვენებურ არაყს. ცოტას რომ შევზარხოშდებით, ყოლსამასაც ჩამოევუვლით. ზემოდან თეთრი თოვლი გვაქვს გადაპენტილ-გადაფენილი, ქვეშ კი ყოლსამას ვუვლით. სუფრაზეც არაფერი გვაკლია. რაც გვაქვს, ჩვენია. ჩვენი სოფლის მადლია. კაიმალი გაგისინჯავს? ჩვენებური მთის კაიმალი თუ გაგისინჯავს-მეთქი. სინორი? ბორანო? იცი, რა არის? უუჰ! ათი-თხუთმეტი წუთი და, ყოლიფერი შენს წინ გაჩნდება, ჩემო ბატონო. მერე თითოსაც ჩამოვისხამთ... ქალო, დაგვიჩქარე მანდ ცოტა, თორემ შევირცხვინეთ თავი ამ ხენწიფის ტოლ სტუმართან.

ჰოდა, იმას გუუბნებოდი, მეზობელ სოფლის რვაწლიან სკოლაში დავდიოდით-მეთქი. ძალგან მიყვარს ი სკოლა... ერთი ჩვეულებრივი მოსწავლე ვიყავი. სამები და ჯანმრთელობაო, რომ იტყვიან, ისეთი. მარაა... ი სკოლა მიყვარს. რატომ, ვერ ავიხსნით. თვითონ მიხვდებით. მწერალი ბრძანდებით... ასე ვთქვათ, სულის ინჟინერი... ქალო, ვახშმის საქმე როგორ მიდის?.. ხომ იცი, ჩვენი დიასახლისები... სტუმრებისათვის განსაკუთრებით უყვართ თავის გამოდება. სამაგიეროდ, ვახშამი გვექნება, ჩემო ბატონო, მეფეს შეშურდება, მე-ფეს! სუნით ვგრძნობ. თქვენც, ხომ? ჰოდა, რაღა გვინდა მეტი, გაეშალოთ ტაბლა ამ გუზგუზ ბუხართან, თითო-თითოც გადაკრათ და ვიჭუჭკუკოთ. ითოვოს გარეთ. ითოვოს რამდენიც უნდა. რას დაგვაკლებს. რა ბრძანეთ? ხვალ აუცილებლად უნდა წახვიდეთ? კი ბატონო, თქვენი ნებაა. ამაღამ აღარ დადებს თოვლს. მალე გაჩერდება. იმიტომ რომ დიდთოვლობისათვის ადრეა ჯერ. აი, ნახავთ, გათენდება და გზა მშვიდობისას დაგილოცავთ კიდევაც. ახლა კი ჩემი სტუმარი ხართ. თვით ღმერთმა გამომიგზავნა თქვენი თავი. ხედავ, რა გემრიელად გურგულობს ბუხარი? გვერთება, იცინისო. უხარია და იმიტომ. ახლა რომ ადგე და წახვიდე, მოიწყენს. ბუხარი მოიწყენს, კედლებიც, ჭერიც. ვახშმის ეს გემრიელი სურნელიც გაქრება. ქალო-მეთქი!.. ჰო, სკოლაზე გუუბნებოდი. კაი სკოლა გქკონდა, ძელით ნაშენი. თბილი-თბილი. თურმე ჩემთვის იყო თბილი, ჰი-ჰიიიი! ჰოდა, იმიტომაც მიმეჩქარებოდა. იყო-მეთქი, იმიტომ ვამბობ, რომ ათი წელია, დაშალეს და ახალი ააშენეს. ქვითკტრისა. მარა მე ის ძველი მიჩრეენია მაინც...

ჩვენს სკოლაში ერთი გოგონა იყო. სახელად იზა. ჰო, მაშინდელ ამბავს გიყვებით, ჩემი ბავშვობის დროინდელს. სწავლით ვერ დაიკვენიდა. გაკვეთილების გაცდენა და მახლობელ ტყეში ჩიტების გალობის მოსმენა უფრო უყვარდა. გამხდარი იყო იზა. გამხდარი და დიდთვალეა. უცნაური. მოუხელთებელი. ხან დამყოლი, ხანაც... უჯიაკზე-უჯიაკი. ხან ენად გაიკრიფებოდა, ხანაც გულჩათხრობილი დადიოდა. განსაკუთრებით არავისთან მეგობრობდა, თავისთვის იყო უფრო. კაცმა რომ თქვას, არც ამხანაგებს მისდიოდათ გული მისკენ. იზას კუძახოდით, თორემ შურნალში იზაბელა ეწერა. იზა.. ბელაო, თქვა ერთმა, იზა... ბელაო... და ჩვენც მაშინვე ავიტაცეთ. ავიტაცეთ და იმ დღიდან იზა დავივიწყეთ, ბელას კუძახდით, მარტო ბელას. იცით, რას ნიშნავს? ჩვენებურ-კუთხურად იცით, რას ნიშნავს ბელა? არა? რას და, უბედურებას, მეორედ მოსვლას, ქვეყნის დაქცევას...

— მე ბელა კი არა, იზაბელა მქვია, დედამ დამარქვა ეს სახელი, — მოგვიგებდა ამაყად. ამ სიტყვებზე კიდევ უფრო ჩაიხიზნებოდა-ჩაივიკუჭკუჭებდით გოგო- ბიჭები, იმიტომ რომ ტყუოდა იზაბელა. მას ჯერ თვალთაც არ ენახა საკუთარი დედა. პატარა იყო, სულ პატარა, წლისა თუ წლინახევრისა, საიდანღაც მამამ რომ მოიყვანა თურმე.

კარგი კაცი იყო მამამისი, ჩემო ბატონო, შრომისმოყვარე, სიყვარულიანი და ზნეკეთილი. დიდთან — დიდი, პატარასთან კი — პატარა. ბელასათვის დედაც იყო იყო და მამაც. მაგრამ, თქვენც კარგად მოგეხსენებათ, კაცი მაინც კაცია, ქალის ხელი სხვაა, სხვა. სხვანაირი სითბო დაჰყვება, ხომ მართალი ვარ?

მარტოობა უყვარდა ბელას. დაჯდებოდა თავისთვის, განმარტოებით, იდაყვებით დაეყრდნობოდა მუხლებს, ხელისგულებში ჩაირგავდა ნიკაპს და ჩაფიქრდებოდა. რაზე ფიქრობდა, არავის გაანდობდა, ა-რა-ვის, საკუთარ მამასაც კი.

დადიოდა ბელა სკოლაში. ისე ტყუილად. რა ცოდნითაც მოვიდოდა დილით, იგივე მიჰქონდა უკან. მაინცდამაინც არავის აწუხებდა მისი სიზარმაცე. ხანდახან რომელიმე მასწავლებელი თუ გადაჰკრავდა, ცარიელი ტომარა ხარო. კაცმა რომ თქვას, კლასში არავის გვიკვირდა ამისთანა ლანძღვა, იმიტომ, რომ ნახევარზე მეტი „ცარიელი ტომრები“ ვიყავით.

ერთხელ, ჩვეულებრივ, იჯდა ბელა თავისთვის, თვლებშილუღვით იჯდა, ნიკაპი ხელის გულებში ჰქონდა ჩარგული. თავის სამყაროში იყო წარსული. რა სამყარო ჰქონდა ისეთი, არავინ ვიცოდით. იქ ყოფნა უფრო ურჩევნოდა ბელას, ვიდრე ჩვენთან. მაშინ სახეზეც სხვანაირი იყო. უფრო მშვიდი, ოდნავ ღიმილიანი და... ძალიან ლამაზი...

მასწავლებელი მიუახლოვდა. იმ მასწავლებელს რატომღაც უყვარდა ბელა. იქნებ ეცოდებოდა და იმიტომ?... მიუახლოვდა და თავზე ხელი დაადო.

— დედაშენი გელოდება დერეფანში, იზაბელ.

შეირხა ბელა. ჯერ შეირხა ოდნავ. მერე წამოდგა, კაბა გაისწორა და წავიდა. მთვარეულივით მიდიოდა, უფრო სწორედ, ანგელოზივით... გეგონებოდა მიწაზე კი არ დააბიჯებს, ჰაერში მისირიალებსო, მიფარფატებსო, ოღონდ ნელ-ნელა. სახეც მშვიდი ჰქონდა. ოდნავ ღიმილიანი და ლამაზი. თვალები ისევე ისე მილულული, გრძელი წამწამებით დაჩრდილული. ისე მიდიოდა, თითქოს არაფერი მომხდარიყოს... თითქოს ყოველდღე მოდიოდა დედამისი მის სანახავად.

დერეფანში ქალი იდგა. თვალები ცრემლებით ჰქონდა სავსე.

— რამხელა გაზრდილხარ, შვილო, გამაღლებულხარ... დამშვენებულხარ... ამოიკენესა და გულში ჩაიკრა. ეხუტებოდა და კოცნიდა და კოცნიდა.

ტიროდა ბელაც, ეკვროდა დედის თბილ სხეულს და ტიროდა...

უცებ გონს მოეგო. ცრემლები მოიწმინდა და გრძელწამწამებიანი ქუთუთოები დაბნეულად აახამხამა.

გარს ვეხვიეთ. ვიცინოდით, ვჭკუჭკუკებდით ჩვენებურად.

რაო, რა მკითხე, ჩემო ბატონო? საიდან გავიგე ე ყოლიფერი?

აგერ, ჩემი ბედნიერებაცა და უბედურებაც, აშენებაცა და დაქცევაც, გვაღებაცა და ოახისიც ჩემი — ჩემი იზაბელ! შეხედე, მოდის ხელებდამშვენებული... არ მოგვკალ, ქალო შიმშილით?!



მერაბ აბაშიძე

გზანი შუხნობლისკან

თოვდა.

ფანჯარასთან ვიდექი და ეზოს გადავყურებდი.

ცუდ გუნებაზე ვიყავი.

თოვლმაც ვერ შეძლო ჩემი ხასიათზე მოყვანა.

კარზე ვილაცამ დააკაკუნა.

უხალისოდ გავაღე კარი.

ჩემს წინ ნიღბიანი კაცი იდგა.

უხმოდ შემოვიდა ოთახში და სკამზე დაჯდა.

— ვინ ბრძანდებით? — შევეკითხე.

— ამას მნიშვნელობა არა აქვს! — თქვა მცირე ხნის დუმილის შემდეგ,

— როგორ თუ მნიშვნელობა არა აქვს! — გავბრაზდი მე.

— თქვენ № არ ბრძანდებით?

— დიას!

— ჰოდა, მიხმობდით და, აი, მეც მოვედი!

მან ფრთხილად მოიხსნა ნიღაბი.

ერთი ნაბიჯით უკან დავიხიე.

ჩემს წინ სატანა იჯდა.

— გახსოვთ, ამას წინათ ამბობდით, ეშმაკი არც ისე საშიშიაო. მეც ამ აზრისა გახლავართ. მე მართლაც საშიში არა ვარ. ნურც ადუღებული ფისისა და მარწუხებისა გეშინიათ.

— რა გინდათ ჩემგან? — ვკითხე ჩურჩულით.

მან გაიღიმა.

— უფრო სწორი იქნება, თუ მეტყვით, თქვენ თვითონ რა გინდათ ჩემგან?

— მე... მე არაფერი.

— მაშ, ტყუილუბრალოდ მიხმეთ?

— მე თქვენ არ მიხმობხართ.

იგი ჩაფიქრდა.

— ესე იგი, შევცდი! — თქვა ბოლოს. — კეთილი, ნავალ... მაგრამ გახსოვდეთ, რომ მე თქვენი მეგობარი ვარ.

ნიღაბი გაიკეთა და... გაქრა.

იმ ლამეს არ მეძინა.

თვალნინ გუშინდელი სტუმარი მედგა.

— ხომ არ ნანობ? — ჩამესმა თვალდახუჭულს.

— რას?

— უარი რომ თქვი მასთან კავშირზე.

— მე ქრისტიანი ვარ!

— სწორია! ახლა კი დაიძინე.

და მე ჩამეძინა.

როცა გავიღვიძე, ერთხანს ისევ თვალდახუჭული ვინეჯი.

ბოლოს ავდექი, ხელ-პირი დავიბანე და მაგიდასთან დავჯექი.

ფანჯარაში გავიხედე.

მთელი არემარე დათოვლილი იყო.

— გიყვარს? — ჩამესმა.

— რა?

— სითერთე.

მხრები ავიჩჩე.

— გუშინდელზე რას იტყვი?

— არ ვიცი! — ვთქვი ხმადაბლა.

კარზე დააკაკუნეს.

შევეკრთი.

— გაულე! — ჩამესმა, — ია მოვიდა.

ია სიცილით შემოიჭრა და სიხალისე და თოვლის სუსხი შემოიტანა.

— ჩქარა! წავიდეთ! ჩაიცვი! — ყვიროდა იგი, — ნახე რა თოვლია! რას შეეყუჟულხარ ოთახში, ბებერივით!

მე ღიმილით შევეყურებდი.

უცებ გუშინდელი ამბავი გამახსენდა და გული გადამიტრიალდა.

— მოდი, სახლში ვიყოთ! — ვთქვი მცირე ხნის შემდეგ.

— სახლში რა ვაკეთოთ! — თითქმის იყვირა იამ. — ჩქარა, გარეთ, თოვლში!

დაბნევით შევცქეროდი.

ვერ გადამეწყვიტა, მეთქვა თუ არა გუშინდელი ამბავი.

„არ ღირს“ — გავიფიქრე ბოლოს და ნაძალადევი ღიმილით ვუთხარი:

— კარგი, წავიდეთ თოვლში.

თოვლს მოცისფრო ფერი დაჰკრავდა.

ქუჩაში ცოტა ხალხი იყო.

მე და ია ნელი ნაბიჯით მიყვებოდნენ გზას.

პატარა ბალი გამოჩნდა.

- შევიდეთ? — მკითხა იამ.
- ჰო, — მივუგე, — დავჯდეთ სადმე.
ბალში შევედით და სკამზე დავჯექით.
ვიჯექით და ისევ ამეკვიატა ფიქრი, რომ ჯობდა იასათვის მომე-
ყოლა გუშინდელი ამბავი.
- ასეც მრვიქეცი.
- ია თვალეზგაფართოებული მისმენდა.
როცა ამბის მოყოლა დავამთავრე, დიდხანს ვიყავით ჩუმად.
- იქნებ ჰალუცინაცია იყო? — მკითხა ბოლოს ეჭვით.
- არა, არა მგონია, — ვთქვი მე.
- მან თავი ჩაქინდრა.
- ცუდად ხომ არა ხარ? — ვკითხე შეშფოთებით.
- არა!
- აბა, რა მოგდის?
- მეშინია!
- ავი გითხარით, რომ მე საშიში არა ვარ! — გაისმა უცებ.
ია შევრთა.
- შენ თქვი რამე? — მკითხა.
- არა... — მივუგე და ირგვლივ მიმოვიხედე.
- კი მაგრამ... — დაიწყო იამ და შეჩერდა.
- ნუ გეშინია! — გაისმა ისევ.
- ია მხარზე მომეკრა.
- წავიდეთ აქედან! — თქვა და წამოდგა.
წამოვდექი მეც.
- ჩქარი ნაბიჯით დავტოვეთ ბალი.
როცა გარეთ გამოვედი, სიცილი შეგვესმა.
შევდექი.
- წავიდეთ... წავიდეთ ჩქარა! — თქვა იამ.
- წავიდეთ? სად?
- სადმე, სულერთია... ოღონდ ის ხმა არ ჩამესმოდეს.
- ჩემთან წავიდეთ! — ვთქვი მე.
- შენთან? ა-არა! — თქა მან, — ისევ ჩემთან წასვლა ჯობია.
მანქანა გავაჩერეთ და მცირე ხნის შემდეგ ამ სახლის წინ ვიდე-
ქით.
- როცა კართან მივედით, იგი უცებ შემობრუნდა და მითხრა:
- მოდი, შენ ნუ ამოხვალ.
- ცოტა არ იყოს გამიკვირდა.
- კარგი! — ვთქვი.
- არ გენყინოს! — თქვა იამ, — მაგრამ მარტო მინდა დარჩენა.
თავი დავუქნიე.
- იამ კარი გააღო და ჩქარი ნაბიჯით აუყვა კიბეებს.
შინ მისვლისთანავე ოთახი ჩავაბნელე და ტახტზე წამოვწექი.
გული საშინლად მიცემდა. თავბრუ მეხვეოდა.

- დანყნარდი! — ჩამესმა.
- ისევ შენ! — ვთქვი ძალაგამოცლილმა.
- არა, მე შენი გუშინდელი სტუმარი არა ვარ!
- მაშ ვინ?
- შენი სინდისის ხმა, რაც აქამდის გესმოდა ხოლმე.
- ცოტა არ იყოს, დავმშვიდდი.
- რას მირჩევ? — ვკითხე.
- ილოცე და ევედრე უფალს, რომ ყოველივე ბინიერება გავიდეს შენგან.
- ჰო... — ვთქვი ჩაფიქრებით.
- სანთელიც დაანთე.
- ჰო, ჰო, ასე მოვიქცევი, — ვთქვი სიხარულით.
- მაშ, ხვალვე წადი!
- სად?
- ეკლესიაში.
- წავალ!
- ისე კი... — გაისმა ისევ, — საოცარია ადამიანის ბუნება.
- რატომ?
- ღმერთი მხოლოდ გასაჭირში ასხენდება ხოლმე.
- მართალია... მაგრამ მე ღმერთი ყოველთვის მახსოვდა.
- მაშინ მის მცნებებსაც დაიცავდი.
- მე არ ვიცავ მის მცნებებს?
- ღმერთს უფრო მეტი უნდა შენგან! — გაისმა.
- მაინც რა?
- სიყვარული!
- განა მე არ მიყვარს ღმერთი?
- არა, შენ მხოლოდ გეშინია მისი.
- თავი ჩავექინდრე.
- ხმა ამჯერად მართალი იყო.
- მე შევიყვარებ ღმერთს! — ვთქვი მტკიცედ.
- ეგ ასე არ ხდება.
- მაშ, რა ვქნა?
- შენ ღმერთს უსამართლობაში სდებდი ბრალს. ასეთი გულით ღმერთს ვერ შეიყვარებ.
- მაშ, რა მოვიმოქმედო?
- ევედრე, ევედრე ღმერთს და გადარჩები. შეიყვარე ის, ვისაც თავისი მტრებიც კი უყვარდა. სხვა გზა ხსნისა არ არსებობს შენთვის. მცირე ხანს ასე ვიყავი გარინდებულნი, მერე ჩამეძინა.
- უცნაური სიზმარი ვნახე: გაშლილ მინდორზე ირმების რემა დადიოდა.
- მინდორი გაყინული იყო და ირმებს ფეხი უსხლტებოდათ. ეცემოდნენ, დგებოდნენ და ისევ მიდიოდნენ.
- ჩლიქებიდან ვერცხლისფერი ნაპერწკლები ცვიოდათ.

ამაყად მოეღერებინათ ყელი.

მათ შორის იყო უმშვენიერესი თეთრი შველი, რომელიც ერთ ალაგას იდგა გაუნძრევლად.

მივედი მასთან და ხელი გავუშვირე.

მოვიდა...

ხელი გამილოკა და უკანვე წავიდა.

უცებ, მინდორს ცეცხლი მოედო.

ირმები სწრაფად მოწყდნენ ადგილს და თავშესაფრის ძებნა დაიწყეს.

მხოლოდ ის ერთი, თეთრი შველი იდგა გაუნძრევლად.

მივვარდი...

ხელში ავიყვანე და უკან გამოვიქეცი.

ცეცხლი ბობოქრობდა ირგვლივ.

როგორც იქნა, გამოვარღვიე ქარიშხალი და შველი მინაზე დავსვი.

იგი დაეცა.

მივედი... წამოყენება დავუპირე.

შველი არ ინძრეოდა...

ცრემლი სდიოდა თვალებიდან...

იქ, სადაც მისი ცრემლი ეცემოდა, ყვავილები ამოდიოდა. ბოლოს, ცრემლი დაუშრა თვალებში.

ახლოს დავიხარე მისკენ.

მკვდარი იყო.

როცა გავიღვიძე, მზე უკვე ზენიტში იდგა.

ჩავიცვი და ეკლესიისკენ გავემართე.

შევედი...

ეკლესიაში ხალხმრავლობა იყო.

მაცხოვრის ხატთან სანთელი დავანთე.

სკამზე დავჯექი.

საკმევლის სუნი იდგა ირგვლივ.

ავდექი. ხატის წინ დავიჩოქე.

დიდხანს ვლოცულობდი.

რამდენიმე ხნის შემდეგ ვიგრძენი, თითქოს რაღაც ნათელი მომეფინა.

ხელები გავიშვირე ზეცისაკენ.

ვტიროდი..

ვმეტანიობდი...

გადარჩენას შევთხოვდი უფალს.

ბოლოს, ძალაგამოცლილი, წამოვდექი, პირჯვარი გადავიწერე და ეკლესიიდან გამოვედი.

მზე კაშკაშებდა.

გაყინული სისხლი ამოძრავდა ძარღვებში.

გუშინდელი სიზმარი გამახსენდა და ახლა მივხვდი, ვისი თვალები ჰქონდა შველს: იას თვალები იყო.

ყოველგან მყოფო

და უჩინარო,
 მომეცი ძალა შენი შეცნობის.
 მე მოგენდობი, და სადაც წავალ,
 სადაც გასწვდება
 აზრი სამყაროს,
 ვერა რა ძალა ვეღარ შეიძლებს
 მონა უფლისა
 უფალს გამყაროს.
 ტაძარი,
 სულში აშენებული,
 სული — ლოცვებით აღზევებული,
 შველი — ღვთიური
 სახების ხილვა,
 მაცხოვრის ხატთან —
 სანთლების ბრწყინვა...
 ო, უსაწყისო და უსასრულო,
 ცხადო, სიზმარო,
 ჩემო წარსულო,

და მომავალო,
 და აწმყო,
 ბეწვის ხიდზე მავალო,
 მომეცი ძალა
 უფლის შეცნობის!

კარზე ზარის ღილაკს ხელი დავაჭირე.

— ვინ არის? — მომესმა.

— მე ვარ! — ვთქვი.

კარი გაიღო.

ჩემს წინ ია იდგა.

— შეიძლება? — ნაძალადევად გავიღიმე.

— მოდი! — თქვა ჩურჩულით.

შევედი.

— როგორა ხარ? — ვკითხე.

— ცუდად!

არაფერი მითქვამს.

— კიდევ ხომ არ განმეორებულა ის ხმა?

მან შემომხედა. თვალებში შიში ედგა.

— ჰო! — წარმოთქვა ბოლოს.

— მე კი... — დავინყე და აღარ დავამთავრე.

— რა? — ჩამეკითხა იგი.

— არაფერი...

ერთ ხანს სიჩუმე ჩამოწვა.

— ილოცე! — ვთქვი უცებ, — ილოცე და ყველაფერი კარგად იქნება.

თავი ჩაჰკიდა.

— ცოდვიანი გამოდგა ჩვენი სიყვარული, — თქვა.

ერთ წამს ჩუმად ვიყავი.

ვუყურებდი მის გამხდარ, ნაზ სხეულს, დიდრონ შავ თვალებს, ოდნავ დაძარღვულ გამხმარ ხელებს და საშინლად მენვოდა გული.

— არა მგონია ჩვენი კავშირისათვის გვსჯიდეს ღმერთი, — ვთქვი, — აქ უფრო ღრმადაა ფესვები ნასული.

სევდიანი თვალები მომაპყრო.

— მაშ რისთვის?

— არ ვიცი.

— მეშინია! — თქვა მან, — მეშინია და მცია.

ახლოს მივედი. მისი ხელები ხელებში მოვიმწყვდიე.

ყინულივით ცივი ჰქონდა ხელები.

— მიცვალებულივით ცივი ვარ, არა? — თქვა ნაძალადევი ღიმილით. არაფერი მითქვამს.

— იქნებ მედიტაციამ გიშველოს.

— მედიტაციამ? არა... არა მგონია.

— მაინც სცადე!

— ვგრძნობ, რომ არ მიშველის. მე მხოლოდ ერთი რამ მიშველის ახლა.

— მაინც რა?

— სიკვდილი!

— ნუ აჭარბებ! — ვთქვი მე — ბოლოს და ბოლოს, რა მოხდა ასეთი?

— რა მოხდა? — ჩამეკითხა იგი.

— ორი დღეა ბოროტება ჩამძახის ყურში! ვიფიქრებდი, რომ შიზოფრენია მჭირს, მაგრამ შენც ხომ ჩაგესმა ის ხმა. ორივე ერთდროულად ხომ არ გავგიჟდებოდით.

— მაინც, რა ჩაგძახის?

— რომ ამ ქვეყნად ყოველივე სისულელეა, რომ ღმერთი არსებობს, მაგრამ სამსახოვანი კი არა, არამედ ერთი; რომ მას უნდა დაუწყო და არა ქრისტეს და სულიწმინდას... მე კი ვიცი, რომ მხოლოდ მამა-ღმერთის წინაშე მუხლის მოყრა სატანის წინაშე მუხლის მოყრას ნიშნავს. კიდევ ჩამძახის, რომ ქრისტიანული რელიგიის დოგმები სასაცილოა, რომ ყველაფერი, ჯოჯოხეთიც და სამოთხეც აქ არის, დედამიწაზე, და ხელიდან არ უნდა გაუშვათ არც ერთი წამი ამქვეყნიური სიტყბოებისა.

ერთ ხანს სიჩუმე გამეფდა.

— რაში ხედავ გამოსავალს? — ვკითხე ბოლოს.

— არ ვიცი, — თქვა მან, — შენ რას ფიქრობ ამის შესახებ?

— დიდია სატანის ძალა, — ვთქვი მე, — მაგრამ როგორღაც უნდა ვძლიოთ იგი.

— მე რამე, უფრო ბრძნულს მოველოდი შენგან, — თქვა იამ, —

ეს კი გაცვეთილი, პათეტიკური სიტყვებია მხოლოდ.

— მართალი ხარ! — ვუთხარი, — მაგრამ...

— მაგრამ, — ჩამომართვა სიტყვა, — მაინც უძღურნი ვართ ადამიანები, ჰოი, რა უძღურნი!

სახეზე ხელები აიფარა.

— ნუ გეშინია! — ვთქვი, — როგორმე გამხნევდი.

— როგორ? ეს ხომ ჩემზე არ არის დამოკიდებული!

არ ვიცოდი, რა მეთქვა.

— ერთი რამ კი ცხადია, — თქვა იამ, — ჩვენ აღარ უნდა შევხვდეთ ერთმანეთს.

— რატომ, ია?

— ასეა საჭირო!

თავი ჩავკიდე.

— არ გეწყინოს, — თქვა მან, — სხვანაირად არ შემიძლია.

— როგორც საჭიროდ დაინახავ, ისე მოიქეცი!

— მაგრამ... შეიძლება მოგიხმო კიდეც. თუმცა ეს მხოლოდ მეგობრის მოხმობა იქნება. ახლა კი... დამტოვე.

გაბრუებულივით წამოვდექი და კარისაკენ წავედი.

კარებთან მისვლისას მოვბრუნდი.

ია ისევ ისე იჯდა და თვალებიდან ცრემლები სდიოდა.

ასე სურს უფალს!

რაა მასთან ძალა ბოროტი!

მაგრამ ხომ მისცა ერთხელ ნება —

თრგუნვა იობის —

მას, ვისაც ძალუძს

გამრუდება კეთილთა გზისა!

ახლაც ასეა!

ასეა ალბათ!

ვინ, ვინ გაიგოს ნება უფლისა!

ვინ, ვინ განაგოს კაცთა ბედი,

თუ არა იმან,

ვინაც გვიგზავნის

ცხადში სიზმარს,

სიზმარში — ხილვას!

ო, უნათლესო

და ყველგან მყოფო,

ყველაზე ძალდა

დგახარ და ბრწყინავ!

მოსალამოვდა.

ოთახი ვიჯექი და ვწერდი.

როცა წერას მოვრჩი, უკვე სიბნელე იყო.
 თვალწინ ია მედგა. სევდიანად იღიმებოდა.

თვალეები დავხუჭე.

— გენატრება? — ჩამესმა.

მხრები ავიჩეჩე.

— მას თუ ვენატრები? — ვიკითხე უცებ.

— მას ახლა აღარავინ ენატრება!

— რატომ?

— მისი გონება დაბინდულია.

არაფერი მითქვამს.

— ჩემი გონებაც დაბინდულია, — ვთქვი ბოლოს.

— ჰო, მაგრამ...

— მაგრამ რა?

— არაფერი!

ერთხანს სიჩუმე იყო.

— რად დუმხარ? — ჩამესმა.

— არ ვიცი! — ვთქვი.

— ეტყობა, ძლიერ გენატრება!

ისევ სიჩუმე.

— მაშ, თუ ასეა, წადი მასთან.

— წავიდე? — ჩურჩულით ვიკითხე.

— ჰო!

ავდექი, ჩავიცვი და გარეთ გამოვედი.

თოვდა.

თოვლი ფეხებქვეშ სასიამოვნოდ ხრჭიალებდა.

სწრაფად მივაბიჯებდი.

აჰა, იას სახლიც გამოჩნდა.

კიბეები ავირბინე.

ზარის ღილაკს თითი დავაჭირე.

დიდხანს ვრეკავდი.

ბოლოს მეზობელთან დავაკაკუნე.

კარი ახალგაზრდა ქალიშვილმა გამიღო.

— უკაცრავად, ია თბილისშია? — ვკითხე.

ცნობისმოყვარედ შემათვალეირა.

— კი, თბილისშია, — თქვა მცირე ხნის შემდეგ, — მაგრამ...

— მაგრამ რა?

— არაფერი გაგიგიათ?

— მოხდა რამე? — ვკითხე შიშით.

ერთხანს დუმდა.

— მონაზვნად აღიკვეცა, — თქვა ბოლოს ხმადაბლა.

შევერთი...

— მონაზვნად?

— დიას.

— სად, რომელ მონასტერში?

მითხრა.

ერთხანს გაოგნებული ვიყავი, მერე იას მეზობელს დავემშვიდობე და წამოვედი.

შინ მისვლისთანავე ლოგინში ჩავწექი.

დაძინება ვცადე. არ გამომივიდა.

— არ მოელოდი? — ჩამესმა.

— არა! — ვთქვი.

— რას აპირებ?

— არ ვიცი.

— ძალიან გინდა მისი ნახვა?

— ჰო!

— ხომ გითხრა, მოგიხმობო.

— მე ვერ დაველოდები მის მოხმობას.

— მონასტერში ნახვალ?

არაფერი მითქვამს.

— მაშ, ხვალამდე, — ჩამესმა ძილბურანში.

ჩამეძინა.

დილით ადრე გამეღვიძა.

ერთხანს გაოგნებული ვინექი, ბოლოს ავდექი, ჩავიცვი და მონასტრისაკენ გავემართე.

მონასტერში სიჩუმე სუფევდა. თითქმის არავინ იყო.

— ვინ გნებავს, შვილო? — მომესმა.

მოვბრუნდი.

ჩემს წინ ხნიერი ქალი იდგა.

ვუთხარი, ვინც მინდოდა.

შუბლი შეიკრა.

— შენ ვინა ხარ?

— მე? — დავიბენი, — არავინ, მეგობარი.

ერთი წამით ჩაფიქრდა.

— რა საქმე გაქვს მასთან? — მკითხა ბოლოს.

— არაფერი, — ვთქვი, — მინდოდა მენახა.

უსიტყვოდ შემხედა და ნელი ნაბიჯით გამშორდა.

ერთხანს ჩუმად ვიდექი.

უცებ შორიდან ია დავინახე. ჩემკენ მოდიოდა.

ჩემგან ორი ნაბიჯის დაშორებით შეჩერდა.

— გამარჯობა, ია! — ვთქვი და ნაძალადევად გავიღიე.

— მე ახლა დაი მართა მქვია, — თქვა მან.

არაფერი მითქვამს.

— როგორა ხარ? — ვკითხე და ახალა შევამჩნიე, რომ თვალები დანისლული ჰქონდა.

- არა მიშავს! — თქვა მან, — რატომ მოხვედი?
- ველარ მოვითმინე.
- მან თავი ჩაჰკიდა.
- ახლა კარგადა ვარ! — ჩურჩულით თქვა. მცირე ხნის დუმილის შემდეგ: — შენ როგორღა ხარ?
- მხრები ავიჩეჩე.
- აღარაფერი მაშინებს. ან როგორ მეშინოდა რამის! რა სულელი ვიყავი.
- ძალიან მიხარია, ია!
- დაო მართა, — ოდნავ ღიმილით შემისწორა.
- ერთხანს ჩუმად ვიყავით.
- ესე იგი, იპოვე ხსნა სულისა?!
- ჰო! — ჩურჩულით თქვა.
- შენ რაღას ფიქრობ? — მკითხა უცებ.
- რა უნდა ვიფიქრო?
- იქნებ ჩემთვის მოგებაა?
- არა! — ვთქვი მე, — მაგის ძალა მე არა მაქვს.
- სანყენია! — კვლავ ჩურჩულით თქვა.
- მაგრამ მეც ვიპოვი ხსნას! — ვთქვი მე, — ვიპოვი! — დავუმატე მტკიცედ.
- მჯერა! — თქვა მან, მერე პირჯვარი გადამწერა და მითხრა: — ღმერთი იყოს შენი შემწე.
- ამ სიტყვებით უკან დაიხია, მერე მიბრუნდა და... წავიდა.
- ერთხანს ჩუმად ვიდექი. ბოლოს მოვბრუნდი და გარეთ გამოვედი. თოვდა.
- შინ ვიჯექი..
- თავი ხელებში მქონდა ჩარგული.
- რას ფიქრობ? — ჩამესმა.
- არაფერს! — ამოვიოხხრე.
- გამოსავალს ეძებ?
- ჰო!
- ეძიე, — ცოტა არ იყოს დამცინავად გაისმა.
- შენ რას მირჩევ! — ჩავეკითხე.
- ვერაფერს.
- შენ ხომ ბრძენი ხარ! — ვთქვი.
- სიჩუმე.
- ესე იგი, შენც უძლური ხარ? — ჩავეკითხე.
- არა! უძლური არა ვარ, მაგრამ...
- მაგრამ რა?
- შენ თვითონ უნდა მიხვდე.
- რომ ვერ ვხვდები?
- შენდობა შესთხოვე უფალს.
- არც ეგ რომ არ მშველის!

— მაშინ...

— მაშინ რა?

— არაფერი!

მწარედ გამელიძა.

— მაშ, ჩიხში ხარ მოქცეული?

— ჰო! — ვთქვი მე.

— ეს რაღაც მისტიური წრის მაგვარია! — გაისმა. — შენ უნდა შეძლო ამ წრის გარღვევა.

— როგორ! როგორ?! — ლამის ვიყვირე.

— ღმერთს მიმართე... ის გასწავლის.

თავი ჩავკიდე.

— ასეც ვიზამ... — ვთქვი ჩურჩულით, — ახლა კი დამტოვე.

ხმა აღარ განმეორებულა.

სამყაროს უდრი,

ნათელო დიდო,

სიკვდილ-სიცოცხლის

კიბეუ და ხიდო,

მომეცი ძალა

თრგუნვა ვნებათა,

მეუფეუ,

სიბრძნე — შემეცნებათა!

მომეცი ძალა,

მომეცი ძალა,

მიიღე ჩემგან სიცოცხლე — ღალა!

მიიღე სისხლი,

მიიღე სუნთქვა,

მომეცი ნიჭი,

სული რომ სრულვექმნა!

არა მინდა რა,

გარდა იმისა,

რომ ჩანდეს ბნელში

ბრწყინვა სხივისა,

სხივისა,

მზე რომ გვიგზავნის

მოკვდავთ,

ყველას, ვინც ვფიქრობთ;

არ ვცოდავთ, ვცოდავთ!

ნელი ნაბიჯით მივყვებოდი ქუჩას.

ბალთან შევდექი.

შევედი. სკამზე დავჯექი.

თვალეები დავხუჭე.

— გიჭირს? — ჩამესმა.

არაფერი მითქვამს.

— გიჭირს? — განმეორდა.

— ჰო!

— რას აპირებ?

— სიკვდილს.

— სიკვდილს? — გაისმა გაცეებით.

— ჰო, რა გაგიკვირდა.

— ეს ხომ მკრეხელობაა.

— ჰოდა, მეც ისეთ სიკვდილს ვეძებ, რომ მკრეხელობა არ იყოს.

სიჩუმე ჩამოვარდა.

— ასეთი სიკვდილი არ არსებობს, — გაისმა.

— ვიცი, — ვთქვი...

— მაშ, როგორღა?

— მსხვერპლად უნდა შევეწირო ყოვლის შემძლეს.

— გგონია, იგი მიიღებს ასეთ მსხვერპლს?

— ვნახოთ! — ვთქვი ჩურჩულით.

ერთხანს სიჩუმე ჩამოვარდა.

— მაინც როგორ უნდა მოხდეს ეს? — გაისმა ბოლოს.

— როგორ უნდა მოხდეს? — გავიმეორე.

— ჰო!

— არ ვიცი.

ისევ სიჩუმე.

— ღმერთი იყოს შენი შემწე — ჩამესმა.

წამოვდექი და ბალიდან გამოვედი.

შინ ვიყავი.

ოთახში ბნელოდა. მაგიდასთან მივედი.

გამოვაღე.

რევოლვერი ამოვიღე და მაგიდაზე დავდე.

ერთხანს გაოგნებული დავყურებდი იარაღს.

ბოლოს ავიღე...

გადავხსენი...

შიგ შვიდი ტყვია იდო, ოთხი ცალი ამოვიღე და მაგიდაზე დავყარე.

რევოლვერი ჩაკვეტე.

ხელში ავიღე... დოღურა დავატრიალე.

შუბლთან მივიტანე.

ნელა, ძალიან ნელა დავანექი სასხლეტს.



შუშუნა საჯიშვილი

კოლხური ღიაღემა

აღბათ ნიმფათა ღურჯ საუფლოდან
გამომასახლა, დამბერა ქარმა,
ესა ვარ, რაც ვარ, გრილ ნიქარაში
გამომწყვდეული ქინი და გრძალვა.

ნეტავი, დმერთო, არ დამელია
ტრფობის სამხალა - დამწველი ბანგი,
ნეტავი გარდა კოლხური მზისა
სხვაგვარი ცეცხლი არ ეგრძნო ბაგეს.

ესა ვარ, რაც ვარ, საუკუნეთა
ჩუმ მდელვარების სითბო და ფერფლი,
არ შეშრობია პონტოს და ეგრისს
ჩემი პატარა, სოველი ტერფი...

ჩამომდის წვიმა, ვით სიყვარული,
გადამდის ფიქრი, როგორც ტალღები...
და ვარდისფერი მდინარეები
ვით ოდოია, გამდის ძარღვებში.

მე ქუთაიას მკერდმოკვეთილი
მივაჭენებდი ყვითელ ულაყებს
და ვით სასწაულს, მინდვრები თვითონ
მაწვდიდნენ გრძნეულ ბალახ-ბულახებს.

ესა ვარ, რაც ვარ, საუკუნეთა
ჩუმ მდელვარების სითბო და ფერფლი,
არ შეშრობია პონტოს და ეგრისს
ჩემი პატარა, სოველი ტერფი...

თუბალ, გასჭედი!

ზღვა - მიბრიალე ხფინქის თვალები,
მთები ნაჭედი თითქო ხალიბის,
და ზედ, ვითარცა თეთრ ეტრატებზე,
გადაწერილი სისხლის ხალები...

და ბნელ ტყეებში მივეხეტები
გრძნობაშემილილი ხეთური მთვარე...

აქ წინაპარი ბრინჯაოს მკლავით
ისევ მიბელტავს უნარტუს მინდვრებს
და ვით სამშობლოს მარადი კვალი,
სული მიბოლვებს ძველთაძველ მითებს...

მიმაქვს ცრემლები ადგილის დედის
და სინანული, როგორც მძევალი...
თუბალ, გასჭედე შენ ჩემი ბედი,
თუბალ, დაარტყე აქ სატევარი!..

შეხსნა ურდული ჩრდილოეთისკენ
მქროლავმა ქარმა საუფლოს კარებს...

ქამბილეული დიდების გვერდით
ყოფნა-არყოფნის ქრიან ქარები,
იგან, სამშობლო! - პირველი კერპი,
ცას შეალეწე რვალის ფარები!...

ჩემს შვილებს — პატარს და გიორგის

უკვე გიამბე ცოტნეს ამბავი,
ცხრა ძმა - ლომგულთა კრწანისს მოფრენა,
შავლეგოს ცხენის თეთრი ფაფარი,
ტყეში რომ სიზნობს... და იფოფრება...
როგორ კენკაკვენ უფლის ჩიტები
თედორე ბერის წმიდა ნაფლეთებს,

უკვე გიამბე დავით, ქეთევან,
უკვე ათასგვარ ტკივილს დაგპირდი...
შენ, გასაზრდელო ციდა მამულო,
წინაპრის სისხლის ცელქო ციაგო,
ახლა ზდაპარი უხალამულო
პატარა ბიჭზე... როგორ გიამბო?...

დაბეცრემლე სისხლისფერად...

ხად არს ჩვენი თბილი ქოზი
მოგურგურე ბუზართ...
ჩვენი დარდიანი ოზვრა
ოჩოკოჩებს უზართ...

დაგვერემლე, სისხლისფერად
ნანაია, ქოგვალე...
ხად ხარ, ჩემო ტკბილო ჩელა,
მოდე, ჟრჟოლა მომგვარე...

თორემ სული მეყინება,
ქორთუხ მკერდი მომთალეს...
ვოი-ნანა, გვეტირება,
სნეულნი ვართ ორთავე...

ცხრა ცა გვექონდა, ცხრაი კერა,
ცხრავე - უფლის საყდარი...
ხად არს ჩვენი თუთარჩელა...
სავხე მთვარე ხად არი?!...

გამოეთხოვა ათასწლოვან შფოთიან
ბურანს
და მომეაზლა ჩემი ასაკი,
შეფარებია მარადიულ ყვითელ ორგიას
სული - სხეულში ჩაფრენილი
პეპელასავით.

სავხე მაქვს ტანი, მზით და მიწით
სავხე მაქვს ტანი
და მებრალემა განწირული სისავხე ჩემი.
დასტირის მიწა ჩემს ვარდისფერ
ჟრჟოლას და ამურს
და ცისკენ ჟონავს სული ჩემი
- გამდნარი ცრემლი...

როგორ გავექცე დათვლილ წაშებს,
როგორ გავექცე,
მკერდზე მიტოკავს უცოდველი
ბაწია თათი,

და ჩემს სარეცელს, გათანგულ და
რძიან სარეცელს
გადასდის რძის და დედობის მადლი...

ჰოი, ზეგაო, რას მპირდები, მითხარ,
სანაცვლოდ?!

მოენატრება მიწას ჩემი ცრემლის
თოვება
და დაანდება მზესაც ლაქებად
ჩემი არყოფნის უსაზღვროება...

...სავხე მაქვს ტანი, მზით და მიწით
სავხე მაქვს ტანი
და მებრალემა განწირული სისავხე
ჩემი,
დასტირის მიწა ჩემს ვარდისფერ
ჟრჟოლას და ამურს
და ცისკენ ჟონავს სული ჩემი
- გამდნარი ცრემლი...

სიპარტოვე

ახლა გრძნობა იხე ხალასია,
როგორც შენი სულის სისატონე,
ალბათ მარტოობაც ლამაზია,
როცა დემერთის სწორი მიგატოვებს...

დღევებს უსახრულო სევდად მიაქვს
შენგან განწირული ნატვრის გლოვა,

ალბათ სიყვარულზე სპეტაკია,
ახჯერ სპეტაკია სიპარტოვე.

ერთზელ კიდევ, ჩემო ხალოცავო
რამე გასაოცრად წმინდა მთხოვე,
მოდე, ერთზელ კიდევ გამომგადე,
კიდევ გამწირე და მიმარტოვე...

ადარც მესიზმრე ყმაწვილქალობავ,
იაიების თავსახთუმალო...
დედა ზოხბების მესმის გალობა,
ჩიტ-ჩიორები განა ხდუმიანო...

ცეტა, ხაფურე ირმის ბღავილი
მიმოკარგულა უგზო უკვალოდ...
რქათა ჯახუნი მესმის ხარ-ირმის,
საჩიხებებში მთვარე ბურგალობს...

ადარც ფრთები მაქვს, რომ მერცხალივით
დანატრულ ბუდევს გადავუარო...
გადავეცეცო მინდვრებს ქარივით
მოვკენკო ჩემი ბალახ-ბულალო...

მზე ოქროსფერი გზით მეპარება,
სადა ხარ ჩემო ნადდო სტუმარო...
შემაზე ფიქრი... რომ ნეტარებამ
ცას ჟრუანტელად გადაუაროს...

ნუ გხურს, ძვირფასო, დარდი გამანდო,
მიჯობს ლოდინი - ვერ დაუთვლეელი...
ნურც უზრუნველის ფანდით გამართობ,
ქვა ვარ, ლოდით ცივი, უთქმელი...

ვერც შირაზს გბოვო, ვედარც ყაბარდოს,
ვერც საყმოს გულქვა ტაიფუნდების...

ხჯობს დამეკარგო უმისამართოდ,
გინდა დაგადონ ფრთებზე ხუნდები...

ამ ჩვენს ცხოვრებას დმერთი თავადობს,
ვეძებთ ცზონებას... მიწას ვუნდებით...
ხითაც ვისროლე ჯავრის ქამანდო
ბუმერანგივით უკან ბრუნდები...

ო... ხაოგარი ის შემოდგომა
მკაცრად საამო... და ხუსზიანი...
ბიტალო კლდეზე მზის წამოდგომა,
ზედ მიმხვრეული ჰანგის ქდრიალი...

...ო... როგორ გინდა, შენც ამ მოძახილს
თან გაჰყვე, როგორც უხმო ყიჟინა,
მაგრამ ქალი ხარ... და ამორძალი,
ხელთ ორღესული ხმალი გიჭირავს...

ხელგადაჭდობით უვლიან ფერხულს,
თითქოს ირხევა ქარში ზეწრები...
და მზით გარუჯულ სამრეთულ ფერ-ზორებს
ხცვივა ველური მზის ნაპერწკლები...

ო, როგორ იგრძნობს ხურვილი ხურვილს,
ო, როგორ იცნობს თვალები - თვალებს
და ხხეულიდან გადადის ხული,
როგორც გივარგის ბრიალა მთვარე...

რაი ნეტა, ხაოგარო, მითხარ,
რადა დარჩა მოხასხლეელი კიდე...
დიდხანს, დიდხანს, უსახრულოდ დიდხანს,
რომ ამ ტკივილს თავთავივით ვმკიდე...

მზე ვარ, ცაში ასაფრენი სისხამს,
ცა ვარ - დრუბლით დასაფენი რიდე...

ვერ აწონი, ვერ გაიგებ მისხალს,
თუ რა დარდი ქალის მხრებმა ზიდებს...

გვედრები, ნუღარაფერს მკითხავ
ა, იმ გულზე, მე რომ მკერდში მიდებს...
ირმის ბედით... ხეტიალა გზით ვარ,
ნიშას რქებით დასამტვრევი კლიტე.

განდაგან

რა იყო, რად არ მცილდები,
 რა გინდა, ბიჭო, ნეტავი,
 თვალიხწინ აგიფრინდები,
 როგორც მიმინოს ქედანი...

არ ჩაგახედებ გულიხპირს,
 ლაღით მოქარგულ საპირეს,
 გავშლი მკლავებს და გადვიფრენ,
 ჩაგიწვავ ნდომის საკირეს..

განა ყანა ვარ, თავთუზი,
 გამღეწო, გამანიავო,

განა კვარი ვარ, ხანთური,
 მომენტო, ამბორიალო...

არცა წყაროხპირს შეგზვდები,
 არც წყალს მოგართმევ კოკითა,
 არ გაგიშვებ სურვილებს
 და არცა მოგკლავ კვედომითა...

რა იყო, რად არ მცილდები,
 რა გინდა ბიჭო, ნეტავი,
 თვალიხწინ აგიფრინდები,
 როგორც მიმინოს ქედანი.

როცა მღედრის თვალი ხელავს...

იმგვარ სათქმელს რა ფასი აქვს
 ან სიწრფელეს სათქმელისას...
 თუკი ტყუილს პირში გჩრიან
 ვით იუდას მწარე ქისას...

რა ფასი აქვს, მითხარ, ხალათს
 ნაზირ-ვეზირ ვასალიხას,
 თუ დიმილი გიგავს დაღას
 უფულეობ მახსრინისას...

თუ სიმდერა ტირილია
 და სიმართლევ ზღაპარია,
 თუკი შენსა მწყალობელსა
 მტერთან ჭიქის ჭახანი აქვს.

თუკი ტყუილს პირში გჩრიან,
 ვით იუდას, მწარე ქისას,
 იმგვარ სათქმელს რა ფასი აქვს,
 ან სიწრფელეს სათქმელისას...

ჰოი, ჩემო დიდო ჯვარო,
 სისხლო ჩემო - საწვეთარო,
 ჰოი, ლელას ბახრო ხმლო,
 ოთარაანთ გუთხე-თაროვ...

რა ფასი აქვს, მითხარ, ნეტა,
 დადემას ან გამარჯვებას,
 როცა მღედრის თვალი ზედავს
 რაინდების დაღარებას...

დასწერა ჯვარი

ჩამოიგაფა ზიზათა მთები,
 ჩაუქრა ცეცხლი კახაბრის მინდვრებს.
 და აზლა შენი გლარჯული გზები
 სამშობლოსაგან პირუკუ მიდის.

მიენათება ტყეებს აზიურს
 შენი ქათქათა ჩოზა და ცხენი...
 და იბზარება გული ქართული,
 როგორც მთოვარი – დვთაება ძველი.

თაგოს თამარის კაბა ფრიალებს,
 თავკალს თეთრი ნისლეების ფერი...
 ბაპის საფლავეებს ვინ მიტიალებს,
 ვინ გამიყალბა ცხოველი ძელი.

ვინ გამიმრთელს ცა ნატყვიარი
 და შენი გული – მესხური რვალი,
 სხალთის ქონგურზეც, მზეც, გადიარე
 და საქართველოს დასწერე ჯვარი!



ლელა გაბური

აღსარება

... ვიღაც იყო და
მეც ვიყავი, რაღა თქმა უნდა.
სულ არ მინდოდა
გავჯიბრებოდი ვინმეს ყოფნაში,
არამედ ისე,
სულ უბრალოდ,
ყველა იყო და
მეც ზომ უნდა ვყოფილიყავი...
... იყო ვიღაცა,
არ უყვარდა და იგონებდა -
ვითომ უყვარდა.
მე კი მრცხვენოდა, რომ მიყვარდა
და ვიგონებდი, ვიგონებდი,
რომ არ მიყვარდა,
რომ მეც, მასხავით,
არ მყვარებოდა
და მგონებოდა - ვითომ მიყვარდა...
... იყო ვიღაც და იცინოდა...
სულ არ მინდოდა
გავჯიბრებოდი ვინმეს სიცილში,
მაგრამ მრცხვენოდა
ჩემი სიჩუმის და
მეც, მასხავით,
სიცილისაგან ვიჭაჭებოდი;
და მეც, მასხავით,
მივაცილებდი მთვარის მკრთალ სხივებს

უცხო კაცების და ქალების
საძინებელში
და ვედილობდი
მეც გამეგონა ღამის სიმღერა
კარის ღრიალში დარჩენილი
ჭუჭრუტანიდან
მხოლოდ იმიტომ,
რომ გაშემო ეს სიმღერა ყველას
ესმოდა
და მე მრცხვენოდა ჩემი სიყრუის.
ო, კიდევ კარგი,
და კიდევ კარგი...
რომ მუდამ, ყველგან ვიღაცა იყო.
იმის იქითაც, უფრო იქითაც,
კიდევ იქითაც...
რომ არასოდეს იღეოდა
ირგვლივ ვიღაცა...
ვის ნაბიჯშიაც ჩავდგამდი ნაბიჯს,
ვისნაირადაც ავტირდებოდი,
ვისნაირადაც მეყვარებოდა...
რათა როგორმე დაფარულად მეტარებინა,
რათა როგორმე დამემალა
და არ გამეცა
სხვათაარმგვანი,
მარტოხულობით შიშამდგარი
ნატანჯი სახე...

ვმდერი ხან მთისას, ხან კი ბარისას
და ეს სიმღერა ტკივილად მიდიხს.
ნეტავ, ისეთი დილა მადირსა,
რომ არწივობას არ ჰკვეხდეს მდილი.
დროება, როგორც ბნელი საკანი,
ნატანჯ სხეულზე შემომენასკვა,
არსად არ დარჩა თეთრი საგანი...
სისხლიანია თვალი, ენა, ქვა...

გული, რომელიც სხვისთვის იწვოდა,
ახლა ხევდისგან გათანგულია,
მიაფრიალებს დროებს წიწოლა,
ლუხუმი სადღაც დაკარგულია...
ვმდერი ხან მთისას, ხან კი ბარისას
და ეს სიმღერა ტკივილად მიდიხს.
ნეტავ ისეთი დილა მადირსა,
რომ არწივობას არ ჰკვეხდეს მდილი.

ღავით აღვაშენებლის ზრესკასთან

ცა ქარვისფერს იხვევს ბურუსს,
ბურუსისფერს ვუჭკვრეტ აღმართს,
მზე იხვენებს ჩემს წამწამზე
და სხეულში სკდება ნაღმად,
სხოვნის ნისლი ფერადდება,
მივეჩვიე წლების კეკნას,
ვაჰმე, დიდო წინაპარო...
ასკვე რკინას კბილით ღეჭდი...

ვერ მიჰყიდე სული ჩარჩებს
და სხეულსაც ვერა ჰყიდდი,
ან კვდებოდი, ან რჩებოდი,
მიდიოდი ბეწვის ხიდით.
დღეს... დაგლეჯილ საბეჭურებს,
დამცინებულ სრა-ყაწიმებს,
მამულის მზის ლილო-ჭრილოს...
ნუგეშინის ცრემლს აწვიმებ.

სადაა ბავშვი

...მე ვიცი, ვიცი
ბევრზე ბევრი რამ.
მე უკვე ვიცი,
შემოდგომა რომ მოვა ახლა;
არ ემგვანება ის შემოდგომა
არც იმის წინას...
არც წინის წინას...
და ეს მოხდება
მხოლოდ ერთი მიზეზის გამო:
მხოლოდ იმიტომ,
რომ მე თვითონ არ ვემგვანები
ჩემს თავს არაფრით...
ბევრიც რომ ვცადო,
ჩემს თავს ვეღარ დავუბრუნდები
და ძალიანაც რომ მოვიწოდო,
დროს ამგვარად ვეღარ ავითვლი:
რომ დაღამდება და გათენდება
და კიდევ ორჯერ
რომ დაღამდება და გათენდება,
მამინ მივყავარ მამას ცირკში...
მინდა თუ არა,
უნდა ვიცოდე
ორშაბათი, სამშაბათი და ოთხშაბათი...
მინდა თუ არა, უნდა მაზხოვდეს წამი,

წუთები, თვეები...
და მარადისობაც უნდა მაზხოვდეს.
და ზოგჯერ ლექსიც
უნდა ვწერო
ასეთ სიტყვებით:
"მოვედიოდი და...
არყოფნაში ყოფნას ვნატრობდი".
ო, ღმერთო ჩემო,
როგორ ძალიან სასაცილოა ეს ყველაფერი!
სადაა ბავშვი,
სადაა ბავშვი,
რომ შემეკითხოვ ფართო თვალებით
და მიაპიტად:
"ნეტავ რამდენი
დაღამებაა და გათენება
იმ არყოფნამდე?"
სადაა ბავშვი,
სადაა ბავშვი,
ის შემოდგომა რომ დააბრუნოს
და ამ მწელი სიტყვების ნაცვლად
და გაცრეცილი სამყაროს ნაცვლად
და ავადმყოფი ლექსების ნაცვლად
ისევე მაჩუქოს
ცირკის ბილეთი...

მუნჯი წყურვილით
ფრთაშესხმული

ვეძებ მუსიკას –
გადმოღვრილს ჩვილთა
უმანკო ზმიდან...

და აღტაცების
მწადს სიგზადე, რომ
მოვინატრო...

ისეთი მძაფრი
და ციხფერი
საზმილი მოაქვთ,
რომ ფითრის ბილიკს
ვარ შეზინული...
ისეთი სუსტი

და მსუბუქი
ჭკრთიან ბგერები
და ერთვიან ღამის ნირვანებს,
რომ სიკვდილიც აღარ არსებობს...
ნეტარების ჟამს
სიფხიზლემდე მიმაქანებენ
ნათლის სტუმრები
და სახიერი ჩვენების
უძირო ფხკერი
მიზიდავს, როგორც
სიყვარული-აღამიანებს.

... ცოდვილი სულის
ვის ესმა ჩქამი?



ზვიად რატიანი

არიტიზია,
პრთჯერადი ბამოყენების კომა

1

არავინ იცის, ვინ არის ღირსი
შენი სხეულის, ვინ კიდეც — არა.
სულ მალე, ალბათ, იქნები სხვისი,
ის მოგეხვევა,
გაგათობს...

კმარა!

მე მიხდა
შენი მსუბუქი ხელი
მე მიხდა შენი უსირცხვილოდ
ცხადი მკლავები

შენი სხეულის ყველა ბორცვი
და ყველა ხვრელი
და ყველა ელდა ვერამოთმენის,
ვერუკაკავების

მე მიხდა

მიხდა

მიხდა

მიხდა

შენი სისხლიდან

ამოღებული კვანძის სიტოპო...

ბატყვი უკეთეს:

მე ყველა ფიქრს და ყველა წარ-
სულს შამოვიხსენი და
შენს აწვდილ ყელში მოგიზგიზო
ცაცხლს შევუკეთებ

მორჩა!

დავწყნარდი!

მე, უბრალოდ, ისე მიყვარხარ,
როგორც მიყვარდა ის არავინ, შენ რომ
შეავსე.

ჩემში, უბრალოდ, უდროო დროს ამოიხ-
რახნა

შენი სურვილი...

უშეორებ ჩემს თავს მკასედ:

„არის გვიანი, არ გივარგა პულსი,
იშლები.

ვალერიანი —
ორი სუფურის კოვზი —
გიშველის“.

მე მიხდა...

არა, გვიანია, ახლა დაწვები,
თვალეებს დახუჭავ, წაიფარებ ბეჭებზე
საბანს...

მაგრამ მე მიხდა...

არა-მეთქი, ნუ მევაჭრები!
არ გაგეკეცვა ეგ ტკივილი,
დაწევი, სწრაფად!

და შეიცვალა ყველაფერი — თარო, ფარდები,
მაგიდა, ლამპა, კალმისტარი, სარკე,
კამოდი, —

როგორც მეტროში იცვლებიან
მგზავრთა ნაკეთები,
როცა ვაგონი გვირავიდან მზეზე გამოდის.

მეც გამოვდივარ წარსულიდან, ძველი
წლებიდან,

ნაჩვევ საწოლში

მძიმედ ვწვები და

ჩემი ბავშვობა მენატრება, როცა ბაღში
ასე ლამაზად თამაშობდა შიშველ

ქალიშვილს.

2

მე წავალ, წავალ.

უფრო სწორად — წავედი უკვე.
არ დაეტყობა უჩემობა ამ ქუჩებს,
ნაძვებს.

შენ კი იცოცხლებ.
ძველებურად.
ან უფრო უკეთ.
შეიცვლი კაბებს, კარცხნილობებს,
ლიმილებს, კაცებს...
მე წავალ,
ფარდებს დაუშვებენ ჩემი ფანჯრები.
შენ გამომხედავ. არ დაგზვდები.
არც გაიკვირვებ.
ცოტაც და — წავალ, გაგეცლები,
მარტო დარჩები
და ხელს გაუწვდი ახალ სითბოს,
ახალ გვირგვინებს.
იქნები ძნელი,
სასურველი,
მძაფრად ქალური.
გარს შემოიკრებ შენი მკვეთრი
სიცხადით მთვრალებს
და ჩემი ხსოვნა —
უდროო დროს ამოკალული —
არ დაამძიმებს შენს ზედმეტად
პოეტურ თვალებს.
შენისთანები უყვართ ხოლმე,
ადვილად უყვართ.
შენისთანები, ლამაზები, საჩვენებლები...
და ამაყობენ, —
მიმიკებით, სიტყვებით, უტყვად, —
როგორც თავისი კაცურობის
დასტურ-ემბლემით.
რას ვიზამთ, ხდება,
ასეც ხდება, — კარგავენ ქალებს.
რას ვიზამთ, ძალღიჯ კი ელევა
სასურველ ლუკმებს.
გუშინ, ან შარშან, ან უფრო ძალე მე წავალ...
უფრო სწორად — წავედი უკვე.

3

ნუ მაპატიებ —
იმ უარით დაცლილმა და ხელშეპოჭილმა,
ფარ-ხმალს ვინ ჩივის, ჩემი ყველა
სურვილი რომ ასე დაგვარე,
რომ შეგელიე ასე ადვილად.

ნუ მაპატიებ,
რომ მე —
ასე ერთგულმა და
ასე მორჩილმა,
რომ მე — ასე მორჩილმა და ასე
ნამდვილმა, —
ვერ შეეძელი და
ჩემი თავი ვერ შეგაყვარე.
— ნუ მაპატიებ!

რადგან ყველა ოცნება — შენთან —
ფასს იღებდა,
მშორდებოდა
და ძვირდებოდა,
და რადგან შენი სიყვარული მართლა
ძნელია!

რადგან ის ხელი,
შენს სხეულს რომ სჭირდება
ყველაზე მეტად,
და შენს თმებს რომ სჭირდებოდა,
— ჩემი ხელია!
რას არ შევახე მე ეს ხელი,
სად არ ვათრიე!...
სადღა აღარ ჩავიქინე,
რით არ დავლაღე!..
და გვედრები: ნურასოდეს
ნუ მაპატიებ,

რომ მე
ეს ხელი —
ჩემი ხელი —
ვერ შეგაყვარე.

რომ არ გიჩვენე ჩემი სული, ნუ მაპატიებ.
ნუ მაპატიებ, ჩემი სული რომ არ გიჩვენე.
რომ მილიონჯერ დაგზვწე და გაგამარტივე.
რომ მილიონჯერ დაგტოვე და ამოგიჩემე.

ნუ მაპატიებ, რომ ვერაფრით გაჩვენე ჩემში
კაცი, რომლისაც უნდა ვწამდეს, უნდა გჯეროდეს,
კაცი, რომელსაც თავის დიდ და ძარღვიან ხელში
შენი თოჯლით თბილი ხელი უნდა სჭეროდეს.

ნუ მაპატიებ, რომ მე, ვისაც მართლა მესმოდა
 შენი ბავშვური სილამაზის ჩემი დიდება,
 რომ მე, რომელსაც მხოლოდ
 ერთხელ გამომეწოდა
 ბედნიერება — ხორცშესხმული
 ფერმკრთალ თითებად,

ვერ მოგიფრთხილდი, დავიღალე,
 თავი დაცხარე
 და დაკარგულთა გულის აძრევ რიგში ჩაგტყე...
 ნუ მაპატიებ, რომ ეს ხელი ვერ შეგაყვარე!
 რომ ვერ გიჩვენე ჩემი სული, ნუ მაპატიებ!

მე აქ ვარ, აქვე,
 შენს მახლობლად,
 მე,
 ვინაც მართლა —
 შენ რომ ითხოვდი — იმ სიყვარულს
 ვინახავ გულში.

მე —
 ასე ცხადი,
 ასე მრუში
 და ძველმოდური.
 მე კარ ფანქარი
 და მაკლია მხოლოდლა გათლა,
 რომ შემოვხაზო შენი მკერდის ცხელი
 კონტური.

მე აქ ვარ,
 ახლოს,
 და გზვერავენ ჩემი თვალები.
 შენი სურვილი დღევანდლამდე მე მოვათ-
 რიე
 და ახლა აქ ვარ,
 მუხლმოყრილი გემუდარები:
 ნუ მაპატიებ —
 ის ღალატი რომ გაპატიე!

4

დავცარიელდი,
 როგორც წიგნთა სიმძიმისაგან
 ჩამტყდარი თარო.
 ეგ არაფერი! — ბეგრჯერ უფრო

მეტადაც დამცეს.
 რა მოხდა მერე, რომ იცოცხლებ უჩემოდ
 და რომ
 შეიცვლი კაბებს,
 ვარცხნილობებს,
 ღიმილებს,
 კაცებს...

რა მოხდა მერე! — ცოტას დავთმობ,
 გიგლოვებ ცოტას,
 ბოლოს კი, იქნებ, ამ ტკივილთან
 რაიმეს გავხდე.

ეგ არაფერი, —
 როცა ერთი ლამაზად სცოდავს,
 მეორე უნდა კიდევ უფრო ლამაზად
 წახდეს!
 ვერ გაგაკვირვე,
 ვერაფერი ვერ დაგაჯერე,
 მეც ის გითხარი, რაც სხვებს სხვებმა
 მრავალჯერ უთხრეს,

და თუ რაიმე შემეშალა,
 რა მოხდა მერე! —
 ვიღებ შენიშვნებს, საყვედურებს,
 საჩივრებს, ფურთხებს!...

რად უძღვრიან ქალის თმებს და
 თვალებს და
 ტურნებს
 და არასოდეს ახსენებენ კეფასს ან ნიკაპს?
 მე შენ მიყვარხარ მთლიანად და
 მოვინატრებ უბიწობას შენი ნეკისას..
 იცი, რას მიგავს ახლა სული? — სნეულ
 თევზს მიგავს,
 — აკვარიუმში
 წყლის გამოცვლა რომ არ ეღირსა.

და მე არ გთხოვე, არც მუხლებში არ ჩაგივარდი
 და,
 როგორც მღვდელმა აღმსარებელს,
 ისე მარტივად —
 მე შევისმინე,
 რომ სხვა გიყვარს,

რომ იმ სხვასაც დიდხანს უყვარდი
 და რომ მე მხოლოდ
 კეთილი და დიდი დათვი ვარ...

თანამიგრძნობენ. ალბათ მომისამძიმებენ.
 მანუგეშებენ.

მირჩევენ – სულით არ დავეცე,
 დასძენენ „აფსუს“-ს,
 და ამ სიყვარულს,
 ყველგასულს და გაუხეშებულს,
 ოდესმე ალბათ მეც შევარქმევ
 „სულელურ ლაფსუსს“.

ვხვდავ –
 ვილაცას, ჩემზე ძლიერს, სადღაც მიჰყავ-
 ხარ.

რა მოხდა მერე, რომ ვერ გიჭერ, ვერ გე-
 ჭიდები.

მე შენ,
 უბრალოდ,
 სადღაც,
 ახლოს,
 მართლა მიყვარხარ!
 მე შენ, უბრალოდ, სადღაც, ახლოს, მარ-
 თლა მჭირდები!

სხივი კი – ვითომც არაფერი!
 – ნედლ ფოთოლს ერთვის...

როგორ დავსაჯო? სად განვდევნო?
 – ანდა რას ვერჩი!

თუ გაგახსენდე, – ჩემი კარი ღიაა
 შენთვის,

ოღონდ
 ფეხები გაიწმინდე
 შემოსასვლელში!



ზურაბ ლობჯანიძე

აპრილის ბოლოს, აჰა, ლელვიც
გამოიკვირტა,
საცაა, ალბათ, იგავთქმული მოვა
ზაფხულიც...
ვინც ცოდვა კაცთა სიყვარულის

გამო იტვირთა
და უმოწყალოდ იქნა ჯვარზე ჩვენგან
გაკრული...
გვიანლოვდება!
და ვაი ჩვენ, ჭუჭყში ჩაფლულებს...

XX საუკუნე

ულმერთობის და ბორკილების გადის ეპოქა,
შორს, ჰორიზონტზე ჩანს სინათლის
ფერმკრთალი ზოლი,
დაღვრილი სისხლი საუკუნეს ასსაც ეყოფა,
კაცობრიობა გაგვიხსენებს შიშით და
ძრწოლით!

მე რაც შემძლო, ვიწვოდი და ვანათე ბნელი,
ამ დროს აპრილის ჩახმაზა მზე ერთო
სხვა მხარეს...
და ყელში მიჭერს ათეული ჩამწვარი წელი,
თვალს და ხელს შუა გაფრენილი
სიცოცხლე მწარე!

რა გადაიტანს ამხელა ზამთარს,
შიშშილს, სიცივეს, ჭორსა და ტყუილს,
სიკვდილს, რომელიც სამშობლოს
კართან
ჩაყუნცულა და ძაღლივით ყმუის!..

რა გვიშველის და ვინ გადაგვარჩენს,
თვალეებს ეზუჭავ და წინასწარ ვტირი:
ხალხს, ვინც სხვის თვალში
ბეწვსაც კი ამჩნევს,
საკუთარში კი ვერ ხედავს ღირეს!.

მინდა ვიფიქრო რამეზე, კარგზე –
მზეზე, ნათელზე, სითბოზე, ქალზე,
ვზუჭავ თვალეებს და ოცნებას ეკარავ
და დაჟინებით – მაკვირვებს ერთი! –
მივშტერებივარ სივრცეში წერტილს, –
ვფიქრობ სიკვდილზე, ტყვიაზე, შხამზე,
ათას ბილწსა და მილიონ ავზე,

სასაფლაოზე,
სამარზე, ცივსა და შავზე!
.....
თვალეებს გავახელ,
მინდა ფიქრი მომშორდეს მრუდე,
მაგრამ ამაოდ,
ვფიქრობ მხოლოდ და მხოლოდ ცუდზე!..

ოზი

რამდენმა ბიჭმა დახუჭა თვალი
 და ჩაიყოლა საფლაკში ნატვრად
 თეთრწვივება და ლურჯთვალა ქალი,
 მისი ცქერით და კონცინთ ვერ დათვრა.

რამდენმა გოგომ ჩაიცვა ძაძა,
 მზეს დაუძალა გულმკერდი ბროლის,
 რამდენიც ისე მიწაში ჩაწვა,
 ვერ გახდა კარგი ვაჟკაცის ცოლი...

თქვენ ხომ არ იცით, რა არის ტანჯვა
 და ამაღლება გულწრფელი დარდით,
 წყალწყალა სიტყვებს ბზესავით ხარჯავთ,
 თვალბეზეც ყალბი ცრემლები დაგდით.

მოიცალეთ და დაფიქრდით წამით
 (მაინც მოგიწევთ სამარის კართან), —
 თუ გახსოვთ ვინმე, თუ გიყვართ რამე,
 თქვენი პატარა გულების გარდა!...

ზღვა

მშობელ მიწაზე დაკაბიჯებ, როგორც
 სტუმარი...
 მკლავს უცხოობა და სიჭრელე ზღვისპირა
 მზარის,
 ირგვლივ თვალები ყინულივით ცივი,
 მდუმარე, —
 ვეღარ ვცნობ, ნუთუ ჩემი ძველი მამული
 არის?!..

ღმერთო, რისთვისღა ზღვა სისხლი და
 ჭიდილი ერთა,
 საუკუნობით შენსკენ ლტოლვა ხმლით
 და სანთურით...
 მხოლოდ იმიტომ, საქართველო
 სახელად ერქვას
 და არ ცხოვრობდეს აქ ჯვარს ცმული
 ტომი ქართული?!

ხედავ? რამდენი მტერი გყოლია
 და უგუნური რამდენი შვილი,
 შენს თეთრ მწვერვალებს, მარად თოვლიანს,
 კვლავ ჩრდილოეთით დაეცა ჩრდილი...

კვლავ სისხლიგდის და კვლავ სიკვდილს ებრძვი,
 მაგრამ ვაი, რომ მკურნალი არ გყავს...
 ნეტარი არის, ვინც მოკვდა შენთვის
 და საგზლად შენზე ნაღველი წაჰყვა...

თურმე რამხელა ყოფილა მიწა,
 ყოველწამს კაცის სიკვდილი მესმის,
 იქით ვეროპის ნაწილი იწვის,
 აქეთ აფრიკა შიმშილით კენესის.

ჩვენ?
 ნაჭერ-ნაჭერ ნაგლეჯი ერი!
 (კიდევ ვიწვით და კიდევაც გვშია),
 თუმც არეულად, შეიდ ხმაში ვმღერით...
 მივითრევთ სისხლის საბელს და მივაღოთ...

ბზინავს, ბუყბუყებს დროება ყალბი
და ბნელ ჭაობში გვიპირებს დანთქმას,
მინვედრილია ყველაფერს ხალხი,
მაგრამ შიშისგან არ იცის, რა თქვას.

გაივლის წელი თხუთმეტი, ოცი,
გამოერევათ ფოლადი ხმაში,
განიძარცვება შიშისგან ხორცი
და იქნებ რამე გვეშველოს მაშინ!...

აღარ გირეკავ, ყვავილებსაც აღარ გიგზავნი,
მინდა ჩემს წარსულს სამუდამოდ ვუთხრა
უარი,
აღარც სითბო და
აღარც რამე დიდი მიზანი,
როგორც ზამთრის დღე, ცარიელი
გულიც ყრუ არის,

თუ ზოგჯერ მაინც გამოკრთება სხვიმცინარი
და მოწყალებას წამით ჩემთვის კვლავაც
ინებებს...
ვიტყვი, — რა ხანი
ჩავლილია ტრფობის მდინარე
და ყველაფერი წალეკილა წელთა
დინებით!

ზრიალებს ქარი, ლამის ჭერი დამაშხოს თავზე,
გარეთ გმინავენ გათოშილი ხეები ხმელი,
არავეითარი შებრალება და ფიქრი ხავსე,
ძალა რომ მქონდეს ამ თებერვალს
დავახრჩობ ხელით!
მკლავს უფერო და გაყინული დღეების წყება

და თითქოს მართლაც მინდა ვიყო
ბოროტი მკვლელი...
სულში სიცივე, სიმარტოვე ჩრდილივით
წვება,
ღმერთო, როდემდე!
მაინც ხვალის მზიან დღეს კეჭი..



ჯეპალ სოფერია

გზები

რომანოს ურამინტაბაი

გიორგის უინტერესო, მონოტონურ, ერთფეროვან ცხოვრებაში, ალბათ, იულიას გამოჩენა იყო ყველზე დიდი მოვლენა.

ერთ დღეს სარდიონისაგან ახალი დავალება მიიღო გიორგიმ. ურემი სიმინდით სავესე ტომრებით დატვირთა და უთენია გაუდგა გზას სამაზრო ცენტრისაკენ. ის ცნობილი მედუქნე ინახულა, სიმინდი მიუწონა, ფული მიითვალა, დააწყო ურემზე ცარიელი ტომრები და ბევრი აღარ დაუხანებია, სახლისაკენ გამოეშურა.

უჩვეულო გვალვიანი ზაფხულის დღე იდგა. ზენიტზე მდგარი მზე მთელი ძალით აცხუნებდა და ნელ-ნელა იპყრობდა, გუდავდა ყველაფერს ხვატი. გზიდან ამდგარ მოყვითალო მტერს დაეფარა გზის პირას ამოსული ბალახები, გაქუცული, დაჩაივებული და გვალვისაგან ფოთლებშემქცნარი ბუჩქები. დასიცხულ ხარებს პირზე მწვანე დუჟი მოსდგომოდათ, ზანტად იცოხნებოდნენ, უგერგილოდ, იქნევდნენ ფუნჯისფერ კუდებს და იგერიებდნენ აბეზარ, ჭინკასავით შეჩენილ ბუზებს. ურემი ნელა მიჭრიალებდა მტერიან გზაზე და გაუსაპნავი ღერძის მონოტონური ჭრიალი არღვევდა ირგვლივ გამეფებულ შუადღისეულ მყუდროებას. გიორგი ურემზე იჯდა. სიცხისაგან მოთენთილი, სანახევროდ ჩათვლემილი თუ გაბურსალეებული, დროდადრო მილულავდა თვალებს და ხელის ზურგით იწმენდა შუბლზე დაცვარულ ოფლს. ხელში თხილის გრძელი, მოქნილი შოლტი ეჭირა, რომელსაც დროდადრო გადაუქნევდა ხარებს, ცდილობდა აეჩქარებინა ისინი. როგორც კი იგრძობდნენ შოლტის სიმწვავეს, დასიცხული ხარები ოდნავ აუჩქარებდნენ ნაბიჯს, მერე კი რამდენიმე მეტრის გავლის შემდეგ, ისევ ჩვეული სიზანტით და მონოტონურობით განაგრძობდნენ გზას. გზაზე ძეხორციელი არ ჰქანებდა და გიორგი, თავისი ხარებითა და ამ მოჭრიალე ურმით, რალაცნაირ თავისებურ რეზონანსს ქმნიდა ამ შუადღისეულ, დასიცხულ სიჩუმეში. სიცხისაგან შეწუხებულს ერთი სული ჰქონდა, თუ როდის მივიდოდა სახლში, როდის გადაივლებდა სახეზე ცივ წყალს და როდის დაისვენებდა.

სახლამდე კი ჯერ კიდევ საკმაო მანძილი ედო გასავლელი, ჯერ აღმართი უნდა დაეძლია, მერე დაღმართში დაშვებულიყო. მერე კი გზას გაუყვებოდა და ასე ჰქვია, სახლში იყო უკვე.

აღმართი ალია, მერე დაღმართიც ჩაელო და აი, მისი სოფლის მიჯნასაც დაუახლოვდა. გზამ გაივკა, გასწორდა და გაიწვართა. ახლა იგი სანახევროდ დამშრალი, დაკლაკნილი მდინარის გასწვრივ გაწოლილიყო. მდინარე ჩუმად, მდორედ მიედინებოდა და შორიდან ისე მოჩანდა, იფიქრებ-

დით, თითქოსდა ერთ ადგილზე დგასო. სანაპიროზე რიყის ქვები ეყარა და მზისაგან გადახურებულ ქვებზე სიცხის ალმური რონიინებდა.

გზიდან გადაუხვია, ჯერ ხარებს დააღვეინა წყალი, მერე თავადაც დალია. დაგრძლდა, ცოტა დაისვენა და ისევ გაუდგა გზას.

მოულოდნელად გზის პირას, უზარმაზარი ცაცხვის ძირას მჯდარი ქალები დაინახა და მისდაუნებურად მიაპყრო მზერა. უცნობები ჩანდნენ. ვერ მიხვდა, რისთვის იჯდნენ ამ დროს, ამ გაგანია სიცხეში, აქ, გზის პირას და რას, ან ვის ელოდებოდნენ.

მის დანახვაზე ქალები ფეხზე წამოდგნენ და რალაც გადაულაპარაკეს ერთმანეთს. ერთი ხნიერი იყო, მეორე — ახალგაზრდა, ორივეს ძველმანები ეცვათ, სხვადასხვა ფერის საკერებლებით აჭრელებული, სიძველისა და რეცხვისაგან გამოხუნებული კაბები. შიშველი ფეხები მტკვრში ამოგანგლოდათ. ჯერ ბოშები ეგონა გიორგის ისინი. სოფელში ხშირად დაწანწალებდნენ მოხეტიალე ბოშა ქალები, რომლებსაც ზურგზე მოკიდული ფუთებით დაჰყავდათ მეძუძური ბავშვები და ყველაფერს თხოულობდნენ,

ყველაფერი მიჰქონდათ, რასაც კი წახელთებდნენ. ერთხელ ეს ბოშა ქალები სარდიონსაც ესტუმრნენ. ქალბატონს უმკითხავეს, გასამრჯელო აიღეს და თან უადგილო ადგილას დადებული ქალბატონის ბეჭედიც გააყოლეს ხელს.

კარგად რომ დააკვირდა მათ, მხოლოდ მაშინ დარწმუნდა გიორგი, რომ ისინი ბოშები არ იყვნენ.

ხნიერი ქალი დაბალი იყო, სქელი, უშნოდ ჩაგოდრებული, მუცელი ისე წამოებოდა, საცაა მოილოგინებოდა, იფიქრებდა მისი დამნახავი კაცი. მან იქვე, ცაცხვის ძირას მიგდებული საკმაოდ მოზრდილი ფუთა აიღო ხელში და ურმისაკენ წაგვანგვალდა.

— გააჩერე, გააჩერე ურემი, ნენა!

გიორგიმ ხარებს შეუძახა და როცა ურემი გაჩერდა, თავი მისკენ მიაბრუნა და დაელოდა.

გიორგი ჯერ ხნიერს უცქეროდა, მერე კი მზერა ახალგაზრდისაკენ გადაიტანა, რომელიც ნელი, აუჩქარებელი და გაუბედავი ნაბიჯებით მიყვებოდა უკან ხნიერს. სწორედ მაშინ შეხვდნენ ერთმანეთს გიორგისა და იმ გოგოს თვალები. გოგო, თითქოსდა მეურმის მზერამ მონუსხაო, მისდაუნებურად შეჩერდა, აარიდა მზერა, დახარა თავი და ერთმანეთზე მიტყუებულ და გამტკვრილ საკუთარ ფეხებს დააცქერდა.

გიორგიმ კი არ იქნა და ვერასდიდებით ველარ მოწყვიტა მზერა გოგოს. უცქეროდა და ველარ გაეგო, რატომ უცქეროდა, რისთვის უყურებდა ასე დაუინებით, რა ხდებოდა მის თავზე, რა ძალა იყო, ასე რომ აიძულებდა ეცქირა მისთვის და ველარ მოეწყვიტა მზერა. გარკვეული კანონზომიერების თანახმად, ასეთ კაბაში, ასე მორთული, ასე გამტკვრიანებული, დაუბანელი და ფეხშიშველა, არ უნდა გამოჩენილიყო მაინცდამაინც ლამაზი, მიმზიდველი და თვალდასატანებელი, მაგრამ, რატომღაც, გიორგის თვალში პირიქით კი ჩანდა. მაღალი, აშოლტილი, ალვისტანა, წელამდე დაყრი-

ლი მსხვილი, ნახშირით შავი ნაწნავებით, დიდრონი, ბრიალი, თაფლი-სფერი, წყლიანი თვალებით, პატარა, ლამაზი, მარწყვისფერი ტუჩებით, სწორი, სანთელივით ჩამოქნილი ცხვირით, წვრილი წარბებითა და გრძელი წამწამებით, ერთმანეთზე მჭიდროდ მიტყუპებული ფეხებით, დამორცხვებული, ნაზი და კდემამოსილი, მართლაც რომ საოცრად ბუნებრივი, არაჩვეულებრივად ლამაზი, ჰაეროვანი და მომხიბვლელი მოჩანდა ამ ხნიერი, უშნო ქალის, ამ სიცხის, დაჭირებული მზისა და მტერიანი, მოყვითალო ფერის გზის ფონზე.

და ის დაკონკილი, ძველი და გამოხუნებული კაბაც კი შვენოდა, ნათხოვარივით რომ ადგა ტანზე, მეტ ლაზათსა და ემხს მატებდა თითქოსდა, უფრო მიწიერს, უფრო ბუნებრივს, უფრო ახლობელსა და გასაგებს ხდიდა.

გოგოს თვალთვალში გიორგის ლამის სრულიად დაავიწყდა ის საოცრად უშნო დაგვაჯული ხნიერი ქალი, რომელმაც ურმის გაჩერება სთხოვა და რომელიც ახლა ოდნავ შემცბარი, ოდნავ დაბნეული იდგა, სინათლეში მოხვედრილი ბუსავით აპარპალებდა თვალებს, ტუჩებს აცმაკუნებდა და ვერასდიდებით ვერ გაეგო, ვერ მიმხვდარიყო, ეს მეურმე რატომ არ იღებდა ხმას და რატომ არაფერს არ ეკითხებოდა. ერთხანს იდგა და უცდიდა, მერე კი, რაკილა დარწმუნდა, ეს ახალგაზრდა მეურმე ხმის ამოღებას არც აპირებდა (ერთი გაფიქრება ისიც კი გაიფიქრა ქალმა, ეს საცოდავი ბიჭი მუნჯი ხომ არ არისო), ისევ მან დაარღვია დუმილი, მიაჩერდა თვალებში და რალაც ჰკითხა, მერე კი რომ ჩართო, წააწყო და გააბა, აღარ იქნა მისი გაჩერება. გიორგი, ცოტა არ იყო, გააოცა და გააღიზიანა ქალის ამდენმა, ასე უაზრო და უთავბოლო ლაქლაქმა და შეკითხვებმა. დიდად ლაპარაკის მოყვარული და ენაგაღესილი არც არასოდეს ყოფილა, ახლა კი სულ შეიკრა კრიჭა და ამ საფანტივით მიყრილ აბდაუბდა შეკითხვებზე სანახევროდ, ცალყბად და უნდილად სცემდა პასუხს. მთელი ამ ხნის განმავლობაში თვალი არ მოუცილებია გოგოსათვის, მისი ასეთი დაჟინებული მზერით დამორცხვებული, უხერხულ მდგომარეობაში ჩავარდნილი, თავდახრილი რომ იდგა ერთ ადგილზე და მზერა რომ ვეღარ მოეცილებინა საკუთარი ფეხებისათვის...

მერე, როდის-როდის, თვალი რომ მოაშორა გოგოს და შეხედა ხნიერ ქალს, გიორგიმ ახლა ისიც შეამჩნია, სხვა სიკეთესთან ერთად ელამიც რომ იყო იგი და თვალები ისე აცა-ბაცად გაურბოდა, ეშმაკიც ვერ მიუხვდებოდა, საით, რომელი მიმართულებით იმზირებოდა საერთოდ. ბოლოს, ის ხნიერი ქალი შეკითხვებს შეეშვა და ამჯერად საკუთარ თავზე წამოიწყო ლაპარაკი, ამ აბდაუბდა, დაულაგებელ-დაუწყობელი მონაყოლიდან გიორგიმ მხოლოდ ის გაიგო, რომ ისინი დედა-შვილი ყოფილან, მას მაროია რქმევია, მის გოგოს კი იულია. ბოლოს რომელიღაც სოფელი დაასახელა მაროიამ, იქედან ვარო, თქვა. ამ სოფლის სახელი პირველად ახლა გაიგონა გიორგიმ, მერე ბევრიც ეცადა, ბევრიც იწვალა, მაგრამ ვერაფრით გაიგო და დაადგინა, თუ სახელდობრ სად, რომელ გრძელსა და რომელ განედზე, რომელი მიმართულებით მდებარეობდა იგი, შორს იყო

აქედან თუ ახლოს, ყურისძირში თუ დასაკარგავში. გვარიანი შორიდან ყოფილაო, მაინც დაასკვნა რატომღაც გუნებაში. ის კი მაინც ვერ გაიგო, თუ რატომ იყვნენ გადმოხვეწილები აქეთ, რა უნდოდათ, საით მიდიოდნენ.

არადა, დრო იყო გზას გადგომოდა. დაღლილი იყო და მზისაგან, სიცხისაგან გამოლაყებულს ერთი სული ჰქონდა, თუ როდის მივიდოდა სახლში და დაისვენებდა. აბა მთელ დღეს ხომ არ იღვებოდა აქ, ამ გაგანია სიცხეში და ამ ქალის (რომელიც სხვათა შორის, სულ მთლად დალაყებული რომ არ იყო, ამას კი მიხვდა) ბოდიას ხომ არ მოისმენდა დაუსრულებლივ? ბოლოს, ის-ის იყო, ჩემთან რა გინდათო, უნდა ეკითხა მისთვის, რომ ამ კატკაჭვივით მოლაყებე ქალმა დაასწრო და ამ საკითხშიც გაათვითცნობიერა.

— შენ, ალბათ, ქე გაგიკვირდება, ნენა, აქანე რა უნდებიენო, გაიფიქრებ, ალბათ, მარა... — წამოიწყო მან, — ჩვენი საქმე წამხდარია და სულ მომსპარ-მოდაგული. ნამეტარი დიდი უბედურება გვეწია ჩვენ, ნამეტარი დიდი, ცეცხლმა გადაგვიბუგა სახლ-კარი, მთელი ჩვენი საბადებელი ნაცრად და ნახშირად იქცა და ქე ვართ ახლა დარჩენილები ასე ღვთის ანაბარად და ძაღლის შესაჭმელად, ვიქეცით აგერ მათხოვრებად, ნენა, დავდივართ სოფელ-სოფელ, ვეძებთ რაიმე საქმეს და თავშესაფარს. ძებნით ქე ვეძებთ აგერ ამდენი ხანია, მარა რათ გინდა მერე? არაკაცს არ სჭირდება მუშახელი... ჰოდა, ნენა, ღმერთი გიშველის და შეგვეწევა იმდენს, იქნება შენ იცოდე ვინმე, იცნობდე იქნება ახლო-მახლო ვინმეს, მოსამსახურე რომ სჭირდება. ჩვენ ყველაფერს გავაკეთებთ, არაფერზე არ დევიხევთ უკან, ოღონდ კი ღამის გასათვი მოგვცეს და ლუკმა მოგვცეს...

ახლა კი შეხედა თანაგრძნობითა და გულშემჭირნედ გიორგიმ ამ ქალს. განსაკუთრებით მაინც ის გარიყულივით მდგარი, დასჯილი ბავშვივით თავდახრილი იულია შეებრალა. ეეჰ, რამდენი გაჭირვებული და უბედური ყოფილა ამ ქვეყანაზეო, — გაიფიქრა გულისტკივილით, ერთხანს ჩაფიქრდა, მერე ხელისგული ჩამოისვა გაოფლილ და სიცხისაგან გავარვარებულ სახეზე და ახლა იმაზე დაიწყო ბჭობა გუნებაში, თუ რისი გაკეთება, რა შველა და ხელის გამართვა შეეძლო ამ უბედური, გასაცოდავებული და ბედისანაბარად მიგდებული ქალებისათვის. — საჭმელისა და ღამის გასათვისის მეტი აფერი არ გვინდა ჩვენ, ნენა! — შეახსენა მაროიამ, რაკი მიხვდა, ჩვენს მდგომარეობაში ჩადგა, ჩვენი დარდი და გასაჭირი ახლოს მიიტანა გულთან და რითი დაგვეხმაროს, ახლა იმაზე ფიქრობსო, — ისე მივემსახურებით, ისე გავუკეთებთ საქმეებს, არ დარჩება ნამდვილად ჩვენი უკმაყოფილო.

რასაც მაროია ამბობდა, ასე რომ იქნებოდა, ამაში კი იყო დარწმუნებული რატომღაც გიორგი, მაგრამ ვის სჭირდებოდა ამათი სამსახური, ამაზე უნდა ეფიქრა ახლა. სანამ რაიმესს მოიფიქრებდა, კარგახანს იფხანა თავი და ისრისა თვალები. ეს უიმედო, უნუგეშო მდგომარეობაში ჩავარდნილი დედა-შვილი ისე შეეცოდა, ისე ახლოს მიიტანა გულთან მათი გასა-

ჭირი, თავად რომ ჰქონოდა იმის საშუალება, რაიმეთი დახმარებოდა მათ, ერთი წამითაც კი არ შეყოყმანდებოდა, არც კი დაფიქრდებოდა რაიმეზე, ისე გაუწვდიდა დახმარების ხელს. მაგრამ ახლა რა უნდა ექნა, როცა საკუთარი, მისეული, მისი კუთვნილი არაფერი გააჩნდა საკუთარი სხეულის გარდა და თავადაც სხვის ჰერქვეშ იყო შეკედლებული? ფიქრა და ამ ფიქრში რომ იყო, ერთი ბედნიერი აზრი მოუვიდა თავში.

— სარდიონს რომ მივუყვანო, რა იქნება ვითომ? — გაიფიქრა. მაგრამ მეორე წუთს, იმდენად შეუსაბამო და უაზრო ეჩვენა თავისივე განაფიქრი, მაშინვე უარყო იგი.

— კი, მაგრამ, მიიღებს ამათ სარდიონი? რაში სჭირდება ესენი? მოსამსახურის, საქმის გამკეთებელის მეტი რა ჰყავს მას? — განაგრძობდა იგი ფიქრს, — კი მაგრამ... მაინც... რომ მივუყვანო ესენი, რას იტყვის ნეტავი? ხომ არ გაჯავრდება, ესენი ვინ ოხრები მოგიტრევიანო, ხომ არ მიყვირებს ნეტავი? ისე, რა კარგი იქნება, რომ მიიღებდეს, ამაზე სამადლო და სასიკეთო საქმეს, აბა რას გააკეთებს მეტს კაცი?

— ხომ არ გეგულება, ნენა, მაგფერი საქმე? — ფიქრიდან გამოიყვანა მაროიას შეკითხვამ.

აგერ მესამეჯერ ეკითხებოდა მაროია ერთი და იგივეს. თავი ასწია და შეხედა. მაროია უცქეროდა (რომ უცქეროდა ამას გუმანით მიხვდა გიორგი, თორემ კაცს რომ შეეხედა, მართლა სადღაც მიღმა, გაურკვეველი მიმართულებით იყურებოდა) — როცა ამ ქალს უცქეროდა, გიორგის რატომღაც გაორებული გრძნობა ეუფლებოდა — ეცოდებოდა ეს ქალი და თანაც ძალიან აღიზიანებდა კიდევაც თავისი დაჟინებული მზერითა და ამდენი აბღა-უბღით, აზრჩაუტანებელი შეკითხვებით. იგი სადღაც, გულის კუნჭულში გრძნობდა, თუ არა ის გოგო, იუღია, მაროიას გულისათვის, მიუხედავად ამ სიცოცხლისა და თანაგრძნობისა, მაინცდამაინც დიდად არ გაიცხლებდა თავს. ეტყოდა, ისეთს არავის ვიცნობ, თქვენი შეფარება რომ შეეძლებათ, და მორჩა, არხეინად გაუყვებოდა თავის გზას. მაგრამ ახლა, როცა მაროიას იუღია ახლდა თან, როცა ასე უჭირდათ და როცა ასეთი კარგი გოგო იყო ეს იუღია, ვერ გამოიჩენდა გიორგი გულგრილობას, ვეღარ მიატოვებდა ასე მათ და, თითქოსდა არაფერიანო, ვერ გაუდგებოდა თავის გზას გულცივი და სხვისი ჭირის არაფრად ჩამდები კაცივით. არა, ვერასდიდებით ვერ მოიქცეოდა ასე გიორგი. შეხედა გიორგიმ მაროიას, მერე აარიდა თვალი და ისე, რომ მის შეკითხვებზე პასუხი არ გაუცია, განაგრძო საკუთარ თავთან ბჭობა და ფიქრი:

— თუ სარდიონი ამათ მიიღებს და შეიფარებს, ამას რაღა აჯობებს? გვერდით მეყოლებინა აგერ. კარგი გოგო ჩანს და... — წინასწარ იგუმანა, წინასწარ ჩაიფიქრა, წინასწარ ინატრა და გაუხარდა გიორგის და, ინატრა, გულში, მიეღო ისინი სარდიონს.

— რაც იქნება, იქნება! — დაასკვნა საბოლოოდ ფიქრისა და ბჭობის შემდეგ, მიუბრუნდა მაროიას და მოკლედ, მტკიცედ, გადამწყვეტად უთხრა: — ამოდით, აბა, ურემზე!

— რავა, გეგულება ვინმე, ნენა? — ვეღარ დაფარა სიხარული და

აღფრთოვანება მაროიამ.

— რაკი გითხარი, ამოდი-მეთქი, მეგულემა, ალბათ!

— შენ კი გეიხარე, ნენა, შენს ცოლ-შვილში! — ხელეგი მოლაღადესავით ალაპკრო მაროიამ და ისე დალოცა, მერე დაფაცურდა, ჯერ ფუთა შეავდო ურემზე, მერე მიუბრუნდა იულიას და დაუცაცხანა: — რა შენმა ცოდვამ გამოგაბლუცუნა, გოვ? რავე ღვახარ მაქანე ხატზე გადაცემულივით? ვერ გეიგონე, რა თქვა ამ ასაშენებელმა? მოგვხედა მგონია ღმერთმა და მორჩა ჩვენი აღმა-დაღმა წანწალი. ამოი ჩქარა ურემზე და წვევიდეთ, თვარა გამიწყალა ტვინი თავში ამ სიცხემ. — თქვა ეს მაროიამ, შვილს არ დაუცადა, დიდი გაჭირვებით აბობლდა ურემზე, ჩამოჯდა ტომრებზე და მერე კარგახანს ქშინავდა უზომოდ დაღლილივით, ტომრებზე მჯდარი და უშნოდ ფეხებგაჩაჩხული. იულია, თითქოსდა ყოყმანებს, ავიდეს თუ არაო, რამდენიმე წამს კიდევ იდგა ერთ ადგილზე, მერე, როგორც იქნა, გადაწყვიტა, ავიდა ურემზე, მიუჯდა გვერდით მაროიას და თვლემამორეულოვით გაირინდა.

გიორგიმ ერთხელ კიდევ გადახედა ურემზე მოკალათებულ დედა-შვილს, მერე შოლტი გადაპკრა ხარებს და ისევ გაუყვა ურემი მტვრიან, ცარიელ შარას ჩვეული ჭრიალითა და ზოზინ-ზოზინით.

როგორც კი ურემზე მოიკალათა და საქმე უკვე აუფრში მოყვანილად ჩათვალა, გამხიარულებულმა, ენაჭარტალა, კაჭკაჭის ნაშიერმა მაროიამ რომ ჩართო, არ იქნა და აღარ გააჩერა ენა, აჭარტალდა, მაგრამ რა აჭარტალდა, მოხსნა გუდას თავი და პირდაპირ გამოყარა სათქმელსაოაპარაკო.

მომთენთავი სიცხისა და მისი ლაქლაქით გაღიზიანებულმა გიორგიმ ერთი წუთით გაიფიქრა კიდევ, რა ჩემმა ჯანდაბამ წამომამყვანია ეს ქალი და თავი ასეთ გასაჭირში რატომ ჩავიგდეო. ცდილობდა, აღარ მიექცია ყურადღება მისი ლაქლაქისათვის, სანახევროდ მიეგდო ყური. მისი ლაპარაკი სულ უაზრო რახარუხად ეჩვენებოდა და დროდადრო უსიამოდ ქმუნხინდა შუბლს. ხანდახან კი მაროიას მალულად მიაბრუნებდა თავს და შეფარვით მიაჩერდებოდა იულიას, რომელიც ჩვეულებრივ გასუსული იჯდა, კრიჭა-შეკრულს დაეხარა თავი და დასჩერებოდა ერთმანეთზე მჭიდროდ მიტყუბებულ მუხლებზე დალაგებულ ხელებს.

მაროას ლაქლაქმა ისე აუშალ-აუწეწა ნერვები, სხვა, მის ადგილზე მყოფი, ალბათ, დიდხანს არ დაახანებდა. და მაროიას თავის ფუთიანად ბურთივით გადმოისვროდა ურმიდან. ანდა, გაჩუმდი, ამდენს რა გალაპარაკებსო, ამას მაინც ეტყოდა. მას, გიორგის, კი გაბრაზებაზე უფრო ის უკვირდა, ამ ქალს რა ალაპარაკებსო ამდენს. კვირობდა ამაზე გუნებაში და ვერაფრით ვერ გაეგო და გაერკვია ეს. ცხადია, რაც უნდა ყურადღებითა და გულისყურით მოგვესმინა, მაროიას ლაპარაკიდან ძალიან ჭირდა ხოლმე რაიმე კონკრეტული აზრისა და შინაარსის გამოტანა-დადგენა. თუმცადა, გიორგი არც კი ცდილობდა მისი ლაპარაკიდან რაიმე გაეგო და აზრი გამოეტანა, უსმენდა მხოლოდ როგორც მისჯილი, იძულებით უსმენდა და

მაროია და მისი ლაპარაკი იმდენად აინტერესებდა, რამდენადაც მაროიას იულიას აუცილებელ და მოუცილებელ დანამატს წარმოადგენდა.

გოგოების მეტი რა ენახა თავის სოფელში გიორგის. გოგოებს რა გამოწყვეტდა აბა, ლამაზებიც მოიპოვებიან და უშნოებიც, ეშხიანებიცა და ულამაზოებიც, მაგრამ გიორგის არცერთი მათგანისათვის ზედაც არ შეუხედავს და, ამას დაუახლოვდებიო, არასოდეს გაუვლია გულში. შეიძლება ამის მიზეზი ისიც კი იყო, რომ საქმით ისე იყო დაკავებული და დაყურსული, თავისუფალი დრო თითქმის არ გააჩნდა და ასეთ რამეებზე საფიქრალად და საოცნებოდ არც კი ეცალა. ასე იყო თუ ისე, ეს პირველი შემთხვევა იყო, ასე რომ მიიქცია მისი ყურადღება გოგომ, ასე რომ დააინტერესა და ასე ერთბაშად და მოულოდნელად რომ გამოაღვიძა მისი აქამდე მიძინებულ-მიყუჩებული გრძნობა.

არა, მაინც რა უცნაურია გული და თვალი კაცისა. შეიძლება, სოფელში გაცილებით უფრო უკეთესი გოგოები ყოფილიყვნენ და ამ ჩაკონკილ-ჩამოძონძილმა, ამ გაზანგულ-გაწვირულმა, ვინ იცის, რამდენი ხნის დაუბანელმა, მაგრამ მაინც ლამაზმა, მიმზიდველმა და საოცრად მიწიერმა და ბუნებრივმა გოგომ ასე მიიქცია, ასე მძაფრად მიიზიდა მისი ყურადღება.

მთელი ამ ხნის განმავლობაში გოგოს ერთხელაც არ დაუძრავს კრინტი და ისე, როგორც წყლან, მაროია დაეჭვდა გიორგიზე, ახლა თავად ის, გიორგი, შეეჭვდა — ეს გოგო შემთხვევით მუნჯი ხომ არ არისო.

მაგრამ არა, იუღია მუნჯი როდი იყო. მართალია, დედამისივით მოლაპარაკე არ გახლდათ, მასავით უაზროდ და დაუნანებლად როდი ფანტავდა სიტყვებს, მაგრამ, როცა საჭიროება მოითხოვდა, ლაპარაკის უნარი საკმაოზე მომეტებულადაც გააჩნდა, რაშიაც ცოტა მოგვიანებით გიორგიც კარგად დარწმუნდა. და თუკი ახლა იუღია დუმდა, ამჯერად მისი დუმილი მხოლოდ და მხოლოდ ორი რამით იყო განპირობებული — ჯერ ერთი, რომ ამ უცნობი ახალგაზრდა მეურმის ერცხვინებოდა, ასეთ მდგომარეობაში რომ იყო. მეორეც კიდევ, მაროიასავით არ იყო ბუნებით უდარდელი, ქარაფშუტა და ყველაფრის არაფრად ჩამგდები, გულთან ახლოს მიუტანელი. დაფიქრების, განსჯის უნარი საკმაოდ გააჩნდა, თუ რა უიმედო მდგომარეობაში იყვნენ ჩავარდნილები, იმასაც კარგად ხვდებოდა და იმის ფიქრი არ აძლევდა გასაქანს, თუ სად მიდიოდა ახლა ამ ურემზე მჯდომი, რა გარემოებაში მოხვდებოდა და, როგორ წარიმართებოდა შემდგომი მისი ბედი.

სადაც სამართალია, ასეთ რამეებზე, უპირველეს ყოვლისა, მაროიას უნდა ეფიქრა და ეზრუნა, მას უნდა ეტეხა თავი და ევალა. და მაროია რომ თავიდანვე მოკლებული იყო სწორად განსჯისა და რამეზე ჩაფიქრების უნარს, ჭრიჭინობელასავით უზრუნველი რომ იყო, სადაც დააღამდებოდა და დაათენდებოდა თავზე, რომ არ სწუხდა, ასე ქერქეტა რომ იყო, იქნება ესეც იყო ერთ-ერთი მიზეზი იმისა, ასე ბოშასავით აღოღებული, სხვის ურემზე რომ იჯდა ახლა და ერთმა ღმერთმა რომ უწყოდა, სად მიდიოდა, სად გადაისვრიდა შემდგომი ბედი.

როდის-როდის, მაროია მოეშვა უთავბოლო ლაყბობას და გაჩერდა. ან სათქმელ-მოსაყოლი შემოელა, ანდა კიდევ ამდენმა ლაქლაქმა, თავზეც უმოწყალოდ დაცხუნებულმა მზემ, კიდევ უფრო გამოულაყა ისედაც ნაკლული ტვინი, ნაცარწყაყრილი ნაკვერჩხალივით მილულ-მიბჟუტა თვალი და მალე თავის კანტურიც აუტყდა.

გაჩუმებული და თვალემბილეული მაროია რომ დაინახა, როგორც იყო, მშვიდად ამოისუნთქა გიორგიმ, დამადგა საშველიო, გაიფიქრა და ხარებს შოლტი გადაუქნი, ააჩქარა. რაკილა მაროია გაჩუმდა, სიჩუმე ჩამოვარდა ირგვლივ, რომელსაც მხოლოდ ურმის ჭრიალი არღვევდა. იულია ისევ გატრუნული იჯდა ტომრებზე და ვინ იცის, რაზე ფიქრობდა ახლა. გიორგი ისევ მიაჩერდა მას. ერთხანს უცქერდა, მერე რაღაცის თქმა დააპირა, მაგრამ ვეღარ გაბედა და ისევ ასე ჩუმად და უსიტყვოდ ცქერა ამჯობინა.

მაროიას ღუმელმა დიდხანს როდი გასტანა. მალე ჩაეძინა და ახლა მისმა ხვრინვა-ხროტინმა ურმის ჭრიალის ხმაც კი გადაფარა. გიორგიმ უკმაყოფილოდ შეკუმუნა შუბლი. ამას, ნამდვილად გარღვიებული რომ იყოს და ჩვეულებრივად ლაქლაქებდეს, ისა სჯობსო, გაიფიქრა.

მაროიას ხვრინვა-ხროტინზე იულია გამოცოცხლდა, ჯერ გიორგისაკენ გააპარა მფრთხალი, მორიდებული-დამორცხვებული მხერა, მერე კი უჩუმრად წაჰკრა ქიმუნჯი გვერდში პირდაღებულს და უსაშველოდ ახროტინებულ მაროიას.

ამ მოულოდნელი ბიძგით ძილგამფრთხალმა მაროიამ ჯერ გამოქვაბულის შესასვლელივით დაღებულ პირი დახურა, მერე თვალი ღრუბლიდან თავდახსნილ მზესავით გამოაჰყიტა და ხამხამით გაიხედა აქეთ-იქით, მერე, რამდენიმე წამს, გაოგნებულივით იჯდა, მტვერდაფენილ, ბატის კანივით ოკრო-ბოკრო, ხორკლიან სახეზე გაოცება და გაურკვეველობა აღბეჭდოდა. ვერაფრით გაეგო, თუ რა იყო ასეთი უეცარი და მოულოდნელი ბიძგის მიზეზი. ბოლოს თავი იულიასაკენ მიაბრუნა და იკითხა — რა ამბავია, გოვ?

— რა უნდა იყოს? — წყნარად მიუგო გოგომ, — რაზე მეკითხები?

— რაზე გეკითხები და... ჩამინგრია გვერდი რაცხამ და არ გკითხო, აბა?

— მე ვიყავი!

— შენ იყავი, გოვ? შენ კი დაგაყარე მიწა! რაიზა მერე, გოვ?

— ხვრინავდი, ბატონო, ხვრინავდი! შეაწუხე ხალხი...

— როდის ვხვრინავდი, გოვ? — არ დაიჯერა მაროიამ.

— რავა, გატყუებ, აბა? გეძინა და ხვრინავდი...

— დავუშვათ და მეძინა, მერე რას მერჩოდნი, გოვ? დაღლილი ვარ და მაღლი იყო, დავისვენებდი.

— ხვრინავდი-მეთქი, არ გითხარი, ადამიანო? სირცხვილია!

— დაგაყარე მიწა! როის ვხვრინავდი მერე? უხეირო ხარ და უკულ-მართი!

— კაი, კაი ახლა, გაჩერდი ერთი! — იუღია სახეზე წამოწითლდა და მალულად გააპარა მზერა გიორგისაკენ.

— შენ გაჩერდი შავ მიწაში!

გიორგის, ცხადია, სიტყვა-სიტყვით ესმოდა დედა-შვილს შორის გამართული ეს ცხარე დიალოგი, მაგრამ თავს ისე აჩვენებდა, თითქოსდა არაფერს აქცევდა ყურადღებას და მხოლოდდამხოლოდ თავის ფიქრებში იყო გართული.

ამჯერად ამით დამთავრდა ყველაფერი, მაგრამ დუმილი და მყუდროება დიდხანს არ გაგრძელებულა; მაროიას ისევ ჩაეძინა, ისევ ახროტინდა კისერში თოკწაჭერილივით და იუღიამ ისევ გაიმეორა თავისი იღეთი, ისევ აჯუჯღურდა გამოფხიზლებული მაროია: — რას მჯიქვავ და მჯვვლემ შე სასიკვდილუ და არგასახარელო? როის მძინავს და როის ვზრინავ მე?

მიყვა, მოყვა და ისევ განმეორდა ყველაფერი...

გზა თითქოსდა დაუსრულებლად გაგრძელდა. დასიცხული ხარები უგერგილოდ იცოხნებოდნენ და ზანტად ადგამდნენ ნაბიჯებს, გზის ორივე მხარეს ერთმანეთს ენაცვლებოდნენ რცხილისა და თხმელის ხეები, შქერი-სა და იელის ბუჩქები, შორს, ფერდობზე, მდინარისა და გზის გაღმა-გამოღმა სიმწვანეში ჩაფლული, კრამიტითა და ყავრით დახურული ოდა-სახლები ჩამორიგებულიყვნენ. თითქოსდა გლოვობსო, არე-მიდამო დადუმებულიყო, აღარც ჩიტის გალობა ისმოდა, აღარც ძაღლის ყეფა და აღარც მამლის ყივილი, მხოლოდ მაღლა, მაღლა ქოჩორა ტყით დაფარული გორაკების თავზე ძერა აკეთებდა ირაოს და საცოდავად წიოდა.

ძერას წიოკზე მაროიამ შეშინებული და გაკვირებული ქათამივით რაღაცნაირად აღმაცერად აალირა თავი, ირიბად ახედა ფერდობს, მიაჩერდა მობოინე ძერას და თქვა:

— ჯაჯაა მაგი, ჯაჯა! დაწყევლილია მაგი საცოდავი, დაწყევლილი!

— დაწყევლილი? — გაუკვირდა გიორგის, — როგორ?

— კი, დაწყევლილია, დაწყევლილი! — დარწმუნებით თქვა მაროიამ, — რაეა, შენ არ იცი, მაგი?

— არა! ვინ დაწყევლა?

— მაგი რა ვიცი, ნენა, მე? მარა მასე კია და...სიცხე რომაა ძალიანი და იწობა ხეი და მიწა, წყალი მოწყურდება მაგ უბედურს ნამეტარი. მარა რა გინდა მერე, ვერ სვამს ვერასდიდებით წყალს.

— ვერ ნახულობს, ალბათ.

— ნახვით რაფერ ვერ ნახულობს, მარა ვერ სვამს.

გაუკვირდა გიორგის: — თუკი ნახულობს, რაფერ ვერ სვამს? მიაჩერდა მაროიას.

— დაწყევლილია-მეთქი, ხომ გითხარი? იხრჩობა წყურვილით და იმიზა წივის და წიოკობს ასე, მარა ვინაა გამგონი და მშველელი? არა, ნამეტარი გლახა და ბინძური წყევლაა მაგი, ნამეტარი! რაეა, წყალი მოგწყურდეს და ვეღარ დალიო? — წამით პაუზა გააკეთა, ჩაფიქრდა და მერე უფრო ხმამაღლა და გაბოროტებით აჯუჯღურდა: — ჩემი კაცი უნდა დატა-

ნჯო ასე, ჩემი კაცი! მოაწყურო უნდა და არ უნდა აღირსო წყალი, ისე უნდა აწამო და წყურვილით ამოაშპო სული!

— ქმარი გყავს? — დაინტერესდა გიორგი.

— მყავს, აბა არ მყავს? — გაიოცა მაროიამ, თითქოს და ამაში ეჭვი როგორ შეეპარაო, — ქმარი მყავს, კაცი მყავს, აბა აგი გოგო ციდან კი არ ჩამოფრენილა.

გიორგიმ ხარის ბუშტის ქისა ამოიღო ჯიბიდან, თამბაქო გაახვია, მოუკიდა, გააბოლა და დინჯად იკითხა:

— მერე რას ერჩი, რა დააშავა?

— რა დამიშავა და ყოლიფერი!

— ახლა სად არის შენი ქმარი?

— ეშმაკში და ჯანდაბაშია მისი თავი და ტანი! — კიდევ უფრო ხმამაღლა აჭუჭლურდა გაბრაზებული მაროია და ინანა გუნებაში გიორგიმ, ნეტავი რატომ ვკითხეო რამე.

— ვიცი მე სადაა და არ გეუბნები? ფოთში უნდა ეგდოს მგონია!

— ფოთში? რა უნდა ფოთში?

— მისი სიკვდილი და გადაშენება-გადასკვარამება უნდა! რა ვიცი მე, რა უნდა?

— მუშაობს ალბათ, — ჩაილაპარაკა დაბნეულმა გიორგიმ, რომელ-მაც ვერც თავი გაიგო და ვერც ბოლო ამ აბურღულ-დაბურღული საქმისა...

— რა ვიცი მე, მუშაობს თუ ისვენებს? ჩვენდა კაი ხანია დაკარგული კია და...

— რაო, მიგატიათ? — როგორც იქნა ჩაწვდა ოდნავ გიორგი საქმის ვითარებას.

— მიგვატია, აბა, კაი ქნა, რამე?... ქე ვიყავით ჩვენთვის ლამაზად, სახლი გვქონდა და კარი, გვიჭირდა თუ გვილხინდა, ერთად მაინც ვიყავით და ქე ვცხოვრობდით სხვებივით. მიწა გვქონდა, ვთესავდით სიმინდს, ლობიოს, მოგვყავდა მოსავალი და ქე გაგვქონდა რაცხაფრა თავი...

— არ უნდა გაგეშვა ფოთში! — შეაწყვეტინა გიორგიმ და ხარებს შეუქძახა.

მაროია ნიშნისმოგებითა და მღურვით მიაჩერდა: — რავე ლაპარაკობ შენ? მე გოვუშვი თუ? ეიჩემა ერთ დღეს მიზეზიან ბალანასავით, ფოთში უნდა წავიდე, ფოთში უნდა წავიდეო, ვერ იქნა და ვერ გადავაფიქრებინეთ ვერასდობდით. რა გინდა იმ დასაქცევ და დასანაცრებელ ფოთში-მეთქი, რომ ვკითხე, გაბრაზდა და იმფერი სიტყვა ამოუშვა პირიდან, რომ იმფერი რამე-რუმეები მაკადრა, ყურიდან-ყურში არ გოუშობდა კაცი. შენ რა იცი გამობენტერებულმა დედაკაცმაო, ვინაც კი ფოთში წვეიდა, სული მეითქვა და მე, აბა, რავე წაეხდები, სხვებს რომ ჩამოვრჩე და ორი კაპეიკი ვერ გავაკეთოო... ჩვენც წაგვიყვანეთ-მეთქი, რომ ვუთხარი, ააგლო ქვაი და შეუშვირა თავი — თქვენი წაყვანა რაფერ შეიძლება, ჯერ ლამის გასათევი უნდა ვნახო სადმე, მერე ჩამოგაკითხავთ და თქვენც წაგვიყვანთო. რაღა მექნა? დავეთანხმე ბოლოს, კაი, აბა, რავარც შენ იტყვი-მეთქი. ადგა, დაკრა

ფეხი, გაშპა ფოთში და ქე მიგვატია ღვთის ანაბარად. ვართ მე და ჩემი გიგა და ვუცდით, თვალები სულ ჭიშკარზე გვაქ მიბჯენილი — აბა ახლა გამოჩნდება და აბა ახლავ, მარა სადაა? გვეიდა ასე კვირეები და თვეები, მერე წელიწადიც ჩაგველია ხელში მის ცდაში. ვის არ ვეკითხებოდით, იქნებ ფოთში იყავით რომელიმე და იქნება მადლიზა იმ ჩემს კახახს მოკრათ სადმე თვალი-მეთქი. აბა, არ შეგკამოს ჭირმა, არ იცის არაკაცმა მისი ასავალ-დასავალი, კაციშვილმა არ იცის, ცამ ჩაყლაბა თუ მიწამ. მაშვინ კი ვიფიქრე, რაცხა ფარცავი არაა მის თავს-მეთქი და ამიტანა მარა რა ამიტანა შიშმა. დღე და ღამე სულ იმაზე ვფიქრობ და ვტირი. დავზაფრე ავერ ყაზილარი და იგია, მერე, მეტი ვერაფერი რომ ვერ გავაკვლიე, დვეისესხე მეზობლებში რაცხა ორი კაბეიკი და ვადავწყვიტე წავსულიყავი ფოთში. წასლა ქე ვადავწყვიტე, მარა ქე ამიტანა შიშმა, კი მივალ, მარა, სად მივალ, გზაი ვიცი თუ კვალი? ფოთი კი გამეგონა, მარა სად იყო, სად ჯანდაბაში, მაგი ნამდვილად არ ვიცოდი. ფოთში დიდი სახლებიაო, ბევრი ხალხიაო, დროგებითა და ფაიტონებითა ავსებული იქაურობა, აგიც ქე გამეგონა. გავბედე, გავრისკე და წავედი მაინც. ფეხით გავიარე იმხელა გზა და ჩვედი მატარებლის გაჩერებაზე, ვიდაც მადლიანმა მასწავლა — ბილეთი აიღეო. მატარებელი მოვა, ახვალ და ორი-სამი საათის მერე ფოთში ამოყოფ თავსო... შენ გინახავს მატარებელი, ნენა? — შეეკითხა მოულოდნელად გიორგის.

— არა! — უარის ნიშნად თავი გადააქნია გიორგის.

— ნეტაი განახა, ერთი, რაფერია! — ბრიყული აღტაცება გამოეხატა სახეზე მაროიას, — მეც პირველად ვნახე იმ დღეს მატარებელი. კინალამ ფირიფიშია გამისკდა და ადგილზე კინალამ გავაჩხიკინე ფეხები, რომ დევი-ნახე. გვეიხედე და რას ხედავს ამას ჩემი დასაფსები თვალები — მოდის მარა რა მოდის, გაცოფებული კამეჩივით რომ ქშინავს პირდაპირ? ცხვირიდან სულ ფუტსა და ნაკვერჩხლებს ყრის გველეშაპივით და მიაქ ხეი და მიწა, მე პირველად გველეშაპი მეგონა და არიქა, ახლა ვადამყლაპავს-მეთქი, რომ ვიფიქრე, მატარებელი მევიდაო, თქვა ვინცხა აშენებულმა და ქე დავწყნარდი პაწა. იმ ასაშენებელმა, ბილეთი რომ ამაღებია, ძალით ამსვა ბორბლებზე შემდგარ ოთახში და ძალით დამსვა სკამზე. ვჯდანვარ, მარა ვაი მასეთ დაჯდომას, აწურული ვარ და სულ იმაზე ვფიქრობ, ახლა რა იქნება-მეთქი. ხალხი ჯდანა და ქე ლაპარაკობს არხეინად, მე კი ინდაურს ჯოხს რომ დაკრავ და დეებნევა ტარაბუა, სულ მთლად ისე ვარ გაბურსალებული. რავე ვიღებ ხმას, სულ ცივ-ცივი ოფლი მასხამს და სულ ამას ვნატრობ გუნებაში — ღმერთო, მწყალობელო, ერთი აქედან ცოცხალი ჩასვლა მადირსე, ჩემს მეზობლებთან დატოვებული ჩემი ბალანას ნახვა მადირსე და ჩემი მოლაღატე კაძახი თუ გინდა წყალს წაუღია-მეთქი... რავარც იქნა ასე შიშსა და ჯახირ-ჯახირში ჩვედი იმ დასაკურმუხეთებელ ფოთში... ვხედავ, მარა რას ვხედავ — სულ ერთმანეთშია არეული ურმები, დროგები, ფაიტონები, ხალხი ხომ სულ ჭიანჭველების ბუდესავით ისვრება. არის ერთი ყვირილი, ხორხოცი, ჩოჩქოლი, ზრიალი და ერთი ვაი უშველებელი. მივალ ამდენ ხალხში, კაციშვილი არაა ნაცნობი და მეც არ ვიცი სად ჯანდაბაში მივდი-

ვარ. ერთ ადგილზე კინაღამ გამჭყაპა დროგმა. მედროგემ კინაღამ მცემა, მერე იმფერი სიტყვები მაკადრა, ერთხელ ჩემმა ქმარმა რომ მითხრა, შეცდომით ღვინის მაგიერ ძმარი რომ დაფუსხი და დალია... რა უნდა მექნა? მევითმინე... მივალ და მივალ, გავაჩერებ ერთს, მეორეს, მესამეს... ვეკითხები, ამა და ამ კაცს თუ იცნობ-მეთქი. ზოგი საერთოდ არ მეკითხება აფერს, ზოგი რაცხას მეუბნება, მარა ვერ ვგებულობ, რას მეუბნება, ზოგი კიდევ რომელ ქუჩაზე ცხოვრობსო, მეკითხება, რომელ ნომერშიაო. რა ვიცი მე ქუჩა და ნომერი მეთქი, ვეუბნები. აბა, აქ სოფელი ხომ არაა, მაგის გარეშე კაცი რაღა მოიძებნებაო, უკვირან. რაღა, ჩემს სოფელში მე ყველას ვიცნობ-მეთქი, ვეუბნები. აქ კიდევ, ქალაქიაო, მეუბნებიან და გაკვირვებულად მათვლიერებენ, ვითომდაც რაცხა აბდრული რამე ვკითხე... ჰოდა, ამ ძებნა-ძებნაში რომ ვარ, უცებ არ გადავაწყდი იმ ჩემს გათახსირებულ ქმარს? გვეიხედე შემთხვევით და არ მუა შუა გზაზე? ისეთ გამოკობტავებულა, ისეთ გამოცლილა, ქე გამიჭირდა პირველად მისი ცნობა. გვერდზე ვინცხა ქალი მოყვება — მაღალი, აწოწილი, გაჩხორიკებული, ცარიელი ძვალი და ტყავი, დრუნჩი წითლად შეუღებია, ლოყები რაცხაით მოუტურტლავს და ბატის ქონმა რომ იცის, რომ წეისვამ და დეიწყებს ბზინვას, ისეთ ბზინავს სწორედ. მომკრა თვალი და ეს ჩემი კაცი რომ დეერჭო ერთ ადგილზე, ვეღარ მეიცვალა ფეხი. დგანა, დოუყლიპავს თვალეზი გომბიოსავით, მიყურებს გაშტერებული და პირდაფჩინილი, ხომ არ მომეჩვენაო, ფიქრობს, ალბათ, გულში...

— შე მოღალატე დიმიტრია-მეთქი, რომ დოუყვირე და ვებდღვენი ერთი ჩემებურად, მეიკუშა მატლივით, მეიკუშა და ძლივს დაძრა ენა პირში — მენ აქ რა გინდაო, მკითხა ბლუკუნ-ბლუკუნით. შენი გაცოფება, შენი ფეხის გაჭიმვა და შენი არ გადაჩჩენა-მეთქი, ვუთხარი მე — რომ დაკარი ფეხი, რომ მოშპი და გამეიქეცი, ქალი და ბალანა რომ მიატიე, აბა, რაფერ ფიქრობ შენ, ვითომ არ მოგძებნიდი-მეთქი?! ვერაფერი მითხრა, აბლუკუნდა გლახასავით, მოყვა რაცხა უთავბოლო და უაზრო ბოდილს: მუშაობა დევიწყე, ფულს ვაგროვებდი და სახლში მომქონდაო... მატყუებს, ვატყობ ეს გასაციებელი, არც ერთი სიტყვა არაა მართალი და სწორი მის ნათქვამში, აგი ქალი ვინაა-მეთქი, რომ ვკითხე და იმ გაჩხორიკებულ ქალზე ვანიშნე, სულ დეიბნა და დაიანა ბრინჯივით. ჯერ, მეზობელიაო, მითხრა, მერე ამხანაგო, მერე კი ნამეტარი რომ შევუჩნდი და შევუჩნდი, ქე მითხრა სიმართლე და, ცოლიაო, გამომიტყდა. ცოლიაო, რომ მითხრა და ქე გადამეფარა თვალეზზე ბინდი, ისეთ გადამეფარა, დაღამდა-მეთქი, ვიფიქრე. მერე, მოგეცა სიკეთე, ვიკვილე მარა რა ვიკვილე, სულ ცაი ჩამევილე კივილით დაბლა, ვებდღვენი მერე თმაში იმ ქალს, დავითრიე, გაჟღვართე მიწაზე, წამოვაჯექი ზეიდან დასაკლავი ღორივით და ვუჟაჟე და ვუჟაჟე ცხვირ-პირში. მოგროვდა მაშინათვე ხალხი, ატყდა ერთი ვაი-უშველებელი, ვერ გვიგებ; ვინ რას ჩივა, არის ერთი დუგულდუგი, ზოგი გვაშველებს, ზოგი გვამხნევებს და გვაქეზებს — მიდით, მიდითო, ზოგი გვამტყუნებს და არის ერთი ამბავი. ძლივს გამომგლიჯეს ხელიდან, თვარა ქე შემომაკვებო-

და ის ჭიამკვდარა ქალი და ქე ვნახავდი შაირს. ამასობაში ჩემმა ქმარმა, რავარცკი ნახა მომენტი, დაავლო ხელი თავის გაჩხორიკებულ ქალბატონს და არ მიფერა თვალს! აქეთ ვეცი, იქეთ ვეცი, მარა რას ნახავ ამდენ ხალხში? ამ უცხო ქალაქში? მისი ნახვის იმედი რომ გადამიწყდა, ქე გამოვბრუნდი ისევლე სახლში ტირილ-ტირილით... ო, ღმერთო, ჩემი გამწარებიზა დიმიტრიე მანახე ერთი მოწყურებული და ეგერ რომ ყრანტალებს, იმ ჯაჯიასავით გამწარებული... ქმრის გაქცევა არ მაკმარა ღმერთმა და გასულ თვეში სახლიც ქე დამეწვა. დავრჩით ასე ცარიელ-ტარიელი მე და ჩემი გოგო...

— სახლი რამ დაწვა? — შეაწყვეტინა გიორგიმ.

— მისით დეიწვა, თუ ვინმემ შეუბიდილა ცეცხლი, არ ვიცი. რავარც იყო, ქე დეიწვა და... კიდომ კაი, დღეი რომ იყო, თვარა ღამე რომ გაჩენილიყო, ხომ გამევიბრაწებოდით ვირთხებივით შით?

— კი, აბა! — დაეთანხმა გიორგი და მერე დასძინა, — ნუ გეშინიათ, ცოცხალ კაცს ყველაფერი ეშველება.

— რა ვიცი, არ ვარ დარდით და ფიქრით და...

...მაროიას ქაქან-ქაქანში სარდიონის კარ-მიდამოსაც მიაღწენ.

გიორგიმ ხარები შეაჩერა, ურმიდან ჩამოხტა, ვეება ხის ჭიშკარი შეალო და წინ წაუძღვა ხარებს.

თვალუწვდენელ ეზოში კოინდარი ბიბინებდა. ვეება, ორსართულიანი, ხისრიკულებიან, განიერ აივნიანი ოღის წინ ვეებერთელა ცაცხვის ხეები ჩამორიგებულიყვნენ. ცაცხვებს მარაოსავით გაეშალათ ტოტები და იქაურობას ქოლგასავით აჩრდილებდნენ... ოღის უკან დიდი, კრამიტით დახურული სამზადი და სხვადასხვა სათავსები მოსჩანდა — ერთმანეთის მიყოლებით ჩამორიგებულიყვნენ ბელლები, სასიმინდები, თავლები და ვინ იცის რა არა კიდევ.

ყოველივე ამის დამნახავმა მაროიამ კიდევ უფრო მიბრიც-მობრიცა ისედაც ელაში თვალეები, გაოცებულმა და პირდაღებულმა მოავლო მზერა ყველაფერს და მოწონებით, მოწიწებითა და შიშით ჰკითხა გიორგის: — რავა, შენ ცხოვრობ აქანე?

გიორგიმ უხმოდ, გაურკვევლად დააქნია თავი და ხარებს შეუძახა.

— ხედავ შენ, გოვ, რავა კრიალებს აქაურობა? — მიუბრუნდა მაროია იულიას, — ხედავ შენ, სად მევედით, გოვ?

— ვხედავ! — მოკლედ და მკვეთრად მოუჭრა იქაურობის თვალთვალში გართულმა იულიამ, რომელსაც დედამისისა არ იყოს რალაცნაირი შიში და მოკრძალება დაეუფლა ასეთი კარ-მიდამოს დანახვაზე, კიდევ უფრო დაზაფრა და დაადუმა ამ მოულოდნელობამ და იმისმა წინასწარმა ანგარიშმა, თუ რა იქნებოდა, როგორ იქნებოდა მომავალში, როგორ შეეგუებოდა აქაურობას და როგორ წარიმართებოდა მისი შემდგომი ცხოვრება.

— კაი ადგილია, გოვ, კაი! — აღარ ცხრებოდა მაროია, — აბა ქე მევეთქვამთ სულს მე და შენ, არა?



იულიამ რალაცნაირი მღურვით შეხედა და აღარ უთქვამს აღარაფერი. გიორგიმ ურემი სამზადის გვერდით გააჩერა, მიუბრუნდა დედა-შვილს და თქვა: — აბა, ჩამოდით ახლა დაბლა!

მაროია იულიას დახმარებით კრუსუნითა და ოხვრით ჩამობობდდა დაბლა,

ერთხელ კიდევ მიათვალ-მოათვალიერა იქაურობა და აკვიტებული-ვით გაიმეორა:

— კაი ადგილია, ნამდვილად, კაი!

გიორგიმ ჯერ ფაქიზად დაკეცილი ტომრები ჩამოიღო და ლაფაროში დააწყო, მერე ფუთა დაითრია, ტომრებთან დადო, ხარები გამოხსნა, გომურში შედენა, წყალი დაალევენა, საკვები დაუყარა და გამობრუნდა.

— წავიდეთ, აბა, სარდიონთან! — თქვა, როცა მაროიას მიუახლოვდა.

— სარდიონი ვინაა, ნენა? — იკითხა მაროიამ, — მამაა შენი?

— მამა კი არა... — ჩაიციხა გიორგიმ.

— აბა? რავა, შენი არაა აქაურობა?

— ჰმ! — მწარედ ჩიიციხა გიორგიმ, — ჩემი კი არა... მე ვინ მომაშავებს ასეთ-სახლ-კარს!

— აბა, შენ რა ხარ? — სულ დაიბნა მაროია...

— მოჯამაგირე!

მაროიამ მოულოდნელად მოიწყინა, სადღაც გაქრა მისი აღტაცება და სიხარული. ჩაფიქრდა და ორჭოფულად იკითხა: — რას იზამს ვითომ, მივიღებს თუ არა სარდიონია თუ ვინცხა?

— რა ვიცი მე! — მხრები აიჩეჩა გიორგიმ.

— თუ არ მიგვიღო, რა გვეშველება? — არ ცხრებოდა მაროია.

— ადგებით და ქე წახვალთ თქვენს გზაზე! — მიუგო გაღიზიანებულმა გიორგიმ, — წამოდით, წამოდით, დავიღალე, დავისვენო უნდა!

— ჩვენც ქე გვინდოდა დასვენება, მარა... — ლაპარაკ-ლაპარაკით მიჰყვა მაროია უკან.

ოდის წინ, ცაცხვის ძირას გაფენილ ჭრელ ფარდაგზე კაცი იჯდა, მუხლებზე გადაშლილი წიგნი ედო, დინჯად ახრჩოლებდა ყალიონს და, ცოტა არ იყოს, გაოცებულ-გაკვირვებული მზერით გასცქეროდა მისკენ მიმავალ ამ უცნაურ დელეგაციას.

გიორგი სარდიონთან მივიდა, დედა-შვილი კი მოშორებით შეჩერდნენ.

სარდიონმა თვალები მოჭუტა, ყალიონი მოქაჩა, ააცქერდა გიორგის და დაღლილად იკითხა: — როგორაა, ბიჭო, საქმე?

— კარგად! — უბიდან რალაც შეკვრა ამოიღო და გაუწოდა: — აი, ეს გამომატანა და დაითვალისო, შემოგითვალა.

სარდიონმა შეკვრა ჩამოართვა და იქვე მიაგდო ფარდაგზე. — არ უნდა ამას დათვალა! ისიც არ შეცდებოდა და შენაც გენდობი! ჰო მეტი რაო?

— კიდევ დამჭირდება და შემოგიტვლიო!

— შემომოთვლის და ქე მიეცემ, სიმინდის მეტი რა გვაქვს, ბიჭო!.. დაილაღე გზაზე?

— დავილაღე... სიცხეა...

— კი, ნამეტარი ჩამოხუთულია დღეს... დაისვენე ახლა, თავისუფალი ხარ დღეს, არაფერს არ გთხოვ მეტს! — სარდიონმა ისევ მოქაჩა ყალიონი, გახედა ერთ ადგილზე უხერხულად აწურულ დედა-შვილს და თითქოსდა ახლა შეამჩნიაო ისინი, სასხვათაშორისოდ იკითხა: — ესენი ვინ მოგიყვანია, ბიჭო?

— ესენი... გზაზე შემხვდნენ... სახლი დაეწვათ... სამუშაოს ეძებენ რამეს... ვინმე რომ შეგვიფარებდესო...

— ვინმეო, ხომ?! — სარდიონი ჩაფიქრდა, მერე მოულოდნელად და მჭახედ გადაიხარხარა: — მკვდარი მკვდარს გადაეკიდაო, ბუზს არ ჰქონდა და ყვავს გაჰქონდაო, ისეა შენი საქმე, გოგია!... მარა სამადლო საქმე და... მიანც რისი გაკეთება შეუძლიათ, ნეტა?

— ყველაფერს გავაკეთებთო, მარტო ჭამისა და შესაყურებელისათვის ვიმუშავებთო, ასე თქვეს.

— მარტო ჭამისა და შესაყურებელისათვისო, არა! — დამცინავად იკითხა სარდიონმა, — ჩვენც ჭამისა და შესაყურებელისათვის ვმუშაობთ და ვცხოვრობთ, გოგია! ყველა მაგისტვის მუშაობს.

— შენ რომ ბევრს მუშაობ, კი გეთქმის რაღა! — გაიფიქრა გიორგიმ.

სარდიონმა გამომცდელად გახედა დედა-შვილს, მერე მზერა იულიას მიაბჯინა. თვალები ნელ-ნელა სულ სხვანაირად აემღვრა და კარგახანს ველარ მოაშორა.

იულიამ იგრძნო კაცის ვნებიანი, მოწყურებული მზერა და მთელი სხეული ჭინჭრით დასუსხულივით აეწვა. დაბნეულს, უმწეოს, საბოლოოდ დამორცხვებულსა და საქციელწამხდარს საით გაეხედა და რომელ მიწაში ჩამძვრალიყო, ველარ გაეკვლია. მაროია, ცხადია, ვერაფერს გრძნობდა და ხედებოდა, თუ რა ხდებოდა ახლა მისი შვილის გულში, იდგა არხეინად და ხან ცაცხვებს მიაპყრობდა მზერას, ხანაც კიდევ ოდას.

უხერხული, დაძაბული დუმილი ისევ სარდიონმა დაარღვია. მან მზერა მოსწყვიტა იულიას და თითის დაქნევით მოიხმო თავისთან დედა-შვილი. მაროია მაშინვე გაეშურა მისკენ და წინ აესვეტა, იულია კი ფეხათრევით, ზოზინით წავიდა და ზურგისკენ ამოეფარა დედას:

რაკი მაროია იდგა მის წინ, სარდიონმა უშუალოდ მას მიმართა:

— ვინა ხარ, ქალო, შენ?

— ჩვენ, ბატონო... — მღელვარებით იწყებს მაროია, ცალი თვალი რომ მისთვის მიუბჯენია, მეორეთი სადღაც, აღმართში იხედება და ცხენის ჩიჩვირივით გადმოფლაშულ ტუჩებს უშნოდ ბრიცავს, — ჩვენ, ბატონო, ერთი გაჭირვებული, წყალწალღებული ხალხი ვართ, არც სახლია ჩვენს ბარობაზე და არც არაფერი. გაჭირვებამ აგვადოდა აგერ და სხვის სამოწყალოდ გადმოგვაგდო. — სალაპარაკო რაკი ნახა, მიყვა-მოყვა და ამჯერად

სარდიონის წინაშე გადმოალაგა ყველაფერი.

სარდიონი ერთხანს გაოცებულ-შეცბუნებული უცქეროდა, ტუჩებს კუმავდა და ჭმუნხიდა შუბლს, ბოლოს ველარ გაუძლო ამდენი აბლა-უბლის მოსმენას და ხელის მკვეთრი აქნევით გააჩერა:

— კაი, კაი, ახლა, ნუ გამომიჭედე ყურები! რა ამბავია, კაჭკაჭი ხომ არ გადაგიყლაპავს, ქალო?!

მაროია შეცბა, გაჩუმდა და მზერა მიაპყრო — ვერ მიხვდა, რა მოხდა, რისთვის შეაჩერა ამ კაცმა.

— ეს გოგო შენია, არა? — როდის-როდის იკითხა სარდიონმა და ისევე მიაპყრო იულიას ხარბი მზერა.

— ჩემია, აბა, რა?! — ცოტა არ იყოს, თავმომწონედ მიუგო მაროიამ.

— ჩემთან რისთვის მოდით ახლა?

მაროია დააბნია ამ შეკითხვამ, მერე მოახერხა და ყველაფერი გიორგის მოახვია თავზე: — მე რა ვიცი, ბატონო! ამ ბიჭმა წამოგვიყვანა აგერ, ამისი მეგონა მე ავი ოჯახი.

— კი, კი, მაგისია, მამა გიცხონდეთ იმდენი! — გაეცინა სარდიონს, — ზარმაცები ხომ არა ხართ? საქმის გაკეთება თუ შეგიძლიათ?

— ზარმაცებიო?! — თვალები ააპარპალა მაროიამ, — რას ჩივი, ბატონო, შენ? ზარმაცები რავე ვართ? გასაკეთებელი იყოს საქმე და ყოლიფერს გავაკეთებთ ჩვენ, ყოლიფერს! ძროხის მოვლაო, ჭადის გამოცხობაო, ბალნის ყურადღებაო, ქათმისო, ბატისო, იხვისო...

— კაი ახლა, ქალო, კაი! — ძმარდალეულივით დაიჭყანა სარდიონი, — რაა, რომ გადააბი და ველარ გაგაჩერებს ადამიანი? არ მიყვარს მე ბევრი ლაქლაქი! დარჩით, თუ გინდათ, საქმელი გვექნებათ და ღამის გასათევი, მეტი რაღა გინდათ, აბა?

ამის გამგონე მაროია ცას ეწია სიხარულით: — ავაშენებს ღმერთი! საქმელი და ღამის გასათევი თუ გვექნება, მეტი, აბა რა შავი ქვა გვინდა, ბატონო?!

სარდიონი ჩაფიქრდა, მერე მიუბრუნდა გიორგის და უთხრა: — მიიყვანე ერთი ესენი სამზადისში და უთხარი ქალებს, გამოიყენონ რამეში. მერე კი ვნახოთ... ჰო, მართლა, ღამის გასათევი სად გამოუუნახო მაგენს?.. შენს გვერდით, ხომაა ერთი სათავსი? რაღაც-რაღაცები, ხარახურა რომ გვიყრია, ჰოდა იქა...

— ახორში რაფერ ვიცხოვროთ, ბატონო? — გაიოცა მაროიამ, — მაგი რაფერ იქნება?

ამის გამგონე სარდიონს მოულოდნელად ხარხარი აუტყდა, დიდხანს იცინოდა ხმამაღლა, მადიანად და მალმიმალ იწმენდა თვალზე მომდგარ ცრემლს ვეება, ნიჩბისებური ხელისგულებით, — არა, არა, მაინც როდის გამობრძანდით სასახლიდან, დედოფალო? — ჰკითხა მერე მაროიას, სიცილი რომ შეიკავა, — ეეჰ, ქალო, ქალო! ვერაფერს იტყვი, კაი გვარიანად გჭონებია კუდი ყავარზე გადებული, მაგრამ მოსაქნევი რომ არ გაგაჩნია, ამას არ უნდა დაუფიქრდე შენ?.. მიდით, მიდით, თუ გინდათ, და ქალები

გეტყვიან რა უნდა გააკეთოთ!

გიორგი გაბრუნდა, დედა-შვილი უსიტყვოდ გაჰყვა.

... მაროიას სამზადისში უკრეს თავი, იულიას კი, ქალბატონის ბრძანებით, ოდისა და ეზოს მოვლა-დასუფთავება დააკისრეს. დედა-შვილს ის ჩაბინძურებული, აბლაბუდით გავსებული სათავსო დაუთმეს, დაუდგეს ერთი მორყეული ტახტი, მიუგდეს ძველი, დაკონკილი ქვეშაგებელი და მიუჩინეს იქ ლამის გასათევი.

მხოლოდ თხელი, სიფრიფანა ლამფის კედელიდა ყოფდა გიორგის იულიასაგან და რაც იქ ლამ-ლამობით ხვდებოდა, სულ უბრალო ჩქამი და გაფაჩუნებაც კი სულ გარკვევით, მისხალ-მისხალ აღწევდა მის ყურამდე...

მას შემდეგ, რაც დედა-შვილი დაუმეზობლდა, ძილი გაუტყდა გიორგის, თუკი აქამდე მთელი დღის საქმით და ჯაფით გადაქანცული, როგორც კი ბალიშზე მისდებდა თავს, მაშინვე მკვდარივით იძინებდა და მერე დილა-მდე გვერდმეუცვლელად ეძინა, ამჯერად ჯერაც გაურკვეველ-შეუცნობელი და ბუნდოვანი, უცნაური და უჩვეულო აწუხებდა, აფორიაქებდა და არ აძლევდა ძველებურად ძილისა და მოსვენების საშუალებას. გიორგიმ არ იცოდა, თუ რა იყო ეს „რალაც“, რას წარმოადგენდა კონკრეტულად იგი — ასე ბუნდოვანი, და ასე იღუმალის, ასე ტკბილ, ნეტარ სატანჯველში რომ აგდებდა და ქანცმილეულს აიძულებდა, არ დაეძინა და ეფხიზლა. ხანდახან ცოტათი ჩასთვლემდა, მაგრამ უმალვე იღვიძებდა, ფხიზლდებოდა და მერე დიდხანს ტრიალებდა ხის მაგარ მოჭრაჭუნე ტახტზე. მისი ფიქრები დროთა განმავლობაში თანდათანობით, ნელ-ნელა და დაჟინებით კონკრეტდებოდა და ერთ პრიზმაში გადაჭრილი, უკვე დაკონკრეტებულ-ჩამოყალიბებული და ხორცშესხმული იულიასთან იყრიდა თანდათანობით თავს. ძილგატეხილი და მოთენთილი შესცქეროდა გიორგი ჰერს და მისდაუნებურად უგდებდა ყურს იმ თხელი, სიფრიფანა კედლის მიღმა ყოველგვარ ჩქამსა და ხმაურს. იქედან კი მაროიას ხროტინის, ბუტბუტის, ბურტყუნის ხმა მოისმოდა მხოლოდ და დროდადრო, როცა მაროია წამიერად ჩაცხრებ-მიჩუმდებოდა, იულიას მშვიდი, თანაბარი სუნთქვაც ესმოდა. ხანდახან მაროიას, ალბათ, კოშმარული სიზმრები არ აძლევდნენ ვასაქანს და მაშინ იყო სწორედ, რომ ასტეხდა კბილების ღრჭიალს, ბუტბუტს, ოხვრას, დასაკლავ საქონელივით ზმუილს და გაუთავებელ ბლუკუნს — ვინ იცის, იქნებ სიზმარში თავის მოხეტიალე ქმარს ებრძოდა მაროია?

ვიწრო, პატარა ფიცრულში თონესავით ცხელოდა. ერთადერთი, ერთი ციდა ფანჯარა მაინც და მაინც ვერაფერ შეღავათს იძლეოდა. ცხელოდა, სუნთქვა ჭირდა და იდგა ფუნის, შარდისა და წუნწუნის გაუსაძლისი სუნი. როდის-როდის, დიდი წრიალ-ტრიალის შემდეგ, მხოლოდ გამთენიისას ჩაეძინებოდა გიორგის, იძინებდა ჯანმრთელი, ახალგაზრდული, უშფოთველი ძილით. ალიონზე კი მაინც ეღვიძებოდა და ყველაზე ადრე დგებოდა თანდაყოლილი, დაუოკებელ-დაუძლეველი ინსტინქტის წყალობით..

ამასობაში მაროია და იულია თანდათანობით შეეჩვივნენ თავიანთ

ხვედრს. იულიას, — სიტყვაძვირსა და ჩაფიქრებულს, კაციშვილი ვერ მიუხვდებოდა, კმაყოფილი იყო თავისი ხვედრისა თუ არა, მაგრამ მაროია კი ნამდვილად გახარებული რომ იყო და უზომო კმაყოფილი, ამაში არც შეიძლებოდა რაიმე ეჭვის შეტანა. მაროია სამზადს შეეკედლა და მწედ და მშველელად მოეველინა გამოჩურჩულტებულ, გადაყრუებულ და კარგახანია ყავლაგასულ თებრონიას, რომელსაც ყველაფერი ავიწყდებოდა ამ ქვეყანაზე, საკუთარი არსებობაც კი.

უცნაური, ახირებული ქალი იყო თებრონია — გადაყრუებულსა და წელში კითხვისნიშანივით მოხრილ-მოკაკულს, გაძვალტყავებულსა და ჩამომხმარს, შავი, კოჭებამდე ჩაფრთხუნებული კაბა ნათხოვარივით აღგატანზე, შიშველი ფეხები ჯღარკებში წაყვარა, ქალბატონის ბოძებული ჭრელი თავსაფარი წაეკრა, მთელი დღე — ადრე დილიდან გვიან საღამომდე — სამზადში დაბაჩუნობდა და რაც კი შეეძლო, ევალეობდა თუ არ ევალეობდა, ყველაფერს აკეთებდა. მესხიერება კარგახანია დაკარგული ჰქონდა. ხშირად სად რას დადებდა, არ ახსოვდა და მერე საათობით ეძებდა იმ „გადასკვარამებულ“ ჭურჭელსა თუ საგანს. ცხვირწინ კი ედო და მაინც ვერ პოულობდა, ეძებდა, ბუტბუტებდა, ბურტყუნებდა თავისთვის რაღაც გაუგებარ, განცალკავებულ, აზრჩაუტანებელ ბგერებს და საკუთარ თავზე გაბრაზებული, გამეტებით იკვნეტდა ჩაშავებულ ტუჩებს. სანახევროდ ყრუ იყო და სიტყვაძუნწი თებრონია. ლაპარაკი თუ არა, მოსმენა უყვარდა ძალიან, ალბათ, ამის გამოც იყო, მაროიას რომ ჩინებულად შეეთვისა. მაროია ყველაფერს ასწრებდა — საქმესაც და ლაპარაკსაც. არც ხელს აჩერებდა და არც ენას. თებრონია უსმენდა, მაგრამ ხანდახან სანახევროდ აღწევდა მის სმენამდე მაროიას პირიდან გასროლილი, საფანტივით გადმოყრილი უსწრაფესი სიტყვები, არადა, ძალიან აინტერესებდა მოსმენა და მაშინ იყო, რომ საყვედურობდა: — რავა ჩურჩულებ, გოგო? არ შეიძლება ხმამაღლა თქვა პაწა?

მაროიას, აბა, რა შენიშვნა და გაფრთხილება სჭირდებოდა. თებრონიას შენიშვნაზე უმაღვე აუწევდა ხმას და სწორედ მაშინ იყო, მისი რატრატით შეწუხებული სარდიონი რომ დაავალებდა ახლო-მახლო მყოფს: — ერთი ის აშარი დედაკაცი ჩაჩუმეთ რამენაირად, თორემ აღარ შემიძლია მეტი და გადავირევი ნამდვილად!

მაროია, სარდიონის შიშით, მცირე ხანს კი დაუწევდა ხმას, მაგრამ მერე ისევ ჩართავდა. ასე გრძელდებოდა ყოველდღიურად და გაუთავებლად. სამზადში მთელი დღის განმავლობაში, ზამთარ-ზაფხულ ენთო ცეცხლი, მზადდებოდა საუზმე, სადილი და ვახშამი. სარდიონი ჭამის მოყვარული კაცი იყო და პირის გემოც გვარიანი ჰქონდა, წუწუკი და წუწურაქი ნადვილად არ იყო, ლუქმას არავის უთვლიდა და მეტი, აბა, რაღა უნდოდა მაროიას? საქმელ-სასმელი თავზე საყრელი ჰქონდა, ღამის გასათევი გააჩნდა და რაღას უნდა შეეწუხებინა ამის მეტი! საქმიანობდა მაროია — რეცხავდა, ხვეტავდა, ზელავდა, აცხობდა, არაკუნებდა ქვასანაყს და ენას — უყვებოდა თებრონიას ცის, ბარის, განაგონს, გადატანილს, მოსმენილს,

მართლსა თუ ბრუნდს, ყვებოდა თავის მოლალატე ქმარზე, გადაბუტულ სახლზე და ვინ იცის, რაზე არა კიდევ.

თებრონია უზომოდ მადლობელი იყო მაროიასი, რადგანაც მისმა გამოჩენამ რალაც სიახლე შეიტანა მის ერთფეროვან, მონოტონურ ცხოვრებაში, აქამდე თუ აღარავის ეცალა მასთან სალაპარაკოდ და საჭორაოდ და მთელი დღეები დამუნჯებულივით დუმდა, ახლა უკვე დამლაპარაკებელი ჰყავდა, გამართობი, სევდისა და წუხილის დამავიწყებელი.

თებრონია დიდხანია შეგუებული იყო თავის სავალალო ხვედრს და ყველაფერზე ხელჩაქნეული, ყველაფრისა და ყოველივეს მიმართ გულგრილი, მისდაუნებურად, მაშინაღურად მიუყვებოდა ცხოვრების ამ მონოტონურ, უინტერესო, ნელ და უდრტვინველ დინებას. ახლა მისთვის უკვე ყველაფერი სულერთი იყო და ოდნავადაც კი არ აინტერესებდა, თუ რა იქნებოდა მომავალში, შეიცვლებოდა რაიმე თუ არა მის ცხოვრებაში. იგი იმდენად იყო შეგუებული თავის სავალალო ხვედრს, ალბათ, ყოველგვარი ცვლილება, სულ მცირედი და მისთვის სასიკეთოც კი, შეაშფოთებდა და შეაშინებდა. ახლა იგი უკვე აღარ ფიქრობდა იმაზე, თუ რატომ იყო ამ ოჯახში შეკედლებული, რატომ არ იყო დაფასებული მისი სიკეთე, მადლი, გარჯა, შრომა, რატომ იყო შეუმჩნეველი არარსებულებით. ამაზე იგი მხოლოდ პირველ ხანებში, დიდხანს წინათ ფიქრობდა. მერე კი, ცხადია, არც ცდილობდა როგორმე თავი დაედწია ამ ყოველდღიური, თავომამებრებელი ერთფეროვნებისათვის და ეშველა საკუთარი თავისათვის. მაგრამ, კიდევაც რომ მოენდომებინა, ვინ იყო მშველელი, წაქეულის წამომყენებელი და შემკედლებელი? ვიღას სჭირდებოდა, ვიღას უნდოდა ახლა სიკვდილ-სიცოცხლის ზღვარზე მისული, ორიოდ პარასკევდარჩენილი დედაბერი? აღარავის, ცხადია! ანდა რალა შეკედლებაზე შეიძლება ლაპარაკი. ერთხელ სამადლოდ შეკედლებულს ხელმეორედ შეკედლება რალას უშველიდა?

მაგრამ, ცხადია, აღარც თებრონიასათვის იყო უცხო და ახალი ის ადამიანური სევდა — ყოვლისმომცველი და ყოვლისდამთრგუნველი, რომელიც დროთა განმავლობაში ყველას მოესტუმრება ხოლმე.

ერთ დროს ყველაფერი გააჩნდა თებრონიას, სხვებივით კმაყოფილი იყო თავისი ხვედრისა, კმაყოფილი იყო მთელი არსებით და არა ისე, მოჩვენებით, ნაძალადევად, როგორც ახლა, სარდიონთან შეკედლებული. მაშინ პირიქით, კმაყოფილიც კი იყო, მაგრამ არა ბედსშერიგებული, რადგან ბედს მხოლოდ მაშინ ურიგდება კაცი, როცა საბოლოოდ იქნევს ხელს უიმედობის ნიშნად და როცა ხედება უკვე, რომ ყველა გზა, ყველა ბილიკი მოჭრილი აქვს და აღარსადაა ხსნა და შველა. ვინ იცის, აბა, თუ რა იქნებოდა მაშინ, ადამიანის სწორედ ეს შეგუების, შეთვისების უნარი რომ არ ქონებოდა? მაშინ ხომ თებრონიაც ვერ შეეგუებოდა და გადაიტანდა იმას, ერთ დროს ოჯახი რომ ჰქონდა, სახლ-კარი, ქმარი ჰყავდა, შვილები, ახლა კი აღარაფერი...

იმ ბედნიერი წარსულიდან მხოლოდ ხსოვნა, გახსენება იყო შემორ-

ჩენილი და ეს ხსოვნაც, ეს გახსენებაც კი, დროთა განმავლობაში, თანდათანობით კარგავდა სიმძაფრეს, სიცხოველეს, პირველყოფილ განცდასა და სინედლეს, ნელ-ნელა, მოხუცის გონებასავით ჩლუნგდებოდა და ინთქმებოდა წარსულში.

სახადის სახით გამოცხადებულმა სიკვდილმა ქმარიც გამოაცალა ხელიდან, შეიღებიცა და ოჯახიც. მხოლოდ თებრონია დაინდო სიკვდილმა. მხოლოდ იმიტომ, ეცოცხლა, ძალღუმადღურად გაეთრია დარჩენილი დღეები, ეტანჯა და ედარდა. როცა იფიქრა, გადავიტანე და გამოვიგლოვეო, სწორედ მაშინ გამოეცხადებოდნენ სიზმარში ხან ქმარი, ხანაც შეიღები და იმ სიზმრებში უსაშველოდ, სინამდვილეზე უფრო მძაფრად და შემადრწუნებლად მეორდებოდა ყოველი.

თებრონია და მაროია ასე რომ შეეთვისენ ერთმანეთს, შეიძლება ეს იმითაც კი იყო გამოწვეული, რომ მათი ხასიათები ასე მკვეთრად რომ განსხვავდებოდნენ ერთმანეთისაგან.

თებრონიასთან ასე რომ იყო შეგუებული, სამაგიეროდ პელაგიას ვერ შეეთვისა მაროია. პელაგია ერთადერთი ქალი იყო ამ ოჯახში, რომელთანაც ხმის ამოღებას ვერ ბედავდა მაროია. მის დანახვაზე ისე გაციმციმდებოდა, ისე ჩაიგდებდა ენას მუცელში და დამუნჯდებოდა, ამ ქალს ცხოვრებაში არ დაულაპარაკებია ალბათო, იფიქრებდით მისი შემხედვარე.

პელაგიას გარკვეული, მყარი და მტკიცე ადგილი ეჭირა ოჯახში. იგი სარდიონის ძიძა იყო, მისი აღმზრდელი, სარდიონის მამის შორეული ნათესავი. ამ ოჯახში რომ მოიყვანეს, სრულიად ნორჩი იყო, ბავშვი. აქ გაიზარდა, აქ დაქალდა, ამ ოჯახს შეეთვისა და აქ ჩაბერდა კიდევ. პელაგიას მოსამსახურეების ზედამხედველობა ევალა. კი არ ევალა, თავად ივალდებულა ეს საქმე. საოცრად სისუფთავის მოყვარულს, თავად სუფთას, პეწენიკსა და აკურატულს, იშვიათად თუ მოსწონდა სხვისი ნასაქმებ-გაკეთებული. იგი განსაკუთრებით მაროიას უყურებდა ეჭვით, ათვალწუნებით და ზიზღითაც კი. ვინ იცის, რამდენჯერ უფეთა მაროიას ანგელოზები და პანიკური შიშით შეპყრობილი მაროია, როგორც კი მოკრავდა თვალს სამზადისისაკენ ჯოხის რიტმული კაკუნით მომავალ პელაგიას, მაშინვე გასწყვეტდა ხმას, მონდომებით შეუდგებოდა საქმეს და თანაც თებრონიას გაფრთხილებასაც ასწრებდა:

— გაჩერდი, გოვ, ხომ ხედავ მოდის მაგი სამიწე!

— რომელი სამიწე, გოგო? — დინჯად იკითხავდა თებრონია.

— სამიწე და გადასასკვარამებელი ვინაა, არ იცი შენ?.. პელაგია, გოვ,

პელაგია!

— მერე რა, რომ მოვა?

— გაჩერდი, ნუ ლაპარაკობ!

— მე გაჩერებული არ ვარ? შენ გაჩერდი, შენ!

პელაგია შევიდოდა სამზადისში, უსიტყვოდ, დაკვირვებული მზერით მიავლ-მოავლებდა ყველაფერს თვალს და რაიმე თუ არ მოეწონებოდა, მაშინვე მისცემდა შენიშვნას მაროიას.

სანამ პელაგია სამზადში იყო, მაროია ეკალზე მჯდომივით გრძნობდა თავს და ერთი სული ჰქონდა, როდის წაშავდებოდა იგი.

მაროიას თუ ათვალწუნებით უყურებდა, სამაგიეროდ იუღია უყვარდა პელაგიას, ძალიან ემადლიერებოდა მას და ძალიან მოსწონდა მისი ნამოქმედარი.

ამასობაში დრო თავისი გზით მიიკლაკნებოდა წინ, ერთმანეთს მისდევდნენ დღეები, კვირები და თვეები, ერთმანეთს ენაცვლებოდა გაზაფხული და ზაფხული, შემოდგომა და ზამთარი, დარი თუ ავდარი, სიცხე თუ სიცივე, მზე თუ წვიმა, ჩვეულებრივ ტრიალებდა, ბრუნავდა დედამიწა, ჩვეულებრივ ცხოვრობდნენ ადამიანები, იბადებოდნენ, კვდებოდნენ, იყო ქორწილი და ქელეხი, სიმღერა და ტირილი...

გიორგი და იუღია მხოლოდ საღამოობით თუ ხვდებოდნენ ერთმანეთს, მაშინ, როცა მთელი დღის ნამუშევარი, ოფლით გაჟღენთილი და გადაქანცული გიორგი სამუშაოდან შინ ბრუნდებოდა და ყველანი — სარდიონის მოსამსახურე თუ მოჯამაგირე, — სამზადში იყრიდა სავახშმოდ თავს. როცა იუღიას ხედავდა მის გვერდით, მხოლოდ მაშინ იყო სულიერად მოსვენებულ-დამშვიდებული გიორგი. მაშინ აღარც დაღლას გრძნობდა და არც არაფერს, ბოლო ხანებში, ეტყობოდა, აღარც იუღია იყო გულგრილი გიორგის მიმართ. ხანდახან, შეფარვითა და სხვების უჩუმრად ისე გააპარებდა მისკენ მზერას, ეტყობოდა, მასაც მოსწონდა იგი. ხანდახან, როცა მათი თვალეები ერთმანეთს შეხვდებოდნენ, აარიდებდა მზერას, დამორცხვებული დახრიდა თავს და ჩააჩერებოდა მიწას. ლაპარაკით კი ელაპარაკებოდნენ ერთმანეთს, მაგრამ მთავარ სალაპარაკოზე, იმ მთავარ სათქმელზე არცერთი არ იღებდა ხმას. ცხადია, როგორც მამაკაცს, ამ მხრივ გიორგის უნდა ეაქტიურა და უნდა ეცადა, მაგრამ ჭერ-ჭერობით ვერ ახერხებდა ამას. არც გაბედულება ჰყოფნიდა და არც ამისი გამოცდილება გააჩნდა, თორემ ის კარგად მოეხსენებოდა, უთქმელად, მუნჯურად რომ ვერ გააგებინებდა და აუხსნიდა სიყვარულს. თავისი მთავარი სათქმელის თქმას ყოველთვის აპირებდა გიორგი, წინა დღით რომ გადაწყვეტდა — რაც იქნება-იქნება, ხვალ აუცილებლად ვეტყვი და გავუმხელო, ეს ხვალეც რომ დადგებოდა, ხუხულასავით ეფუშებოდა მთელი გეგმები და მერე ისევ მეორე დღისათვის ხდებოდა ყოველივეს გადავადება. და ასე გრძელდებოდა კარგახანს...

იუღია უკვე აღარ იყო ისეთი, როგორიც პირველად იხილა გიორგიმ — ჩაბინძურებულ-ჩაზანგული, ჩამოკონკილი, ფეხშიშველა, ახლა მას უკვე ფეხზედაც ეცვა და ტანზედაც. მართალია, ქალბატონის ბოძებული კაბა ნათხოვარივით ადგა ტანზე და მასში ბარე ორი იუღიასნაირი ჩაეტეოდა, მაგრამ ეს ბევრს ვერაფერს ვნებდა იუღიას გარეგნობას...

სარდიონის მეუღლეს, მინადორას, არ უყვარდა იუღია, ათვალწუნებული ჰყავდა და აღმაცერად უცქეროდა. იუღია პირველ ხანებში ვერ ხვდებოდა ამ ათვალწუნების მიზეზს, ამას მხოლოდ მოგვიანებით მიხვდა...

ბოლო ხანებში იუღია ამჩნევდა, რომ სარდიონი სულ რაღაც, სხვა-

ნაირი ორაზროვანი მზერით შესცქეროდა, ამ მზერაში ვნებაც იყო, ნდობაც, დაუფლები პირუტყვიანი ჟინიცა და ყველაფერი ცოტ-ცოტა — ამაზრზენად ბინძური და პირუტყვიანი. მისი მზერა ნუსხავდა, ბოჭავდა იულისას, საქციელს უკარგავდა და არ აძლევდა გასაქანს.

რაც დრო გადიოდა, გიორგის უფრო და უფრო მეტ საფიქრალსა და სადარდელს უჩენდა იულია, უფრო და უფრო ეზრდებოდა მისდამი ლტოლვა, უფრო და უფრო იპყრობდა და ითავისთავადებდა ეს გოგო მის არსებას, მისდაუნებურად აიძულებდა ეფიქრა მასზე, ეოცნება, გაურკვევლობის ბურანში გახვეულიყო.

ხანდახან, მუშაობაში გართულს, ისე მოენატრებოდა იულია, ძლივს იკავებდა ცდუნებისაგან თავს, — მიეტოვებინა საქმე, გაქეულიყო იქ, სადაც იულია ეგულებოდა, მხოლოდ ერთხელ შეველო თვალი, ერთხელ შეეხედა მხოლოდ, მერე ისევ უკან გამობრუნებულიყო და განეგრძო თავისი საქმე. და იმდენად ძლიერი, იმდენად მძაფრი და ყოვლისმომცველი იყო ეს სურვილი, რომ ძლივს იკავებდა თავს ამ ცდუნებისაგან და რჩებოდა ადგილზე.

როცა ადამიანი მოცლილია და საქმისაგან თავისუფალი, სწორედ მაშინ იწყება ფიქრი და განსჯა, განმარტოება და ბჭობა საკუთარ თავთან. ბევრიც რომ მოესურვებინა, აბა, დღისით სად ეცალა იულისას საკუთარ თავთან სასაუბროდ? მისი წილხედომილი ყოველი დღე სხვისი იყო, სხვისთვის განკუთვნილი, სხვებზე მოხმარებული და ჩაღეული. მისი, მხოლოდ ღამე იყო, მხოლოდ ღამე იყო მის განკარგულებაში. ფიქრსა და ოცნებას გიორგიზე იგი მხოლოდ მაშინ იწყებდა, როცა ღამით მაროიასთან ერთად შეაკეტავდა სადგომის ფიცრულ კარს და მარტოდ დარჩებოდა სიბნელისა და საკუთარი თავის წინაშე. მთელი დღის განმავლობაში ენა და სხეულ გადაღლილი მაროია ძლივს ასწრებდა ლოგინთან მისვლას, გადაიძრობდა გაზინთულ, მწუბვარე, ოფლით გაჟღენთილ კაბას, მიეგდებოდა საწოლზე და მაშინვე საღათას ძილს დაეუფლებოდა. მერე მთელი ღამის განმავლობაში ხერხავდა მისი ხვრინვა სიბნელესა და ღამისეულ სიჩუმეს.

როცა მაროია უკვე ღრმა ძილით ეძინა, იულია მხოლოდ მაშინ შეუდგებოდა დასაწოლად მზადებას. თუმცა რაღა ამდენი მომზადება სჭირდებოდა ერთი სიფრიფანა კაბის გახდას, მაგრამ იულია რატომღაც არ ჩქარობდა და ისეთი სიზანტით, ისეთი გაუბედაობით აკეთებდა ამას, თითქოსდა თავის ცხოვრებაში პირველად იხდიდა კაბას. ანდა კიდევ, პირველად შიშვლდებოდა სრულიად უცხო, ეს-ესაა გაცნობილი მამაკაცის წინაშე და იმაზე ჭოჭმანებდა, დანებებოდა თუ არა. ორივე ხელს კაბის კალთას ჩაავლებდა, ამოიკალთავებდა და კარგა ხანს იდგა ასე სიბნელეში რომელიღაც კუთხესა თუ წერტილს მიჩერებული; იღუმალად გასუსულ-მიჩუმათებული და უსმენდა თუ აკვირდებოდა რაღაცას — იღუმალს, დაუნახავს, არარსებულს, მხოლოდ მის წარმოსახვაში არსებულს. რატომღაც ასე ეგონა, როგორც კი კაბას გაიხდიდა და ღამის დედიშობილა დარჩებოდა სიბნელეში, თითქოსდა სწორედ ამ მომენტის შემხედვარე და მომლოდინე,

ნადირივით ჩასაფრებული გიორგი მუშტის ერთი, ძალუმი დარტყმით განგრევედა ამ თხელ კედელს, ხელის ცეცებით მოსძებნიდა ლოგინთან აწურულ იულიას, დაავლებდა ხელს და წაალალებდა თავის ბუნაგში. ამ შიშის პარალელურად, ქვეცნობიერად, იმასაც კი ხვდებოდა იულია, რომ სისულელე იყო ამაზე შიში და ამისი გაფიქრებაც კი. გიორგი ისეთი ვინმე როდი იყო, ეს რომ ეკადრა, გაებედა, მოეხერხებინა, მოეფიქრებინა და თუნდაც გულშიაც კი გაეველო ასეთი რამე.

როდის-როდის გაიხდიდა კაბას იულია, გუმანით ჩამოკიდებდა კედელზე მიჭედნილ ჟანგიან ლურსმანზე, მაშინვე ჩაწვებოდა ლოგინში, მიიკუნჭებოდა კუთხეში, წაიხურავდა თავზე ვინ იცის ვის ნახურავ, რისი, რანაირი სუნით გაჟღენთილ საბანს და მერე კარგახანს სუნთქავდა საშინელ ხიფათსგადარჩენილივით აჩქარებულად და არათანაბრად. ასე ეგონა, იქეთ, ამ თხელი კედლის მიღმა, რატომღაც დაყურადებული გიორგის მისხალ-მისხალ ესმოდა ყველაფერი და ამიტომაც იყო ასე რომ ცდილობდა იულია როგორმე არ ეხმაურა და ისევ მომზადებულიყო ძილისათვის — უხმაუროდ, საფუძვლიანად, ჩქამის გაულებლად. ამ ცდილობასა და ჩალიჩში რომ იყო, ვერც კი ამჩნევდა, ისე მოეპარებოდა მთელი დღის ნაჯაფარს ძილი...

ღმერთმა თუ ეშმაკმა მართლაც იმ წყალმოწყურებულ ძერასავით დასწყევლა მაროია, არც ძილში, არც სიფხიზლეში არ ჰქონდა მოსვენება. ხომ ძნელი წარმოსადგენი იყო მისი ხვრინვა-ხროტინში გაძლება, მაგრამ იულია კარგახანია მიჩვეული იყო ასეთ ხამურში ძილს. ერთს რომ ჩაიძინებდა, მერე დილაამდე გაუნძრევლად ეძინა და აღარაფერი აშფოთებდა მის ტბილ, თანაბარსა და წყნარ ფშვინვას. თვალებს მაშინ გამოახელდა, როცა დილის რიჟრაჟი შემოაჰყვებოდა ერთადერთი, მუშტისხელა, გამურული სარკმელიდან და შეებრძოლებოდა ოთახში დაგუბებულ სიბნელეს. გამოღვიძებისთანავე მაროიას გადახედავდა, რომელიც პირაღმა გართხმულიყო ლოგინზე.

რამდენიმე წამს დასცქეროდა მძინარეს უკმაყოფილო, შუბლ-შეჭმუხვნილი, მერე დაურიდებლად წაჰკრავდა ზურგში ქიმუნჯს, ნაკლულ გუდასავით შეაჯანჯლარებდა, ცდილობდა როგორმე ამნაირად ჩაედგა სული მისთვის, გამოეყვანა საღათას ძილისაგან და გამოეფხიზლებინა.

მაროია როდის-როდის მოდიოდა გონს, ჯერ ხროტინს შეწყვეტდა, ცალ თვალს გამოახელდა, მერე კიდევ მეორეს და უაზროდ იკითხავდა შემცბარი:

— რა ამბავია, გოვ, ცეცხლი ხომ არ გაგჩენია? ხომ არ ვიწობით, გოვ?

— ცეცხლი კი არა... გაიღვიძე, ქალო, ხომ ხედავ, გათენდა უკვე!

— ჯერ რა დროის გათენებაა, გოვ? — კვირობდა მაროია, უსაშველო მთქნარებით გადაბრუნდებოდა გვერდზე და თითქოსდა, პირაღმა ვერ დაინახავდა, ახლა ასე გვერდულად გახედავდა ფანჯარას იმის დასადგენად, ეს გასაცვეთი გოგო მატყუებს თუ მართლა ნამდვილად გათენდაო.

იულია ადგებოდა, წაუყრიდა შიშველ ფეხებს ჯღარკებში, ჩამოიღებდა ლურსმანზე ჩამოკიდებულ კაბას, გადაიცვამდა, გამოალებდა ჭრიალა კარს და გავიდა გარეთ, რათა პირი დაეხანა, მთელ დღეს ჯარასავით სატრიალებლად რაც კი შეიძლება საფუძვლიანად მომზადებულიყო. სანამ მაროია ასადგომად განეწყობოდა, ძილით გაბურსალებული საბოლოოდ დაუბრუნდებოდა სააქაოს, სანამ მოქნარება-მოქნარებითა და კრუსუნ-კრუსუნით, უკმაყოფილო ბუტბუტ-ბურტყუნით წაილახუნდებოდა სამზადისაკენ, იულიას ერთი პირი საქმე უკვე გაკეთებული ჰქონდა და ის-ის იყო მეორეს იწყებდა უკვე.

ასე მეორდებოდა ყოველთვის, ყოველ დილით და ვედარაფერი ვერ ცვლიდა ამ ჩვევად ქცეულ, ერთხელ დაკანონებულ ზოზინა მონოტონურობას.

გიორგიმ დატვირთული ურემი დაცალა, ხარები დააბინავა, თავად კი დაღლილ-დაქანცული სამზადის წინ ჩამოჯდა ჯორკოზე, თამბაქო გახვია და გააბოლა. იჯდა დაღლილი, ისვენებდა, ეწეოდა, დროდადრო ჩითის ჭრელი ნაჭრით (რომელიც ცხვირსახოცისა და ხელსახოცის მოვალეობას ასრულებდა ერთდროულად) იწმენდდა შუბლზე დაცვარულ ოფლს და მისდაუნებურად ყურს უგდებდა სამზადისიდან გამოსულ ხმებს...

მაროიას მკლავები დაეკარწახებინა, კარის მახლობლად ჩაცუცქულიყო და ნაცრით ხეხავდა ვეება, ჭვარტლით გამურულ ქვებს. ხელებსაც და ენასაც მარჯვედ ატრიალებდა.

მაროიამ წამით პაუზა გააკეთა და მერე იკითხა:

— წაბრძანდა, აბა, ქალბატონი?

— რომელი ქალბატონი, გოგო? — ვერ მიუხვდა თებრონია.

— ქალბატონი რომელი გვყავს ჩვენ? მინადორა, გოვ, მინადორა!

— ჰოო! მერე? სად წავიდა?

— მშობლებთან მივალო, უთქვამს. დოუვლია ხელი ბაღნებიზა და ქე წაუყვანია. არ ჩამოვა კაი ხანს ალბათ და ქე დავისვენებთ გემოზე მე და შენ...სარდიონი რატომ არ წაყვა ნეტა?

— როდის იყო მაგენი ერთად დადიოდნენ? არ უყვართ მაგინებს ერთმანეთი. ძულან ერთმანეთი და ჩხუბობენ სულ.

— რას ჩივი, გოვ? ცოლ-ქმარს ერთმანეთი არ უყვარდეს, პირველად გვევიგონე მე.

— ჰი, ჰი! — უგემურად, ჩიფჩიფით გაიცინა თებრონიამ, — პირველადო, რომ იძახი, შენი ამბავი დაგავიწყდა მაგერ?

— რა ჩემი ამბავი, გოვ?

— რა ამბავი და... მაგ შენს ქმარს ნამეტანი უყვარდი და იმიტომ მიგატია?

მაროიას არაფერი უთქვამს, ერთი კი შეცბა და თითქოსდა არ გამიგონიაო, ისე წაუყრუა. თავი ანება ქვების ხეხვას. იდაყვამდე მჭვარტლითა და ნაცრით გამურული გავიდა გარეთ და გიორგი რომ დაინახა, ჰკითხა: — მოი შენ ბიჭო, უკვე?

— რავარც ხედავ... — წარმოთქვა უგემურად, დაღლილსა და სიციხისაგან შეწუხებულს აღარ ჰქონდა მასთან ლაპარაკის თავი.

— დაილაღე ხომ? — თანაგრძნობით მიაჩერდა მაროია, — დაიღლებოდი აბა არა? მეც ქე დევილაღე გვარიანად, მთელი დღეა, ამ გამურულ ქვაბებს ვხეხავ აგერ... ჰო, ხაჭაპური არ გინდა? — შესთავაზა მოულოდნელად.

— ხაჭაპური? — გაუკვირდა გიორგის. — მინდა მარა... სადაა მერე?

— მოგცემ, თუ გინდა! — მაროია სამზადში შებრუნდა და მალე კეცზე გამომცხვარი ხაჭაპურის ნახევარი გამოუტანა: — ჭამე, შე გაჭირვებულო, ჭამე! ქალბატონი წაშავდა, დრო ვიხელთეთ მე და თებრონიამ, გამოვაცხვეთ ჩვენთვის და შენც გამოგინაწილე აგერ.

სანამ გიორგი მადიანად ილუკმებოდა, წელზე დოინჯშემოდგმული მაროია თავზე ადგა და მომლოდინედ შესცქეროდა თვალებში.

— ხომ იყო კაი? — ჰკითხა, როცა გიორგიმ ყველის უკანასკნელი ნამცეცი გადაყლაპა.

— კაი იყო, აბა არა?! — მიუგო გიორგიმ და მერე, თითქოსდა, ახლა გაახსენდაო, დასძინა: — ჰო, იულია სად არის?

— ჩემს გოგოს რაიზა კითხულობ ბიჭო, შენ? — განგებისად ცულ-ლუტურად გაიმეორა მაროიამ.

— ისე ვიკითხე, რაეა, არ შეიძლება? — აირია და სახეზე წამოწითლდა გიორგი.

— რაეა არ შეიძლება, მარა... ოდას ალაგებს, ალბათ...

სწორედ ამ დროს სამზადისაკენ მომავალ პელაგიას მოჰკრა თვალი, მაშინვე გაჩუმდა, დამნაშავესავით ჩამოუშვა ხელები და ჩაილაპარაკა: — მიწა დავაყარე თავზე! რა უნდა, ნეტა, მაგ სასიკვდილეს?

პელაგია დინჯად, ჯოხის კაკუნით მიუახლოვდა მათ, ჯერ გიორგის გადახედა, გაუღიმა და იკითხა: — ისვენებ, შვილო? დაისვენე, დაისვენე! შენ რომ მუშაობ...

— კი, კი, ბევრს მუშაობს მაგი, ბევრს! — მისებურად ჩაერია საუბარში მაროია, მაგრამ პელაგიამ ისეთი თვალებით შეხედა, მაშინვე გაწყვიტა ხმა, შემცბარმა მოკუმა ტუჩები და ყოველი შემთხვევისათვის, აქაოდა, მარცხი არ მომივიდესო და შემთხვევით არაფერი წამომცდესო, ხელისგულიც მიიფარა პირზე.

პელაგია მიაჩერდა მაროიას. უცქირა, უცქირა და მერე უთხრა:

— ეი, შენ, ქალო! ამდენი ხანია მინდოდა მეთქვა შენთვის და გადამცილდა გულზე...

— რა გადაგცილდა, გოვ? — ველარ მოითმინა მაროიამ.

— მინდოდა მეკითხა შენთვის... შენი ქმარი რატომ წავიდა სახლიდან?

— მერე გეკითხა, გოვ! ვერ გეტყვოდი თუ რაი? რაიზა წავიდა და ოხერი და უბედურის ერთი რომ იყო, იმიზა!

პელაგიამ ტუჩები მოკუმა და თავი ჯიუტად გააქნია უარყოფის ნიშ-

ნად: — არა, მაროია, არა! შენი ქმარი ოხერი კი არ იქნებოდა, შენ რომ ვერ გაგიძლო, იმიტომ წავიდა!

— შეხედე, შენ?! — გაუკვირდა მაროიას, — რავა, ჩემი ქმრის ამბავი ჩემზე უკეთ იცი შენ? — წელზე დოინჯი შემოიდგა და ურცხვად შეაჩერდა თვალებში: — რავა, მე რა მჭირდა გასაძლები, გოვ? რა გოუძლებელი და ოუტანელი მე მნახე?

— ვერ მიხვდი, ხომ? — ამრეზილად მოკუმულ ტუჩებზე დამცინავი ღიმილი აღებეჭდა პელაგიას, — ბინძური რომ ხარ, ტალახში ამოგვანგლული ღორს რომ გავხარ და ისე ქოთხარ, კაცი შვილი რომ ვერ მოგეკარება სათოფეზე... კაბას ვერ გაირეცხავ, წყალს ვერ გააცხელებ და ვერ დაიბან ერთს? შენი გაკეთებული საქმელი პირში თუ ჩაიშვება, ქალო? — თავი გააქნია, შებრუნდა და ჯოხის კაკუნით გაშორდა.

მაროიამ კარგახანს ველარ ამოიღო ხმა. იდგა ლენჩივით პირდაღებულ და გაოგნებული-გამოშტერებული უცქეროდა მიმავალ პელაგიას. მერე კი, როცა იგი თვალს მიეფარა, თავისებურად აჭუჯლურდა: — რას გადამეკიდა აი ძუნკალი ქალი, ნეტაი, გასაქანს რომ არ მაძლებს და სულ მჭამს და მკბენს? გვიგონე შენ, რა მაკადრა, ახლა? ბინძურიო! ბინძური არ უნახია მაგას. მითხარი ერთი, ვარ მე ბინძური? — მიუბრუნდა გიორგის.

— რა ვიცი მე ხარ თუ არა ხარ? — ჩაილაპარაკა გიორგიმ და მცირე პაუზის შემდეგ დასძინა: — პელაგია კი ქალია, კაი!

— კაიო?! — შეიცხადა მაროიამ, — იმდენი მაგას გადოუშენდა პატრონი, რავარც კია გადაშენებული და მოსანტალეებული. მაგი ვნახე ერთ დღეს კუბოში გაწვართული და გულზე ხელებდაწყობილი. არ მომშალა ნერვებზე და არ გამიცია აი სიმწრით გამომცხვარი ხაჭაპური? — შებრუნდა და სამზადში დღურთა თავი.

გიორგის კიდევ ესმოდა სამზადიდან მისი უკმაყოფილო ჯუჯლური. მერე ადგა და ის-ის იყო, უნდა გაშორებოდა იქაურობას, რომ მოულოდნელად ვიღაცის გულამოსკვნილი ქვითინი ჩაესმა. ასე ვინ ტირისო, ამის გასაგებად შეჩერდა და მიმოიხედა. დაინახა, იულიას ხელისგულები აეფარებინა სახეზე, რაღაცნაირად მოდუნებულ-მოშვებულად, ზანტად და ზოზინით, სვენებ-სვენებით ჩამოდიოდა კიბეზე და გულსაკლავად ქვითინებდა.

გიორგი გაოგნდა, ტანში უსიამოდ გასცრა, იულიასადმი თანაგრძნობით აღივსო, მაგრამ რა უნდა ექნა, ის კი ველარ მოახერხა, ველარ დაიძრა ადგილიდან, იდგა და შესცქეროდა კიბეზე დუნედ ჩამომავალს. იგი პირველად ხედავდა იულიას ასეთ მდგომარეობაში, ასე მტირალს, ასე მოშვებულსა და საცოდავს. გიორგიმ არ იცოდა, რა ეფექრა, რა ევარაუდა, ვისთვის და რისთვის დაებრალეებინა მისი ასეთ დღეში ჩავარდნა, ვინ იყო თავი და თავი მიზეზი, ეს ვერ გაეგო.

ამასობაში იულიამ ქვითინ-ქვითინით ჩამოათავა კიბე და სამზადისაკენ წალასლასდა...

სწორედ ამ დროს მაროია გამოვიდა სამზადიდან. გამურულ ხელში ხაჭაპურის ნაჭერი ეჭირა, პირიც გამოტენილი ჰქონდა და მოშვებულივით

იღმურძლებოდა. შეხედა მაროიამ იულიას და ლუკმა გაუშეშდა პირში. კარგახანს იდგა პირდაღებული და შესცქეროდა იულიას. ბოლოს, ეტყობოდა, რაღაც იაზრა, რაღაცას ჩაწვდა და ყბა ისე მოექცა, კივილს რომ დააპირებს ქალი. მაგრამ მაშინვე მოეგო გონს, აღარ უკივლია, თავისუფალი ხელი მიიფარა მაგრად მოკუმულ პირზე და კივილის მაგიერ რაღაც ხავილისმაგვარი ხმაური მაინც დაცდა. სწორედ ეს ხავილი ჩაწვდა აზლუქუნებული იულიას სმენას, სახეზე აფარებული ხელისგულები ნელ-ნელა ჩამოაცოცა დაბლა და მწუხარებით გათანგულმა, სველი, ნამტირალევი თვალები მოაპყრო მაროიას.

— რა დაგემართა, გოვ? — როგორც იქნა პირში გაშეშებული ლუკმა გადაყლაპა მაროიამ, ენა მოაბრუნა და იკითხა მისთვის უჩვეულო, აკანკალებული და ჩავარდნილი ხმით.

მის შეკეთებაზე ხელმეორედ წასკდა ქვითინი იულიას, ძალაგამოღებულივით, ტორტმანით მიეყრდნო მაროიას და ზლუქუნ-ზლუქუნით, დანაწევრებულად და ნაწყვეტ-ნაწყვეტად ამოილაპარაკა: — იმან... სარდიონმა... არაა ჩემი ბრალი...

— უიმე! — დასცდა ხმამაღლა ამის მოსმენით განადგურებულ და მეხდაცემულ მაროას. მაგრამ ამჯერადაც შეიკავა თავი და ჩუმი, მოგუდული სისინით, გამაფრთხილებლად და მრავალმნიშვნელოვნად უთხრა: — ჩუმად, შე სასიკვდილე, ჩუმად! — ცალი თვალი გააპარა მოშორებით მდგარი გიორგისაკენ და კიდევ უფრო დაუწია ხმას: — რეიზა გამიჩნდი შე სასიკვდილე და დასამიწებლო, რეიზა? რატომ მუცელში არ გამიწყალდი. მომჭერი თავი და გამომაჭენე შარახე, ხომ? ორივეს დაგაყარე მიწა, ორივეს! რა გეშველება შენ აწი? მიწა რომ გეითხარო ფულუსავით და რომ ჩაძვრე შიგ, იგი გირჩენოდეს. რა გიყო მე აწი? რაფერ გიწამლო და რაფერ მოგიარო? შენს სირცხვილს და თავის მოჭრას ასე ხმამაღლა რომ ჩივი, ასე შეიძლება, შე ბენტერა? — ერთხელ კიდევ გააპარა მზერა ერთ ადგილზე ბოძივით დარჭობილ, მათკენ მაცქერალ გიორგისაკენ და ყასიდი ხმის აწევით, ყალბი კაპასითა და დატუქსევით განაგრძო: — ისთე ბლეჯელებდი, ქე გადამიტრიალდა გული შე სასიკვდილე, ქე მომკალი და რაღაი ახლა? ფარცავი არ მეგონა რაცხა? ვინცხა სხვანაირად იფიქრებს და ხომ მოგვეჭრა თავი, გოვ? რატომ არ დაუჯერე ბატონს? რატომ გაალანძღვინე თავი? იყავი ალბათ გასალანძღავი და ქე გაგლანძღა და ამიზა ფლიკვინებ ამხელა ქალი, გოვ?

იულიას ეგონა, დედაჩემი ნამდვილად ვერ მიხვდა, თუ რა უბედურებაა ჩემს თავზეო, ცრემლით სავსე თვალები მიაპყრო და უთხრა: — შენ რა იცი, მე რაცა მჭირს, დედა!

— ვიცი, შე მიწადასაყრელო, აბა, არ ვიცი?! — ჩაისისინა მაროიამ, გიორგის ნამალევად, გამეტებით უჩქმიტა მკლავზე და დასძინა: — წაი ახლა, დეებანე პირი და კრინტი არ დაძრა არსად, კრინტი!

იულიას არაფერი უთქვამს, ერთი შეხედა მაროიას, ჩაქინდრა მერე თავი, შებრუნდა და წავიდა ნელ-ნელა, მოზოზინე, თავჩაქინდრული და მიწას დაჩერებული.

მაროია ერთხანს იდგა და გასცქეროდა მიმავალს, მერე კი როცა უკვე თვალს მიეფარა, ნელა დაიძრა ადგილიდან, მიუახლოვდა გიორგის და თითქოსდა სხვათაშორისოდ უთხრა: — არ გოულანძღავს, ბიჭო, ჩვენს ბატონს ჩემი გოგო?

— გოულანძღავსო?! — გაიკვირვა გიორგიმ, — რატომ ვითომ? დო-ურტყამს თუ?

— არა, დარტყმით არა, მარა ისე, სიტყვით გოულანძღავს!

— ამიტომ ტოროდა ასე? — იკითხა გიორგიმ გულუბრყვილოდ, ყოველგვარი ორაზროვნების გარეშე.

— აბა, მეტი რაიზა იტირებდა ვითომ? — მიუვო მაროიამ, მიატოვა ერთ ადგილზე გახევებული გიორგი და სამზადში დურთა თავი.

— რა ატირებდა შენს გოგოს, ქალო? — შესვლისთანავე ჰკითხა თებრონიამ და ისე მიაჩერდა თვალებში, მაროია დაიბნა, თვალი ველარ გაუსწორა, აარიდა მზერა, საქციელწამხდარი და დაბნეული აბლუკუნდა:

— ვერაფერს ვერ ვხედავ, არაფერი არ მეყურებაო, რომ ჩიოდი, მაგი რაფერ გვიგონე და დეინახე, გოვ?

— დეეინახე, გვიგონე და მომკალი ახლა! ისე ზლუქუნებდა, მაშინათვე მივხვდი, კაი ამბავი არ იყო მაგის თავზე...

— კი, კი, აბა! უჯინებია სარდიონს, კინალამ დოურტყამს! — თვალ-თმაქცურად, თვალების ბრეცით შეაწყვეტინა მაროიამ.

— კინალამ დოურტყამს, ხომ?! — დამცინავად, ბებრული ხრიწინით აჭირქილდა თებრონია და ცახოცის კილით მოიწმინდა ჩაბჟუტულ თვალებზე მომდგარი კურცხალი, — დარტყმა რათ უნდოდა, შე ქალო? მეეფე-ტ ბოდა პატარას და... მინადორა არ ბრძანდება სახლში და ნახა მომენტი სარდიონმა...

— კაი ერთი, გოვ, რას ბჟუტურობ თუ იცი შენ? აბა რაფერ ახლა, მეეფერა და იმიზა იტირა?

— ჰი-ჰიი! — აჭირქილდა თებრონია, — გააჩნია, რაფერ მიეფერა! მე რას მიმაღავ, ქალო?

რაკი დარწმუნდა, თებრონიამ ყველაფერი იცის და მასთან დაფარვას აზრი არა აქვსო, სამულდამოდ გასცა თავი მაროიამ, ახლოს მიუჩოჩდა თებრონიას, შეთქმულივით მიმოიხედა და ხმის დაწვევით, ისე რომ თებრონიას გაეგონა და სხვებს არა, განაგრძო:

— რა მეშველება აწი მე? აგი მინდოდა ახლა მე? აგი ჰირდებოდა ჩემს გაჭირვებულ საქმეს? გაჭირვებულს ქვაი წამეეწია აღმართშიო, ისეა ჩემი საქმე, სწორედ!..

— ვიცი, ვიცი! — თანაგრძნობით შეხედა თებრონიამ, საქმეს თავი ანება, ჩამოჯდა ჯორკოზე და განაგრძო: — ახლა უნდა მაგ შენს გოგოს შველა და პატრონობა, ახლა! რამ გაგაჩიჩინა, ქალო?! მისმენ თუ არა?

— სმენით რაუა არ გისმენ, მარა რა გავაკეთო, რომ არ ვიცი? — გამოერკვა მაროია.

— მე ვიცი სამაგიეროდ! უნდა გავათხოვოთ მაი გოგო!

- მაროიამ ურწმუნოდ გააქნია თავი და იმედგადაწურულივით იკითხა:
- ვინ წაიყვანს აწი მაგას?
- შენ ნუ გეშინია, წაიყვანს!..
- ვინა, გოვ? — მთელი დაინტერესება, გაგების ნდომა და სურვილი თვალებში ჩაუდგა მაროიას, — მითხარი ჩქარა, ნუ ამომაშპე სული, ვინაა მაგფერი?
- ვინა და გიორგი არაა აგერ?
- გიორგი?! — ტუჩები მოკუმბა მაროიამ და მრავალმნიშვნელოვნად გაჩუმდა.
- რას გაჩუმებულხარ, ქალო? მიკვირს პირდაპირ, რავა, წუნობ, თუ? რავა აბა, თავადიშვილი მეიყვანს მაგ შენს ჩამოკონოკილ და გაბახებულ გოგოს, თუ რაა ვითომ?
- გაჩუმდი ერთი! არ უნდა ახლა მაგას ბევრი ფიქრი, უყვარს შენი გოგო მაგას და მეიყვანს ნამდვილად. რას იტყვი შენ, გინდა?
- მაროიას მალევე გადაეყარა გულზე დარდი და რამდენიმე წუთის შემდეგ ჩვეულებრივად, მხიარულად აქაქანდა.
- თებრონიამ უცქირა, უცქირა და მერე დაუფარავი საყვედურით უთხრა: — ეხ, ნეტავი შენი გული და ხასიათი მომცა, ქალო! გულთან არაფერი არ მიგაქვს ახლოს და ასეთი უდარდელი რომ ხარ!
- რა ვქნა აბა, გოვ? — გაიკვირვა მაროიამ — ყოლიფერზე თუ თავი მევიკალი, ყოლიფერზე თუ ვიდარდე და გვეიხეთქე გული, რაფერ უნდა ვიცხოვრო ისე?
- თებრონიამ უცქირა, უცქირა და მერე ტუჩებში გამოსცრა: — მართლაც, — ჩაფიქრდა და კარგახნის მერე, სახედანაღვლიანებულმა და დამწუხრებულმა, თითქოსდა აბეზარ ბუზებს იგერიებდსო, მკვეთრად დააქნია თავი და გაიმეორა: — მართლაც, მაროია, მართლაც!



ნინო საბაიუვილი

მოზონეაბი ოძროს ტაზაზი

კორეკების ყრუ გარემოცვაში ტროტუარზე ყვითელი ვაშლები ეყარა. იქ იყვნენ მიუხაფარი და მოწყვნილი ადამიანები, უსასური სევდით და დილაობით მზეზე საუბრებით... მასხენდებოდა შავი თუთები, მტკვრის პირას, წყალსაცავთან რომ იდგნენ დიდი ხნის წინათ. ჩვენ ვერ ვხედავდით როგორ ეხვეოდა ქალაქი მშურვალე ჰაერში საკუთარი უცხო სხეულით, მასხენდებოდა: ორი კორპუსი 8ა ან 48 2ა ქალაქში, რომელსაც მერე რატომდაც ჩვენი ქალაქი დაერქვა. ისევ ოქროსფერ დიდ ქვებს ატარებდნენ, ეცვათ თავვისფერი ძველი ჯინსები და ხშირად იმეორებდნენ ნაცნობ სიტყვებსა თუ ნაცნობ გრძნობებს. ქალაქში იმართებოდა გამოფენები და თეატრალური პრემიერები დიდ და შავ ყუთში, რომელსაც მარგო კორობლიოვას პერფომანსის თეატრი ერქვა. აქ ბევრმა ვერაფერი გაიგო და მთვარეში არეკლილი საკუთარი ფანჯრის მინების მიღმა განაპირდა. ისინი უმწეო და მწუხარე ადამიანები იყვნენ და დამით ერთმანეთის ჩრდილების ეშინოდათ. მერე ძილშიც კი დიდხანს ვიხსენებდი პატარა ოთახს, სადაც კიბის ქვეშ ფანარი ეკიდა, ფანარზე წითელი გემები ესატა... ოდნავ გამოდებული კარიდან ვხედავდი, რომ ტროტუარზე დაყრილ ყვითელ ვაშლებს ბავშვები უზმალურად აგროვებდნენ, მათ აგონდებოდათ უმართავი ნოსტალგიით შორეული, მაგრამ მშობლიური ზღვისპირეთი, ბავშვები სანატორიუმის ეზოში, მაღალი მთების გარემოცვაში იდგნენ, მერე მათი მრგვალი თვალები მშვიდი და უფერო მწუხარებით გაიჟდინთა... არც მე ვიცოდი რატომ მოვედი აქ ამ ვაშლებთან, ბავშვების სევდასთან... იმ პატარა ოთახის შემდეგ, სადაც იყო ძილი, დიდი, თბილი და უსასურლო პატარა ფანარზე მიხატული გემების წიაღში.

აქ მინის ყუთში ასვენია ყველა
სიცხადე, —

ღამისკენ სვლაში უფერული და ვერგათილილი,
(და ეს ქალაქი საკუთარი უცხო სხეულით).
ფანჯრის მინებზე შერჩენილი ჭუჭყის
ლაქებით, ბრძებით,
ხედებით, მათხოვრებით, შუქნიშნებით
და წითელი მცენარეებით,
ყველა დაგვიტოვებს სასოწარმყვეთ და

უსასურ ერთფეროვნებას,
როგორც უამრავ პირობითობას
და პერიც ისე ახლოა...
გეტყვიდ მხოლოდ:
მეშინია ახლა სახლები,
სადაც კარები იკეტება დღისით და ღამით,
და ბავშვებით ვტოვებ ჩვენს სიტყვებს, —
ფრენაგაყინულ პეპლებს ვტოვებ უხეშ
ქსოვალზე.



აქ მინის ქუთში ასვენია ყველა სიცხადე —
 ნიკარგოში,
 ჩამქრალი ცეცხლის ზედაპირზე,
 ტილოზე,
 სადაც სიკვდილის ნაცვლად გადაფარე ერთი
 სასთელი.

გეტყოდი მხოლოდ:
 გავეპაროთ მოზეიმე პირობითობებს,
 შემოვსახდვროთ ერთი ადგილი,
 ერთი სივრცე შემოვსახდვროთ
 თეთრი კუნჭებით.
 მერე ვისწავლით როგორ უნდა
 ავიდგათ ფეხი.
 და შწირ სივრცეში ფრინველების
 გადაფრენას
 შევაფლით თვალი...
 შევთხზათ ზღაპარი,
 იქნებ მითიც,
 იქნებ სიზმარი,
 სადაც ყოველ კადრს გადაფარავს ნისლის
 ფარდები.
 (მექარავენთა წინამძღოლი, ბრმა და ეული
 დაკეშილ კალთებს შეაშველებს ზეცის
 წყალობას)
 მდინარეების შენაკადებს ვაჩუქოთ
 სისხლი,
 რომ წითელი გათენდეს დილა.
 ეს პათეტიკა, სალონური ცივი ფრაზები,
 ეს პიჯაკი,
 ეს ღლოკოცინა გამოსული თავის ბუდიდან,
 ეს მასიური სამოსელი,
 ეს პეპლები გაყინულნი უხეშ ქსოვილზე,
 ეს მაკეტები და წითელი მცენარეები
 (მდინარეებში რომ ჩაიკარგა გარდასახვის
 განწირულებით)

გეტყოდი მხოლოდ:
 სივრცის ტრამპლზე ჭუჭყის გროვიდან
 თუ გამჭურული საკვამურების გაღანდული
 რეალობიდან
 ნახანძრალ სახლებს
 შავ ჩონჩხებზე დაეკარგებათ ჯარისკაცების
 რუხი მზერა.
 გაისხენებენ ბავშვობის ზღაპარს,
 დაბალ ხმაზე ისაუბრებ
 და იტყვი ერთი შემთხვევითობის შესახებ,
 მარტივად იტყვი:

ამბავი N 1 საპაპრო ბუმბუკი

ეს იყო ორი საპაპრო ბუმბუკი
 რომელთაც სახელები აჩუქეს
 და სახეზე, მარჯვნივ და მარცხნივ

ორი თვალი მიახატეს...
 ეს იყო ორი საპაპრო ბუმბუკი
 ერთი ცისფერი და ერთიც ნაცრისფერი.
 მათ დამოუკიდებლად ისწავლეს ფრენა
 და მერე გვერდიგვერდ გაჩერდნენ
 უკიდევანო სივრცის ტრამპლში.
 სურათზე გაჩნდა ერთი მნათობი,
 ეკლესიის თეთრი ფასადი და ქალი უწყველო
 საკრავით.

ქალი ზურგშექცევით იჯდა,
 მამაკაცი ხეებს მაღლიდან დაჰყურებდა.
 ეს იყო ორი საპაპრო ბუმბუკი,
 რომლებიც ხშირად იცვლიდნენ
 მიმართულებას
 და ქარის ხმა აკრთობდათ.
 მათ არ იცოდნენ, რომ პლანეტაზე
 დაუწერელი კანონები და ტაბუები
 არსებობდა,
 რამდენიმე ძაღლი და ორი ქუჩა.
 აქ ყველაფერი ორი იყო.
 და ნახატი ჰგავდა თოვლის მეტამორფოზას
 მხურვალ მიწაზე,
 მას დაბრუნება ერქვა,
 ან იმედი,
 ან სასწაული.
 მზე გაიბნა ორი სინათლის ზოლში.
 მამაკაცმა არ იცოდა,
 როგორ იმუშავებდა წითელ პეიზაჟებზე,
 და იქნებ დროებით ან უკანასკნელად
 ისინი გაჩერდნენ ერთ სივრცეში;
 მათ საკუთარი სახელები ჰქონდათ,
 ჰქონდათ სახლები,
 წიგნების დამტკერილი თაროები
 და ორი გამჭირვალე სხეული
 ქალის და მამაკაცის.

...

ეს ამბავი ზღაპარსაც არ ჰგავს,
 მინის ქუთში ასვენია ყველა სიცხადე,
 ყველა ფრაგმენტი; ყველა ეესტი;
 თვალის გუგუმში დაღეპილი წარმოსახვები;
 მკვდარი ჩიტები
 და იანერის სუსხის ნელი მუსიკა ჩიტებთან
 ერთად.

ახე უსაგნოდ
 გაუმხელებელი სინანულით
 ჩამოვიღის ცაზარმების სარკმლებს
 ჯარისკაცების რუხი მზერა.
 სხვა ზამთარი დაიწყება ათი წლის შემდეგ
 ათ დღეს და ათ შუადღეში
 ვერცხლისწყალში ამოვლებული კოვზებით
 იბრჭყვიალებს მუქი ომი რეტროსპექტივა...

თვალისმომჭრელი სიყაღებიდან
თვალისმომჭრელ რეალობამდე.
და გინდა ცრემლი,
გინდა იყოს ეს ქალაქიც ცივი, პირქუში.
ამ კორპუსების გისოსებში ხომ
მხოლოდ ხელები ირეკლება და უმწეობა,
მხოლოდ ყინვა,
მხოლოდ ზამთარი...
და იტყვი ერთი მარადისობის შესახებ,
მარტივად იტყვი.

ამბავი N 2 ჩიტაზაშვილი მონადირე ძალი

დაველოდებით ღამეს, ან საღამოს, ან
გათენებას —
აქ დრო ეძებვა ერთ ნაკადში,
აქ დროს თავისი კულტი და ფუნქცია აქვს:
გადაღებები, სახელოსნო,
ტელევიზიის გაცრეცილი სტუდიები ან
ჭარბი სხივი,
საელჩო და საელჩოში ორი პასპორტი:
შემოქმედებით მივლენებებზე
ყველგან ერთი და ერთი.
მხოლოდ ღამე,
ან საღამო,
ან შუადღე და გათენება...
როცა ყველა აუცილებელ გეზს იფიქვბ
და ყველა აუცილებელ ზღვარს ათანხმებ
ნაცნობ „პორტრეტთან“.
იქ კი ერთი სახეა —
ქალის სასტიკი შვერა, უცვებ შემცბარი
და თავზე ჩიტების გაღია,
ხელები თეთრად,
ან რძისფრად,
ან მოყვითალოდ
ესვენება სიცოცხლის მეკვლის შწირ
გაკუეშში.
იქ საუბარია დედას და შვილს შორის,
აღმაინებს შორის,
ჩიტებს შორის,
ჩიტსა და ქალს შორის,
მათ უკვე ვეღარ შეათანხმებს ვერცერთი
ფრაზა,
ისინი ერთმანეთში ხედავენ მტერსა და
სიკვდილს.
თითო კვერცხი სიცოცხლის გაგრძელებას
უდრის,
მაგრამ თითოეული მთავრდება სიკვდილით.
აქ ტყუა,
აქ ხეებაი.
ხეებზე ჩიტის ბუდეები ვრცელ სიმწკანეში;
ქარავანი აგრძელებს უდაბნოს,
ყვითელ ქვიშაში იმარხება აგვისტოს ხვატი...

არაფერი ბრუნდება უკან —
არც ბუნებრივი მოვლენები,
არც ადამიანური შწირი განცდა,
არც ზღვაზე ტალღა და გემბანზე
ბაცი ყვითელი.

ამბავი N 3 ყვითელი მუსიკოსი

იყო ქალაქი
და წვიმაში მოქანავე ყოფიერება.
იქ მახლობლად მიწა დუღდა.
ის ლურჯი იყო.
არა ზეგანი,
არა მთა და
არა მწვერვალი.
მიწა დუღდა
და მიწაზე მიწისავე ლურჯი ბუმბები.
იყო ფიღები — სამყაროს შექმნა,
ყველგან ნისლი, ყველგან ბურუსი,
მდინარესავით სწრაფმავალი ქუში, უსახო.
ის ხედავდა ყვითელ მუსიკოსს,
ყვითელ ქეებში დაკარგული რიტმის
შეგზრნებით.
ქალაქში იყო ბევრი ბავშვი
და ბევრი ქალი
და სურათზე სახეების ნაცვლად მხოლოდ
ლაქები რჩებოდა
(თავს ზემოთ და ფეხებთან ახლოს
შემოსასწვრული სამკუთხედით)
თეთრი ფრინველები ქმნიდნენ ცას,
ღრუბლებს, წვიმის ფარდებს
და ყვითელი მუსიკოსი იდგა უმწეოდ,
მისი მხრები მუქ სიბრტყეზე
დაეკარგა წერილმან პრაქტიკიზმს...
აქ, რომანტიკა — მოყვითალო,
გარეთ ყოფა — სახელმწიფო:
საბურავებიანი სახელები და სარწვეული
საგარძლები.
ისევ ფრაზები კონტექსტებით
და ხმადალი მოწოდებები:
სილიდარობა ხელოვნებას!
მხარდაჭერა!
მარადისობა!
იქ, კი, ქალაქში მიწა დუღდა.
იქ იყო ერთი მუსიკოსი,
ფერით ყვითელი
და უჩვეულო საკრავის სიმებზე
თითებს ასვენებად.
ქალს ეშინოდა,
შიში იყო მისი სათქმელი.
ის იყო ლობი, ის კი — ვერბი;
დაიფიქვს პიროსკოპები,

რადგან ასტროლოგებმა ყველაფერი წინასწარ
გათვალეს.

მამაკაცი იდგა ტყეში,

სამკლავურზე ყვითელი ზოლით
და ხედავდა ყვითელ მუსიკოსს,
როგორც ბერას, ან როგორც
ფოთილს.

იყო ნაცნობი პეიზაჟი,

იყო ჭრელი მოზაიკა განწყობილების.

აქ ყველაფერი იწყებოდა და მთავრდებოდა...

და დარჩა ფრაზა ამ ამბავიდან,

სამყაროს თეთრ კედელზე მკრთალად

მიწერილი:

„მარადისობაშიც სიკვდილია!“



ირინე იმერლიუშვილი

ნოველები შესვენება

ეს ქალი ძლიერმა კაცებმა დაღალეს. ძლიერმა, თამამმა, უბოდიშო და უშეცდომო ბატონკაცებმა.

სწორედ ისეთებმა, როგორებსაც მუდამ ელტვოდა, ჯერ კიდევ ბავშვობიდან რომ ნატრობდა, ისეთებმა.

ძლიერი კაცი - აი, რა იყო მისი იდეალი! ყოველმხრივ ძლიერი, სიტყვაძუნწი, ჩუმად მოყვარული, ემოციურობითოკილი... ასეთები იზიდავდნენ, ასეთებს ნატრობდა, ნატრობდა და პოულობდა; უფრო კი - ისინი თავად პოულობდნენ, თავიანთ ძლიერ ხელი-სგულეებზე ატარებდნენ.

ჯერ კიდევ ბავშვობაში იცოდა, როგორი კაცებიც უნდა ეძებნა, როგორებიისთვისაც უნდა ეყვდა. არ უნდა აჟიქარდო, ფიქრობდა, უნდა ველოდო, დიდხანს უნდა ველოდო და მოვლენო.

არც ალოდინეს, არც თავი აკებინეს, თავად მოვიდნენ, თავადვე ეახლნენ. ერთად არა, ცალ-ცალკე, რიგ-რიგობით მოდიოდნენ, ერთი მეორეს ცვლიდა, ერთი მეორეს ჩრდილავდა, თითქოს ადარც ილეოდა მათი რიცხვი, თითქოს რიგში იდგნენ და დრო რომ მოუწყევდათ, შემოდიოდნენ მის ცხოვრებაში.

ერთი რომ თავის თავს ამოწურავდა, "შემდეგიო", უნდა ეთქვა, და ისიც უმაღლვე მახთან ჩნდებოდა, მოდიოდა ძლიერი, ლამაზი, მკვლის დამჩრდილაკი.

აი ისინიც, ის ძლიერი, იდეალური მამაკაცები, ქალის წარსულში ვეებერთელა ბერძუნებად ჩამწკრივებულნი, ნანატრნი და ახდენილნი, თავის დროზე ამოწურულნი, თავის დროზე ჩამოცილებულნი, ახალი კაცისათვის ადგილის დამთმობნი.

მოდიოდნენ და უყვარდათ ეს ხუხტი და ბედნიერი ქალი, ცხოვრება რომ ტკბილ სიზმრებად ქცეოდა, ყველა ნატურა რომ ახდენოდა.

მაგრამ უეცრად ქალი დიდალა, მოულოდნელად და ერთიანად მოეშვა, მოდუნდა, ჩაქრა.

ეს ქალი ძლიერმა კაცებმა დაღა-

ლეს, გაგზადებული ოცნების შეილებმა.

და ახლა ერთ თითქმის ცარიელ კაფეში იჯდა, გაცივებულ ყავის ტიქას დაჰყურებდა და... არ ტიროდა.

მერე კი იმას შეხედა, იმ ჩია კაფუნას, მოპირდაპირე მაგიდასთან რომ მოკალათებულიყო.

ოცდაათზე მეტის იქნებოდა, უკან გადავარცხნილ ტალღოვან თმაში რამდენიმე ჭადარა ხასხაცილოდ გამოჩნებოდა, მსუქანი არ ეთქმოდა, მაგრამ დაბაბი კი ორასკილოიანი კაცისა ჰქონდა; ყავისფერი პერანგი ეცვა, გახუნებული. მის პატარა, ხასხაცილოდ ამობურცულ დიპთან, ფოლაქა და ფოლაქს შორის, თეთრი ზორცის ელიფსი ილანდებოდა. მაგიდაზე მუყაოს საქადალდე, საქადალდეზე კი ორი გაზეთი იდო. კაცი არაქანს შეეჭვებოდა, დროგამოშვებით ჩაის წრუპავდა.

ქალი შეჰყურებდა ამ ხასხაცილო კაფუნას, შეჰყურებდა და შიფრავდა. თქმა არ უნდა, ეს კაცი იქვე, ახლოს მუშაობდა, რომელიმე ნახევრადრესტიკული დაწესებულების რიგითი თანამშრომელი იყო, ახლა ერთსაათიანი შესვენებით ესარგებლა და კი არ ჭამდა, მხოლოდ კალორიებს იღებდა. ალბათ ყოველდღე მოდიოდა ამ კაფეში, ალბათ ყოველდღე არაქანს იღებდა, ჩაის აყოლებდა... ალბათ ბედნიერი ეგონა თავი.

ქალი შეჰყურებდა. ქალი, რომელიც ძლიერმა კაცებმა დაღალეს, ამას შეჰყურებდა, ამას, რომელმაც მხოლოდ ერთხელ ამოხედა, ფრთხილი სიამაყით შეათვალიერა და კვლავ ჭამა... - ბოდიშით! - კალორიების მიღება განაგრძო.

ქალმა იცოდა, ქალმა უკვე ყველაფერი იცოდა და ახლა დიდსულოვნად ელოდა, როდის დაიცვებოდა არაქნის ქილა მოპირდაპირე მაგიდაზე.

ამან კი, კაფუნამ, უკვე გაცივებულ ჩაის რომ წრუპავდა, ჯერ არაფერიც არ იცოდა და ეგონა, რომ შესვენების შემდეგ ჩვეულად გამოცხადდებოდა ხამხასურში...

მოკლე ჩართვა

შორიდანვე მოვკარი თვალი, ლუ-
რჯი კაბა ეცვა, მარტო იდგა. ზუთი
წლის თუ იქნებოდა, მეტის არა.
მიუთახლოვდი. გავუღიმიე. რადაცნაი-
რად მიყურებდა. ვიცი, არიან ქუჩაში
შემზვედრი ბავშვების მომფერებელ-
გამომლაპარაკებელ-მომხიყვარულე-
ბელი ადამიანები; ისეთებიც არიან,
კამფერ-ნაყინ-სათამაშოებს რომ ჩუქ-
ნიან ბავშვებს. მე არახოდვს ვყოფი-
ლვარ ასეთი, და როცა ამ გოგონას
გავუღიმიე, თვითონვე გამიკვირდა.

რადაცნაირად ამომყურებდა.

უცნაური განცდა, რომელმაც მო-
ულოდნელად მომიგვა, იმ ჩემს გადი-
მებას მივაწერე, რომელმაც ჩემთვის
ჩვეულად ქცეული ნორმებიდან ამო-
მაგდო, მაგრამ იმახსაც ვგრძნობდი,
რომ ეს უცნაური განცდა რაღაც
უფრო მეტს ნიშნავდა. არ ვიცი, რა
ძალამ შემაჩერა ამ ბატარა გოგონას
პირისპირ, მაგრამ პირველი გაღიმიე-
ბიდან სულ რამდენიმე წამის შემდეგ მე
უკვე მის წინ ვიდექი. ამომყურებდა.
ისევე დამეუფლა ის განცდა, რომელსაც
ადრე მხოლოდ ჩემად ვთვლიდი, მხო-
ლოდ საკუთარ სახიათს მივაწერდი და,
მოგვიანებით, სხვებისგანაც შევიტყვე,
რომ ასეთ რამეებს თურმე ისინიც
განიცდიან. იმ უცნაურ განცდას ვგუ-
ლისხმობ, როცა რაღაც სიტუაცია თავს
გაზსენებს; როცა იგრძნობ, რომ ის,
რაც ახლა ხდება, ერთხელ უკვე მომ-
ხდარა, მაგრამ ვერ იხსენებ, როდის.
თავიდან ეს მხოლოდ ჩემი გრძნობად-
სხოვნის თვისება მეგონა, მეორე კი
გავიგე: არ არსებობს ადამიანი, ეს არ
გაწედავს.

ახლაც ეს განცდა დამეუფლა.
დაკვირვებდი ამ ბატარა, ლურჯკაბიან

გოგონას და ვგრძნობდი, რომ ეს
ყოველივე ერთხელ უკვე მოხდა. ისე
ნუ იფიქრებთ, თითქოს გოგონა მე-
ცნო, არა, პირიქით, თუ რაიმეს იმ
წუთში ვერ ადვიქვამდი, ეს, პირველ
რიგში, ამ ბავშვის სახე იყო. მე
განწყობილება მეცნო, მეცნო ეს მწვა-
ნე ბავი, გოგონას ლურჯი კაბა,
მეცნო ხუნი და - რაოდენ უცნაურიც
უნდა იყოს - ყველაფერზე მეტად
საკუთარი თავი მეცნო. დიას, საკუ-
თარი თავი, რომელსაც თითქოს გა-
რედან ვხედავდი, - ვთქვათ, იმ
სკამიდან, ან შადრევნის მოაჯირიდან
ან, თუნდაც, ამ ხის კენწეროდან და
ან - რაც ყველაზე უჩვეულო და,
ამავე დროს, ყველაზე უტყუარად
მეჩვენება - ამ ბატარა, ზუთიოდე
წლის ლურჯკაბიანი გოგონას თვალებ-
ბიდან.

რადაცნაირად ამომყურებდა.

განცდა, რომელიც პირველად და-
მეუფლა და რომელიც არსებულის
ერთხელ უკვე მომხდარობაში მდგო-
მარეობს, - მხოლოდ ჩემს თვისებად
რომ ვთვლიდი და სხვებისაც რომ
გამოდგა, - ნელ-ნელა მინელდა და
ბოლოს, საერთოდ გაქრა.

ასეთი განცდების სახიათი იმაში
მდგომარეობს, რომ თავს გაზსენებს
ის, რისი გაზსენებაც შეუძლებელია,
მე კი ვიგრძენი, რომ სიტუაცია,
რომელიც ასე ჯიუტად მაზსენებდა
თავს, გაზსენებადი იყო. ვიგრძენი,
ჩემი გონება უკვე ამართლებდა რა-
ღაც სურათებს - შორიდან, ჩემი
ბავშვობიდან.

ლურჯკაბიანი გოგონა კი ისევე
ამომყურებდა, ოდონდ უკვე ჩვეულე-
ბრივად, "რადაცნაირად" აღარ.

ზომ ხდება ზოგჯერ: რადვის გახსენება გხურს და იმასაც ხვდები, რომ ვერ შეძლებ ან, თუ შეძლებ, ძალიან დიდი დატვირთვისა და ფიქრის ფასად, და უფერად, სრულიად მოულოდნელად, გონება გინათდება, გეწმინდება, ცხადად აღხდგება შენს მესხიერებაში ის სურათი, რომლის გახსენების იმედიც თითქმის არ გქონდა. ასეთ დროს გიჭირს ირწმუნო, რომ მესხიერებამ ყოველგვარი ბრძოლისა და დატვირთვის გარეშე დაგიტოვა სურათი, - ძველი, დაზავებული, მრავალაწმყოგადავლილი.

ასე დამეძარტა. ჩემს გონებაში დაუჯერებელი კონკრეტულობით გაცხადდა ერთი ძველი და დავიწყებული დღე.

გამახსენდა:

მაშინ ძალიან პატარა ვიყავი, ალბათ ოთხი წლის ან ზუთის, მეტის არა. "აქ დამელოდეო", იმან მითხრა, "არსად წაზვიდე, მალე მოვალო", და წაიდა. ასე დავრჩი ერთ მწვანე და ხალხმრავალ ბაღში. ვიდექი. მოშორებით, შადრევანთან ბავშვები თამაშობდნენ. მეც მინდოდა თამაში, მაგრამ არ შემიძლო, - "აქ დამელოდეო", მითხრა. ისინი კი თამაშობდნენ. მე, სამაგიეროდ, იმ ბავშვებზე ლამაზი

კაბა მეცვა, ახალი, ლურჯი ვარსკვლავიანი ვიდექი. მერე დავინახე ქალი, რომელიც ჩემსკენ მოდიოდა. მივაჩერდი. ქალს ნაცრისფერი კაბა ეცვა, შავსაყელოანი ნაცრისფერი კაბა. მომიახლოვდა და გამიდიმა. მერე ჩემს წინ გაჩერდა. მე ავეყურებდი. ქალმა შადრევანისაკენ გაიხედა, კარგა ხანს იყო ასე, მერე კი ისევ დამაჩერდა, აღარ იღიმებოდა.

უცნაურია, ეს დღე არასოდეს მომგონებია, დღეს კი, აი, გამახსენდა, თან ასე ცხადად.

შადრევანს მზერა მოვწყვიტე და ისევ ლურჯკაბიან გოგონას დავხედე, ცოტა ხანს ვუყურებდი, მერე წავვიდი.

რადაც ძალიან უცნაურს ვგრძნობდი, ანგარიში უცემლად მივაბიჯებდი. რამდენიმე წუთის განმავლობაში ვერაფერზე ვერ ვფიქრობდი, უბრალოდ მივდიოდი. მერე ნელ-ნელა გონს მოვეგე და ბირველივე, რაც ვიგრძენი, იყო ის, რომ სამინლად მგზელოდა. შეეჩერდი, მარცხენა ხელით ორი დილი შევიზხენი, კაბის საყელო გადავწიე, თავი დავზარე და საკუთარ მკერდს სული შევუბერე. ცოტა ხანს ასე ვიდექი, თავდაზრილი, - ჩემი ნაცრისფერი კაბის შავ საყელოს დავეყურებდი.



ზურაბ ზოიძე

აჭარა

ბედი ყოველთვის გქონდა სხვაგვარი
და მუდამ იყო შენი მდევარი...
ოთოლთასავით ქედზე შემდგარი
ხან ფარი იყავ, ხან სატევარი.

გვერდში იმედად გედგა გონიო
და სხალთა რწმენის უხრელი დროშა,
საუკუნეთა მიღმა, მგონია,
კვლავ ედავები ავბედით დრო-ჟამს.

მერე რა იქნა, ანდა რა მოხდა,
თუ ზოგჯერ იყავ ცეცხლში ჩანთქმული,
მას შემდეგ დიდი ხანი გამოხდა
და დგახარ ისევ მკლავშემართული.

ბევრი რამ უკვე მორჩა, გათავდა
ვით სამასი წლის ღამის თევანი,
უნდა ჩაწურო ახლა თავადა,
ტყეს გახიზნული ვაზის მტევანი.

ოჰ, ხვედრი რადგან ახლაც მკაცრია,
ყველა სიზმარი ველარ. ახსენი,
ზოგს ვითომ შენი დარდი აცვია
ტანზე და მხოლოდ სიტყვით გიხსენებს.

ყველა მოკეთე ხომ არ იქნება,
ბევრი კვლავ შანთით სხეულს დაგინწავს,
ზოგი ლანდივით გაგიქრება და
ზოგი კი დაფნის გვირგვინს დაგინწავს.

ჩემო აჭარავ! კვლავ ხარ ლელოსი
გამტანი, ძნელი გზებით მავალი,
მარადი დღე ხარ საქართველსი,
შენი წარსულით და მომავალით.

მე ვიქნები ლენონი, შენ კი ედიტ პიაფი

საითყენ მიიჩქარი,
 გაფრენილი უბელოდ,
 რას გერჩის ეს მთის ქარი,
 მშობლიურო ღრუბელო.

ზე ასულო ქედებზე,
 ყელი თუ მოიღერო...
 ჩვენს საყვარელ ედემზე
 მოდ, ერთად ვიმღეროთ.

გავალვიძოთ მდელონი,
 სიყვარულით იაფით,
 მე ვიქნები ლენონი,
 შენ კი ედიტ პიაფი.

1992

ჩემს სავალ გზაზე დამდგარხარ, პერანგას ნისლის სწორო,
 ხასიათში რომ არ მგავხარ, შენ რა ბრალი გაქვს, ცოლო.
 შენი ალალი გულისხმა ხარის ხმასავით მესმის,
 სულ არ მჭირდება შენი თქმა, ოჯახს რას ვმატებ ლექსით.

თავი არ გავიყადრე და ცას შევრჩი როგორც წერო,
 ლექსისთვის დავიბადე და ლექსები უნდა ვწერო.
 ეს საყვედური არ არის და არც ამოთქმა ბოლო,
 ლექსი რომ მაინც სხვა არის, შენც კარგად იცი, ცოლო!

ბავშვები

ვერ გარკვეულნი ჯერ ერთმანეთში,
 თავიდან მზაკვრულ აზრებს იქრობენ
 და წუთისოფლის ნკვარამ ღამეში
 ვარსკვლავებიან ცაზე ფიქრობენ.

აგებენ, ისეთ ტაძრებს აგებენ,
 გამოლვიძების ჟამს რომ ინატრებ,
 ამ ქვეყნად მოსვლის მიზეზს არკვევენ
 ვერ მინვდომილნი რაღაც სიმაღლეს.

არ არსებულის რამე სურვილით
 ცისა და მიწას შორის რჩებიან,
 უცოდინარნი შუღლის სრულებით
 ერთიმეორეს ეურჩებიან.

ყოველდღიური ფერისცვალებით,
 არ ავინყდებათ რაც იყვნენ წინათ
 და სხივიანი მათი თვალები
 ვარსკვლავებიან ცასავით ბრწყინავს.

ხმა იღუმალის სხალთის ტაძართან

ასწლეულებმა დამიმძიმეს მხრები ლოდვიით,
 ასაკი მთანგავს, ჯეელივით ნორჩი როდი ვარ,
 მკერდშებოლილი შევაბერდი ამ მთებს ლოდინით,
 სხვას რომ გონია, იმნაირი ახლა როდი ვარ.

მაშინ როდესაც დამიბზარეს ფრესკა ლალატით
 და მედებოდნენ უცხოური ტანზე ხანძრები,
 უფრო ავმალღდი, ტანჯვით კი არ დავპატარავდი,
 მაღლი წყალობდა საქართველოს დიდი ტაძრების.

ასე გადვურჩი ავბედითი დროის გრიგალებს
 და ავლორძინდი გახიზნული ვაზის ფესვებით,
 ცაო, მშობელო, ტკივილიან მკერდით გიგალობ,
 შენი ვარ, შენი და ვერაფრით ვერ დაგეხსნები.

სიცოცხლე ყვავის, იარები ძველი მიჩნება
 და ცუდ ამინდებს გაზაფხულის ცვლიან დარები,
 უფლის წყალობით ეს სოფლები გადამიჩნება,
 აღარ დარეკენ გლოვის ხმაზე ჩემი ზარები.

შენახული მაქვს შეუბღალი რწმენა-ღირსება
 იქ, სადაც დიდი წინაპრების ხმები ისმოდა,
 სიცოცხლე ჩემი საკვირველი ძალით ივსება,
 გვირგვინად მადგას ნათელი და მარადისობა.



ლია ჭყონია

28 აგვისტო

მთა სამეჯლისოდ მორთულია შწვანე სურთით,
მარიამობის უშუოთველი, თბილი ღამეა,
ყელზე ჰკიდია გატრუნული ჩვენი კურორტი —
პირდაწინსკვლული მარმარილოს თეთრი კამეა,
რაზეც იმედით დაუტვირთავეთ ადამის ძეითა,
ნაგვემ სიზმრებით მიახლეებულთ კართან ბუნების

დრო-ჟამისაგან დაღუქილი მეტად და მეტად
უსაზღვრო სევდა სათავესთან კვლავ დაბრუნების
ნეტარო დედავ, ამ ღამეში კრთის შენი უუქი
და წილხედდნნი ვართ რაკი მისი საღვთო ნებისა,
გწაშა, განეხეება ბუნე წყაროს დაბუჭდულს, თუკი
კვლავ დაგვიფარავს კალთა შენი სათნებისა.

მოთქმა

გესლის ნთხევით წყლულდასხმული ენის ხაო,
შურის ცეცხლში ჩახანძრული ბაია...
გაი ისევ! დახოქილო ჩემო ძმაო,
ვო-და! ჩემო ჩაწიხლულუო დაია.
საზრდოდ — ცოდეა სამიწე და თვალსაბრძაო,
ტანზე — ტანჯვის ფარნა და დარაია,
გაი ისევ! დახოქილო ჩემო ძმაო,
ვო-და! ჩემო ჩაწიხლულუო დაია.
ჩვენსავ სისხლით სავეს ყელში საშობაოდ
ჩაჩეხილი „ტაია-ვატატაია“...

გაი ისევ! დახოქილო ჩემო ძმაო,
ვო-და ჩემო ჩაწიხლულუო დაია.
ღამის როკვა ურჩხულებთან სამეძაო,
ჯილდოდ — ჭლადი, ცეცხლის ქაღალაია,
გაი ისევ! დახოქილო ჩემო ძმაო,
ვო-და! ჩემო ჩაწიხლულუო დაია.
და კვლავ მოღოხს რკინის ყბებში საძიძაოდ
ზღვათა ღურჯი ქერუბიმი-აია...
გაი ისევ! დახოქილო ჩემო ძმაო,
ვო-და! ჩემო ჩაწიხლულუო დაია.

თებერვალი

როგორ იცვლება წამ-წამ შზე,
რა უცხო ცეცხლივით ბრწყინავს,
სხვა ცა შეკიდა წამწაშზე
შარშან და შარშანწინაც.
ყოველი ტოტის სიშიშველს
ჩემს მცვიან ტანზე ვხედავ,
ეტიეტივებ მთურადი შიშის ქვეშ,
სიფხიზელს ჟამ-ჟამ ვხედავ...
და იქნებ შიში არც ჰქვია,
ის იღუმალი მეღვტვის,
რაც სიტყვამ ვერ გაარკვია,
მასთან შეხება მეტყვის.
ღარნაკის ყელში ვეტყვი,
რიურაჟის ჩქაშზე ვერთები,
გვემამ მიმტვრია კტებით
ციო ნაბოძები ფრთები.

ათას ჯვარაზე ნართავი
ნაფლეთ-ნაფლეთი ხსოვნა,
მარადი და უმართავი
თავდახსნის მისი თხოვნა
მწუხრისას დოლითან ხმანაზავს
ამიუღრიალებს ზარებს,
სიზმრებში მაგრად ჩარაზავს
ყველა გასაქცევ კარებს...
და მაინც თებერვალია
და გარდასახვის სევდა,
ესეც ვიღაცის ვალია,
საკვირტე ცრემლს რომ ვხედავ.
ეს ამოფენა ფიფქები
მაინც რა ციდან მოდის,
ფიფქებია თუ ფიქრები:
როდის, როდის, როდის?



ინგა ფალიანი

ნოვალაზი

მოლოდინი

მთელი დღე ქალაქში იტრიალა ლევან-მა, იმ პაპანაქებაში ოთხივე სახელოსნო თავიდან დაათვალიერა, მაგრამ საბოლოო პასუხი ვერცერთის პატრონს ვერ უთხრა. ოთხივე სახელოსნო მოსწონდა, აქედან ორი, მართალია, ცენტრიდან ძალზე შორს მდებარეობდა, სამაგიეროდ, გაცილებით იაფს აფასებდნენ, ვიდრე შუქმონაგანის და ცის კამარის ქუჩებზე მდებარე სახელოსნოებს. არც ეს ორი იყო ისეთი ძვირი, რომ ვერ გასწვდომოდა, მაგრამ მიანიც ყოყმანობდა და გადაწყვეტილების მიღება უჭირდა. ეზოში რომ შემოუხვია და მანქანა გააჩერა, ცენტრიდან დაშორებული სახელოსნოები უკვე სათვალავიდან ამოგდებული ჰქონდა. ჰადრით დაჩრდილულ გრძელ მაგიდას მეზობლის კაცები უსხდნენ, დომინოს თამაშობდნენ და ნათელი ჭიქებით ლუდს წრუპავდნენ. მაგიდის ბოლოში განახევრებული სამლიტრიანი ქილა იდგა. ლევანი შორიდან მიესალმა მეზობლებს და სწრაფად შევიდა სადარბაზოში, რომ ვინცობა ვინმეს მისი მიპატივება არ მოენდომებინა. მესამე სართულზე ავიდა და კარი თავისი გასაღებით გააღო, რადგან მშობლები დასასვენებლად იყვნენ ზღვაზე. წაივანშმა. ერთი პირობა გაიფიქრა, დათოს დაფურეკავ, მის აზრს გავიგებო და ტელეფონისაკენ წავიდა, მაგრამ უცებ საშინელი მოთენთილობა იგრძნო, ხელი ჩაიქნია და თავის ოთახში შევიდა. აივნის კარი გამოაღო, ლოგინი გაშალა, გაიხადა და დაწვა. ახლა სასთუმალთან მდგარი ტელეფონისაკენ გაეჭვა ხელი, მაგრამ დალოილობამ სძლია და თავი ბალიშზე მიდო. ერთხანს თვლემდა, მერე ერთბაშად გამოფხიზლდა, ლამის ნათურა აანთო, მაჯის

საათი აიღო და დახედა. თერთმეტი სრულდებოდა. ნახევარი საათიც არ სძინებოდა, მაგრამ უჩვეულოდ დასვენებული და გამოცოცხლებული იყო. შუქმონაგანის თუ ცის კამარის! ორივე სახელოსნოში შეიხედა, შევიდა, გაიარ-გამოიარა, მერე ორივედან გამოვიდა და ახლა გარედან შეათვალიერა. ერთს შუქმონაგანის ქუჩაზე თექვსმეტსართულიანი სახლის მესამე სართული ეკავა, მეორეს-ცის კამარის ქუჩაზე თექვსმეტსართულიანის ბოლო, მეთექვსმეტე სართული. ორივე ვრცელი, ნათელი და თავისებურად მყუდრო იყო, ფასიც ერთი ჰქონდათ და ამდენს ამიტომაც ორჭოფობდა. ახლა მანქანით დაუყვა შუქმონაგანის ქუჩას, სამსართულიანი სახლის წინ გააჩერა, მესამეზე ავიდა, კარი გააღო და ზოღურბლიდან გახედა ცარიელ სივრცეს, შევიდა დარბაზში, გაიარ-გამოიარა, თავისი სურათებით შეავსო კედლები, დადგა სამუშაო მაგიდა, დაალაგა საღებავები, ფანქრები, გადაჭიმულ ტილოზე ერთი თვალის მოსმით შექმნა მჭრქალი რუხი ფონი, იქიდან ნელ-ნელა, როგორც წყლიდან, ისე ამოტივტივდა რუხკაბიანი სიფრიფანა, ლამის უხორცო, უსახო ქალი გულზე მიხუტებული ბავშვის კონტურებით, მაგრამ მაშინვე ჩაიძირა სირუხეში და ცარიელი დატოვა ტილო. ცის კამარის ქუჩას აუყვა, მანქანა თექვსმეტსართულიანი სახლის წინ გააჩერა, ლიფტით ავიდა მეთექვსმეტეზე, კარი გააღო და ზღურბლიდან გახედა ცარიელ სივრცეს, ფანჯარასთან მივიდა, გამოაღო და წამით თვალი გაუმტერა ლაქვარდს, მერე გაიარ-გამოიარა დარბაზში, თავისი სურათებით შეავსო კედლები, დადგა სამუშაო მაგიდა, დაალაგა საღებავე-

ბი, ფანქრები, ერთი თვალის მოსმით შექმნა მჭრქალი რუხი ფონი...

თვალი რომ გაახილა, ოთახი მზით იყო სავესე, საათს დახედა: ცხრა სრულდებოდა. ხელი ტელეფონისაკენ წაიღო, მაგრამ მაშინვე გადაიფიქრა, ჯერ ადრეაო. ცის კამარის თუ შუქმონავანის! წამოაღდა. გონება ისევ ცარიელ სახელოსნოებში ტრიალებდა, ხოლო სხეული დამოუკიდებლად ატარებდა დილის ჩვეულ რიტუალს — იბანდა ხელებს, იხეხავდა კბილებს, იპარსავდა პირს, ადუღებდა ჩაის და საუზმობდა. როცა დაბანილ-გაპარსულ-ნასაუზმევი ლევანი თავის ოთახში შებრუნდა და გამთლიანდა, ერთგვარად გაკვირვებული დარჩა — მხოლოდ შედეგს შეიგრძნობდა, თორემ ბანვა-პარსვა-საუზმობის პროცესი არ მომხდარავით ადიქმებოდა. აივანზე გავიდა და სიგარეტს მოუკიდა. შუქმონავანის თუ ცის კამარის! შუქმონავანი-მთოვარე, მანგი, მთვარის ციალი...გამოჩნდა მთვარე ნათითა გარე შუქმონავანითა. ცის კამარის თუ შუქმონავანის!... ცისა კამარა, ლაქვარდი სივარცე, ნავარდი, ფრთები... „ცის კამარის!“ — გადაჭრით წარმოსთქვა, უფრო იმიტომ, რომ ბოლო მოეღო გულისგამაწვრილებელი, გაუთავებელი ყოყმანისათვის. ოთახში შევიდა, სიგარეტი საფერფლემში დასრისა და საწერი მაგიდის უჯრა გამოსწია. ფული გადათვალა, კარი გამოიკეტა და ეზოში ჩავიდა.

გადაბარგებაში დათომ და კოტემ უშველეს. ორ დღეში სახელოსნო სახელოსნოს დაამსგავსეს და სახელდახელოდ ახალ-მოსახლეობაც აღნიშნეს ვიწრო წრეში, რადგან მეგობრების უმრავლესობა ქალაქიდან გაკრეფილი იყო. იმ დამეს, შინ რომ დაბრუნდა, კიბეზევე შემოესმა ტელეფონის წკრიალი. სწრაფად გააღო კარი და იქვე, დერეფანში მდგარი ტელეფონის ყურმილს დასწვდა. მამა რეკავდა. ლევანმა მშობლები მოიკითხა და სახელოსნოს ყიდვის ამბავი უთხრა. მერე მისაღებ ოთახში შევიდა, ანგარიშმიუცემლად ტელევიზორი ჩართო და

რიგრიგობით მიაჭირა თითი ყველა დილაკს, მაგრამ ეკრანზე სულ უცხო, გულმოუსავალი ადამიანები მოძრაობდნენ, ამოუხსნელი, მიუწვდომელი ხმები და ჰანგები ესმოდა — ტელევიზორი სუსხს აფრქვევდა და აზრობდა. მოუნდა ვინმე მახლობელი, თავისიანი, მასზე მზრუნავი, ისეთი, ვინც უსიტყვოდ გაუგებდა, სულში ჩაედვრებოდა. ტელევიზორი გამორთო და სავარძელში ჩაჯდა. გადაჭიმულ ტილოზე ერთი თვალის მოსმით შექმნა მჭრქალი რუხი ფონი, შუაში თეთრად გამოიკვეთა ქალის სილუეტო მკერდზე მიხუტებული ბავშვით, გონება ტკივილამდე დაიძაბა, მაგრამ მაინც ვერ შეასხა ხორცი, ვერ შეაფრქვია ფერი. ლოდინად ქვეული კონტურები ჯიუტად შემოსცქეროდნენ, ებუტებოდნენ და მაინც არ ეშვებოდნენ. იტანჯებოდა ლევანი, მაგრამ ეს ის ტანჯვა იყო, რომელსაც უცნაური ტკბობა მოაქვს, როცა დანამდვილებით იცი, რომ ეს გვემა თანდათანობით ათავისუფლებს, გზას აძლევს შენში ჩახვეულ განცდას და როცა ზვირთებად მოგაწყდება და ამოხეთქავს, ნეტარებით დამთვრალი უტყუარი ალღოთი იგრძნობ ნაკვეთების პროპორციებს და ნანდომი ფერების ცისარტყელას.

დილით დაწმენდილ გონებაზე გაიღვიძა. მაგრამ გული და წუხანდელი კონტურები დაუოკებლად ეწეოდნენ სახელოსნოსაკენ. ხალისიანად ისაუზმა, ეზოში ჩავიდა, მანქანა დაქოქა და ცის კამარის ქუჩისაკენ გაემართა. ათიოდ წუთში იქ იყო. მანქანა გააჩერა, სიგნალიზაცია ჩართო და გადმოვიდა. მანქანას რომ კეტავდა, უნებლიედ სადარბაზოსაკენ გაიხედა და კარში შეფრიალებულ თეთრ კაბას მოჰკრა თვალი. მზე გამეტებით აჭერდა და ჰაერი ბრჭყვიალებდა. დინჯად გაემართა და სადარბაზოში შევიდა. კარი რომ მიიხურა, დღის შუქიდან მრუმე სადარბაზოში შესულს უცებ თვალთ დაუბნელდა და ცოტათი შეყოვნდა. ლიფტი რახრახით ეშვებოდა დაბლა და ვიდრე იქამდე მივიდოდა, ავტომატურმა კარ-



მკუ გაიღრქიალა. თვალში უცებ აღუდგა შუქი, ლიფტისაკენ გაუხვია და მის კარში შეფრიალებული თეთრი კაბის კალთა გააჩია. თვითონაც შევიდა და ანაზღად ნაცნობი ლურჯი თვალები შეეჩხა. ერთხანს უხზოდ, მონუსხულებივით უყურებდნენ ერთმანეთს, მერე ლევანს თავის ხმა მოესმა:

— გოგო გეყოლათ თუ ბიჭი?
 — გოგო, — ოდნავაც არ შემკრთალა, მშვიდად და სავსებით ბუნებრივად უპასუხა.
 — აქ ცხოვრობთ?
 — ერთი თვეა, რაც გადმოვედი.
 — მე კი ერთი კვირა იქნება, ზემოთ სახელოსნო ვიყიდე.

— მხატვარი ყოფილხართ და იმიტომ მიცანით.

— ჰო, მხატვარი ვარ, მაგრამ თქვენ, თქვენ როგორ მიცანით? რამდენი ხანი გავიდა?

— შვიდი წელი, ჩემი გოგონა შვიდი წლისაა.

— სულ არ შეცვლილხართ.
 გაიღიმა და მეთათე სართულის ღილაკს მიაჭირა თითო.

— სასწაულია, რა არ ხდება, — ჩაილაპარაკა ლევანმა.

— ჰო, კინოში რომ მენეხა ან წიგნში წამეკითხა, ავტორს უნიჭობას დავწამებდი. ჩუმად იყვნენ. ლიფტი ნელა, რახრახით მიიწვედა მალა.

მრგვალად ამოჭრილ, წელსზემოთ მომდგარ კაბაში ლევანმა იცნო მაღალი კისერი, ნატიფი ლიფტები და სავსე მკერდი.

— თქვენი გოგონა თქვენსავით ლამაზია?

— მე არ მგავს, მაგრამ ძალიან ლამაზია,

— აუღელვებლად, დაჯერებულად მიუგო.

ლიფტი მეთათე სართულზე გაჩერდა, ქალმა ნახვამდისო, თქვა და გავიდა. ლევანმა თვალი ჩააყოლა ვიწრო წელს, მკეროვ, ჯიშინან წვივებს. მან მარჯვნივ გაუხვია. ლევანს გასაღების ჩხარუნნი მოესმა და ლიფტის კარიც დაიხურა.

ლევანი სახელოსნოში შევიდა და ტუტზე ჩამოჯდა. ერთხანს გარინდებული იჯდა და აბურძგულ გონებას ეფოფინებოდა, ალაგებდა. მერე წამოდგა, მაგიდასთან მივიდა და საღებავებს დააჯჭურდა. ჩემი გოგონა შვიდი წლისააო, შვიდი წელი გასულა, მთელი შვიდი წელი! მერე მოხდა რაიმე ამ შვიდი წლის წინათ? — შემოედგა გამოფხიზლებული გონება. არაფერი, სულ არაფერი. იმ დღეს ბოლო გამოცდა ჩააბარა ლევანმა. ზაფხულის ცხელი დღე იდგა, ავტობუსის ბოლოში, სკამზე იჯდა თავჩაქინდრული, ფიქრებში წასული. ავტობუსი ოპერის წინ გაჩერდა. როცა კარი დაიხურა და ავტობუსი დაიძრა, ლევანი ფიქრებიდან გამოერკვა — მუხზზე ცისფერი და ვარდისფერი ყვავილებით დაჩითული კაბის ბოლო დაჰფენოდა. თვალი ნელა ააყოლა მალა და გამობურცულ მუცელს წააწყდა. გამრა. უცებ გაიმართა წელში და ლურჯ თვალებს შეხვდა, რომლებიც მიმქრალი მზერით იცქირებოდნენ. მერე უკან გადავარცხნილი წაბლისფერი თმა, სწორი ცხვირი, სველი უბებიც დაინახა და ფეხზე წაიოჭრა. „დაბრძანდით!“ ქალიშვილმა შეხედა, სევდიანად გაიღიმეს გაბუტულმა ტუჩებმა, გმადლობთო, თქვა და დაჯდა. ნამტირაღევს ჰგავდა. ავტობუსში ხალხმა თანდათან იკლო, ლევანმა უკან დაიხია და ფანჯარას მიეყრდნო. რამდენჯერმე ჭურღული მზერა გაექცა მისკენ. ქალმა თვალი შეასწრო და ლევანს საშინლად შერცხვა, რომ ორსულს ათვალიერებდა, მაგრამ მან ისე გულთანად გაუღიმა, რომ ლევანს ერთბაშად გულზე მოეშვა და თავადაც გაეღიმა. ლევანი თავის სახლთან არ ჩავიდა, უფრო სწორედ, ვერ ჩავიდა და კიდევ რამდენჯერმე გაექცა მისკენ თვალი. ქალი ამის გამო უხერხულობას სულაც არ გრძნობდა და ლევანი მიხვდა, იმიტომ არ ეჩოთიერებოდა უცხო ვაჟის მზერა, რომ მართალი იყო, ეამაყებოდა დედობისათვის მომზადებული, დამძიმებული სხეულის ტა-

რება და კიდევ იმიტომ, რომ ლევანის თვალბში მისი მდგომარეობით გამოწვეულ ალალ აღტაცებას და მოწიწებას ხედავდა. სუფთები და მართლები იყვნენ ორივენი იმ წუთებში და ორივემ იცოდა ეს. ამასობაში ქალის უბებები შეუსრა და სახიდან ნაღველი გაუქრა. როცა ჩასასვლელად მოემზადა, კიდევ ერთხელ, ახლობლებივით გაუღიმეს ერთმანეთს და ის ჩავიდა. სამი დღის შემდეგ კიდევ ნახა ქუჩაში, შორიდანვე შენიშნა ყვავილებით დაჩითული განიერი კაბა. ამჯერად გვერდით ლევანივით მაღალი, მხარბეჭიანი, ლამაზი ბიჭი მოსდევდა, აშკარად ქმარი იყო. ლევანი რომ დაინახა, გაუღიმა. ამის მეტად აღარ შეხვედრია. არადა, ლევანს ხშირად ახსენდებოდა, ხან ორსული ქალის დანახვისას, ხან ისე, უმიზეზოდ. ერთი პირობა მისი დახატვაც გადაწყვიტა, მაგრამ არ ცდილა, რაღაც არ უშვებდა, თითქოს ორსულს დახატვას ვერ უბედავდა, რაღაც უჩინარი წინააღმდეგობის გადალახვას ვერ ახერხებდა და არც უნდოდა, რომ გადაელახა. როცა მის დახატვაზე ფიქრობდა, ის სირცხლის გრძნობა დაეუფლებოდა ხოლმე, მაშინ რომ იგრძნო, როცა ქალმა თვალი შეასწრო — რომ უთვალთვალებდა და იმისი გაღიშება სჭირდებოდა, რომ სირცხვილს გამკლავებოდა. მერე ისიც იფიქრა მუცლის გარეშე დავხატავო, მაგრამ თვითონვე შეძრწუნდა, შეებრაღა პატარაც და დედაც, თითქოს სურათში მუცლის მოშორებით საშოსაგან ნაყოფს მოაშორებდა. ბავშვიანი ქალის დახატვაც დააბირა, და ამასაც ვერ მოაბა თავი. ძე თუ ასული, ძე თუ ასული, — უცნაურად აეკვიტებოდა ხოლმე და წარმოსახვაშივე უძლურდებოდა ხაზი და ხუნდებოდა ფერი.

ლევანმა საღებავით გასვრილი ხელი ჩვარზე შეიწმინდა, ფუნჯი აიღო და ტილოსთან გაჩერდა. ცოტა ხანს დაჭიმული იდგა, მერე შვება იგრძნო მარჯვენამ, ამოძრავდა, გალალდა და ღრუბლებით დაიტვირთა ტილო, მტრედისფერი, პირისფერი, ლიანის-

ფერი გადმოსკდა, ბოლქვებდად აფრქვამდა აზვიდა. თეთრი ქალი გამოვიდა ღრუბლებიდან, ნიავმა აუფრიალა თეთრი კაბის კალთები და შუაზე გაყოფილი აბრეშუმით თმის ბოლოები: ლურჯი თვლები, გაფრენილი წარბები, გაბუტული ტუჩები დაასხდა მწყაზარ სახეზე, ოქროსფერკულულებიანი გოგონა მიიხუტა საესე მკერდზე და ამაყ მზერა მიაპყრო სივრცეს. უკან დაიხია ლევანმა. პირი გაშრობოდა და თავი უბრუნდა. ტახტთან მივიდა და მოწყვეტიტ გულადმა დაწვა. თვლები დახუჭა. აუტანლად მოუუნდა ქალის გრილი, მოალერსე ხელების შეხება, საფეთქლებზე ნაზი, ალერსიანი თითების შეგრძნება. თითქოს ამ განწყობილებებიდან თავის დაღწევა უნდაო, წამოიწია და თვალი გაახილა თუ არა, ქალის ამაყ მზერას წააწყდა. წამოდგა, ფანჯარა გამოაღო და თავი დამის აგრილებულ პაერს შეუშვირა. ოქროსფერი ციმციმა მძივებით უხვად მოქარგულ შავი ხავერდის გულისპირს ჰგავდა დაბლა გაწოლილი, მიწუმიებული ქალაქი. საათს დახედა. შუალამე გადასული იყო. მთელი თორმეტი საათი სულმოუთქმელად ეხატა. დარბაზის კუთხეში ონკანთან მივიდა, ბოლომდე მოუშვა და დათხუბნილი ხელები შეუშვირა. ლურჯი წყლის წვეთებით დაეწინწკლა თეთრი პერანგი. მერე წყალი გაცისფრდა, გაბაცდა, განისლისფერდა და გახალისდა. სველი თითები მოისვა სახეზე, საფეთქლებზე, თვალბზე, თიხის ფიალა შეავსო და დაეწაფა. გამოფხიზლდა, ონკანი დაკეტა, ფანჯარა მიხურა, თვალის შეუვლებლად ჩაუარა სურათს, კარი გააღო, სინათლე ჩააქრო, გავიდა, გასაღები ორჯერ გადაატრიალა საკეტში და ლიფტი გამოიძახა.

ქუჩები ცარიელი იყო, თავის სახლამდე სულ რამდენიმე მანქანა თუ შეხვდა. დინჯად აიარა კიბე, შინ შევიდა და პირდაპირ ლოგინისაკენ ქნა პირი. დაწოლისთანავე



მკედარივით ჩაეძინა.

დილით ტელეფონის ზარმა გამოაღვიძა. წამოიწია და ყურმილს დასწვდა.

— ლევან, გაგაღვიძე? გაგონილა თორმეტ საათამდე ძილი? ეს-ეს არის ჩამოვედი. იცი, როგორ მომენატრე?! შენც ხომ მაგრად მოგენატრე! საღამოს მოდი, ან თუ გინდა, მე მოვალ, ახლავე წამოვალ!

— გამარჯობა ქეთი, როგორა ხარ? — თავადვე განაცვიფრა თავისმა განურჩეველმა ტონმა და შეუსაბამო სიტყვებმა.

— ლევან, რა მოხდა? — გაისმა შეძრწუნებული ხმა. — არ გინდა, რომ მოვიდე?

— იცი, სადგურზე უნდა გავიქცე, დღეს ჩემებიც ჩამოდიან და იმათ ვხვდები, — ახლა ასე სახელდახელოდ მოგონილმა ტყუილმა გააკვირვა ლევანი.

— რაღაც მოხდა, ამ ორ კვირაში რაღაც მოხდა, — ტირილი შეერია ქეთის ხმაში.

— არა, საყვარელო, რა უნდა მომხდარიყო, როცა მოვიცილი, მე თვითონ დაგირეკავ, — გონს მოეგო ლევანი.

— დამირეკავ?

— უსათუოდ დაგირეკავ.

— არ დარეკო! — ქეთინი წასკდა ქეთის და ყურმილი დადო.

ლევანმა სინდისის ქენჯნა იგრძნო. ამდენი ხანი ქეთი არც კი გახსენებია, ის კი მთელი დრო ალბათ ლევანზე ფიქრობდა, აკი ჩამოსვლისთანავე დაურეკა კიდევ... როგორ თქვა, მხატვარი ყოფილხარტ და იმიტომ მიცანითო? თვითონ, თვითონ როგორღა იცნო, ხუმრობა ხომ არ არის მთელი შვიდი წელი, ბავშვი, ქმარი, ოჯახის საზრუნავი, და მაინც იცნო შვიდი წლის წინათ ორჯერ ნანახი, ნანახი არც კი, დანახული ვიღაც...პო, ქეთის უყვარს, ალბათ ძალიანაც უყვარს, ჩამოსვლისთანავე დაურეკა, მომენატრეო. თვითონაც ხომ ეუბნებოდა, ქეთი, მიყვარხარ, შენისთანა კარგი გოგო ქვეყანაზე არ დადისო...ნეტავი რა ჰქვია? სახელიც არ იცის, ალბათ ქმარს მაგრად ეყვარება,

ამასაც ეყვარება, კარგი ბიჭი ჩანდა, იქნებ მეორე შვილიც ჰყავთ, მესამეც, რატომაც არა, ამ შვიდ წელიწადში შეიძლება მესამეც შესძენოდათ...ცოდვაა ქეთი, დაურეკავს, უსათუოდ უნდა დაურეკოს, როგორ აწყენინა, როგორ დატოვა მართო თავის გრძნობებთან...ნეტავი, რა ჰქვია, იქნებ ქეთი, არა, ქეთი არ ერქმევა, რატომ იცნო, რატომ ახსოვდა, გამოდის, რომ მასაც მთელი შვიდი წელი ხსოვებია...

ლევანი წამოდგა, რომ როგორმე განთავისუფლებულიყო ამ უთავბოლო ფიქრებისაგან; მას ქმარი ჰყავდა, შვილი ან შვილებიც, რა აზრი ჰქონდა მასზე ფიქრს, ან რა უფლებით ფიქრობდა. თავს შეებრძოლა და ტელეფონისაკენ მიტრიალდა. დაურეკავს ქეთის, ეტყვის, რომ გადაიფიქრა სადგურზე წასვლა, თავს გაიმართლებს...მაგრამ გაუშეშდა გაწვდილი ხელი, კვლავ გაორდა მის სულში რაღაც, დაიშალა, დაირღვა ის წამიერი მთლიანობა. ნუთუ ასეთი მყარი იყო ის უხილავი სიმი, ამ შვიდი წლის წინათ რამდენიმე წუთში რომ გაიბა მათ შორის, ნუთუ შვიდ წელიწადს გაუძლო?! ასე რომ არ ყოფილიყო, ხომ არ იცნობდა ისიც. ისევე გამოფხიზლდა გონება და შერცხვა ლევანს, რომ ცილი დასწამა ორსულ ქალს, ლევანის სისუფთავის იმედზე მომღიმარს, მის სინდისზე უყოყმანოდ, დაუეჭვებლად დანდობილს, ეს ნდობა შვიდი წლის შემდეგაც რომ გამოჰყოლოდა და იქ, ლიტში იმ ნდობის ხსოვნით სიტყვა რომ არ შეაცვივა პირში და შვიდი წლის წინათ მდუმარედ დაწყებულ საუბარში მხარი აუბა.

ზარი გაისმა. ლევანი შეკრთა, ქეთი მოვიდაო, იფიქრა, ფეხთორევით გავიდა ღერეფანში და კარი გააღო.

— დათო, შენა?

— რა ძალიან გაგიკვირდა? უნდა მიშველო, ცეცხლისფერს ვეძებ და არაფერი არ გამოდის, ვერ შევაზავე, შენს სალუბავებს უნდა გადავხედო, სახელოსნოში მოვაკითხე, სახლში ყოფილხარ, — სხაასხუბით მიყარა დათომ.

— შემოდით. გუშინდელს აქეთ არაფერი მიჭამია, ვისაუზმობთ და მერე ავიდეთ.

დათო მადიანად ილუკმებოდა და თავის ახალ ჩანადფიჭრზე გატაცებით ლაპარაკობდა. ლევანი უღიმდამოდ პასუხობდა და უგემურად ლეჭავდა ლუკმას.

— რალაც გუნებაზე ვერა ხარ, — შენიშნა დათომ, როცა კიბეზე ჩადიოდნენ.

— უბრალოდ, გადავიღალე, — გალიმება სცადა ლევანმა.

მთელი გზა დუმდნენ. ცის კამარის ქუჩაზე, მანქანიდან რომ გადმოვიდნენ, ლევანმა სახლს ახედა და მეთავე სართული გადათვალა, სათვალავი აერია და ახლა მეფექსმეტე სართულიდან ჩამოთვალა, მაგრამ მზემ თვალი მოსჭრა და უკან მიჰყვა უკვე სადარბაზომდე მისულ დათოს.

— უნდა დაისვენო, ძმაო, გინდა, სადმე წავიდეთ? არც მე მაწყენს სუფთა ჰაერი... თუმცა, იმდენი ფული შვლიბე ამ სახელოსნოში და არც მე მაქვს მუთაქებში გამოკრული, — სცადა ხუმრობაში აეყოლებინა მეგობარი. ამასობაში ლევანმა სახესნოს კარი გააღო.

— ბიჭოს, ეს ვინ არის?! — ზღურბლზევე შესძახა დათომ და სურათისაკენ წავიდა. — ვენერა ღრუბლებიდან კი არა, ჭაფისაგან იშვა. ანტიკურობის უცოდინრობას ამყლავნებ, მეგობარო... კარგი, ისევე მე გიშველი, „მადონა ღრუბლებში“ დაარქვი.

— არ მოგწონს? — გულგრილად ჰკითხა ლევანმა, თვალი შეავლო გუშინდელ ნამუშევარს და სცადა მთლიანობაში აღექვა ფერადოვან ღრუბლებად განფენილ კოსმოსთან შეუღლებული ქალური ფორმები, მიწიერებისაკენ დაძრული სახის ნაკვეთები, პირმშოს ოქროსკულულებიანი კეფა, ნისლშეფრქვეულ პაწაწა სხეულზე შემოჭობილი თლილი, მზრუნველი თითები. ნაზი, სისუსტემდე ჰაეროვანი იყო ქალი, მაგრამ, ამავე დროს, საოცრად ძლიერი, ძვირფასი ტვირთით გაამაყებული, შინაგანი სიმშვიდით სიერცეზე გაბატონებული.

— ეს რა დაგმართნია, ძამია! გაუთავებელი ტუბილი ჩრდილები, ხავსიანი აგურების, კუბისტური კომპოზიციების, ბნელი ფანჯრების, წატეხილი კონუსების და ნაცრისფერი დაღულებული რკალების შემდეგ ეს... არ ვიცი, რა გითხრა, მაგრამ აშკარად რალაც დაგმართნია. აბა, თვალი გადაავლე შენს სურათებს... ვერსად ვერ გხედავ იმის ოდნავ მინიშნებასაც კი, რომ ამისათვის ემზადებოდი. — დათომ თვალი მოავლო კედლებს და მერე ეშმაკურად გახედა ლევანს. — არა, ისე კარგი ქალია, რას იტყვი, პა?

— კარადაში და მაგიდაზეა ყველაფერი, ნახე, იქნებ რამე იპოვო, — ბოლო სიტყვებს წაუყრუა ლევანმა.

— აშკარად ვერ ხარ გუნებაზე, ნაღდად რალაცაშია საქმე, რალაც მოხდა, რალაც დაგმართა, — იმეორებდა დათო და კარადაში იჭექებოდა. ლევანი თავზე ადგა და ხმას არ იღებდა.

— მგონი ვიპოვე, — ნარინჯისფერ საღებავს წაატანა ხელი დათომ, — ხომ არ დაგჭირდება?

— მე კიდევ მაქვს, აიღე.

— აბა, გავვარდი! მაგრად იყავი, არაფერს შეუშინდე! აქ არა ვართ?! — შეუძახა და მხარზე ხელი დასცხო. მერე ზღურბლიდან კიდევ ერთხელ გამოჰხედა ტატზე ჩამომჯდარ, თავჩაქინდრულ ლევანს და კარი გაიხურა.

რატომ მიცნო შვიდი წლის შემდეგ... მე რატომ ვიცანი? სულ არ მეცვლილა, თუმცა ახლა ისეთი სიფრიფანაა, მაშინ კი... დათომ, რალაც დაგმართნიაო, რა დემართა... ჰო, რა მოხდა ბოლოს და ბოლოს, შვიდი წლის წინათ ადგილი დავუთმე ორსულ გოგონას, რა დიდი საქმედ ვაქციე, ლამის არის ყელში ამოვადინო ის პატივისცემა... რა ამბავია, ეს გაუთავებელი „როგორ მიცნო“, „რატომ ვიცანი“... წამით გაბრაზდა საკუთარ თავზე. რატომ უთმობდა ამდენ ყურადღებას უცხო ქალს, უცხო ქმრიან ქალს, უცხო ქმარშვილიან ქალს... უცხო... არა, ის უცხო არ

არის, უცხო ისეთნაირად ვერ გაგიღიმებს, იმგვარად ვერ მოგენდობა, როგორც ის მაშინ, შვიდი წლის წინათ... უცხო რომ იყოს, ვერც მე ვიცნობდი შვიდი წლის შემდეგ... იმანაც მიცნო...

სურათს ახედა და თვალი თვალში გაუყარა ქალს. უცნაურად სასიამოვნო სევდა და ეუფულა სულს, მაგრამ უცებ ის ბიჭი აისვენა ქალის გვერდით, წამსვე სუსხიანი ეკლები გამოისხა სევდამ და ლევანს გულში მწარედ ეტყინა რაღაც. არსებობდა ვიღაც კაცი, ერთხელ თვალმოკრული, რომელსაც მისთვის თითქოს არაფერი დაეშავებინა, მაგრამ მაინც გაუსაძლისი წუხილი მოჰქონდა, რადგან იმის ქმარი იყო... თვითონ ისიც ხომ უცხო იყო... მარტო ამ ტილოზე დაეპატრონა, აქ იყო მისი... არა, ის უცხო არ იყო. ჩავა, ახლავე ჩავა მასთან; მაგრამ ვისთან? ვისი სახელიც კი არ იცის?! მერე ქმარი! რას ეტყვის იმ კაცს? არაფერია, რაიმეს მოიფიქრებ! თვითონ მას რას ეტყვის? თქვენი სახელის გასაგებად მოვედიო? ჰო, ის მაშინ ნამტორალევი იყო, ამ შვიდი წლის წინათ! ვინ აწყენინა? ვინ აატრია?

თითქოს ცნობიერება დაებინდა, თითქოს ნებისყოფა აწერთვა, წამოხტა, კარი გამოგლოჯა, მთვარეულივით ჩაიარა კიბეები, მეთუ სართულზე ლიფტს გასცდა და შეჩერდა. ორი კარი აღიმართა მის წინ, ერთი მარჯვნივ, რკინის, შავი, შეუღლებავი და მეორე მარცხნივ, თეთრი, ოქროსფერსახელურიანი. გულმა თეთრისკენ გაუწია, მაგრამ შავთან მივიდა და მიაყურადა, მოხუცის ჩიფჩიფა ხმა მოესმა, თითქოს ბავშვს ტუქსავდა. ახლა მარცხნივ შებრუნდა და თეთრ კარზე დარეკა. ზარის წკრიალმა გამოაფხიზლა, გულმა ბავბუგი დაუწყო, ცივმა ოფლმა დაასხა, მერე თავიდან რაღაც ჩამოიღვარა, მთელი სხეული ჩამოიარა, გამყარდა და ლევანი უცნაურად დამშვიდდა. კარი გაიღო და ის გამოჩნდა.

— გამარჯობა, — მტკიცედ თქვა ლევანმა.

— გამარჯობა, — შემკრთალმა ნაძალადევად გაიღიმა.

— შეიძლება?

მან უსიტყვოდ დაიხია უკან და კარით მოაღვივა. ლურჯი მაისური და ჭინსის შარვალი ეცვა. ლევანი შევიდა და დარეფანში გაჩერდა. ის მიხურულ კარს მიყრდნობოდა გამშრალი, ცივად უეღავდა დიდრონი ლურჯი თვალები. ლევანი შეწუხდა, მიხვდა, რაღაც უნდა მოეფიქრებინა, რომ როგორმე გაემართლებინა თავისი კანდიერება და დემშვიდებინა ისიც.

— მაპატიეთ, რომ ასე შემოვიჭერი, დარეკვა მინდა და ამ სახლში თქვენს გარდა არავის ვიცნობ, — უთხრა და დამნაშავესავით შეხედა.

ის მოლბა, შვებით ამრისუნთქა და ოთახში შეუძღვა. ვრცელ, მზიან, თაფლისფერ ოთახში დიდი ძველებური ბუფეტი, ტაბლა ფართო სავარძლებით, მრგვალი მაგიდა და რამდენიმე სკამი იდგა. ლევანი სავარძელში ჩაჯდა და თავისი ნომერი აკრიფა. ის ფანჯარასთან გაჩერებულყოფა.

— არ პასუხობენ, — თქვა ლევანმა და ყურმილი დადო.

— კიდევ სცადეთ, — განურჩევლად, უფრო ზრდილობის გულისთვის უთხრა.

— ბავშვი სად არის? — ჰკითხა ლევანმა.

— წყნეთში ისვენებს, — უპასუხა და ამჯერად თბილად გაიღიმა.

ლევანი საბოლოოდ დამშვიდდა და მისმა ღიმილმა ცოტათი გაათამამა კიდევ. იგრძნო, რომ შეირყა უცხოობის კედელი.

— რატომ ტირილით?

— ჰო, ნამტორალევი ვიყავი... ისე, წვრილმანზე ვიტყვი, მაშინ ყველაფერი მწყინდა. ზურა - მეგობრის ქორწილში წავიდა ორი დღით და არ წამიყვანა, ჩემი მგზავრობა უკვე არ შეიძლებოდა, მეწყინა, რომ ორი დღით დამტოვა. მთელი ღამე ვეხვეწე, არ წასულოყო. არა, არ წავალო, მიირიდებოდა, მერე დღით ადგა და წავიდა. იმავე ღამეს დაბრუნდა, ვერ გავძელი... — ის ფანჯარაში იყურებოდა მთვარეებში ჩაფლული, თითქოს ლევანის აქ ყოფნა დავიწყებოდა. მერე უცებ გამოერკვა, მკვეთრად მოტრიალდა, ლევანის მზერას წააწყდა და თავი ჩაღუნა.

— რა გქვია? — ჰკითხა ლევანმა.

— ლელა, — უსუსური, მიუსაფარი იყო ამ წუთას.

— მე ლევანი მქვია. შვიდი წელია ვიცნობთ ერთმანეთს და სახელები არ გვცოდნია. ლამაზი სახელია ლელა.

— ჰო, შვიდი წელია ვიცნობთ, — დამკინავმა ღიმილმა გადაურბინა ტუჩებზე და ლევანი შეკრთა.

— ლელა, ალბათ სულელი გგონივარ. წავედი, გმადლობთ, — თქვა და ფეხზე წამოდგა. — ის სამსახურშია? — მაინც დასცდა, მაგრამ არ შედრკა, თამამად შეხედა.

— თათას დაბადებამდე დაილუბა ავა-

რიაში, — ლამის ჩურჩულთ უბასტუნს. შერეულები გაიმართა, კვლავ ცივად აუელვარდა თვალები და მკაცრად, მტკიცე ხმით დაასრულა: — ლევან, აქ აღარასოდეს მოხვიდე.

ლევანი გამოვიდა და ბრმასავით დაეშვა კიბეზე. ცხელოდა, მაგრამ მას ამცივებდა, ყურებში გაუთავებლად ესმოდა ბოლო ფრაზა და სწყინდა, ძალიან სწყინდა იმ ბიჭის სიკვილი. ჭუჩაში გამოვიდა და სახლს ახედა, მეათე სართულის ფანჯარაში ლელა დალანდა და იგრძნო, რომ მალე, სულ მალე დაბრუნდებოდა მასთან და ერთად ივლიდნენ შვიდი წელი, კიდევ შვიდი, კიდევ შვიდი, კიდევ შვიდი წელი — მთელი ცხოვრება.

იალკიალი

სიცხით გათანაგულ ქალაქს გავცდით თუ არა, სალონში საამო სიგრილე შემოიპარა და აღუდებელი გონება ცოტათი დაგვიცხრო. დათო საზურგეს მიენდო და საჭეს ჩაფრენილი ხელები მოადუნა. ათიოდ კილომეტრიც და თათიას აგარაკზე ვიქნებით. ახლა ორივენი თავგამეტებით კვვერავთ ხალისს, მხნეობას, სიმშვიდეს და ძალად ვიტენით შემკრთალ სულებში. წუხელ გავიგეთ, რომ თათიას სისხლის გათეთრება აღმოაჩნდა, ის განწირულია და რამდენიმე თვის სიცოცხლეა დარჩენია. თათიამ არ იცის, იციან მისმა მშობლებმა და რამდენიმე ახლობელმა. ჩვენ უნდა გავიყლინოთ ხელოვნური იმედით, რომ თათიამ არ შეგვატყოს სასოწარკვეთა და სიბრალული. მას უნდა სჯეროდეს, რომ მალე განიკურნება.

შარაგზიდან მარჯვნივ გადავუხვიეთ, სოფელს ჩავუარეთ და ტყიანი ბორცვის ძირში განმარტოებით მდგარ დიდ თეთრ სახლს მივადექით. დათო მანქანიდან გადავიდა და გაუბედავად შეალო ჭიშკარი. ეზოში არავინ ჩანდა. გვერდით ამოვუდექით, ერთი ღრმად ამოვისუნთქეთ, მხრებში გავიშართეთ და მდგარად შევუყვით სახლისკენ

მიმავალ მოფილაქნებულ ბილიკს. აქეთიქით, ფაქიზად გაკრეკილ ხასხასა ბალახში კალიები დახტოდნენ. ეზოს შუაგულში შემალლებულ მრგვალ გაზონზე ყვითელი ვარდები ყვავდა. აქ ბილიკი ორად იყოფოდა, გაზონს ორივე მხარეს უვლიდა, კვლავ ერთდებოდა და სახლის მთელ სიგრძეზე გაშლილ ხუთსაფეხურიან კიბესთან წყდებოდა. ამ აგარაკზე ბევრჯერ ვყოფილვართ, რადგან თათია ჩვენი ბავშვობის მეგობარია. ბოლოს შარშან ვესტუმრეთ, დაბადების დღეზე. ვინ იფიქრებდა მაშინ, რომ თათიას ნატივ სხეულს უკვე უკურნებული სენი დაუფლებოდა. თეთრი, მაქმანებიანი კაბით ფერისავით დაფრიალებდა ქალაქურ ყაიდაზე გაწყობილ ვეებერთელა სახლში, ბედნიერი და უზრუნველი. ყოველთვის მომწონდა თათიას მამა, ეს მალალი, ხმელ-ხმელი ორმოცდათიოდე წლის პროფესორი, საოცრად დახვეწილი კაცი, რომლის მხურავში ღრმა ინტელექტთან ზიარებულ შინაგან მამაკაცურ სიძლიერეს ვამჩნევდი. თათიას დედა, ასაკთან შედარებით გაცილებით უფრო ახალგაზრდად გამოიყურებოდა ქანდაკებასავით ჩამოსხმული ქალური სხეუ-

ლით, წაბლისფერი სწორი თმითა და თავ-
 ლისფერი, მშვიდი თვალებით. იმ საღამოს
 ჩვეულებისამებრ ხალისიანად, დედაშვი-
 ლური მზრუნველობით გვევლებოდა თავს.
 მახსოვს, თათიას მამამ შვილის სადღეგრძე-
 ლო რომ წარმოთქვა, მეუღლეს მხარზე ხე-
 ლი მოხვია, თათიასაკენ გაემართა და შვილს
 ეამბორა. ერთ წუთს სამივენი იდგნენ, პირ-
 ზე ნათელი გადასდიოდათ და გაცისკროვ-
 ნებულთ თვალებით შესცქეროდნენ. ბედნი-
 ერი და ძლიერი მამა ბურჯივით დასდგომო-
 და მის ფართო მხრებს შეფარებულ მეუღ-
 ლეს და უზრუნველად მინდობილ შვილს.
 მსიამოვნებდა ძლიერი და მოსიყვარულე
 ოჯახის ცქერა.

კიბე ავიარეთ და კარს მივაღვიქით. და-
 თომ განწირულივით მომხედა და დააკაკუ-
 ნა. რამდენიმე წამში კარი გაიღო და თათიას
 მამა დავინახეთ. მობერებული მჩვენა. თვა-
 ლი ძლივს გავუსწორებ და რალაც, მისალმე-
 ბის მაგვარი წავილულულუღე. გავგიღიმა, ხე-
 ლი ჩამოგვართვა, რომ იცოდეთ, როგორ
 გამახარეთო, გვითხრა და ვრცელ დერფეა-
 ნში შეგვიძღვა. დერფენიდან მზით გასხი-
 ვოსნებულ ოთახში შევედით, სადაც
 გრძელ, ოვალურ სასადილო მაგიდას თა-
 თია, თათიას დედა, კიდევ ერთი ქერათმიანი
 ქალი და ორი პატარა, ასევე ქერათმიანი
 გოგონა უსხდა. ყველანი მომლოდინედ შე-
 სჩერებოდნენ კარს. ჩვენს დანახვაზე თათია
 წამოდგა. შავი ვიწრო შარვალი და შავივე
 მაისური ეცვა. ისეც ფერმკრთალ გოგოს
 მთლად სანთლისფერი დასდებოდა სახეზე.
 ღიმილმა დაუჭიმა თხელი, მქრქალი ვარდი-
 სფერი ტუჩები, გავრცელდა ღიმი, თვალბ-
 შიკ გაკრთა და მერე ცხადად დავინახე, რო-
 გორ დაიდგენთა სიმშვიდედ, მაგრამ რალაც
 უნდობელ, ჩასაფრებულ სიმშვიდედ. დავი-
 შამარე.

— შინ რომ არავინ დაგვიხვდა, მივხვ-
 დით, აქ იქნებოდით, — დათოს რიხიანმა
 ხმამ გონს მომიყვანა და ძალა მოვიკრიბე.

— ჰოდა, სინათლის სისწრაფით ჩამო-

ვქროლდით, — გახუმრება ვცადე და რა-
 ყაზე ვაკოცე თათიას.

— სულზე მოგვისწართ, სადილობას
 ვაპირებდით, — ვითომ ხალისიანად გვაბა-
 სუხა, მაგრამ ხმაში სიყალბე დავიჭირე. აშ-
 კარად რალაცას ხედებოდა.

— ყოჩაღ, ბიჭებო, რომ არ დიზარეთ
 და გვესტუმრეთ, — თითქოს შორიდან მო-
 ისმა თათიას დედის მოგუდული ხმა. მივეა-
 ხლე და ხელზე ვეამბორე. მისი გაყინული,
 უღონო ხელის შეხებამ მთლად მომსპოა.

— გაიცანით, ქალბატონი კრისტინა,
 ელენეს გარე ბიძაშვილის მეუღლე შორეული
 ესტონეთიდან და მისი ქალიშვილები, მარტა
 და აგნესა, — მოგვმართა თათიას მამამ.

კრისტინას უკვე მოესაზრებინა, ძველე-
 ბური ბუფეტებიდან ჩვენთვის თევშები და
 დანა-ჩანგალი გამოედო და ნარნარი მოძ-
 რაობით მაგიდაზე ალაგებდა. თავისი სახე-
 ლის გავანებაზე ზღვისფერი თვალები შე-
 მოგვანათა და მადლიანი ღიმილი შემოგვა-
 ფრქვია. გულს მომეფონა. მიგუახლოვდი,
 ჩემი სახელი ვუთხარი და თბილ, ფაფუკ
 ხელზე ვეამბორე. სუფრასთან მიგვიწვიეს.
 მე თათიას დედის გვერდით აღმოვჩინდი. და-
 თო ჩემს პირდაპირ, თათიასა და კრისტინას
 შუაში იჯდა, ხოლო გოგონები მაგიდის თა-
 ვსა და ბოლოში მოკალათებულებიყვნენ და
 ერთმანეთს უცინოდნენ. სადილის შევექ-
 ცეოდით და წითელ ღვინოს ვწრუპავდით.

— ელენე, შენ თითქმის არაფერს ჭამ,
 — მზრუნველი ხმით მიმართა მეუღლეს
 თათიას მამამ და მხარზე ნახად შეახო ხელი.

ახლალა შევნიშნე, რომ თათიას დედის
 თევშზე ხელუხლებლად იდო პურის ნაჭე-
 რი. მან ხმის ამოუღებლად დადგა ღვინის
 გრძელფეხიანი ჭიქა, მორჩილად გადაიღო
 მაიონეზმოსხმული ბოსტნეულის სალათი,
 ორიოდ ლუკმა გადაყლაპა და ჩანგალი უკა-
 ნვე დადო. მერე ხელები დაუტურდა და
 უმწეოდ დაესვენა კალათაზე.

— ეს სალათი კრისტინამ გააკეთა, ეს-
 ტონურია, — ყრუდ წარმოთქვა, კრისტინა-

ნას გაუღიმა და ჭერ მარტას, მერე აგნესას გახედა, — ბავშვებმა გამოგვაცოცხლეს, ხალისი შემოიტანეს ამ დიდ სახლში... — ხმა აუთრთოლდა და გაჩუმდა. დავინახე, როგორ მოძებნა თათიას მამამ მეუღლის თხელი, ცისფერ ძარღვებით დასერილი ხელი, ისე, რომ ძირს არ დაუხედია და თავის მუჭში მოიშრყვდია. თათია თეფშს ჩასცქეროდა და დათოს უსმენდა. კრისტინა ვაშლს თლიდა. ლამაზი, მკერდაფუფეული ქალი იყო, გულამოჭრილი მზისფერი კაბა ოთახში შემოჭრილ სხივებში ულივლივებდა, ნათელ, ლომბიერ თვალებში თან ღიმილი ედგა, თან მიუწვდომელი სევდა.

შევეცადე ჭკუფებად დახლეჩილი სუფრა გამემთლიანებინა და საერთო უხერხულობა დამერღვია.

— ესტონეთში ჩვენთან შედარებით სიცივე იქნება, არა, კრისტინა? ერთხელ ვიყავი და შუა ზაფხულში ლამის გავითოშე, — მიემართე რუსულად.

— ჰო, რა შედარებაა. აქ ისე ცხელა! მომწონს თქვენებური ზაფხული, — თბილად გამიღიმა და თათიას გახედა. — თათია დამცინის, ზაფხულს სიცოცხლეში პირველად ხედავო.

— მერედა, ვტყუივარ? — თათიამ გადაიკისკისა და მე ნაძალადევი მეჩვენა მისი კისკისი.

— კრისტინა, ერთი ჩვენებური შემოდგომა განახათ, — ჩაუერთო თათიას მამამ.

— ქარვისფერი შემოდგომა! ეს ქარვის მძივი კრისტინამ მაჩუქა, — თქვა თათიას დედამ და მკერდზე ჩამოკიდებულ მსხვილ ქარვის მძივზე დაისვა უსიცოცხლო ხელი.

ყავისფერ გულდახურულ კაბას ახალისებდა მსუყე ქარვა, მაგრამ ქალის დატეტკილ სახესთან, მიმჭრალ თვალებსა და ღარღარჩინეულ შუბლთან ვერაფერს გამხდარიყო.

— ძალიან გშვენის, კრისტინას ჩინებულის გემოვნება ჰქონია, — უთხრა თათიას მამამ, მძივი გამოსწია, ხელის გულზე დაიდო და ნაზად გადაუსვა გრძელი, ღონიერი თი-

თები. მძივს მზერა მოგწყვიტე და კრისტინას ზღვისფერ თვალებში ჩამდგარი სხივი შევნიშნე.

— ჩვენში მშვენიერი, ნაირ-ნაირი ფერის ქარვაა. ეს მძივი რომ ვნახე, ელენეს კეთილი, თაფლისფერი თვალები გამახსენდა, — თქვა კრისტინამ.

თათია მამას ფრთხილი, ალურსიანი მზერით შესცქეროდა. თათიას დედა გახევებული იჯდა, გაცრეცილ ტუჩებზე ღიმილი შეპყნევოდა, ჩამჭრალი თვალებით დაჰყურებდა მეუღლის თითებში ჩაღვრილ ქარვას და სახეზე თანდათან ტანჯვა ეხატებოდა. თათიას მამამ ფრთხილად გაუშვა ხელი მძივს, სუფრას თვალი მოავლო და როცა დარწმუნდა, ყველანი დანაყრებული ვიყავით და ზრდილობის გულისთვისდა ვისხედით, წამოდგა, მადლობა გადაიხადა, მეუღლის სკამის საზურგეს ხელი მოჰკიდა და ჩვეული გალანტურობით ქალს ადგომამი მიეხმარა. წამოვიშალეთ.

— მე ავალაგებ, — თქვა კრისტინამ და თევშების შეგროვება დაიწყო.

— კრისტინა, შენ ისედაც ბევრს შრომობ, თანაც დღეს ჩემი რიგია, — მიმართა თათიას დედამ.

— სუფრა ხომ შენ გააწყე, ალაგება ჩემზეა, — ხელი შეაშველა თათიამ.

— თქვენ სტუმრებს მიხედეთ, მე და ჩემი გოგონები მალე მოვრჩებით და შემოგიერთდებით, — გადაჭრით თქვა კრისტინამ და თათიას ჩვენკენ უბიძგა.

თათიას მამამ მეუღლე სავარძლთან მიაცილა და თვითონაც გვერდით მიუჯდა. ჩვენც იქვე, დივანზე ჩამოვსხდით. თათია მამის გვერდზე იჯდა და ხელი მის მხარზე ედო. მე ვხედავდი მწუხარებისაგან ფუძემერყეულ ოჯახს — უკვე დამარცხებულ, უსიცოცხლო დედას, დაღლილ, გატეხილ მამას, რომელიც მეუღლისადმი გადაჭარბებული თავზიანობით და მოჩვენებითი სიხალისით ებრძოდა თათიას გულში ჩასახულ ეჭვებს, რომელმაც იცოდა, რომ მისგან

ფარ-ხმალის დაყრა საძირკველის გამოც-
ლას ნიშნავდა და რომ სწორედ მას, მამა-
კაცს მართებდა, ბოლომდე ეზიდა ჯვარი: მე
ვხედავდი შემკრთალ შვილს, რომელიც დე-
დის ჩამქრალი თვალებით და დაშრეტილი
სულთთ გაწბილებული, სუსტი ხელებით ებ-
ლაუჭებოდა ჯერ კიდევ ილაჯშერჩენილ მა-
მას, შვილს, რომელიც გაუცნობიერებლად,
საკუთარი იმედის გადასარჩენად მამის სუ-
ლში მბუჭუტავ ნაპერწკალს დაფოფინებდა.
წამით თათიას სახეზე ონავრულმა ღიმილმა
გადაურბინა და მე თვალი შევასწარი, რო-
გორ მოსწყვიტა კაცმა თვალი სუფრასთან
მოფუსფუსე კრისტიანას მოხდენილ სხე-
ულს. თათია მამას მიეკრა და მხარზე თავი
დაადო. ვუყურებდი თათიას დედის გამო-
ციებულ, კედელს მიშტერებულ თვალებს,
მაყრფოლებდა და მინდოდა, ძალიან მინ-
დოდა ამ ოთახიდან გავვარდნილიყავი და
მცხუნვარე მზეს მივფიცებოდი.

— ტყეში წავიდეთ, სოკოზე, — მოუ-
ლოდნელად წამოიძახა თათიამ და ფეხზე
წამოიჭრა, — მამი, ტყეში წავიდეთ, მამუკა,
კრისტიანა, დათო, ტყეში წავიდეთ, დედა...

თათიას დედა შეკრთა, ფიჭვებიდან გა-
მოერკვა და შვილს ახედა.

— თათია, შვილო, თქვენ წადით, ხომ
იცი, მე მზეს ვერ ვიტან. კრისტიანა, მოეშვი,
მე გაავარძელებ.

— ჩემმა გოგონებმა ჭურჭელი კიდევ
დაამშრალეს, ასე რომ, საქმე აღარაფერია
და ყველანი წავიდეთ.

— მე დავრჩები, — სივრცეში ისროლა
თათიას დედა.

თათიას მამამ მეუღლეს შეხედა; მღუ-
მარედ ევედრებოდა თვალებით, ბაგეებით,
მთელი სახით, მომუჭული თითებით, თავი-
სთვის ძალა დაეტანებინა, რომ თათიას
იმედს კიდევ ერთი სხივი არ დაკლებოდა,
მაგრამ ჩანს, თათიას დედას ამის გაგებაც
აღარ ძალუძდა. ის დერეფანში გავიდა და
მძიმედ აუყვა ხის მასიურ კბებს. ერთხანს
უსიამოვნო დუმილი ჩამოვარდა. თათია გა-

მომცდელი მზერით უყურებდა თავჩაქინდ-
რულ მამას. მე, კრისტიანა და დათო
ვგრძნობდით რა ძალ-ღონის დაძაბვით ახე-
რებდა კაცი როგორმე ხელის ცახცახი შე-
ეკავებინა, რა ძვირად უჭდებოდა მშვიდი
იერი შეენარჩუნებინა; ვხედავდით, უსასო-
ობასთან მორკინალი კაცი მარცხდებოდა,
ვიცოდით, ახლა ჩვენ უნდა შევშველებო-
დით და გამალებით ვეძებდით შესაფერის
სიტყვებს, ქმედებებს, მოძრაობებს. კრის-
ტინამ გვიხსნა.

— თათია, რა კარგი მოიფიქრე, კალა-
თებს გამოვიტან და წავიდეთ. დედა დაღ-
ლილია, თავი სტკიოდა და თითქმის არ უძი-
ნია, დაისვენოს, — მაკოცხლებელი მშეფე-
ბივით მოგვესხურა მისი წკრიალა ხმა. თა-
თიას მამა თავი აიღო და წამოიმართა, გა-
ტეხილი, სხივიამქრალი, მაგრამ მინც ამტა-
ნი, უიმედო იმედს დაყრდნობილი.

— თათია, მე რომ სოკოს ცნობა არ
ვიცი: არც დათო მყავს ნამეტანი ყოჩაღი მაგ
საქმეში, — როგორც იქნა მოვახერხე ხმის
ამოღება.

— მამამ იცის, კრისტიანამაც, ეგენი გვი-
შველიან, — ათრთოლებული ხმით მომი-
გო, მერე უცებ წელში გაიმართა, ყელი მო-
იღერა, დამელოდეთ, ახლავე ჩამოვალო,
მტკიცედ თქვა და გავიდა.

მე და დათო ეზოში ჩავდით. მალე კრი-
სტიანა და მისი გოგონები გამოცქრიალდნენ,
მერე თათიას მამა გამოვიდა. ყველანი ვარდ-
ბის გაზონთან ვიდექით და თათიას ველოდ-
ოდით. კრისტიანამ ვარდის ტოტი ფოთლით
ფრთხილად გამოსწია და დაყნოსა. ამ დროს
თათიაც გამოჩნდა თეთრი, მაქმანებიანი კა-
ბით. შარშანდღეოვით შეწოდა ეს კაბა, მაგ-
რამ უფერული სახე და თვალებში ჩამდგარი
გამომეტყველება საზარელ სინამდვილეში
გვაბრუნებდა. გზას გაუყევით. წინ მარტა და
აგნესა მირბოდნენ, თავიანთ ენაზე რალაცას
ქლურტულბდნენ და კისკისებდნენ. თათიას
მამას და კრისტიანას მოწნული კალათები ეჭი-
რათ.

მზე მაგრად აჭერდა, მაგრამ მისი მცხუნვარება ჩვენ არ გვაწუხებდა. კრისტიანას კბა მოხდენილად შემოკვალთოდა მაღალ თეძოებზე, მოდიოდა ჯანსაღი, ძლიერი, მოალივლოვებდა მზისფერ კალათებს, მზისფერ თმას. მდინარეზე გადებული ფიცრებისგან შეკრული ბოგირი გადავიარეთ, შედმართი ავათავეთ და ერთბაშად დაბურულ ტყეში ავღმოვჩნდით. მიწაზე სქლად ეფინა ნედლი ფოთოლი, აქა-იქ მიფანტულ ლოდებზე მწვანედ ღვინავებდა ხავსი. რბილ ნიადგაზე ნაბიჯებს რაღაც მოკრძალებით, ფრთხილად ვადგამდით და სულგანაბლებით ვუსმენდით სიჩუმეს. მერე თანდათან გავუშინაურდით. ტყეს და სოკოს კრეფას შეუღდექით. მე, თათია, დათო და გოგონები გაჭირვებით ვპოულობდით ნეშოში მიმალულ თეთრა სოკოს და კრისტიანას ან თათიას მამის კალათში ვყრიდით. კრისტიანა და თათიას მამა კი გაწაფულად ირჯებოდნენ.

— გეყოფათ, ნუღარ ირჯებით! — შემოგვძახა თათიამ და ლოდზე ჩამოჯდა.

— აგაშენა ღმერთმა! — ამოიხვნეშა ლომი და ნეშოში მიჯდა. მეც დათოს მივბაძე. პატარა გოგონები იქვე დარბოდნენ. თათიას პირდაპირ ვისხედით და ვდუმდით. კრისტიანას გარეშე გვიჭირდა. ის კი კარგა მანძილით დაგვშორებოდა სოკოს კრეფაში გართული. თათიას მამაც მის სიახლოვეს ჩანდა. ვიჯექი და ვფიქრობდი, რა მომიგონებინა, რომ თათია გამერთო. ამ წუთებში ცხადად ვიგრძენი, როგორ სჭირდებოდა ამ

განადგურებულ ოჯახს, ასეთ მიძიმე დროს კრისტიანას გვერდში ყოფნა, მისი მომხიბვლელობა, მისი ქალური ალღო და მისი შვილების ხალისიანი კისკისი. კრისტიანა სჭირდებოდა თათიას დედას, თათიას, თათიას მამას — სამივეს.

ვზივარ ასე, უკიდურესად დაძაბული, კუნთებდაჭიმული და უცებ ვამჩნევ, რომ თათია ჩვენთან არ არის. უნებლიედ მის მზერას თვალს ვაყოლებ იქით, სადაც ოქროსფერად ლივლივებს კრისტიანას კბა. მერე დათოს რაღაც ანეკდოტი ახსენდება. ვიცინით, მაგრამ თათიას სიცილში ვეღარც ნაღდს ვარჩევ და ვეღარც სიყალბეს. ის არის, დათომ ახალი ანეკდოტი უნდა დაიწყოს, რომ უცებ თათია ხელის აწევით აჩერებს.

— იცით, რას გეტყვით? მოდი, მდინარეზე ჩავიდეთ საბანაოდ, — ამბობს და დგება. — აგნესა, მარტა, საბანაოდ წავიდეთ, — გასძახის გოგონებს და ისინიც სასწრაფოდ გამობრბიან. თათია ხელებს ჰკიდებს მათ, ყვირის, მამა, კრისტიანა, საბანაოდ მივდივართ, მდინარეზე დაგვლოდებითო და ადგილს სწყყდება. თათიას და პატარა გოგონების კისკისი ეღება ტყეს. დავინახე, როგორ ერთდროულად გაიმართნენ კრისტიანა და თათიას მამა და ჩვენცენ გამოიხვნეს. მე და დათო ჯერ მოუხეშავი ძუნძულით მივეყვით თათიას, მერე ჩვენც აგვიჩაატდა სხეულები და სირბილით დავეშვით მდინარისაკენ.

მარიამობა

ზაფხულის თბილი საღამოა. შარაზე დინჯი მასლათით მოდიან საგანგებოდ გამოწყობილი სოფლის ქალები, კალათებით სანოვავე მოაქვთ, მოტუნტულუბენ აყიყინებულ ბავშვები, ჩუმად მოაბიჯებენ ქუდიანი კაცები. აიარა ნონიანთ ჯალაბობამ, ერთხანს მიჩუმდა შარა და ახლა ჯაფიანთ

ქალ-რძალი, ბავშვები და კაცები გამოჩნდნენ, იმათ სოსიანი მიყენენ, მერე ლაზარიანი და ეშმაკურაანი. მარიამობა დღეა. ღვთისმშობლის საყდრის ეზოში რამე უნდა ათიოს სოფელმა. მუხის ქვეშ, ღობესთან მიმდგარა შავ, ბებრულ კბაში გამოკრული, გალუული, მოკაცული ღედაბერი, გამ-

ხმარი ხელები მუხლებამდე დასთრევს, თავი ურაცრაცებს, ტუჩებმოკუმული წინ გაიყურება და ხედავს დედაკაცების შავი თუ ჭრელ-ჭრული კაბების კალთებს, კაცების ღონიერ, ჩექმებიან ფეხებს, მზისაგან დამკრახულ, ჭანსად ბავშვებს. თვალებს სინათლე არ დაჰკლებია, მაგრამ ცოდვით დამძიმებულ ზურგს მალლა ვერ იღებს და მის თვალთახედვაში მიმავალნი წელამდე ძლივს თავსდებიან, ბავშვები კი, პატარა ბავშვები მთელი სიგრძე-სიგანით. სმენაც მახვილი შერჩა ბებერ ანეტას, ბავშვების ჟიჟივიც კარგად ესმის და დედაკაცების გადაძახილ-გადმოძახილიც. „ისეთი ლობიო შეეკმაზე, თითებს ჩაიკნენთო,“ „შენ ჩემი ქალები უნდა ნახო!“ „რა ჭენი, ლიზიკო, დაიჭირე ის შენი დედალი?“ ხედავს და ესმის ბებერ ანეტას, მაგრამ ბურუსი უტრიალებს თავში, ვერ გარკვეულა. „ნეტავ სად დაძრულა ამოდენა ხალხი,“ გამოინაკვებდა ფიქრი და ისევ ბურუსში გაიდღაბნება.

— აი, შენ კი გაგიწყრა ღვთისმშობლის მადლი, შენა! — ესმის ხრიწიანი ქოქოლა.

— გამწყრალი აქვს და ეგ არის, სიკვდილსაც არ უნდა ეგ ჯოჯოხეთის მოციქული, ეგა!

— მაგის ხნის ქვა აღარ დაგორავს ამ სოფელში!

დაცარიელდა შარა, მიწყდა ხმები, ჩამომიუქა. დარჩა ბებერი ანეტა მიწას დაჩერებული. გონებაში წედან გაგონილის ნაგლეჯები ბორიალობდნენ, მესხიერებას უხათქუნებენ დაკონკილ კიდებს. „შენ კი გაგიწყრა ღვთისმშობლის მადლი...მოციქულო...შენ კი გაგიწყრა...ღვთისმშობლის მადლი...ჯოჯოხეთის მოციქულო...“

უცებ ბებერ ანეტას გამოცილებული სახე ერთბაშად ეძაგრება და თვალები უჩვეულოდ უფართოვდება...

— ბიჭო, კოლა, ახლა კი ფრთხილად მოუმარჯვე ბარი, ამაზე ღრმად ხომ არ დაფლავდა ეგ ჯოჯოხეთის მოციქული, ეგე! ბაღის ბოლოში ჩარიგებული ჭანჭურების

ქვეშ ერთი კაცი მიწას თხრის, სხვები შემოეხვევიან და მითითებებს აძლევენ.

— აი, შენ კი გაგიწყრა ღვთისმშობლის მადლი ამ მარიამობის დღეს, შე შენ მიწაში ჩასადებო, შენა!-წამოიძახებს განაპირას მდგარი გაავებული დედაკაცებიდან რომელიმე და წყველა-კრულვას მიაყრიან დანარჩენებშიც.

— რა ეგონა, ვერ ვატყობდით, გაბერილი რომ დადიოდა!

— ჩამოვიდა გუშინ დილას წყაროზედ უმუცლოთა!

დედაკაცების წინ ნორჩი, ლამაზი ანეტა დგას პერანგისამარა, წელამდე აყრია გიშერივით შავი თმა, გიშრისფერივე ამოღამებული თვალები საოცრად უპრიალებს.

ობოლი ანეტას ბაღში ნახევარ სოფელს მოუყრია თავი, გადაუფეგავთ დახუნძილულ ვაშლებს შუა ჩარიგებული ლობიო და სიმინდი.

— ვაი, — უცებ დაიღმუველებს კოლა და აბუბუნდებიან კაცები. ქალების კვილიცას მისწვდება და ერთხანს დუმილი დაისადგურებს. კოლა ხელიდან ბარს აგდებს, რეტიანივით გამობარბაცდება და პირველივე ვაშლის ხეს ჩაეკონება. განზე გადგებიან კაცები. მოხუცი გუცა ორმოსთან ჩაიჩოქებს, წაიხრება, აკანკალებული ხელებით ამოიღებს ჭინჭებში გახვეულ რაღაცას, მუხლებზე ხალხისაკენ მოტრიალდება, მიწაზე დასვენებს და ფორთხვით გაერიდება. ისევ აკვილდებიან ქალები და ისევ ჩამოსკდება სიჩუმე.

— ცოდვისშვილოო, საცოდავო ცოდვისშვილოოო, — აღულუნდება მოხუცი მართა, რწვეა-რწვეით წავა წინ, ძირს დაემგება და ფრთხილად, მზრუნველად ჭიჭინებს შემოაცლის ჩვილის გალურჯებულ გვამს. — გაგაღვიძევით, პატარაა, გაგაღვიძევით, ცოდვისშვილოო?

გულში მჯიღს დაიცემენ დედაკაცები, მისცვივდებიან ქვად ქვეულ ანეტას, თმით დარბაზში პანგებად იღვრება დაუოკე-

მიათრევენ ორმოსთან, გადააბამენ ჭიჭინებს, ყელზე ჩამოაკიდებენ, შიგ ჩაუწვენენ გვამს და გაიგდებენ წინ. აატარ-ჩაატარებენ შარაზე, მთელი სოფელი, დიდ-პატარიანად მისდევს უკან და წყველა-კრულვას აყრის.

საღამოხანს, საყდრის იქით, სასაფლაოს ბოლოში პაწაწინა საფლავს თხრიან კაცები, ყელიდან ტვირთს ჩამოხსნიან ანეტას, სახელდახელოდ გაკეთებულ პაწაწინა კუბოში ჩაასვენებენ და ხელმოვარედ ასაფლავებენ.

დგას ქვად ქცეული ანეტა.

— ნეტავი ვისი იყო? — ჩურჩულებენ დედაკაცები.

— გაომა და გამოღმა სოფლისა, ქვეყ-

ნის ოხერი დაუდიოდა.

— ვერ ვუპატრონეთ ობოლ გოგოს, — გმინავს მოხუცი გუცა.

გვერდს აუქცევენ ანეტას, გაიკრიფება სოფელი სახლებში, ვიღას ახსოვს მარიამობის დღესასწაული, მთელი კვირის სამზადისი.

ის ღამე ახალ საფლავზე აგდია გონწასული უპატრონო ანეტა. გარიყრაფზე სოფლის შარაზე მოლასლავებს პერანგისამაძრა, თავისი ქოხის კარს შეაღებს და სოხანეზე დავარდება.

...

გარიყრაფზე ღამისთევიდან ბრუნდება სოფელი. მუხის ქვეშ, ღობესთან პირქვე გდია ბებერი ანეტას უსულო გვამი.

კოლაში

მუხიკაღური პიესა

ბელი ჟინი, აუხსნელი გამიჯნულობა, გადაჩეხილი ძახილი და გაწონასწორებული ლტოლვა, გამჭვირვალე ერთობა, განფენილი თხრობა. ზვირთებად მოვარდნილი არპეჯაოები, მიკროთემების კასკადი, მოულოდნელად უცილობლად სი ბემოლზე რომ წყდება და შეკითხვებად გაისმის: აკორდები, ხმაჩახლეჩილი აკორდები გაიქცევიან და სიმყარეს ვერ აღწევენ, მიწა ეცლებათ ფეხქვეშ...მერე დამშვიდდება, გაივაკებს თემა, დაიწმინდება ბგერა, ხმას შეუწყობენ ტრიოლები, გაცხადდება ამბავი, კანონზომიერი დასასრულისაკენ წავა და...ისევ სულის ცეცებით ყიალი, გაუსაძლისი წყურვილი...ღარბაზში არიან ორივენი.დიანა რომ მოვიდა, მაესტრო მოსაცდელში იდგა და მაესტროს ჩათვლით ყველამ სათითაოდ ჩამოართვა ხელი. მერე ის იყო, კონფერანსიემ ბოლო სიტყვები წარმოთქვა — ასრულებს ავტორია, რომ კულისებში ნიკა შემოვარდა: დედა მოვიდა, შეიძლება მასთან დაჯდეთ, და კიდევ კარგი, პასუხს არ დაელოდა, თორემ დიანამ არ იცოდა, რა ეპასუხა. ნისლი...პა-

ტარა გოგო საკუთარ ანარეკლს მისჩერებია სარკეში და რაღაც ამოცანის ახსნას ღამობს: ეს მე ვარ, მე ვარ, მე ვარ, ...რა...ვინ...უკვდავი...არ დავებრდები...მე ვარ...სულ ვიქნები...ვიყავი...სადა...ეს მე ვარ...იქამდე იმეორებს გონება, ვიდრე უსასობას შიში არ შეცვლის და სარკეში ანარეკლი არ შეიმდგრევა. მერე ერთბაშად თავს გააქნევს, თვალებს დახუჭავს, ისევ გაახელს და სარკეს შორდება. პიანინოს ახდის, კლავიატურას დააცქერდება და უცებ თითებით დაედევნება რაღაც მჭროლავს, დაუდგარს...მიეწევა, საცაა უნდა წაატანოს ხელი, მაგრამ უსხლტება, უსხლტება...ეპარება მაინც, თითებში მოიმწყვდევს, დაეუფლება, ჩაუსახლდება...ნისლი...

დედა, მამა მოვიდა...რა უცებ დაალაგა ბავშვმა ათი წლის მოუვლელი, ნებაზე მიშვებული და გავლურებული, ათი წლის წინათ დაწყებული, ძირშივე მოკვეთილი, უფესვოდ განტოტილი და გაფოთილი. შეხვდნენ, შეუყვარდათ, შეუღლდნენ... ნისლი...უშენოდ მოკვდები, კიდევ კარგი,

რომ გვიპოვნე, რა კარგია, რომ მიპოვნე... მო-
 ლბერტი, ხატვა და ხატვა გაუთავებლოვ, სა-
 ლბეავების განზავება, ფუნჯების წმენდა,
 ტილოების გადაჭიმვა... პიანინო, დაკვრა და
 დაკვრა გაუთავებლოვ, ტონალობების ძიება,
 ბგერის აღმოჩენის სიხარული, აქ დიეზი, იქ
 ბემოლი... ვენება, გამშავებული ხვევნა-ალე-
 რსი, ჟრუნანტელი და ნეტარება... რა ბედნი-
 ერი ვარ... მეც ბედნიერი ვარ... რა უყავი ჩემი
 ფანქარი, გესმის, გასკდა თავი, რას ჩააცვიდი
 მაგ მელოდიას... შემკრთალი თვალები, სა-
 ლბეავით დადბანილი კლავიშები, დარტყ-
 მის მოსაგერიებლად აფარებული ხელე-
 ბი... მაპატრე, მიყვარხარ, უშენოდ მოკვდე-
 ბი... ჟინიანი კოცნა, ვენებიანი ხვევნა, ჟრუნ-
 ანტელი... დღეს ნუ დაუკრავ; სიმშვიდე მინ-
 და, გამოფენამდე ცოტადა დარჩა... დღეს ნუ
 დაუკრავ, ახალ სურათზე უნდა ვიფიქრო,
 ოთახიდან გადი, ან სჯობს, ცოტა ხნით მშო-
 ბლებთან დაბრუნდე... მოხვედი? კარგია,
 რომ მოხვედი... პიესა დაწერე? მომასმენინე?
 ყოჩად, კარგია. მიდიხარ? კარგი. მოხვედი?
 რას უნდა გატყობდე? მართლა? მიყვარ-
 ხარ... ბავშვი გააჩუმე, გააჩუმე, თორემ გავ-
 გიყდები! რა ჯოჯოხეთია! წაიყვანე? კარ-
 გი... დინა, შენა ხარ? სად ხარ, რატომ არ
 მოდიხარ? როგორაა პატარა? რაო? როგორ
 ბედავ? მე მაგას არ დავუშვებ! უკვე შეიტა-
 ნე? ორ თვეში? არ გაპატრები!

სასამართლოში არ გამოცხადდა ერ-
 თხელ, მეორედ, მესამედ, მეხუთედ, მეშვი-
 დედ და ბოლოს გაბეზრებულმა მოსამართ-
 ლემ გამოიტანა განქორწინების გადაწყვე-
 ტილება. ტკივილიანი ტანჯვა, ლოგინიდან
 აღარ ავდგები, ვიწვები წლობით, ვიდრე სი-
 კვდილი არ მომაკითხავს და ვუყურებ ბავშ-
 ვის გაზრდას. იწვა ერთ კვირას, მეორე კვი-
 რას, არ ესმოდა ბავშვის ტირილი, ჟღერ-
 ტული, ელოდა მას, იქიდან კი არაფერი ის-
 მოდა. მერე უფრო გამყარდა ნისლი და დინა
 თანდათან ფეხზე წამოდგა. საათები კლავი-
 შებთან, დღეები, თვეები და წლები, ისევ
 ძიება, ისევ მუსიკა... გადარჩა! უკან აღარ

იყურებოდა. ხუთიოდწლის წინათ გამოუ-
 გზავნა ნათესავი, ბავშვი მაჩვენე, დაგხმა-
 რებიტო; მეორედ, მესამედ; სამჯერვე გაიხ-
 სნა ჭრილობა, რად უნდოდა შუამავალი,
 ნუთუ დინასთან აღარაფერი ესაქმებოდა?
 სამჯერვე უარით გაისტუმრა. ეს იყო და ეს.
 მერე თვითონ მიაკითხა ბავშვს სკოლაში,
 მიიჩვია და დინას დაუკითხავად თავიც შე-
 ყვარა. ბავშვი მამას მაინც ვერ ეძახდა, ხან-
 დახან ეტყოდა ხოლმე დინას, დღეს „ის“
 მოვიდაო და დინაც არაფერს ეკითხებოდა.

ნისლი... ცხოვრებამ გვერდზე ჩამიარა,
 განცდები მხოლოდ კლავიშებთან, წარმო-
 სახეაში. ნამდვილი სიცოცხლის წყურვილი,
 ვიხრჩობი!... ვიდაცის მოლოდინი. ის გასულ
 ზაფხულს გამოჩნდა, გასულ ზაფხულს,
 როგორც მამაკაცი, ისე გამოჩნდა, თორემ
 ცნობით უკვე სამი წელია იცნობდა და ისე-
 თი უკიდურესი პატივისცემით იყო გამსჭვ-
 ალული, ლამის სუნთქვა ეკვროდა ხოლმე შე-
 ხვედრისას... დღე მინორში სჯობს, აქ გრავე,
 მთავარი თემა წარმოაჩინე... ადაყოი... კან-
 ტაბილე... იქ სი ბეკარი... აქ მერვედია... მათი
 ოსტატ-შეგირდული ურთიერთობა უჩვე-
 ულო, უცხო თვალისათვის საეჭვოც იყო. ეს
 ორივემ იცოდა და ამიტომ სიტყვა არავის-
 თან დასცდენიათ; ერთმანეთი კი არ გაუფ-
 რთხილებიათ, ჩვენი შეხვედრების შესახებ
 არავის უთხრაო, თვითონვე იგრძნეს, რომ
 ასე იყო საჭირო, თორემ გაფრთხილები-
 კენ უბრალო მინიშნებაც კი გააფუჭებდა,
 გააიფხებდა ყოველივეს და დააფრთხო-
 ბდა ორივეს, მეტადრე დინას... მკვეთ-
 რი სტოკატო... პაუზა... პიანისიმო... მე-
 თექვსმეტედი... აქ ბემოლი სჯობს... ეს
 უნისონი ცოტა ყალბად ჟღერს... სა-
 თუთად შეინახეს ის სამი წელი და მე-
 რე ნავსი ოსტატმა გატეხა: „მიყვარ-
 ხარ!“ მეც მიყვარხართო, ანგარიშმიუცე-
 მლად მიუგო დინამ, მაგრამ იმ სიყვარულს
 არ გულსხმობდა. ასე თავისუფლად იმი-
 ტომ უპასუხა, რომ მასთან ყოველთვის
 მშვიდად გრძნობდა თავს. მერე აღმოჩნდა,

რომ კაცი მართლა იმ სიყვარულზე ლაპარაკობდა. დინას გაუკვირდა, ერთი დიდი მიწის დაუწერა გუნებაში და ცოტა კიდევ ეწყინა, რომ ის თითქმის ჩვეულებრივი აღმოჩნდა; მაგრამ პატივს სცემდა, მისი ამაგი ახსოვდა და მართლა უყვარდა, თუმცა ჩვეულებრივად. თანდათან დაჰყვა, იმიტომ, რომ სჭირდებოდა განცდები, იმიტომ, რომ სანდო იყო...ნისლი ყმაწვილობისდროინდელ ჩემს თავს მაგონებ, ისეთი ჩემი ხარ...მე მომწონს შენი სხეული...აქ რუბრიზა ზედმეტად მეჩვენება...ფორულაგები გამჭვირვალუბას შემოიტანს...აქ კონტრაპუნქტი...სინკაბა...თემას დახვეწა სჭირდება...შენ ჩემთან კარგად იქნები...აქ კრეშენდო...მოდორედ, მშვიდად მიდიოდა ყოველი...და ერთხელ...გახდი ჩემი ცოლი!...აკვივლდა მოგონებები: უშენოდ მოკვ-

დები, რა კარგია რომ გიპოვნე...გამმაგებელი ხვევნა-ალურსი...დაუოკებელი ჟინი...გადაჩხილი ძახილი...

ის დარბაზშია...მასთან მოვიდა, ახლა უკვე დიდი მხატვარი. ეს ცხოვრებაა, ნისლში გალანდული სინამდვილე და უნდა გაიფანტოს ნისლი, ვიდრე თითები უკანასკნელად მოსწყდება კლავიმებს და მუხლებზე დაესვენება.

დედა, მამა მოვიდა!

ხმაჩახლეჩილი აკორდები გაიქცვიან. სიმყარეს ეძებენ...

დედა, მამა მოვიდა!

უკიდურესად დაჭიმულ თემას ზეგვივით ატყდება ძლიერი კადენცია... დედა, მამა მოვიდა! სამი მეზივით აკორდი, და ნისლი მთლიანად იფანტება.

ღრუბელი

ღიმინაკრული შედის ლაბორატორიაში და მისალმებებს არიგებს. მაგიდას მიუჯდა, უცხოური ყურნალი გადაფურცლა და სტატიები გადაათვალიერა, წამოდგა და ოთახში გაიარ-გამოიარა, კომპიუტერთან დაჯდა, ჩართო და ისევ ადგა...გულს ვერაფერს უღებს. სრული ათი დღეა მისგან არაფერი მსმენია. ასეთი დიდი შუალედი ჯერ არ ჰქონიათ. უშედეგოდ ელოდა ტელეფონის ზარს შინ თუ სამსახურში. მერე ისევ აუტანელი შაბათ-კვირა, როცა ის შინა და დარეკვა განსაკუთრებით უჭირს შინაურების გამო. როგორც იქნა, ეს ორშაბათიც დადგა. იცის, ახლა სასოწარკვეთილი გამომეტყველება აქვს, ასე ჰგონია, ყველა ატყობს ამ ოთახში, რაც უჭირს. ეს ათი დღე ყურმილის აღებას ვერაფერს ასწრებდა, მაგრამ ან სხვა ურეკავდა, ან სხვას ურეკავდნენ. ეგონა, ისიც ეტყობოდა, თუ როგორ ელოდა ერთ ზარს. შინაც იგივე მდგომარეობაა. პარასკევ საღამოს რომ ვეღარ მოითმინა, თვითონ

დაურეკა. მან უპასუხა. დინამ „გამარჯობათო“ უთხრა თუ არა, ყურმილი დაუკიდა. ოფლმა დაასხა, ყურებმა მსხეული დაუწყო, სამიოდ წუთს გარინდებული იჯდა და აზრს ვერ იბრუნებდა. მერე ერთბაშად დაუბრუნდა ცნობიერება, ყელი მოიღერა და უჩვეულო სიამაყე დაეუფლა. იმ წამებში აღარ სჭირდებოდა ის, წამოდგა, თავისი ოთახიდან გავიდა, ბავშვი ხელში აიტაცა და მიეფერა. ქმარმა წიგნიდან თავი აიღო და სიყვარულით ახედა ცოლ-შვილს. ძლიერი, დამოუკიდებელი, თავისუფალი იყო ერთხანს. მერე თანდათან ისევ ჩაიძირა ნაღველში, ეჭვებში, უსასოობაში. თერთმეტი სრულდება, ახლა ალბათ სამსახურშია და უსათუოდ დარეკავს. მაგრამ რომ არ დარეკოს...ოთახში კიდევ სამი ადამიანია, მაგრამ დინა შეუპოვრად სწვდა ყურმილს. „დიდაჰ,“-მისი ხმაა. „ალო,“-ამბობს გაუბედავად, მხოლოდ იმიტომ, რომ თავისი ხმა გაავლის. ის ცარიელია. შედის და გამეტებით

კრეფს იმავე ნომერს. სხვა პასუხობს. „თავი ამარიდა“. ყურმილს დებს და ყურები შხუ- ილს უწყებენ. ჯიქურ წამოიჭრა, თავის ოთახში შებრუნდა, ჩანთა აიღო, დაიბარა, მალე მოვალო და გავიდა. დერეფანში თვალთ უბნელდება, ასე ჰგონია, გვირაბში მიდის, თითქოს ვიღაც გამოეღლაპარაკა, თითქოს მიუგო, მალე დავბრუნდებიო, და კარს მიადგა. ლიფტის ლოდინს ვერ აიტანს, მიჭრის, არ აზროვნებს, ხელები თავის ნებაზე მოძრაობენ, უკვე რაღაც მანქანაში ზის, მოედანზე აჩერებიანებს და მსხვილ კუბიურას აწვდის. „ვაითუ გამასწროს, მემალბა!“ ხურდას არ ელოდება, სწრაფად გადმოდის, პატარა, მშვიდ ქუჩას აირბენს. თანდათან უბრუნდება ცნობიერება. კიბე ათავა. მისი ოთახის კარი ღრეჭოდა და დატოვებული. თვალი მოჰკრა. „მოვუსწარი!“ ოთახში კიდევ ორი თანამშრომელია. კარს მორიდებით ადებს და კითხულობს:

— შეიძლება?

წამოდგა, ხელი ჩამოართვა და აკოცა. თანამშრომლები გაუღიმებენ და საუბარს აგრძელებენ. ერთი-ორჯერ დინასაც ჰკითხა რაღაცა, თავაზიანად პასუხობს, ილიმება, შინაგანად მათგან რაღაც მხარდაჭერას ითხოვს, თვითონ მას შეხედვას ვერ უბედავს და არ უნდა, ძალიან არ უნდა, რომ ის ორნი ოთახიდან გავიდნენ. ეშინია, ჰგონია, რომ გააძევენს. საუბარი მთავრდება და ის ორნი ოთახიდან გადიან.

— როგორ ხარ? — ეკითხება.

— ავად იყავით? — კითხვითვე პასუხობს და გაუბედავად უყურებს. „ნაავადმყოფარს ჰგავს“.

— არა, ღრმა დეპრესია მქონდა, შინიდან არ გავდიოდი, ნელ-ნელა გამოვდივარ მდგომარეობიდან. შენი ნახვა ერთობ დიდებითად იმოქმედებს.

— მე ხუთ წუთს დავრჩები, შეიძლება?

— მეტი იყო!

— მე...მე უთავმოყვარებო არ ვარ, მაგრამ...შუქი...სიცხადე მინდოდა...

— როგორ, როგორ თქვი? უთავმოყვარებო? — ელიმება. — ღრუბელი, ეს დღეები დარეკვას და ლაპარაკს ვერ ვახერხებდი, ცხრა მოწმე მადგა თავს. იმედი მქონდა, მაგრად იქნებოდი. ჩვენ ხომ შევთანხმდით, რომ თუ არ ვრეკავ, მამ შეუძლებელია დარეკვა. დღესაც იმიტომ გავთიშე, რომ ამდენი ხნის შემდეგ მშრალად და სიმბოლოებით ლაპარაკი არ შემეძლო. ვიფიქრე, ესენი რომ გავლენ, მერე დავურეკავმეთქი. მართლა, ასე სწრაფად როგორ მოხვედი?

— მანქანა გავაჩერე, ვიფიქრე, გამექცეოდით. გაურკვევლობაში ყოფნა აღარ შემეძლო...

— რატომ უნდა გაგქცეოდით?! განა მე არ გიპოვნე?! რა ვერ გაარკვიე? ნუთუ ვერ ხვდები, რომ მაგ უნდობლობით შეურაცხყოფას მათყენებ? იცი, ძალიან მიყვარხარ და მეტისმეტ პატივს გცემ იმისათვის, რომ რაიმე, სულ ცოტაოდენიც კი მოგატყუო. მე ხომ ყველაფერში ბოლომდე გენდობი, შენ რატომ...

— მაპატიეთ.

— კარგი ქენი, რომ არ დაიხარე და მოიბრინე. ახლა გაერთიანებული ძალებით შევეუტევთ ამ მაჯლაჯუნას. შენ ყოფილხარ დეპრესიაში?

— არა, მიზეზი კი ბევრჯერ მქონია. თუმცა აბათიაში მუღმივად ვარ.

— მე კი ყოველ წელს მემართება ხოლმე. ჰო, მართლა, შენზე ამბობენ, მაგარი გოგოაო, მართალია? — ცდილობს როგორმე გადაბიჯებინოს ბარიერს.

— თქვენს გარდა ამას არავინ ამბობს, — ბარიერს იქით რჩება დინა, მაგრამ უკვე შვებით სუნთქავს. — წავედი.

— ზეგ შეგიძლია?

— შეეძლებ.

— ზუსტად იმავე დროს მოვალ. ალბათ ისევე შენ მიმასწრებ.

კარამდე აცილებს და კოცნის.

დინა მშვიდად მიაბიჯებს ქუჩაში, უხა-



რია მზე, უხარია ახალი შინდისფერი შარვალი, დღეს სასოწარკვეთილებასთან გასამკლავებლად რომ ჩაიცვა, აკვირდება ადამიანებს. სიამოვნებს ყმაწვილების ალერსიანი მზერა, უხარია გავითლილი ხეები, უყვარს ძველი კედლები, ასფალტიდან უნებურად ქვაფენილზე გადადის და ქუჩას მაღლა მიუყვება. გზა აქეთ არ აქვს, მაგრამ ჰგონია რომ გადაუხვიოს, ეს ნეტარება მაშინვე გადაივლის, ცნობიერება ბურუსში ლოვლივებს; თითქოს ნაბიჯს არც ადგამდეს და ესკალატორზე იდგეს, შეუქმნევლ აღმართზე სულ მაღლა და მაღლა მიიწევს. ბურუსი ერთბაშად იფანტება და ხედავს ტაძარს, ცნობიერება მყარდება, შემკრთალი პირს იბრუნებს და სწრაფი ნაბიჯით თავდაღმა დაუყვება. სამსახურში მიიჩქარის. „ღრუბელი, ღრუბელი...აბა, ღრუბელს ყველას ყველას ხომ ვერ დაარქმევს, ღრუბელი მარტო ჩემია.“

ამჯერად ლიფტს დაელოდა, მესამე საერთოულზე ავიდა, მშვიდად გაიარა დერეფანი, ოთახში შევიდა და მაგიდას მიუჯდა.

შავი ულაცო შეკაზმა. შავი მძიმე ბათინკები აცვია, შავივე გახუნებული სქელი შარვალი და ქურთუკი. წვიმა ახლადგადაღებულია, ნისლი გერ კიდევ აწვეს მთების კალთებზე შეფენილ ნაძვნარს. მწვერვალებიც სანახევროდ ჩანს.

— დირექტორმა თათბირი დანიშნა და პირველ საათზე ყველანი მის კაბინეტში შემობრძანდით, — ოთახში თავი შემოაყო მდივანმა ქაღმა.

შავი, მძიმე კლიტე დაადო დარბაზს, ეზოს ჭიშკარი გადარაზა და ულაცზე შეჯდა. თავდაღმართი ჩაათავა, აქაფებულ მდინარეზე გიდებული ბეტონის ხიდი გადაიარა და ასფალტს გაუყვა. კანტი-კუნტად ხვდება გამგლეული, ერთი-ორი მანქანაც ჩაუვლის. აი, სოფლის მოედანზე კი საკმაოდაა ხალხი, წვიმის შემდეგ რომ გამოიშლებიან ხოლმე. შავ, ჯიშანი ულაცზე შემართული მხედრის დანახვა არ უკვირთ, თვალი შეაჩვიეს, მაგ-

რამ მაინც წყვეტენ საუბარს და ზოგი მალე მალე ვით, ზოგიც დაუფარავად უმზერს.

— პირველი შესრულდა, — შემოიხედა ბესომ.

დირექტორის კაბინეტში თორმეტამდე თანამშრომელი შევიდა. დინამ იქაურობას თვალი მოავლო, თვალსაჩინო ადგილას მდგარი სავარძელი გამოარჩია და როცა თანამშრომლები კედლთან მიჯრით მიდგმულ სკამებზე ჩამორიგდნენ, იმ სავარძელში ჩაჯდა, მზერა დირექტორს მიაპყრო და გაიჩინდა.

— სამეცნიერო კონფერენციის მასალები წავიკითხე...

შავსამოსიან მხედარს თვალი არსად გაურბის, დაჟინებით გაპყურებს ჰორიზონტს. ოქროსფერი დალალები ოდნავ მოუჩანს თავსაბურიდან. მხრებზე რომ ეფინოს გამომწვევი გამოჩნდება, მას კი სულაც არ უნდა ხალხის სალაპარაკო გახდეს. ერთი მიზან-სურვილი აქვს — ზემოთ უნდა ავიდეს, იმ ტყიანი მთის წვერზე და ღრუბლებში გაეროოს.

— კონფერენციამდე ორი თვე რჩება...

წვიმით დამბალ მიწაზე მედგრად აბიჯებს შავი ულაცო, ფეხი ერთხელაც არ დასხლტომია. ცოტალა რჩება წვერამდე, მხედარი მალე აისრულებს საწადელს; მაგრამ მზე მძლავრობს, ნისლი გაიფანტა და ღრუბელი გამალებით აიჭრა ცაში. ვერც დღეს მიუსწრო.

— ეს ბიოლოგიურად აქტიური ნივთიერება აქამდეც გამოიყენებოდა, მაგრამ...

წარბიც არ შეტოკებია მხედარს. არაფერია, როცა იქნება მიუსწრებს. ჩამოქვეითდა. მიაბიჯებს თაკარა მზის ქვეშ, გზადაგზა კენკრას კრეფს და ველურ თაფლს აგროვებს. არაფერია! კიდევ ამოვა, აისრულებს საწადელს. ზურგზე მოექცა ულაცს.

— შეიძლება ითქვას, აღმოჩენის ტოლფასი გამოკვლევა...

უკან ბრუნდება შავოსანი მხედარი,

ბურავიდან. სოფლის შემოსასვლელში ჩამოჭვეთდა. აღვირით მოჰყავს შავი ულავი, თვალი არსად გაურბის, დაჟინებით გაჰყურებს ჰორიზონტს.

— ჩვენი ინსტიტუტის სახელოვანი ტრადიციები...

შავი ულავი მორჩილად მისდევს ულავს უკან. ხალხს არ უკვირს მათი დანახვა, თვალი შეაჩვიეს უკვე, მაგრამ მაინც წყვეტენ საუბარს და ზოგი მალვით, ზოგიც დაუფარავად უმზერს.

— დისციპლინაზე ნულარ მალაპარაკებთ. სამუშაოს ცხრა საათზე ვიწყებთ და ხუთზე ვამთავრებთ. როცა არ უნდა დამჭირდეთ...

აჭაფებულ მდინარეზე გადებული ბეტონის ხიდი გადაიარა, აღმართი აათავა, ეზოს ჭიშკარი გააღო და...

— სად ხარ, ეი, დაბრუნდი, — წასჩურჩულა ბესომ.

დინა არ შერხეულა, ისე დააბრუნა გო-

ნება დირექტორის კაბინეტში. თავბრუსმთავრდებოდა.

— თავისუფალი ხარო. დინა, თქვენ დარჩით.

თანამშრომლები გაიკრიფნენ.

— დინა, თქვენი დისერტაციის აპრობაცია ერთ კვირაში ჩავატაროთ. მგონი, ყველაფერი მზად გაქვთ.

— დიახ, — მორჩილად უპასუხა, სწრაფად ადგა და გამოვიდა.

— რაო, სად იყავი, სად დაფრინავდი?

— ღიმილით ჰკითხა მისი ოთახის კართან ჩამომდგარმა ბესომ.

— სადაც მინდოდა იქ, — უგერგილოდ მიუგო, ოთახში შევიდა და მაგიდასთან დაჯდა.

დარბაზი გააღო და უნაგირი შეიჭანა. კენკრას და და ველურ თაფლსაც იქვე მიუჩინა ადგილი. მერე იჭაურობას მოავლო თვალი. უნდა დააღაგოს. ის ხომ ზეგ მოვა.

მწერალი ვარ!

ოქროსფერი დალალი ჩამოშლია თავსა-

მე წერას ვიწყებ! მე წერას ვიწყებ, რადგან რა ხანია ვიცი, სულით ხორცამდე მწერალი ვარ, თუ დიდი არა, პატარა მაინც. რატომ ვარ ასე თავდაჯერებული? იმიტომ, რომ ვგრძნობ, ვხედავ, სხვანაირად ვუყურებ გარემოს, ადამიანებს, მოვლენებს, ყველაფერში რაღაცას ვეძებ, ყოველ წვრილმანში ვცდილობ დავინახო ის, რაც სხვებს არც მოაფიქრდებათ.

ლოდინს ვერ ვიტან. სხვები რომ მოთმინებით იცდიან ავტობუსის გაჩერებაზე, მე ერთ წამს დავდგები, იმავე წამს ვკარგავ მოთმინებას, რადგან ვერ ვეგუები უძრობას და ფეხით გავუყვები ხოლმე. მივაბიჯებ

ჩემთვის და ერთთავად რაღაცას ვჩიჩქნი, იმიტომ, რომ მწერალი ვარ. აი, მაგალითად, იმ დღეს ვხედავ, „უიგულის“ საჭეს შუახნის მსხვილ-მსხვილი ქალი უზის, ისეთი, საჭესთან რომ გვეცხოვება. კაპოტზე ბენზინის ჭურჭელი შემოუდგამს, ჩანს ბენზინი გაუთავდა. მე რომ ჩაეუარე, მის წინ ახალგაზრდა, სიმპათიურმა ყმაწვილმა გააჩერა გასისინებული „ფორდი“. მივდივარ, მაგრამ სულ უკან-უკან ვიხედები, მაინტერესებს რისთვის გააჩერა იმ ყმაწვილმა მანქანა, ბენზინი ხომ არ უნდა ჩაუსხას. ყმაწვილი გადმოვიდა. მივდივარ და ისევ უკან ვიხედები. სხვები მიდიან და წინ იყურებიან. მე უკან ვიხედები, იმიტომ, რომ მწერალი ვარ და მინდა გავარკვიო, თუ რატომ გააჩერა ყმა-

წვილია მანქანა და რატომ გადმოვიდა. ის ყმაწვილი იქვე, მაღაზიაში შედის. მაშ, იმ ქალის გულისთვის არ გაუჩერებია. გასაგებია და საესებით ლოგიკური. არადა, იმისათვის რომ გაეჩერებინა და ბენზინი მიეცა, როგორი გულის ამრევი სიკეთე გამოვიდოდა, იმიტომ, რომ ქალი შუა ხნისაა, დედად ან ბებიად ერგება და თანაც შეუხედავია. ახალგაზრდა რომ ყოფილიყო, ხომ მისთვის გააჩერებდა. იმ ქუჩაზე ნეტა სხვამ თუ იფიქრა ამაზე, ან საერთოდ ვინმემ თუ შენიშნა ის ჟიგულიანი ქალი და ფორდინი ყმაწვილი? თუმცა, შენიშვნით როგორ არ შენიშნავდნენ, მაგრამ ამდენი ფიქრით, მჯერა, მარტო მე გავიცხელე თავი, იმიტომ, რომ მწერალი ვარ.

ტელეფონი რეკავს.

— ზურკო, ბიჭო, უნდა მიშველო, ელექტროკარდიოგრაფის პასპორტი უნდა მითარგმნო, ახალ მეთოდს...

— თიკო, გენაცვალე, ამჯერად უნდა მაპატიო, ჩემი საქმე მაქვს.

— როგორ, უარს მეუბნები?

— ო, მე წერას ვიწყებ, იმიტომ, რომ ვიცი, სულით ხორცამდე მწერალი ვარ. ბულგარეთში ვიყავი ტურისტულ ჯგუფთან ერთად. რომელიღაც ქალაქში შევიჭრდი. სასტუმროში გიდმა გეთხრა, ოცდახუთი კილომეტრში ბაჩკოვოს ქართული მონასტერია და თუ მძღოლს ხუთ-ხუთ ლევს მისცემთ, წავიყვანთო. ჯერ გაისუსნენ, მერე ერთბაშად აყყანდნენ, დავილაღეთო, ერთმა ურცხვმა დედაკაცმა ნავსი გატეხა, ხუთ ლევად ერთი კი „მაიკას“ ვიყიდო, კაცებმა კიდევ ცოც „პიკას“ დავლევთო და მიიფანტ-მოიფანტნენ. გულში ყველას შევუკურთხე და მძღოლთან მივედი, ბაჩკოვოში წაყვანა ვთხოვე. ასი ლევი დაგვდებო. ფული გადავთვალე, დარჩენილი გროშები ჯიბეში ჩავბრუნე და მივეცი. მწერალი ვარ და იმიტომ. წინაპრის კვალზე გავლა მომიხდა და კიდევ გავიარე, იმიტომ, რომ მწერალი ვარ.

ამჟამად მძღოლს სარულოს ვწერდი, ახლამჯდამს მეცხრედაკლამი იყავი, ჯეპში ჰქონდათ კომუნისტური

შენცა, ბიჭო კოტიკო, ხომ დაგვიწერე მაგარი რეზენცია შენი ლექსების კრებულზე. მორჩა, მეყო თქვენი სამსახური, ჩემი უნდა დავწერო, ნამდვილ მწერლობას ვიწყებ.

ოცდაათს გადავბიჯე და ახლა ვიტყვი, არადა, რა ხანია ვიცი, სულით ხორცამდე მწერალი ვარ. ნაცნობი ბიჭი მოკვდა, უცაბედად. გასვენებაზე წავედი. დიდი ტირილი და უბედურება იყო, ქალებმა დედამის გააკავეს, მოგლიჯეს კუბოს და გაარიდეს იქაურობას. მამა თავად მომორდა და განზე გადგა. ჯგუფ-ჯგუფად იდგნენ მეგობრები, მეზობლები, ნათესავები. „წაიყვანეთ, კაცებო, მამამისი, ვფიქრობ, მე რომ მოვკიდი ხელი, არ ივარგებს, ახალგაზრდა ვარ და მეტწირობაში ჩამეთლება; ჰეი, ჭარმაგო კაცებო, წაიყვანეთ, არ გაიგონოს ჩაქურჩის რაკარკო“. ხელი არავინ მოკიდა, ახლა არავინ გაეკარა, ბასობდნენ თავისთვის. მე და მამამისს ერთნაირად გვხედობდა ჩაქურჩის ყველა დარტყმა გულში. „ახლა ქვების რახარუხი ატყდება, მიდით, კაცებო, ხელი მოხვეთ, თქვენი შკლავების ძალა მიეცით, გაამაგრეთ უბედური.“ გაიგონია, განაგრძობენ ბაასს, კაცი კიდგას გამეშებულნი. „თქვენ დაგეყარათ მიწა“, დედაკაცით ვიწყველები და მისვლას მაინც ვერ ვებდებ გამწარებულ მამასთან. მარტო მე ვიტანჯები ჭირისუფლის ტანჯვით, მწერალი ვარ ხორცამდე და იმიტომ.

— ზურკო, დათო მოვიდა, — შემოდის ჩემი ცოლი, დათოც უკან მოპყვება.

— ბიჭო, გაზეთი მიკვდება, ავანგარდისტების გამოფენა გალერეაში, ვრცელი სტატია უნდა გამიკეთო სასწრაფოდ.

— ვრცელი, არა?! დათო, ძმობილო, დღეს მე შინიდან ფეხს არ გავადგამ, — სულის მოთქმას არ ვაცლი, ზურგს ვაქცევ.

— მლუპავ?

კრიჭაშვიტური ვზივარ მაგიდასთან და აღარაფერი მეყურება. მხატვრებიო, ფიზიკოსებიო, მედიკოსებიო...მეყო ამდენი სულიერი პროსტიტუცია, აღარ მინდა ცოტათი მხატვრობა, ცოტათი ფიზიკოსობა, ქიმიკოსობა, მედიკოსობა, ცოტათი კრიტი-

კოსობა, მოკრივეობა, მთარგმნელობა... არა, ძმაო, სანახევრო არაფერი ვარგა. მე მწერალი ვარ, გესმით, მწერალი, აქამდე გულში ვწერდი, ახლა ქაღალდზე უნდა დავწერო.

— ეს რა ქენი, ზურიკო, გაგიჟებული წავიდა ის ბიჭი, — ჩამესმის ცოლის ხმა.

— წავიდეს, შენც წადი, თავი დამანებეთ, მე წერას ვიწყებ.

ვარ მწერალი, მამ! სხვას ვის მოუვა თავში, მე რომ მომდის ხოლმე. ერთხელაც, დავაბიჯებ დრეზდენის გალერეაში და ეტკბები დიადი ხელოვნებით. სხვებიც გადიგამოდიან დარბაზებში და ტკბებიან; მაგრამ მე ხომ მწერალი ვარ, ჰოდა მე მინდა განსხვავებულად შევიგრძნო, ხელშესახები გაეხადო ჩემი განცდა. მარტო აღმოვჩნდი მურილიოს რომელიღაც ტილოსთან, აღარ მახსოვს რომელი იყო და არცა აქვს მაგას მნიშვნელობა, თუნდაც ველასკესი ან პიკასო ყოფილიყო. ჰოდა, მივიხედ-მოვიხედე, არავინ მიყურებს, ავწიე ხელი და ნეტარებით დავუსვი თითები ზედაპირს, მხატვრის ხელების ოსტატობას თუ რაღაც ამდაგვარს მინდოდა გამოვჩინოდი სურათს. ჩემს მეტი იზამდა ამას ვინმე?! ყოველ შემთხვევაში იქ ეგეთი არაფერი შემიმჩნევია. კიდევ მახსოვს, რომელიღაც მუზეუმში ეპოქის სულის შეგრძნება განვიზრახე და როცა ახლოს არავინ იყო, შუა საუკუნეების რაღაც მომცრო ფიგურას შევახე ხელი. სიგნალიზაცია ჩაირთო და იმისთანა ზრიალი ატყდა, მტრისას... გაპარვით ვუშველე თავს. აი, ეგეთი ამოჩემება ვიცი, მწერალი ვარ და იმიტომ.

ბიჭო, ბესო, ორ დღეში გჭირდება არა, ეგ სტატია, დისერტაციისათვის მეჩქარებაო. ვერ მოგართვი, არ ვარ მე მთარგმელი, არ მაინტერესებს შენი კიბერნეტიკა.

მერე როგორი მწერლური ინტელიცენცია მაქვს. შარშან მეზობლის ქორწილში ავედი. აუჰ, როგორ მომეწონა ხარშილაძეების პატარძალი! ბიჭიც არ არის ურიგო, მაგრამ იმ გოგოს რომ შევხედე, ვიგრძენი, საკუთარ ქორწილს არ ესწრებოდა, სიზმარში იყო თითქოს. არ გამოვა მანდედან არაფერთქვა. მოკლედ, მომეჩვენა, რომ მისი სული ვიცანი. წინათგრძობამ გამიმართლა, მწერალი ვარ და იმიტომ — ორი თვის თავზე, შულამისას, ფეხაკრებთ გამოეპარა ქმარს სახლიდან და მშობლებს დაუბრუნდა.

ისევ დრეზდენში ვარ, მახსოვს, და გიღმა გვითხრა, იმ სასახლის უკან ერთი აღგილია თეთრად მონიშნული, იქ ნაპოლეონი მდგარაო. ისე მოისმინეს, ვითომც აქ არაფერიაო. წავედი, იმ თეთრ წერტილს მივაგენი, დავდექი ზედ, გავირინდე და შევეცადე ნაპოლეონის თვალით დავკვირვებოდი სივრცეს. მწერალი ვარ და იმიტომ. საჩხერეში ჩავედი ღამით, კოკისპირულად წვიმდა, სისხამზე თბილისს უნდა წამოვსულიყავით. მასპინძელმა აივნიდან „მოდი ნახე“ დაგვანახა, ბნელში ვერც გაარჩევდი. გაჩაღდა ქეიფი. დავკარი ფეხი და იმ კუნაბეტში, იმ თავსხმაში, ყელამდე ტალახში გავუდექი გზას. თვითონაც არ ვიცი, როგორ მივაგენი ციხეს. ხომ ვარ მწერალი?! ბიჭო ბესო, კოტიკო, დათო, გოგო თიკუშ, შენცა, სალომე, ხომ მაგრად იჭეიფეთ იმ ღამეს, გრძელ-გრძელ სადღეგრძელოებსაც იტყოდით. ღმერთმა შეგარგოთ!

გროტესკი ვარ, ვიცი, მაგრამ თქვენც რომ გროტესკები ხართ ყველანი? მე იმას მაინც ვგრძნობ, რომ გროტესკები ვართ მეცა და თქვენც, მწერალი ვარ და იმიტომ, სულთ ხორცამდე მწერალი. რომც არაფერი დავწერო, მაინც მწერალი ვარ. მორჩა, მე წერას ვიწყებ!

ნანა შაბათაშვილი-დავარაშვილი

თოვლი

გატყდა დამე,
დარდი სადღაც მიმაქანებს,
აი ისიც, ის ზელმრუდი ქარაშოტი.
მოგონების წიაღიდან მოდის ქალი-
მასხოვს, ერთად ასკინკილას
ვთამაშობდით.

...წლები გეცხლი ზდაპარივით
წამეკიდა,
მარტო დავრჩი იმ ხიზმრების
აკიდოთი.
თოვლი მოდის ჩემი სევდის განედიდან...
რა თქმა, უნდა, შენც თოვლივით
წაზვიდოდი.

არ მინდა მერქვას
მარტოხულის მშრალი კერია,
დარდი ბევრი მაქვს,
საზიაროც, თავში საცემიც.
თუმც წვიმებისთვის ლურჯი
კაბაც შემიკვრია,
მანც შიში მაქვს საკუთარი
თავის გაცემის...

არ მინდა მერქვას მომლოდინე
და უსასრულო,
როცა ჩემს ფეხქვეშ მოთიბული
ბალახი იწვივს,
თვალი დაუდგევს ტამარს, საწოლს,
მზეს უსასთუმლოს,
გაჩენის დღიდან ქალის ბედის
დამწერს და სირცხვილს!

როცა წვიმები ჩამოჰბანენ თვალებს
სადებავს
და ჭიასავით გამომიხრავს დარდი
საგულეს,
როცა მიზვდები, რომ ყველაზე ნადდი
საზე მაქვს

და შემოდგომის დღესასწაულს
დავისაკუთრებ,
გაგიკვირდება უცნაური ესე
ხიმართლვე:
თამაში იყო,
რაც სულს ცხოვლად აჩნდა აქამდე...

რედაქციისაგან:

ქალბატონი ნანა შაბათაშვილი-დავარაშვილი უკვე რამდენიმე წელია, ისრაელში ცხოვრობს; კვლავინდებურად წერს ლექსებს, აქვეყნებს ადგილობრივ ქართულენოვან პრესაში, ამ სამიოდე ლექსით თავის დაუფიწყარ საგაზრდილოსაც შემოეხმინა.

სპეტილანა ალილუევა

წიგნი შვილიშვილთათვის

თავაზიანი, მშვიდი ვალოდია ბრინჯივით დაიბნა. ეს ნაკლებსასიამოვნო ინციდენტი იყო, მით უმეტეს, რომ ვალოდია და მისი ცოლი დიდი ხანია იცნობდნენ ლოუდას, ახლა კი დარწმუნდნენ, რომ მას არავითარი დადებითი გრძნობები არ ჰქონდა ჩემს მიმართ. მე მათ იმით ვამშვიდებდი, რომ „ჩემთვის ახლა ყველაფერი სულ ერთია. ერთი მტრით მეტი თუ მეყოლება, ამით არ დავილუბები.“ მაგრამ საშინელება იყო იმის ცოდნა, რომ ჩემი შვილი, ეტყობა, მთლიანად ცოლს დაჰყავდა თავის ჭკუაზე.

მოვიდა გრიშა იმის გასაგებად, თუ როგორ იყო ჩვენი საქმეები, და მე ვუთხარი, რომ გორბაჩოვისაგან არავითარ პასუხს არ მიმიღია. ჩანს, გრიშა ახლა ძალზე ახლოს იდგა „ზემოთა“ წრეებთან — გაცილებით ახლოს, ვიდრე მე ვვარაუდობდი. მიჩნია, შევხვედროდი სუკის ვილაძე ძალიან მაღალი რანგის პირს და გამეგო მისგან, თუ რა ამბავი იყო ჩემს თავს. „იქნებ, მისგან გაიგო რამე“, — მითხრა გრიშამ.

საქმის ასე შეტრიალებამ გამაოგნა, მაგრამ დრო იყო, უკვე აღარაფერი გამკვირვებოდა... ჩვენ მოსკოვში სულ რამდენიმე დღედა შეგვეძლო დარჩენა და, რამდენადაც პასუხს სხვისგან ვერსად მივიღებდით, დავურკე იმ შემოთავაზებულ ამხანაგ X-ს. მან მაშინვე დამინიშნა აუღენცია.

ის გამოიყურებოდა, როგორც ახალი ყაიდის, საკმაოდ ცივილიზებული და განათლებული ჩეკისტების წარმომადგენელი, საზღვარგარეთ რომ დადიან და ქვეყნიერება ნანახი აქვთ. მას ინგლისსა და ამერიკაში უწევდა ხოლმე ყოფნა და ინგლისურად ლაპარაკობდა, მაგრამ ეს არაფერი, მე სხვა

არადაცამ შემადრწუნა, თუმცა უკვე ვხვდებოდი, რომ მას მაღალი პოზიცია ეკავა სადაც, მთავრობის ზემო ემელონებში. სასიამოვნო ღიმილით თქვა: „სხვათა შორის, მე ვიყავი პირველი, ვინც თქვენ დაბრუნების ნება მოგცათ, როცა ჩვენ გავიგეთ ლონდონის საელჩოსათვის მიწერილი თქვენი წერილის შესახებ. ჩემი „პო“ გადამწყვეტი და გარკვეული იყო. სხვაგვარი ხმებიც გაისმოდა, რაც თქვენც კარგად შეგიძლიათ წარმოიდგინოთ“. მე არ შემეძლო მეკითხა მისთვის, რა სახით შეიძლებოდა ის ახლოს ყოფილიყო საელჩოს საქმეებთან, თუმცა ამას რა მნიშვნელობა ჰქონდა! სუკი ყველგან ძვრება როგორც საგარეო, ისე საშინაო პოლიტიკის გასაკეთებლად. ასე რომ, მას „მადლობა“ უნდა ვუთხრა? მე ვდუმდი.

სულ ავირ-დავირიე, რადგან ის „გულლია საუბარს“ მთავაზობდა, ხუმრობდა, საზღვარგარეთ თავის მოგზაურობებზე მიყვებოდა — აქოდა, იქ ჩვენც ვყოფილვართ, ყველაფერი ვიცით... მე კი მისგან მხოლოდ იმის გაგება მინდოდა, გორბაჩოვმა ჩემი წერილი მიიღო თუ არა.

„ის იცნობს იმ წერილის შინაარსს, — გამოუცნობლად თქვა X-მა, თქვენს ქალიშვილს შეუძლია ინგლისში, თავის სკოლაში დაბრუნდეს, ეს პრობლემა არაა. რასაკვირველია, ახლა ის იქ გაემგზავრება როგორც საბჭოთა მოქალაქე და თქვენთან არადადგებზე ჩამოვა ხოლმე. ყოველივე ამის მოგვარება ძალზე ადვილი საქმეა“.

მე მდუმარედ ვუსმენდი. გამოდის, რომ ის გორბაჩოვის პასუხს მაუწყებს? თუ ვილაძე სხვისას? გორბაჩოვს ჩემი წერილი „გააცნეს“? ეს X,

ეტყობა, უწინდებურად წყვეტს ჩემს ბედ-იღბალს — როგორც ეს-ესაა თავად აღიარა.

„თქვენ მოსკოვში უნდა გადმოხვიდეთ, - განაგრძო მან უფრო სერიოზულად. - თქვენ ხომ მოსკოველი ხართ! საქართველო თქვენთვის შეუფერებელი ადგილია. ადრე იქ ხომ არასოდეს გიცხოვრიათ. ყველა თქვენი ძველი მეგობარი აქაა“.

ვუსმენდი და ვხვდებოდი, რომ ოფიციალური პასუხი გადომაცეს... ვღუმი. მაგრამ ჩემს არსებაში, შიგნით, ყველაფერი დღვდა. — მე გადავიჩვიე ადამიანთა ბედ-იღბლის გადაწყვეტის საბჭოურ მეთოდს.

ბოლოს ვუთხარი, რომ მაინც მოვიტხოვდი პასუხს იმაზე, რაც გენერალურ მდივანს მივწერე. ამაზე მეგობრულად მიპასუხა: „ძალიან მინდა გავიცნო თქვენი ქალიშვილი. მას რუსულად ლაპარაკი უკვე შეუძლია? მე დავარწმუნე, რომ ოლგას სავსებით შეეძლო აზრის გადმოცემა რუსულად, მიეცეო ჩვენი მისამართი და ტელეფონის ნომერი და დავმშვიდობებ. გორკის ქუჩაზე მიიყვანა. მისი მანქანის მძღოლი გაქვავებული სახით იჯდა და ხმას არ იღებდა.

შინ, გრიშას მიერ დატოვებულ ვალიდოლს ვეცი. გამოდის, რომ „ძვირფასი“ გრიშაც „მიიხრეს“ და ახლა მას ჩემსკენ გადმოდებულ „ხიდად“ იყენებენ. ღმერთო, ღმერთო, გადავჩვიე მე ამ მეთოდებს. ყველა გზა მოჭრილი მაქვს. მე და გრიშას ჩემს ვაჟიშვილსა და შვილიშვილზე არც კი გვისაუბრია; მან, უბრალოდ, იმისთვის შემოიარა, რომ იმ „ღდი ვინმესთან“, შეხვედრა ერჩია... ისიც ჩანდა, რომ გრიშა უკმაყოფილო იყო ჩემი ვაჟიშვილით და შვილიშვილითაც, რომლებსაც ძაღვზე იშვიათად ხვდებოდა. „რა უცნაურია, — გავიფიქრე — ისინი ხომ ყველანი ერთ ქალაქში ცხოვრობენ“... „ოპ, ის წყველი პოლონელი ქალი, დედამისი! — ვუთხარი გრიშას. „ნუ ნაღვლობ, გულს გაუფრთხილდი!“ — ახლა მისი განუწყვეტელი მისამღერი ეს იყო. ყველა ამ საოჯახო წვრილმანში გარკვევა შეუძლებელი იქნებოდა, მაგრამ აქ რაღაც ვერ იყო რიგზე.

კატერინას მამამ, იური ანდრეის ძე ედენოვსკიმ, წერილი გამომიგზავნა როსტოვიდან, სადაც უწინდებურად ასწავლიდა უნივერსიტეტში. გამომიგზავნა კატერინას ფოტოსურათები — და მე, როგორც იქნა ვენახე ჩემი კატა, ზრდასრული, კრძალვითი წლისა, პატარა გოგონათურთმავრამ მაინც ისეთი, როგორც მას სოცდაერთ ფოტოსურათზე ის იჯდა ადგილობრივი ჯიშის ტანმოზრით ცხენზე-ისინი იქ ან ცხენებით დადიან, ან ვერტმფრენით დაფრინავენ, — უგზობაა. მეორე სურათზე გიტარა ეჭრა. ოლიაც დადის ცხენით და გიტარაზე დაკვასაც სწავლობდა. ისინი ერთმანეთს ჰგვანან კიდევაც, ორივე შეთვალა.

იური მწერდა: „იყავ მომთმენი მის მამართ. საშინლად დამოუკიდებელია. არავის რჩევებს არ უსმენს. მაგრამ კარგად მუშაობს, სერიოზული მეცნიერი იქნება. კატია რომ სერიოზული მეცნიერი იქნებოდა, არ მიეჭვებოდა. მხოლოდ ის მიეჭვებოდა, როდისმე ვნახავდი თუ არა მას.“

აქ, მოსკოვში, ჩვენ ვხვდებოდით ნათესავეებსა და ჩემს ძველ მეგობრებს. ჩემი ვაჟიშვილის ნახვა განზრახული არ მქონდა. რაკი იცის, რომ აქა ვარ, და ისიც კი იცის, სადაცა ვარ, შეუძლია დამირეკოს. მაგრამ არ მირეკავდა. მე ვფიქრობდი, რომ მართალი იყო ოლგა, როცა ერთხელ გესლიანად მაინიშნა: „შენ მე გყავდი. განა ეს ცოტაა? არა, შენ ყველანი — ისინიც — მოგინდა. ხედავ, რაც მიიღე! ჩვენ ინგლისში უნდა ვიცხოვროთ. ეს უსიამოვნებები შენ თვითონ დაიტყვე თავს!“

ნამდვილად მართალი იყო. როცა ჩემს ვაჟიშვილს ვთხოვე, საქართველოში ჩემთვის გადმოეგზავნა ჩემი ძველი წიგნები, თქვა, რომ „ურჩევნია დაწვას ყველაფერი“, ვიდრე მე მომცეს. უკვე აღარ მესმოდა მისი.

ჩემი ბიძაშვილის კაბინეტში დივანზე დაწოლილი, მთელი ღამე მოუსვენრად ვტრიალებდი. გულს ბაგაბუგი გაჰქონდა, თავს ცუდად ვგრძნობდი, სუნთქვა მიჭირდა. მეორე დღეს ყინავდა და ფანჯრის მინები თრთვილით იყო დაფარული. მე ყოველთ-

ვის ძალიან მიყვარდა ზამთრის მზიანი, თრთვილით გაბრწყინებული მოსკოვი, მაგრამ ახლა საამისოდ არ მცხელოდა. სუკელ

„დიდ ვინმესთან“ გუშინდელი საუბრის შემდეგ ახალი იდეა უნდა ამეწონ-დამეწონა.

ამერიკელი კონსულის წერილი

იმის შემდეგ, რაც მეგობრებს სამუშაო ღია ბარათები გავუგზავნე და ჩვენი მისამართი ვაუწყე, საქართველოში უკვე მოდიოდა ჩვენი სახელზე კორესპონდენცია ინგლისიდან და ამერიკიდანაც კი. წერილები დიდხანს მოდიოდა, მაგრამ მაინც აღწევდა ჩვენამდე, კორესპონდენციების ნაწილი აშშ-ში საბჭოთა საელჩოს, აგრეთვე ინგლისში საბჭოთა საელჩოს მემწეობით იგზავნებოდა.

მაგრამ პრინსტონელი ადვოკატის წერილების დასტაში, რომლებიც ნიუ-ჯერსის საქველმოქმედო ტრუსტის საქმეებს შეეხებოდა, მოულოდნელად ვიპოვე სულ სხვა რამ: ერთი წლის წინათ მოსკოვში ამერიკელი კონსულის მიერ ჩემთვის გამოგზავნილი წერილის ასლი. ეტყობა, დაკარგა ყოველგვარი იმედი იმისა, რომ ეს წერილი ჩემთვის გადმოეცა საბჭოთა კავშირის საგარეო საქმეთა სამინისტროს მემწეობით და გადაწყვიტა, ამ გზით გამოგზავნა. არ ვიცი, როგორ გამოვიდა ასე, მაგრამ, თუმცა ჩემთვის გამოგზავნილ წერილებს უმკაცრესად სინჯავდნენ, ასლი მაინც ჩემს ხელში აღმოჩნდა.

წერილის ასლი ფიქსირებული იყო გერბიან ქაღალდზე, რომელსაც ყველა საჭირო ბეჭედი და ტიტული ესვა და წარმოადგენდა ჩვენთან, ამერიკელ მოქალაქეებთან, აშშ-ის კონტაქტის ერთადერთ ძაღს.

წერილში კონსული ერთხელ კიდევ ადასტურებდა იმას, რომ ოლგა და მე ვიქნებით ამერიკის მოქალაქეები მანამდე, სანამ არ ვისურვებთ ამერიკის მოქალაქეობაზე საჭაროდ და ოფიციალურად, ელჩის დასწრებით და ფიცის წარმოთქმით უარის თქმას, რის გაკეთებასაც ჩვენ, ივულისხმებოდა, არ ვაპირებდით.

ეს წერილი ახლა მოსკოვში ჩამოვიტანე, ჩანთაში მედო და შეიძლებოდა აშშ-ის საელჩოში შესასვლელ ოფიციალურ საშვად გამომეყენებინა. კარგად ვიცოდი, რომ შესასვლელს საბჭოთა მილიცია იცავდა და რომ საელჩოში შესვლა, არსებითად, შეუძლებელი იყო. მაგრამ, გადავწყვიტე რომ უნდა მეცადა ამ სახით „განცხადების“ გაკეთება, ანუ, როგორც ახლა ამბობენ, „სიგნალის გაგზავნა“.

მეორე დღის სუსხიან დილას მე და ოლია მეტროთი მივედით ზოოპარკთან, იქიდან კი ფეხით გავუყვეით სადოვიას — მორჩილად ავტომობილებით გადაჭედდნენ ფართო ქუჩას. ყინავდა და მზე ანათებდა, გული გამალებით მიცემდა და ღმერთს ვევედრებოდი, რომ საელჩოს ახლოს მის მოსამსახურეთაგან ვინმე შემოგვეყროდა: მას იოლად აუუსხნიდით ყველაფერს.

მასთან ერთად შევიდოდით საელჩოში. იმის იმედიც მქონდა, რომ საელჩო თავის მთავარ შესასვლელს შიდა ტელეკამერებით უთვალთვალებდა, რაკი სასოწარკვეთილი საბჭოთა მოქალაქეები ხშირად მოდიოდნენ აქ თავიანთი მოთხოვნებისა და გრძნობების გამოსახატავად. მაგრამ მათ ყოველთვის მილიცია ხვდებოდათ. ო, რა ბრმად სწამს ყველა საბჭოთა მოქალაქეს, რომ „საკმარისია ამერიკელებს უთხრან მთელი სიმართლე“, ისინი მაშინვე რამეს იღონებენ...აშშ-ში მრავალი წლის მანძილზე ცხოვრების შემდეგ ამგვარი ილუზიები უკვე აღარ მქონდა.

მხოლოდ წამით დავეყენდით ჭიშკრის წინ, უბრალოდ, შევიჩერდით. დაუყენებელი შემოგვეტყნენ ირგვლივ მილიციელები და ვიდაც სამოქალაქო ტანსაცმლიანები და გვთხოვეს, რომ „გავყოლოდით“. ოლგა

დაიბნა: ასეთი რამის გამოცდილება არ ჰქონდა, ეს მხოლოდ კინოში თუ ენახა.

უღარესად თავაზიანად მიგვაცვილეს იქვე, საელოოს გვერდით მდგარ საგულშაგომდე. („ნუთუ ფანჯრებიდან იმას არ უთვალთვალუბენ, რაც ხდება შესასვლის გვერდით?“ — გავიფიქრე). ფრიად თავაზიანმა მილიციის ოფიცერმა მკითხა, რაშია საქმეო.

„ჩვენ ამერიკის მოქალაქეები ვართ, — ვუთხარი რუსულ ენაზე და ოფიცერს წარბები მაღლა აეზიდა, — ამერიკის კონსულის ნახვა გვჭირდება. აი — ხედავთ? ხელთა გვაქვს მისი წერილი ჩვენადმი. ჩვენი ნახვა სურს.“

მან წერილი, ბომბს რომ იღებენ, ისე აიღო, დახედა და სადღაც წაიღო. საკმაოდ დიდხანს ვისხედით, ჭიხურში ციოდა, კუთხეში მხოლოდ პაწია ელექტროლუმელი იყო ჩართული. ჩემი ოლია დათრგუნული იყო და ვცდილობდი დამერწმუნებინა, რომ ყველაფერი კარგად იქნებოდა, თუმცა ამაში მთლად დარწმუნებული თავადაც არ ვიყავი.

ოფიცერი დაბრუნდა და ჩვენი ამერიკული პასპორტები მთხოვა. „პასპორტები იქაა, შენობაში, კონსულთან, — გადაჭრით ვუთხარი — ჩვენ ის უნდა უნდა ვნახოთ.“

მაშინ პირადობის დამადასტურებელი რამე ცნობა მომთხოვა და მომიხდა დაძრობა ჩემი ახალი საბჭოთა პასპორტისა, რომელიმე შეტანილი იყო ჩემი ქალიშვილიც, — მცირეწლოვანი მოქალაქე „ოლგა ვილიამის ასული პიტერის“. ოფიცერმა ისეთი გამომეტყველებით შემოგვხედა, რაც დაახლოებით ამას ნიშნავდა: „დაგლახვროთ ეშმაკმა, რომელი ამერიკელები თქვენა ხართ?“ მაგრამ არაფერი უთქვამს.

შემდეგ შემოვიდა მეორე ოფიცერი, უფრო მაღალი რანგისა, და თქვა, რომ მალე მოვიდოდა კიდევ უფრო მაღალი რანგის პირი და იმას უნდა დავლოდებოდით. „ჩვენი წერილი სადაა? — ვკითხე, — გეთაყვათ, შეატყობინეთ კონსულს, რომ ჩვენ მისი ნახვა გვჭირდება.“

„მოდით, დავიცადოთ,“ — მომიგო მან.

მისი აზრით, არ შეიძლებოდა ამერიკის საელჩოში საბჭოთა მოქალაქეების შესვლა. ამის დაშვება არ შეეძლო. მოვა უფროსობა და გაერკვევაო.

დაახლოებით ორი საათი ვისხედით და გათომილ ფეხებს იატაკზე ვაბაკუნებდით. ამასობაში კუთხეში პატარა რადიომ კრემლიდან პარტიის XXVII ყრილობის გახსნის გადაცემა დაიწყო. მე კი ეს სულ დამავიწყდა! „მით უკეთესი, — გავიფიქრე — გამოდის, რომ ყრილობის გახსნის დღეს დემონსტრაციის მსგავსი რაღაც მოვაწყვეთ! არა უშავს. ეს არც კი დამიგვემავს. ჩვენ ამით გორბაჩოვისადმი მიწერილ ჩვენს წერილზე უფრო მეტად მოგაქცევინებთ ყურადღებას“. და, თუმცა ოლია გაავებული თვალეებით მიყურებდა, დარწმუნებული ვიყავი, რომ სწორედ დღეს, აქ მოსვლით კარგი სვლა გვავაკეთეთ.

რამდენიმე დღის წინათ, კვირადღეს, გადავწყვიტე წავსულიყავი იმ ეკლესიაში, სადაც მოვინათლე 1962 წელს. ძალიან მიხნოდა მისი ისევე ნახვა. „რუსული ბაროკოს“ სტილის შესანიშნავი ვარსკვლავებით მოფენილი ცისფერგუმბათებიანი ეკლესია ახალგადაღებილი ჩანდა და სადღესასწაულად გამოიყურებოდა. მის ირგვლოვ ახალი ქალაქი წამომართულიყო ოცდაათი წლის წინათ.

აქ, ხეების გარდა, არაფერი იდგა და ტრამვაი წრეს უვლიდა პატარა მოედანს. ახლა კი აქ უამრავი ნაგებობა აღმართულიყო და ეს კომპლექსი შემორტყმონდა გარს.

საკმაოდ აღუვებული შევედი შიგნით. ლიტურგია მიმდინარეობდა. ხალხის ტევა არ იყო, განსაკუთრებით ბლომად იყო ახალგაზრდობა. მაშინ, როცა მე მომნათლეს, აქ გაცილებით ნაკლები მლოცველი იყო და ყველანი როგორღაც მოლუშულნი იყვნენ. ახლა საზეიმო განწყობამ, რაღაცნაირმა სიხარულმა და ლხენამ განმაცვიფრა. უნებლიედ გამახსენდა მამა ნიკოლაი ალექსანდ-

რეს ძე გოლუბცოვი, ჩემი ნათლია ლილია და მაისის დღე, როცა აქ მოვედი...

მაგრამ ცხოვრების როგორი წრე შემოგზავნა მე იმ დღიდან აქამდე განვიღო წლებში... აქედან დაიწყო ჩემი გარდაქმნა და სხვა ადამიანად გადაქცევა. შეიკრა თუ არა წრე ამ ჩამოსვლისას? ამის შეგრძნება არ მქონდა. უფრო ის, რომ გზას, გზას უნდა დავადგე — აი, რა განწყობა დავუღვალ აქ ჩემს გულს მიხაროდა და კარგად ვგრძნობდი თავს. არც ჭეუნვა, არც შიში, არც ეჭვები, გადათქურცულ ცხოვრების ფერცელო. შენი გზა ჯერ არ დამთავრებულა, ადრე მოგინდა მოსვენება "И вечный бой. Такой нам только снится" — თქვა ბლოკმა. რა ზუსტი რამაა!

ანდრეი სიანოვსკი, რომელიც აქ ჩემამდე ზუსტად ნახევარი წლით ადრე მოინათლა, ახლა საფრანგეთში ცხოვრობს. შენ კი აქ რას აკეთებ?

უცნაური ამბავი იყო ისევ აქ ყოფნა, მაგრამ ეს ისე კარგი, ასე საჭირო რამ გახლდათ! მაცხოვრის იაფი, მცირე ზომის ხატი და პატარა ჯვარი ვიყიდე. წასვლისას კი შევბრუნდი და დიდხანს ვუყურე მცირე მინაშენს, სადაც ნათლავდნენ მოზრდილთ. მიწოდდა ხელი გადამესვა ამ კედლებისათვის. ისინი, თუმც კი თებერვლის სუსხიანი დღე იყო, თბილი მეჩვენებოდა. მამა ნიკოლაი მოწიფულთ მოაქცევდა, ისინი ახალი ცხოვრების წიაღში შეჰყავდა. ასე იყო ჩემი საქმე. კიდევ რამდენმა ადამიანმა გაიარა გალავნის, აი, ეს კარი, რითაც ისინი სამყაროში შეცვლილნი, ქრისტეს სხეულის ნაწილად ქცეულნი გავიდნენ... ასობით? ათასობით?

„ქართველებსა და სომხებს არაჩვეულუბრივად ძლიერი რწმენა აქვთ, — ამბობდა მამა ნიკოლაი გოლუბცოვი. — ეს იმის გამოა, რომ ისინი იმ რაიონში ცხოვრობენ, სადაც უფალმა პირველი ადამიანი შექმნა. მე არასოდეს ვიფიქრებდი მონათვლის დღეს თქმულ ამ სიტყვებს. მამასადავამ, გზებს იმისთვის მოვუყვანივარ საქართველოში, რომ იქ მისი რწმენა გამეგო. ჩემთვის ეს ხომ არ უსწავლებიათ! ყველაფერი ეს ხომ „ისტო-

რიის სანარცხეზე“ იყო გადაგდებულნი... აქ წამოვიღე ეს კუსტარული, ეტყობა, კონსერვის ქილებისგან დაშტამპული მცირე ხატი და პატარა ჯვარი. ისინი „ოქროსას“ ჰგავდნენ, მაგრამ მათში ოქროზე უფრო მეტი რამ იყო ჩაქსოვილი... (ახლს ორივე ჩემთანაა შორეულ ვისკონსინში, ამერიკაში, და ეს სწორად მოხდა: რწმენა მთელ ქვეყნებზე გავრავდა, ახალ და ახალ მიწებს იპყრობს).

გაბრწყინებული, ნუგეშმცემული, დამშვიდებული, გახარებული და უშიშარი დაგბრუნდი იმ დღეს შინ, გორკის ქუჩაზე. ყველაფერი სწორად ხდებდა. განვავრძობთ ჩვენი გზას.

ამაზე ვფიქრობდი იმ საათებში, როცა მე და ოლია აშშ-ის საელჩოს ახლოს, გუსაგის ჯიხურში ვისხედით. არაფრისა მეშინოდა — ისევ კი მეჩვენებოდა, რომ ხელსუფალთ ჩვენი ეშინიათ, არ იციან, რა გააწყვინ ჩვენთან... დიდხანს ლოდინის შემდეგ, როცა მარტონი წუთითაც არ დავუტოვებდით, როგორც იქნა, გამოჩნდა კაცი, რომელსაც კარგი სამოქალაქო ტანსაცმელი ეცვა. ძალზე თავაზიანად წარმოგვიდგინა თავი საელჩოს დაცვის უფროსად და შემოგვთავაზა, სახლამდე ჩემი მანქანით მიგიყვანთო. ასე დამთავრდა ჩვენი ვიზიტი ამერიკის კონსულთან. „ისინი ფანჯრიდან, ალბათ, არასოდეს იხედებიან!“ — გავიფიქრე და მაინც საელჩო რატომ არ ინტერესდება მასთან მომსვლელებით.

ამერიკელი კონსულის წერილი არ დამიბრუნეს. გზად, გორკის ქუჩისაკენ რომ მოვდიოდით, სამოქალაქო ტანსაცმლიანმა დაცვის უფროსმა გვითხრა, რომ რამდენიმე საათის შემდეგ შევხვდებოდით ამხანაგ X-ს, (იმას — სუკელს), და რომ თვითონ შემოგვივლიდა მასთან წასაყვანად. მაშ, ეგრე! მამასადავამ, ამერიკის საელჩოსთან ჩვენმა „დემონსტრაციამ“ მაინც იმოქმედა! ჩვენთან ისაუბრებენ. „ამხანაგი X ბოდოსს იხდის, — მითხრა მან, — რომ თქვენთან უფრო მალე შეხვდრან არ შეუძლია, რად

გან ყრილობაზე ზის კრემლში.“ ჩინებულია, ჩინებული! მაშასადამე, ჩვენ ის შევაწრიალეთ, ამ ვითარებაში ჩვენთვის თვალყურის დევნება სხვა არავის აკისრია, თუ არა სუკს. რაკი ეგრეა, რა გაეწყობა. რაცაა, ისაა.

შინ სწრაფად წავიხვესეთ. ვალოდიასა და სვეტლანასთვის არაფერი გვითქვამს, რათა ისინი არ შეგვეშფოთებინა. უბრალოდ, ჩავედით ქვევით, მალაზია „არმენიაში“, სადაც უკვე გველოდა ამხანაგი X, რომელსაც ისევ ის ელვგანტური, გათრიმლული ტყავის კურტაკი ეცვა. უაღრესად დელიკატური იყო ოლიასთან, აჭებდა მის რუსულ მეტყველებას და ეხუმრებოდა ტყავის კურტაკის თაობაზე: „დარჩით ჩვენთან, უფასოდ ისწავლით და დაზოგილი ფულით შეძლებთ ნამდვილი გრძელბეწვიანი ქურქის ყიდვას!“ რაზეც ოლიამ უპასუხა: „არა, მე მიორჩენია, ჩემს კერძო სკოლაში სწავლის ქირა ვიხადო.“

მეხვედრის ადგილზე შესამჩნევად შემფოთებული ის ჩვენი ორი მეურვეც გველოდა სამინისტროდან. საელჩოში მისვლა მათ ეხებოდა. ისინი, ყველანი, შოკირებული იყვნენ იმით, რომ ჩვენ აშშ-ის კონსულთან შეღწევა განვიზარაზეთ. „მაგრამ ჩვენ ვაჭკის მისი ნახვის უფლება. ჩვენი პასპორტები იქ, საელჩოშია. და თვითონ მიგვიწვია თავისი წერილით“, — ვუთხარი მე რაც შეიძლება უშუალოდ და გულუბრყვილოდ, თითქოს ყველაფერი ეს სულ უბრალო საქმე ყოფილიყო.

“ მაგრამ ის წერილი როგორ მიიღეთ? — მკითხეს საგარეო საქმეთა სამინისტროს წარმომადგენლებმა.

„წერილი, სხვა კორესპონდენციასთან ერთად, ვაშინგტონის საელჩოს მეშვეობით ადვოკატმა გადმომიგზავნა.“

„ეს შეუძლებელია! ეს შეუძლებელია!“ — წამოიძახეს ერთხმად, — ცდილობდნენ გამართლებინათ თავიანთი თანამშრომლე-

ბი ვაშინგტონის საელჩოში, რომლებმაც საჭიროებისამებრ ვერ „შეამოწმეს“ ჩემი ფოსტა...

გავიცინე. „მაგრამ წერილი მე ამ გზით მივიღე.“ ამხანაგი X მაინცდამაინც არ იყო ამ წერილით შეფიქრიანებული. მას ჩვენი მოქმედება აშკარად არ მოსწონდა. „გირჩევთ, მსგავსი ცდები მეტად არ გაიმეოროთ“, მითხრა რაც შეიძლება თავაზიანად. — თბილისში როდის ბრუნდებით?

„ხვალისათვის ვაჭკის ბილეთები“.

„ძალიან კარგი, გაემგზავრეთ“.


„მაგრამ ჩემი შეკითხვის პასუხი აქამდე არ მიმიღია. მეც მინდა ჩემს გოგონასთან ერთად გავემგზავრო ინგლისში. ამის შესახებ ვწერდი გენერალურ მდივანს, მაგრამ პასუხი არ მიმიღია.“

ისინი — სამივენი — ძალზე მომთმენნი იყვნენ, მაგრამ ჩემს უკანასკნელ სიტყვებს უგულვებელყოფდნენ. ოლიასთან საუბრობდნენ, ტუბობდნენ იმით, თუ რა ჩქარა აჭკიკიდა ის რუსულად. ოლია დიდხანს უხსნიდა მათ, რატომ იყო მისთვის აუცილებელი დაბრუნებოდა თავის კვაკერების სკოლას. მართლაც, გასაოცრად კარგად „მეტყველებდა“ რუსულად. ისინი, უბრალოდ, ისხდნენ და დაუფარავი სიმპათიით უსმენდნენ ოლიას. სულ ერთ წელიწადსა და ოდნავ მეტ ხანში ისწავლა ასეთი რუსული! „თბილისში მისი რუსული ენის მასწავლებელი ძალიან კარგი მეთადისტი იყო“, — ვთქვი მე. მათ არაფერი მიპასუხეს. საუბარი დამთავრებული იყო. პასუხი არ მიმიღია.

„მე თქვენ თბილისიდან დაგიკავებთ“ — განვუცხადე მათი გაშეშებული სახეების შემყურემ. ძალიან კმაყოფილი იყვნენ იმით, რომ აქედან ხვალვე მივდიოდით. იქით, კავკასიის ქედს მიღმა მივდიოდით.

რუსულიდან თარგმანა

ჯუშუბარ თითმარია



თეიმურაზ ფანჯიკიძე ბრივპერ ფარულავა

რელიგიური და ეროვნული

ჩვენ სრულიად მარტივ ამბავზე შევეთანხმდით, დავსვამდით კითხვებს რელიგიურისა და ეროვნულის, მათი ურთიერთმიმართების შესახებ, რომელზედაც პასუხები დამოუკიდებლად უნდა გაგვეცა და შემდეგ დიალოგის სახით შეგვეჯერებინა. როდესაც პასუხები მოვიტანეთ, აღმოჩნდა, რომ დიალოგი იმ სახით, რომლითაც ჩაფიქრებული გვექონდა, აღარ გამოვიდოდა. ამიტომ ვამჯობინეთ ეს პასუხები ცალ-ცალკე გამოგვექვეყნებინა, რათა დასმულ საკითხზე უფრო სრული და ნათელი შთაბეჭდილება შეგვექმნა.

„ორი რამ იყო, რისთვისაც კი შენი იღვწოდა...“

რას ვგულისხმობთ რელიგიურისა და ეროვნულის ცნებებში.

გ.ფარულავა: შევეთანხმდეთ, თავსამტვრევი კითხვებია, მეცნიერებისათვის, ღვთისმეტყველებისათვის, ხელოვნებისათვის ჭრაც დაუძლეველი. ჩვენი პასუხებიც ჭეშმარიტებასთან მიახლოების მხოლოდ მცდელობა იქნება. იმ განსჯათ შევებმიანებით, რომელთა მეშვეობით, გვგონია, რომ საქმის არსი უფროა მოხელთებული.

რელიგია ჩვენი ცნობიერების ის უბანია, სადაც სამყაროსა და ადამიანის არსებობასთან დაკავშირებული ყველა გამოცანა ამოხსნილია, წინააღმდეგობანი გადაწყვეტილია, ტკივილები კი — დამცბრალი. უზენაესი ჭეშმარიტებისა და მშვიდობის ამ საუფლოს ცენტრია ღმერთი, ყველაფრის შემქმნელი და განმაცხოვრებელი. მორწმუნე ადამიანის ყველა სხვა სწრაფვა ამ ცენტრისაკენ სვლის უმაღლეს მიზანს უჭვემდებარდება. ამის კვალობაზე, კაცი მაღლდება სასრულ არსებობაზე და ეზიარება თავისუფლებას.

ყოველივე ამას სხვაგვარად ასე გამოხატავენ: რელიგია არის ადამიანის სულის ძიება, მისი მიმართება აბსოლუტურ (ღვთაებრივ) სულთან. რელიგია შეიძლება გავიგოთ, ვითარცა სულის უმაღლესი პოტენ-

ციალი, უსაუკეთესოესი ძალისხმევა, იდეა სულსა. რელიგია არის ის, რაც ამგვარად, თავისი თავის შესახებ იცის ღვთაებრივმა სულმა სასრულო, ადამიანური სულის მემეობით. რელიგიური ცოდნა, ამისდაკვალად, აბსოლუტურად ჭეშმარიტი ცოდნაა.

ახლა — ერისა და ეროვნულობის თაობაზე.

ერი ერთობ რთული ისტორიული წარმონაქმნია, მაგრამ მისი არსი და პათოსი ბუნებიდანაა ამოზრდილი, ყოფიერების სიღრმიდან მოდის. უთუოდ სარწმუნოა აზრი, რომლის მიხედვით, ერი არის „ერთადერთი შესანიშნავი ბუნებრივი კონკრეტული სოციალური ორგანიზმი...ერთადერთი ნორმალური ბუნებრივი ჭურჭელი საზოგადოებრივობისა“ (მ. წერეთელი). აქ ის იგულისხმება, რომ ეროვნული ორგანიზმის წიაღში უფრო წარმატებულად, ბუნებრივად ხორციელდება ესა თუ ის საზოგადოებრივი ღონისძიება, ვიდრე, მაგალითად, სახელმწიფოში. ეს უკანასკნელი უფრო ხელოვნურ სოციალურ ორგანიზმად ითვლება, ვიდრე ბუნებრივად. ერს, ვითარცა დასაბამიერს და ბუნების დუღილის წარმონაქმნს, ორგანული სიცოცხლე, სიმტკიცე და სიმჭიდროვე აქვს. ავტორიტეტული თვალსაზრისით (ნ.ბერდიაევი, მ.ბუბერი, ვ.სალავიოვი



და სხვანი), ერი ღვთაებრივი შემოქმედების უსაჩინოესი ნაყოფია, კოსმიური ყოფიერების ერთი იერარქიული საფეხური. ერში ისტორიული პროცესის სიგრძეზე ხდება კოსმოსის ჩამოყალიბება. ამის შესაბამისად, ერის მოსასპობად მიმართული ქმედება ანგრევს კოსმოსს, ქაოსისაკენ მიგვაქვევს.

ერის ორგანიზმში შემოქმედისაგან ჩამყნილია ნერვი, ჩადებულია მექანიზმი, დამანგრეველ მოქმედებათაგან რომ იცავენ მას. ეროვნული სული საოცარის ძალით უკეტავს გზას ისტორიული პროცესის ერთ უმთავრეს ტენდენციას, დანაგრეოს, მოაკვდინოს; ეს სული „დალიან-ბარაქიან ძუძუს“ აწოვებს ყოველი სიცოცხლისეულის შემნარჩუნებელ და ამლორძინებელ ძალეებს, აწმყოსა და მომავალს არ აზვიმებს წარსულზე (რ.თ.უ. ჯანსაღი კონსერვატულობის აზრით). ეროვნული სული „აღიარებს ჩვენს მამა-პაპას, ჩვენს წინაპრებს ისეთივე ცოცხლებად, როგორც ჩვენ ვართ, როგორც ჩვენი შთამომავლები იქნებიან. ეროვნული ცხოვრება არის უწყვეტი კავშირი წინაპრებთან და პატივისცემა მათი ანდერძებისა. ერის ნებაში მონაწილეობენ არა მხოლოდ ცოცხალნი, არამედ გარდაცვლილნიც, მონაწილეობს დიდი წარსული და ჯერ გამოუცნობი მომავალი. ერში შედიან არა მხოლოდ ადამიანთა თაობები, არამედ ტაძართა, სასახლეთა და კარმიდამოთა ქვებიც, საფლავის ლოდები, ძველი ხელნაწერები და წიგნები. და ამისათვის, რომ მივწვდეთ ერის ნებას, უნდა ვუსმინოთ ამ ქვებს, წავიკითხოთ გაცრეცილი ფურცლები“ (ნ.ბერდიაევი.)

გარკვეული მიწა-წყლის, ფიზიკურ-ფსიქიური და ენობრივი არსენალის მფლობელი ერი, ყოველივე ზემოთქმულის კვალობაზე, სულიერ-კულტურული ქნადობის პროცესში განუმეორებელ სახეს იძენს, იქცევა კრებით პიროვნებად, ცოცხალ სოციალურ ინდივიდად. ინდივიდუალურ პიროვნებათა ორგანულ, ცოცხალ ნაერთად

შედუღებული ერის ყოფა ასევე ინდივიდუალურია: თავად კაცობრიობაც, რომელსაც ერი შეერთვის, მოიაზრება უმადლესი იერარქიული საფეხურის კონკრეტულ ინდივიდუალობად და არა აბსტრაქციად, არა მექანიკურ ჯამად. იმ თვალთახედვის მიხედვით, რომელსაც აქ ჩვენ ვიზიარებთ, ღვთაებრივი ნება კი არ აქრობს, არამედ ასუღმეულს მრავალსახოვანი ყოფის ყველა ინდივიდუალურ საფეხურს: ზოგადსაკაცობრიო ღირებულებებს; სამყაროულ საზღვრის ადამიანი ვიზიარება პიროვნული ინდივიდუალობის გზით, ეროვნული ინდივიდუალობის გამოვლით. არ არსებობს განყენებული კაცობრიული კულტურა. რუსთაველი ქართული ეროვნული სულის სიღრმეებთან წილნაყარობის გზით, ამ წილის პოეტის ცილის გაცხოველების კვალობაზე ეხმიანება ზოგადსაკაცობრიოს. ქართველობის დიდი და განუმეორებელი მადლის ძალით შეუძრავს იგი გულს გერმანელსა და ინდოელს, ინგლისელს, ესპანელს... კაცობრიობის სიყვარულს ბალავრად ერის სიყვარული უდევს. ყოფიერების საკაცობრიო გზას წარმოადგენენ სხვადასხვა საფეხურის ინდივიდუალობათა შემოქმედებით ურთიერთშეზრდად: პიროვნებისა — ერში, ერისა — მთელ კაცობრიობაში, კაცობრიობისა — კოსმოსში, ხოლო კოსმოსისა — ღმერთში.

თ. ფანჯიკიძე: როგორია რელიგიური და ეროვნული ურთიერთმიმართება, ურთიერთგავლენა?

გ. ფარულავა: ამ კითხვას ნაწილობრივ უკვე გაცა პასუხი. მაშინ, როცა უზენაესი გონი დასაბამიერ ქაოსს კოსმოსად გარდაქმნის, უსახურს სახეს აძლევს, ფიქრობენ, რასიულ ქაოსში იკვეთება ეროვნული. კოსმიური სიცოცხლის დასაბამში, ბუნების სიღრმეშია ჩადებული იდეა ერისა. როგორც ითქვა, ერის ისტორიულ ჩამოყალიბებაში ჩამოინაკვთება კოსმოსი, ხორცს ის-

ხმს უზენაესი ნება. ის, რომ ეროვნულ ორგანიზმში მიმოიქცევიან რაციონალური განსჯით მოუხელთებელი ძალები, მომავალსა და აწმყოს რომ არ ამარჯვებინებენ წარსულზე, დასაბამიერ ფესვებს ცხოველმყოფელობას რომ არ აკლებენ ჟამთაყვარელის უსასრულობაში, მიგანინებებს, რომ ეროვნული ცნობიერება რელიგიურ საფუძველზეა დაშენებული. ნ. ბერდიაევი ბრძანებს: „ყოველი ერის ყოფას რელიგიური საფუძველი აქვს. ეროვნული და რელიგიური მომენტები გადაწნულია ერთმანეთში და ზოგიერთ წერტილებში იღუმალბერივ ედულებიან.“ როგორც მოგვსხენებათ, უზენაესთან სიახლოვის განცდაა რელიგიური ცნობიერების განმსაზღვრელი. ხოლო ამ სიახლოვეს ყველაზე ბუნებრივად, ყველაზე უფრო სამშობლოში აღწევს ადამიანი, როცა ეგოიზმის არტახებისგან თავდადწეული, მოყვასის უანგარო და უშურველ სამსახურში გრძნობს ღვთაებრივის იღუმალსა და სანეტარო ფეთქვას საკუთარ მკერდქვეშ. ხომ გვასწავლის მოციქული, რომ მოყვასის სიყვარულში განსრულდება სიყვარული ღვთისა. ხოლო დიდი ილია გოდებდა: ქართველობასო

„დაჰვიწყებია, რომ ქვეყნად ცასა ღვთად მოუცია მარტო მამული“.

ღმერთს თავის ქვეყნიურ, ხორცასხმულ სახედ, გვიქადაგებს მგოსანი, ჩვენთვის მამული უბოძებია, შაინცდამაინც მამულის სამსახურში გაცხადდება ყველაზე უფრო სიყვარული უზენაესისა. ხოლო „თორნივე ერისთავი“ აკაკი განმარტავს:

„ვიცი, რომ ქრისტემ უდაბნოდ დაჰყო ის ორმოცი დღე ლოცვა მარხვითა, მაგრამ ის იმ დროს იმა ლოცვითა ქვეყნად საერო საქმებს ზრახვიდა“.

ასე აზროვნებდნენ ღვთისმოსავ ერთა საუკეთესო შეილები. მაგრამ არის ერთი ერი, ებრაელობა, რომელიც თითქოს სწორედ იმიტომ მყოფობს ამ სამზეოში, რომ „სულ ერთსა გვიწვრთნის“, კერძოდ, რელიგიური და ეროვნული საიდუმლოს არსებობას

და განუყოფლობას. დიდი ფილოსოფოსი და ქრისტოლოგი ვ. სალაგოვი ამბობს: სწორედ ებრაელი წინასწარმეტყველნი იყვნენ უდიდესი პატრიოტები...მაგალითი ებრაელ წინასწარმეტყველთა, უდიდეს პატრიოტთა და ამასთანავე უნივერსალიზმის უდიდეს წარმომადგენელთა, უაღრესად ბევრის მასწავლებელია ჩვენთვის. იგი მიგვითითებს, რომ თუ ჭეშმარიტი პატრიოტიზმი აუცილებლად თავისუფალი უნდა იყოს ხალხის გამორჩეულობისა და ეგოიზმისაგან, იმავდროულად და ამავე მიზეზით, ზოგადსაკაცობრიო თვალთახედვა, ჭეშმარიტი უნივერსალიზმი იმისათვის, რათა იყოს რაიმე, ჰქონდეს ნამდვილი ძალა და დადებითი შინაარსი, გარდაუვლად უნდა მოგვევლინოს დადებითი სახალხო იდეის გაფართოებად და უნივერსალიზაციად და არა ცარიელ და განურჩეველ კოსმოპოლიტიზმად.“

თ. ფანჯიკიძე: რა არის ეროვნული რელიგია და რა როლს თამაშობს იგი ამა თუ იმ ქვეყნის ისტორიაში?

გ. ფარულავა: ზემონათქვამთა კვალობაზე, საეჭვოა წმინდა წყლის „ეროვნული რელიგიის“ არსებობა. უნივერსალიზმის ის პრინციპი, რასაც ახლა ვიმოწმებდით ვ. სალაგოვის ნაშრომიდან, ძნელად წარმოგვადგენინებს ისეთ მსოფლმეგრძნებას, რომელსაც რელიგიის პრეტენზია ექნებოდა და, იმავდროულად, მხოლოდ რომელიმე ერის სულიერ ცხოვრებას გამოადგებოდა. რელიგიურად მომართული ასეთი ცნობიერება სერიოზულ კულტურულ როლს, ალბათ, ვერ ითამაშებს.

თ. ფანჯიკიძე: შეიძლება თუ არა ხსვა ნიადაგზე და ტრადიციებზე წარმოქმნილი რელიგია ახსავდეს ერის ინტერესებს?

გ. ფარულავა: შეიძლება და ჩვეულებრივ სწორედ ასე ხდება. პალესტინის მიწაზე და ებრაელი ერის წიაღში შობილია ქრისტიანობამ ევროპისა და ამერიკის კონტინენ-

ნტები მოიცვა, აზიისა და აფრიკის მრავალი ხალხიც მას ეზიარა. ე.ი. ათეულობით ერი მიიჩნევს, რომ სწორედ იესო ნაზარეველის მოძღვრება გამოხატავს მის მსოფლმეგრძნებას, იდეალებს. რელიგიური ჭეშმარიტება ხომ ღვთაებრივი ჭეშმარიტების გამოსხივებაა, სასრულო ადამიანური სულის ენაზე „თარგმნილი“ აბსოლუტური სულია. და როცა სასრულო ადამიანური სული ებრავლისა, ბერძენისა თუ ინდოელისა, ასე ახლო მიდის ღვთაებრივ სულთან, მისგან წვდომილი საკმარისად ფართოა და საყოველთაო, რათა შინაგანად მოიცვას კაცობრიობა, იყოს უნივერსალური, ვ. სალავიოვის მოხმობილ მსჯელობას რომ შევეხმიანოთ, ე.ი. რომელიმე ერის გენია (რა თქმა უნდა, სწორედ ამ გენიალობის წყალობით) პირველი მისწვდება და ჩამოიტანს მიწაზე ზეციურის მარცვლებს. ამ მინაწვდომში მერე სხვა ხალხებიც იპოვნიან თავიანთ თავს. და თუ რაციონალურ ლოგიკას უჭირს იმის წარმოდგენა, როგორ მოიცავს და აფორმებს უნივერსალობა ამდენგვარ ნაციონალურ ინდივიდუალობას, უნდა გვახსოვდეს, რომ საქმე გვაქვს ღვთაებრივი შემოქმედების ურთულეს წარმონაქმნთან. აკი ეუბნება შექსპირის ერთი პერსონაჟი მეორეს: „ბეგრე რამ არის, ჰორაციო, ქვეყნად ისეთი, რაც ფილოსოფოსთ სიზმრადაც არ მოელანდებათ“. სწორედ ფილოსოფოსი განგვიმარტავს, რომ რელიგიური და ეროვნული იდემალებრივ ერწყმიან ერთმანეთს. ხოლო მოხმობილ ფრაზაში, — „ქვეყნად ცასა ღვთად მოუცია მარტო მამული“, — ისინი ხომ იგივეობრივად არიან დასახლნი. ერთობ საყურადღებოა მერვე საუკუნის ქართველი მწერლის იოვანე საბანისძის („აბოტფილელის მარტვილობის“ ავტორის) შენიშვნა, რომ „ჩვეულებისამებრ მამულისა სელა“ ჩვენი ქვეყნისათვის არის სელა ქრისტიანობის გზაზე. ე.ი. უკვე იმ დროს არის გააზრებული და გაცხადებული, რომ ორგანული, ბუნებრივი ფორმა ქართველთა

ეროვნული ყოფისა არის ქრისტიანობა. **თ. ფანჯიკიძე: რა როლი ითამაშა რელიგიურმა ფაქტორმა ქართული ეროვნული პრობლემების მოწესრიგებაში?**

გ. ფარულავა: განუზომლად დიდი. ილია ჭავჭავაძეს მოვუსმინოთ: „ქრისტეს რჯული ქართველებისათვის მარტო სარწმუნოებითი აღსარება კი არ იყო, იგი ამასთან ერთად პოლიტიკური ქვიტიკირიც იყო საქართველოს მრავალი ნაწილის გასაერთებლად და შემოსაკრებად. ერთობა სარწმუნოებისა ერთობას ერისას მოასწავებდა.“ ქრისტეს მოძღვრებამ „იშვილა ჩვენი მამული, ჩვენი ეროვნება და ერთსაც და მეორესაც უპატრონა დღემდე.“

საუკუნეთა სიგრძეზე ქრისტიანობა გვემსახურება კედლად, ზღუდვად, რათა არ გავთქვეფილვყავით, არ ჩავკარგულვყავით ჯერ მაზღეანურ, მერე მაჰმადიანურ გარემოცვაში. ამიტომ იყო, რომ მომხდური, მტერი ყოველ ღონეს ხმარობდა ამ კედლის დასანგრევად, ამ ზღუდის გადასაქცევად. ხოლო მამულიშვილები ოფლითა და სისხლით ადულაბებდნენ მტერთაგან დაზარულ ამ ზღუდეს. „გავწყვდით, გავიჟლიტენით, — განაგრძობს ილია, — ვიწირეთ, ცოლ-შვილი გავწირეთ, უსწორო ომები ვასწორეთ, ხორცი მოვეციოთ სულისათვის და ერთმა მუჟა ერმა ქრისტიანობა შევიწახეთ“. საქართველოს სულიერ ცაზე ბრწყინავს მთელი ხომლი წმინდანებისა, ხორცი რომ მისკეს სულისათვის. ისინი ეროვნული გმირები არიან. ნაციონალური შეგნება არ ანცალკვევებდა საეკლესიოსა და საეროვნოს. როცა, მაგალითად, VIII საუკუნის მიწურულს (786—790) საქართველოს კათოლიკოს-პატრიარქი, სამოელი, იოვანე საბანისძეს თხოვს ქრისტეს ტარიგად დაკლულ აბო ტფილელის ღვაწლი აღწეროს, გარკვევით მიუთითებს, რომ აბო „ყოვლისა ამის სოფლისა ჩუენისა ქართლისა“ შეიწირა.

რელიგია, უპირველეს ყოვლისა, კულტურული სულის შიდა ფორმაა, გამონათებაა. განუზომლად დიდი როლი შეასრულა ქრისტიანობამ ქართული ეროვნული კულტურის განვითარებაში. მან გაიყვანა ქართველობა ზოგადსაკაცობრიო მნიშვნელობის სულიერ ფასეულობათა ძიების დიდ გზაზე, გაჭრა სარკმელი ევროპისაკენ. ამ საქმეს ემსახურებოდნენ მრავალრიცხოვანი ეკლესია-მონასტრები ჩვენს ქვეყანაში და საზღვარგარეთ. აი, რას ამბობდა ათონის ივერთა მონასტრზე კ.კეკელიძე: „უიმიხოდ ჩვენი კულტურის ისტორიას, შეიძლება, სხვა სახე და ხასიათი მიეღო“.

შეიძლება ითქვას, რომ სულიერ ცხოვრებას რუსთველამდელ საქართველოში მთლიანად ბერ-მონაზვნები უძღოდნენ, ხოლო ყველაფერი საუკეთესო, ყველაფერი, რასაც ზოგადსაკაცობრიობო ფასი აქვს ქართული სულიერების ნაყოფთაგან „ვეფხისტყაოსნიდან“ დღემდე, ქრისტიანობის ცხოველყოფილ ძირებზეა დამყნული.

თ.ფანჯიკიძე: რამდენად ეროვნული იყო ქართველთა წინა ქრისტიანული სარწმუნოება?

გ.ფარულავა: ყველა ერი გაივლის ხოლმე ჭეშმარიტების ძიების ძნელ, ზოგჯერ გრძელ გზასაც. ქართველობამაც გაიარა გზა წარმართულ რწმენათაგან ქრისტიანობამდე, სიყმაწვილიდან — სიმწიფემდე. ეს იმას ნიშნავს, რომ წინაქრისტიანული რელიგიური წარმოდგენები მხოლოდ ძიება და მიახლოება იყო ეროვნულ პოტენციალთან.

თ. ფანჯიკიძე: არის თუ არა ქრისტიანობა ჩვენთვის ეროვნული რელიგია, ან რა ხდის მას ქართულ ეროვნულ რელიგიად?

გ.ფარულავა: უკვე ითქვა, რომ წმინდა წყლის ეროვნული რელიგია არც არსებობს, ჩვენის აზრით. იმის ცხადყოფასაც შეეცადეთ, რომ ჭეშმარიტი რელიგია, თავისი უნივერსალური დიაპაზონის კვალობაზე, იტევს და აცხოველებს ეროვნულ ინდივი-

დუალობათა მთელ წყებას. ამ ასპექტით და მხოლოდ ამ აზრით ქრისტიანობა ჩვენთვის ნამდვილად არის ეროვნული რელიგია.

რაც ითქვა იმის თაობაზე, თუ რა როლი ითამაშა ქრისტიანობამ ქართული ეროვნული პრობლემების მოწესრიგებაში, იმასაც წარმოგვიჩინეს, რა ხდის ქრისტიანობას ქართულ ეროვნულ რელიგიად. მხოლოდ ერთს დავამატებდით, რაც შევაჭამება სათქმელს: ღმერთის განკაცებისა და ჯვარცმის აქტით, ქრისტეს მოძღვრების მოყენით პასუხი გავცა ქართველი კაცის უღრმეს სულისმიერ ძიებებს: რა არის ადამიანი, რისთვის მოივლინა და საით უნდა ვიდოდეს? რას ქვია კეთილი და რას ბოროტი? რა არის ლამაზი და რა მახინჯი? რას ნიშნავს სიყვარული და სიძულვილი, მეგობრობა და მტრობა, თავმდაბლობა და ქედმაღლობა, მიმტყვებლობა და შურისგება, ცოლობა და ქმრობა, სტუმრობა და მასპინძლობა...ის გაგება, შინაარსი, რაც ამ კითხვებს პქონდა ქართველის გულისა და გონში, ჩამოინაცვთა, გაფორმდა ქრისტეს მოძღვრებით; მსგავსი მსგავს მიესწრათა (სხვა ერისეული გაგება, მსოფლგანცდა სხვაგვარი იყო და არ ითვისა ქრისტეს მცნებანი).

ამგვარად, ქრისტიანობამ თავისი თავი, თავისი საუკეთესო „მე“ აბოვნინა და დაადგენინა ქართველობას. ე.ი. გარკვეული აზრით, ქრისტიანები ვიყავით ამ რჯულზე ოფიციალურ მოქცევამდე.

გონიერ კაცობრიობაში ჩამარხულია ამ საუკეთესო „მესაკენ“, ჭეშმარიტისაკენ, მშვენიერისაკენ ამოურწყავი ლტოლვის წყურვილი. აი, რატომაა, რომ უძველესი ხალხები, — ამბობს ფლობერი, — უძველესი სახელმწიფოები მრეწველები და კომერსანტები კი არ იყვნენ, არამედ, პოეტები, მხატვრები, ტაძრებისა და პირამიდების მშენებელნი. მათ პოემების თხზვა უფრო ადრე ისწავლეს, ვიდრე შალის ქსოვა, — სულს უფრო სწყურია საკვები, ვიდრე კუქსო. და ამ ფრაზას ფლობერი უცნაურად,



ერთის შეხედვით, ულოგიკოდაც კი აგრძელებს: „აქედან დასკვნა: მე მსურს, რომ იესო ქრისტე არსებობდეს ნამდვილად, და დარწმუნებული ვარ, რომ იგი არსებობდა, ვინაიდან, ჩემის აზრით, უფლისეულ-გნებათა საიდუმლო — ყველაზე მშვენიერია, რაც არის ქვეყანაზე“ („საიდუმლო აზრები“). ფლობერს სურს გვითხრას: მშვენიერების წყურვილს პირველად ხელოვნების სფეროში დავიკმაყოფილებო. მაგრამ ეს სულის გაუნღებელი ხმოვა საბოლოოდ მშვენიერების უზუნაეს საუფლოსკენ „ყველაზე მშვენიერისაკენ“ მიგვასწრადებს. „ყველაზე მშვენიერისაგან“ რომ არ მომდინარეობდეს, როგორ, საიდან იარსებებდა სხვა სილამაზე?!

უკეთილშობილეს წყურვილთ აღგვიძრავს უფლისაგან მიპყრობილი მზერა და ამ წყურვილთა მოკვლის უანკარეს წყაროდ გვევლინება უფლისგან მიპყრობილი მზერა. ბარათაშვილი ლაღადებს: „ცხოვრების წყაროვ, მასე წმიდათა წყალთაგან შენთა, დამინთქე მასში საღობანი გულისა სენთა.“ ჭეშმარიტი ცხოვრების წყაროდ რომ გვექცა, ათასგვარ „გულისა სენთა“ განმაქარვებლად რომ გვექმნა, აი, ეს ხდის ქრისტიანობას ქართულ ეროვნულ რელიგიად (რომ იგივე ხდის ამ სარწმუნოებას, ვთქვათ, ინგლისელის ეროვნულ რელიგიად, ეს კია გასაკვირი, მაგრამ გაუგებარი როდია უნივერსალურის და ინდივიდუალურის იმ შერწყმის კვალობაზე, ზევით რომ ვცდილობდით წარმოგვეჩინა).

თ.ფანჯიკიძე: რა როლს შეასრულებს რელიგიური ფაქტორი ჩვენს დროში ეროვნული და ზნეობრივი პრობლემების გადაჭრაში?

გ.ჯარულაშვილი: არ ვიცი, რა როლს შეასრულებს, მაგრამ იმის წარმოჩენას შევეცდები, რა როლი შეიძლება შეესრულებინა და შეიძლება შეასრულოს. ილია ჭავჭავაძე „აჩრდილში“ ამბობს:

„ორი რამ იყო, რისთვისაც ძე შენი იღვწოდა, — ბედმა უწყალომ სხვა საქმისთვის არ მოაცალა, — მამულისა და რჯულისათვის იგი იბრძოდა, ორივე დაიცვა, მაგრამ ყველა მას ანაცვალა“.

ამ დასკვნას უფრო ესატყვისება საქართველოს ისტორიული ცხოვრების იერ-სახე VIII ს. ოცდაათიანი წლებიდან XIX ს. მდე. რა უნდა იგულისხმებოდეს „სხვა საქმეში“, რომლისთვისაც ქართველობა უბედობამ „არ მოაცალა“. რა თქმა უნდა, არა მხოლოდ ეკონომიკა, მეურნეობა, აღმშენებლობითი საქმიანობა, არამედ უპირველეს ყოვლისა, კულტურის, სულიერების სხვადასხვა უბანი: მეცნიერება, ხელოვნება, ღვთისმეტყველება, სამართალი, მუსიკა, მხატვრობა, ლიტერატურა... ეროვნული გონისა და სულის მთელი ენერჯია თითქმის მთლიანად „მამულისა და რჯულის“ გადარჩენას შეეწირა, ასე ცალმხრივ წარმართულმა საქმიანობამ დაასუსტა, გამოფიტა ეროვნული სული და ენერჯია. ასე შევეგებეთ XIX საუკუნეს, როცა ნაციონალური თვითმყოფობა წაგვართვეს მამულის, სხეულისა და რჯულის ემპირიული იერის შენარჩუნების საფასურად. ქართული ეკლესიის ავტოკეფალიის გაუქმებით კი რუსეთმა ფაქტობრივად დაამხო სარწმუნოება, რითაც ხარაკირი გაუკეთა ჩვენს ზნეობრივ ცხოვრებას და ეროვნულ შეგნებასაც.

დღეს ჩვენი ქვეყნისა და ჩვენი ეკლესიის თვითმყოფობაც აღდგენილია, სარწმუნოებაც პატივშია. მაგრამ რა?! აღმოჩნდა, რომ იმ საშინელებათ, რაც უკანასკნელი შვიდნახევარი საუკუნის სიგრძეზე გამოვიარეთ, ეროვნული დამოუკიდებლობის მომვლელებმა მამულისა და რჯულისა დასაღწევილად დააღწიეს. „გონება განდგომილი ღმრთისაგან, — ამბობს გრიგოლ პალამა, — გარდაუვლად იქცევა ან ცხოველურად, ან სატანურად.“ ამ ჭირმა, ასე რომ ვათარეშეთ საქართველოში განსაკუთრებით 1921 წელს შემდგომ, ახლა

თვალნილულად იჩინა თავი და, უპირველესად, ჩვენივე უგუნურებით, ნაქვეყნარს დავამსგავსეთ ჩვენი ქვეყანა. ამაზრზენია იმის ცქერა, რომ ისინი, ვინც გუშინ, გუშინწინ სარწმუნოებას თხრიდნენ, დღეს ღვთისმოსაობით იპოვენ თავს და ცდილობენ კაბიტალო ახლა ამ გზით დააგროვონ.

ჰუმმარატი თავისუფლება, გვასწავლის პავლე მოციქული, არის თავისუფლება თვითნებობისაგან და არა თვითნებობის თავისუფლება, როგორც დღეს ბევრს ჰგონია. თავისუფალი არის ის კაცი, ვინც ძალმოსილი განმგებელია. უფალია ვიწრო პირადული სურვილებისა, ეგოისტური ინსტინქტებისა. თუ ამ სურვილებსა და ინსტინქტებზე არ ვიბატონეთ ე.ი. შინაგანად არ განვთავისუფლდით, თავისუფალ ქვეყანას ვერ ავაშენებთ. თავისუფალ სახელმწიფოს თავისუფალი ადამიანები აშენებენ. ცნობილ აზრს გავიმეორებ, თუ ვიტყვი, რომ საზოგადოებრივი წესრიგი განმტკიცდება, მოვალეობის შეგნება გამყარდება მაშინ, როცა მათ ბალავრად რელიგიურობა აქვთ, უწმინდესი, რაც ადამიანშია, სინდისი მისი, მხოლოდ რელიგიაში ჰპოვებს თავის აბსოლუტურ დასაბუთებას და საიმედოობას. ამგვარ თვალსაზრისს თავისუფლების ქრისტოლოგიური გაგებიდან გამოიტანს ჰეგელი და იტყვის: ხალხები, რომელთაც არ უწყისთ, რომ ადამიანი, უპირველეს ყოვლისა, თავის შიგნით უნდა იყოს თავისუფალი, ცხოვრობენ დაჩლუნგების მდგომარეობაში როგორც სახელმწიფოებრივი მოწყობის, ისე რელიგიის მხრივ. „ხალხს, რომელსაც ღმერთის ცუდი გაგება აქვს, ცუდი სახელმწიფო, ცუდი მთავრობა, ცუდი კანონები აქვს.“ ასეთ მდგომარეობაში წარმოიძღვება მე ჩვენი საზოგადოების მნიშვნელოვანი ნაწილი, პირჯვარს რომ გადაისახავს, „ღმერთი ჩვენი თან არს,“ რომ გაიძახის და ეშმაკურ საქმეებზე და ეშმაკთან კი დაცუნცულდება (ურწმუნონი რომ არ იყვნენ, განა არ მოეხსენებათ, რომ ღმერთს არ მოეტყუებინა?). ამნაირთა შესახებ ამბობდა უფალი

„...ჯვარი ნაზარეტელის
სამკაულად გვაქვს გარეთა,
ვერ ჩავისახეთ გულშია
მასხიფონებელ მთვარეა“

სად არის ხსნა? ხსნა „ჩვეულებრივსა-მებრ მამულისა სვლის,“ ე.ი. ქრისტიანობის გზაზე სვლის, აღორძინებაშია. მაშინ გვეშველება, როცა ქრისტეს მცნებანი გულის ზრახვად და გონებით ნაკურთხად გვექმნებიან, როცა მაღალი სულის ქროლვა ოდნავ მაინც შეარჩევს ეროვნული ცხოვრების ზედპირს.

ვიცი, ეს ძალიან აბსტრაქტულ, მიუწვდომელ ამოცანად, იდეალად მოეჩვენება ბევრს. და იმიტომ, რომ ერთობ სავალალოდ გამოიყურება ჩვენი ზნეობა დღეს. მითუმეტეს გემართებს არ შევუერიგდეთ მდგომარეობას. გემართებს და ძალგვიძს, თუ ამას სერიოზულად მოისურვებენ სახელმწიფო და ხალხი. პირველი სიტყვა აქ მაინც სახელმწიფოს მესვეურთ ეკუთვნით. უკომპრომისო ზნეობრივი პოლიტიკით მათ უნდა გააღზონ მასის სასომხიდილობა და ინდიფერენტიზმი. თუმცა საქმილიც გვაქვია და სასმელიც, გათბობაც და გადაადგილებაც პრობლემად გექცა, გამორჩეული ყურადღება და ძალისხმევა მაინც განათლებას, ეროვნული ეკლესიის აღორძინებას, კულტურას, ლიტერატურასა და ხელოვნებას უნდა დაეთმოს. ასეთი ძალისხმევა და დანახარჯი უკუგებას 3—4 წელიწადში ვერა, მაგრამ მერე და მერე, როცა „გაადამიანებულნი“ ადამიანები მოეფინებიან ჩვენს მიწა-წყალს, აუცილებლად მოგვეცემს შედეგს თვით მატერიალური პროდუქციის სფეროში (ოდნენ მატერიალური სიმდიდრე, თავისთავად, ხომ სიღარიბეა), უნდა დავუჯეროთ სულმნათ ილიას, რომ მხოლოდ ქრისტიანული „მცნების ნათლით ზეადზიდულ, ამადლებულ“ საქართველოში „მოვა შრომის სუფევა.“

„მთავარი მანინც გამჟღერი არის,
ბანსაცვიფრებლად არის მთავარი“.

თ. ფანჯიკიძე: დღეს, როდესაც საქართველოში რაიმე გაბატონებული იდეოლოგია აღარ არსებობს, როდესაც ჩვენი ქვეყანა იბრძვის რეალური თავისუფლებისა და დამოუკიდებლობისათვის, როდესაც ქვეყნის წინაშე დგას მრავალი საჭირობოროტო და გადაუწყვეტელი საკითხი, როდესაც ესოდენ ძლიერია ცენტრიდანული ძალები, ჩვენ გაცხოველებით ვეძებთ რაიმე გამაერთიანებელ იდეას, რომელიც მოგვეხმარება როგორც ჩვენი ერის სულიერი, ისე ფიზიკურ გამთლიანებაში, დაქსაქსულობის დაძლევაში, ტკივილების დაყუჩებასა და მოშუშებაში, სახელმწიფოს დამოუკიდებლობის გაძლიერებასა და განმტკიცებაში. ამ მიზნით, ჩვენს მზერას სულ უფრო ხშირად ვაპყრობთ ქრისტიანობას, რელიგიურ ფაქტორს, რომელიც ჩვენი ქვეყნის ისტორიაში საუკუნეების მანძილზე იყო, ზოგჯერ ერთადერთი სულიერი იარაღი მომხდლური მტრის წინააღმდეგ, ჩვენი შეკავშირების და გადარჩენის საშუალება. დიდ ყურადღებას ვამახვილებთ რელიგიურისა და ეროვნულის ურთიერთობაზე, მათ ურთიერთმიმართებაზე, ვცდილობთ განვსაზღვროთ რელიგიური ფაქტორის როლი ჩვენს ეროვნულ ცნობიერებაში, გავარკვიოთ მისი როლი თანამედროვე, ჩვენს წინაშე მდგარი პრობლემების გადაწყვეტაში. სწორედ ამ საკითხებისათვის ნათელის მოფენას ემსახურება ჩვენი დიალოგი.

მკითხველს შეიძლება გაუჩნდეს კითხვა, თუ რატომ იქნა არჩეული დიალოგის ერთერთ მონაწილედ ფილოლოგი, ხომ არ აჯობებდა ეს მსჯელობა უშუალოდ ფილოსოფოსებს ან ისტორიკოსებს შორის გამართულიყო, ან იმათ შორის, ვინც უშუალოდ მუშაობს ეროვნულ საკითხზე? უპირველეს ყოვლისა, ჩემი ყურადღება ბატონმა გრიგერ ფარულავამ თავის სფეროში მაღალი რეი-

ტინგის გარდა, მიიპყრო რელიგიის სასარგებლოდ გამოთქმული კატეგორიულობით და შეუვალაობით. რელიგიური ფაქტორისადმი მისი ასეთი ამბლბებული დამოკიდებულება ამ წერილშიც ნათლად გამომჟღავნდა. გარდა ამისა, ის ხაზი და მიმართება, რომელიც არსებობდა საქართველოში რელიგიურსა და ეროვნულს შორის, საკმაოდ კარგად ჩანს ისტორიულ თუ ლიტერატურულ წყაროებში, რომელთაც უმეტეს შემთხვევაში, თვით სასულიერო პირები წერდნენ, ამიტომ მათი გარჩევის და ანალიზის გარეშე გაჭირდება აღბათ ამ საკითხებისადმი სწორი პოზიციის გამომუშავება. არ დავმალავ, მე ყოველთვის ვეძებდი დამაჯერებელ არგუმენტებს რელიგიის დადებითი როლის სასარგებლოდ საქართველოში ეროვნული საკითხების გადაწყვეტის საქმეში. წინასწარ შემიძლია ვთქვა, რომ ბატონ გრიგერის ამ წერილში მოტანილი ბევრი მოსაზრება და საბუთი საყურადღებო და მისაღებია ჩემთვის. მაგრამ, მანც დარჩა ზოგი ისეთი რამ, რამაც საბოლოოდ ვერ გაფანტა ჩემი ეჭვები რელიგიის როგორც ერის ერთადერთი გამაერთიანებლისა და გამამთლიანებლის შესახებ. სანამ ყოველივე ამის შესახებ ვიტყვოდე რაიმეს, მანამდე უნდა ვთქვა, თუ რას ვგულისხმობ რელიგიურისა და ეროვნულის ცნებებში.

ეროვნულის და რელიგიურის ცნებების შესახებ ძალიან ბევრი რამის თქმა შეიძლება, მათ ურთიერთმიმართებაზე კი ტომებიც შეიძლება დაიწეროს. მაგრამ ჩვენ ამჟამად უნდა შემოვიფარგლოთ მხოლოდ იმით, რაც ჩვენ უშუალო მიზნისთვის, ამ დიალოგისათვის გვჭირდება.

რას ვგულისხმობთ ცნებებში — რელიგიური და ეროვნული? რელიგიურში, უპირველეს ყოვლისა, უნდა ვივარაუდოთ ის საყოველთაო, წმინდა და ძვირფასი იდე-

ალი, რისკენაც უნდა ილტვოდეს ყოველი მორწმუნე ადამიანი, საითკენაც უნდა ესწრაფვოდეს საზრგადოება და თვით სახელმწიფოც. ეს სწრაფვა, ცხადია რელიგიური წესით ცხოვრებისაკენ, მაღალი ზნეობისაკენ უნდა იყოს მიმართული, რომელიც ღმერთის რწმენაზე და მისადმი შიშზე არის დამყარებული, რამაც, საბოლოო ჯამში, უნდა გადაგვარჩინოს, იხსნას ჩვენი სულები ცოდვისაგან და უზრუნველყოს ადამიანთა იმქვეყნიური მომავალი.

რელიგიურისადმი ორგვარი მიდგომა არსებობს: მორწმუნე ადამიანისათვის, როგორც უკვე ვთქვით, ეს წმინდათაწმინდა იდეალია, ხოლო არამორწმუნისათვის ის რეალობაა, რომელსაც ადამიანთა უმეტესი ნაწილი აწყდება და რასაც მან იძულებულია ანგარიში გაუწიოს.

რაც შეეხება ეროვნულს, მასში ჩვენ ალბათ უნდა ვიგულისხმოთ ყოველივე ის, რაც არსებითია, სპეციფიკურია ამა თუ იმ ერისათვის, ის, რაც ქმნის განუმეორებლობას, რაც ასახავს მის ძირეულ ინტერესებს, პასუხობს მის მიზნებსა და მისწრაფებებს, გვეხმარება ერის წინაშე მდგარი ამოცანების გადაჭრაში. ეროვნულში, ცხადია, იგულისხმება ენაც, ეროვნული კულტურაც, ეროვნული ღირებულებებიც, ეროვნული ტრადიციებიც. ამ ჩამონათვალში, ცხადია, განსაკუთრებული ადგილი რელიგიასაც უკავია, რომელიც, თავის მხრივ, უშუალო კავშირშია როგორც კულტურასთან, ისე ეროვნულ ღირებულებებთან და ტრადიციებთან, რომელზედაც უდიდეს გავლენას ახდენდა და ახდენს.

როგორი უნდა იყოს მათ შორის ურთიერთმიმართება? — რასაკვირველია, პირდაპირი და მჭიდროდ დაკავშირებული. იდეალურ შემთხვევაში, რელიგიური ხელს უნდა უწყობდეს ეროვნული მიზნებისა და ამოცანების გათავისებას და გადაწყვეტას, თუ რელიგიური ეროვნულიდან გამოდის, თან მის ინტერესებსაც მოიცავს, ცხადია,

იგი ამ ქვეყნის ძირეულ ინტერესებსაც უწყობდეს. ვიმეორებ, ყოველივე ეს მხოლოდ იმ შემთხვევაში, თუ ეს ორი ცნება რეალობაში იდეალურ თანხმობაშია და ერთმანეთისაგან გამომდინარეობს. ასეთ პირობებში შედეგიც ყოველთვის სახეზეა. სხვა შემთხვევაში ისტორიამ იცის სხვა, საწინააღმდეგო მაგალითებიც.

მე, რასაკვირველია, გამიჭირდება დავეთანხმო ბატონ გრივერის აზრს იმის შესახებ, რომ „საეჭვოა წმინდა წყლის ეროვნული რელიგიის არსებობა“, თუმცა სულ ცოტა ადრე იგი, ამ მხრივ, იუდაიზმის უნიკალურობას უსვამდა ხაზს. ჩვენი მხრივ, ამას შეგვიძლია ინდუიზმი და ზოგიერთი სხვა რელიგია დავუმატოთ. გარდა ამისა ეროვნულ რელიგიებდა უნდა ჩაითვალოს მრავალრიცხოვანი პოლითეისტური რელიგიები, რომლებიც უმეტესად ადგილობრივ ეროვნულ ნიადაგზე იყვნენ აღმოცენებულნი. მკვლევარები სამართლიანად შენიშნავენ, რომ ისინი „ვიწრო ნაციონალურ ქარგაზე“ იყვნენ გამოჭრილნი. ამიტომაც ეს რელიგიები ძირითადად ასახავდნენ თავისი ქვეყნის განვითარების დონეს, ტრადიციებს, ადათებს, წეს-ჩვეულებებს, ეროვნულ მისწრაფებებს. იუდაიზმიც იმ ფორმით, რომლითაც იგი არსებობს, ასევე „ვიწრო ნაციონალურ ქარგაზე“ იყო გამოჭრილი, მათი ღმერთი მხოლოდ ებრაელებს მფარველობდა და მის მტრებს სულაც არა სწყალობდა, რაც შეეხება მესიას, მათ იგი იმისთვის სჭირდებოდათ, რომ ეხსნათ ებრაელობა სხვა ხალხების ჩაგვრისაგან. იუდეველთა წარმოდგენით ეს უნდა ყოფილიყო ძღვევამოსილი მესია, რომელსაც უნდა გაენადგურებინა ებრაელთა მტრები. მათ სწორედ ასეთი მესია უნდოდათ და არა ისეთი, ვისთვისაც სულ ერთი იქნებოდა „ებრაელი თუ ელინი“. მესია, რომელიც დაეხმარებოდა მათ ეროვნული მეთობის შენარჩუნებაში და გადაარჩენდა ებრაელებს იმ უკიდურეს ოკეანეში გაჭრობისაგან, რომელსაც რომის

იმპერია ერქვა. სწორედ ამიტომ არ მიიღეს მათ იესო ქრისტე, არ აღიარეს იგი მესიად და ჯვარზეც აცვეს, რადგან ამჟობინეს ერთი კაცი მოეკლათ, ვიდრე მთელი ერი დაღუპულიყო და ამ ძირითადი ხაზისაგან მათ არც შემდგომ გადაუხვევიათ. ამ ფაქტში კარგად ჩანს რელიგიურისა და ეროვნულის ურთიერთმიმართება. იუდეველები მთელი თავიანთი ისტორიის მანძილზე ცდილობდნენ რელიგია ერის ხსნისათვის გამოეყენებინათ, რაც, თავის მხრივ, საკუთარი რელიგიის სიწმინდის დაცვასაც გულისხმობდა.

რაც შეეხება მსოფლიო რელიგიებს — ბუდიზმს, ქრისტიანობას, ისლამს — მიუხედავად მათი გარკვეული გლობალური პრეტენზიებისა, უნივერსალიზმისა და კოსმოპოლიტიზმისა, მიუხედავად იმისა, რომ ისინი უამრავ ქვეყანაში და ხალხში არიან გავრცელებული, მათ მაინც ახასიათებთ გარკვეული ეთნიკური ნიშნები, იმ ადგილის და იმ ხალხების ნიშნები, სადაც ისინი წარმოიშვნენ და ჩამოყალიბდნენ.

ამის მაგალითად თუნდაც ისლამი გამოდგება. როგორც ცნობილია, მუჰამედმა ბევრი რამ ისესხა იუდიზმისა და ქრისტიანობისაგან. იგი, მართალია, არ უარყოფდა ამ რელიგიათა წმინდა წიგნებს, მათ ხშირად ახსენებდა და იყენებდა კიდევ, აღიარებდა მოსეს და ქრისტეს რეალურ არსებობასაც, მაგრამ თანდათან მივიდა იმ აზრამდე, რომ საჭირო იყო შეექმნა საკუთარი რელიგია, საკუთარი ღირებულებანი, გამომდინარე თავისი ხალხის ბუნებიდან და არა სხვის მიერ შექმნილი და მოტანილი. ახალი რწმენა, რომელიც სხვა რელიგიებზე უფრო ჭეშმარიტი იქნებოდა: ალაჰმა „თავისი მოციქული (მუჰამედი — თ.ფ.), — ნათქვამია ყურანში, — მოავლინა წარმართებით და ჭეშმარიტების სარწმუნოებით განმტკიცებულნი, რათა ყოველი სარწმუნოების უმაღლეს დაეყენებინაო (48;28).

ამ მიზნით მოხდა ე.წ. „ყიბლის“ დადგენა. თუკი თავდაპირველად მუჰამედის მიმ-

დევრები ლოკვისას სახეს იერუსალიმისკენ აპყრობდნენ, ახლა მექისაკენ უნდა ექნათ პირი. ამ გადაწყვეტილებას უდიდესი მნიშვნელობა ჰქონდა არაბებისათვის. რაც შეეხება არაბების ძველ ტომობრივ კერპებს, ისინი მუჰამედმა ან სრულიად გაანადგურა, ან შინაარსი შეუცვალა, სრულყო და ამით თავისი რელიგია ნაციონალურ რელიგიად გამოაცხადა.

ძნელია არ დაეთანხმო ასეთ მტკიცებას, ისლამი არაბისათვის, მართლაც, ნაციონალური რელიგიაა, რადგან იგი გულისხმობს მისი ცხოვრების წესსაც, ტრადიციებსაც, წეს-ჩვეულებებსაც და თვით კლიმატიდან გამომდინარე ნიუანსებსაც კი. მაგრამ რამდენად ეროვნულია იგი სხვა ხალხებისათვის, მათ შორის ქართველი მუსლიმანისათვის, რამდენად ითვლისწინებს იგი მის რეალურ ეროვნულ ინტერესებს, ან რამდენად მისაღებია ის ფაქტი, რომ ქართველი მუსლიმი ლოკვისას მექისკენ უნდა იყურებოდეს, მხოლოდ იქ ეძებდეს სიწმინდეს და ნუგეშს, როგორ მოქმედებს ეს ქართული ცნობიერების ჩამოყალიბებაზე?

ყოველივე ეს ბუნებრივად ბადებს კითხვას: „საერთოდ კი შეიძლება სხვა ნიანდაგზე და ტრადიციებზე წარმოქმნილი რელიგია ასახავდეს სხვა ერის ინტერესებს?“ ამ კითხვაზე ალბათ ერთგვაროვანი პასუხის გაცემა არ ივარგებს. აქ, უპირველეს ყოვლისა, გათვალისწინებული უნდა იქნას, რამდენად დაემთხვევა ესა თუ ის რელიგია ერის ინტერესებს, მის მიზნებსა და მისწრაფებებს, რამდენად გაითავისებს ერი ამ რელიგიას, რა მიმართულებით წაიყვანს მას და ცხოვრების როგორ წესს შესთავაზებს, რა როლს შეასრულებს მის განვითარებაში, განმტკიცებაში, როგორ კულტურასთან დააკავშირებს, შეუნარჩუნებს თუ არა მას თვითმყოფობასა და თვითშეგნებას. ამ კითხვებზე დამაჯერებელი პასუხის გაცემა წარმოუდგენელია ჩვენი ისტორიის გადახედვის გარეშე. ეს კი, თავისთავად, უკავშირ-

დება საკითხს, თუ რა როლი შეასრულა რელიგიურმა ფაქტორმა ქართული ეროვნული საქმის მოწესრიგებაში? ამ კითხვაზე პასუხი ალბათ არ უნდა გაჭირდეს. ყველასათვის ცნობილია მრავალი გამოჩენილი ქართველი მოღვაწის დადებითი დამოკიდებულება და გამონათქვამები ქრისტიანობის შესახებ, რომ ქრისტიანობამ ჩვენ გაგვიერთიანა, მან შეგვინარჩუნა ჩვენი მიწა, თვითმყოფობა, ტრადიციები, ენა, ყოველივე ის, რასაც ქართველობა ჰქვია. ის იყო საუკუნეთა მანძილზე მძლავრი სულიერი იარაღი, რომელიც მოგვიწოდებდა არ გავათარებულიყავით, შეგვინარჩუნებინა ეროვნული მეობა. ისიც გასათვალისწინებელია, რომ ამ პერიოდში ხშირად ქართველობა და ქრისტიანობა იდენტურ ცნებებად აღიქმებოდა. ჩვენ გვაქვს შესანიშნავი მაგალითები ქრისტიანობის ზეობისა, სამშობლოსათვის თავდადებისა და თავის შეწირვისა. გვახსოვს დავით აღმაშენებლის სიტყვები დიდგორის ომის წინ ქრისტიანობის მნიშვნელობის შესახებ. მაგრამ ყოველივე ეს და კიდევ მრავალი სხვა რამ, რაც ქრისტიანობის სასარგებლოდ მეტყველებს, მოქმედებდა მანამ, სანამ სხვა რელიგიის მატარებელ ხალხებს ვებრძოდით ან მათგან ვიცავდით თავს. მაგრამ ჩვენ ისიც კარგად ვნახეთ, თუ როგორ დაბლაგვდა ეს მრავალნაცადი სულიერი იარაღი მაშინ, როცა ჩვენ დავდექით საფრთხის წინ ჩვენივე სარწმუნოების ხალხისაგან. როდესაც ჩვენ აშკარად და გასაგებად გვითხრეს: თუ თქვენ მართო ქრისტიანობისათვის იბრძოდით, თუ ეს არის თქვენი საბოლოო მიზანი, აი, ჩვენ გვაქვს ზუსტად ისეთი სარწმუნოება, რომელიც თქვენშია გავრცელებული და საბრძოლველიც აღარაფერი გაქვთო. ჩვენ მოწმე შევიქმენით იმისა, თუ ერთმორწმუნეობის საბაბით როგორ გავვიქმემს ეკლესიის დამოუკიდებლობა, როგორ წაგვართვეს დიდი საეკლესიო ქონება, როგორ იქცა საუკუნეთა მანძილზე გამოცდილი ჩვენი სულიერი იარაღი

ჩვენივე დამორჩილების, დაბრთხებისა და დაგვარების საშუალებად. ყოველივე ამან, რასაკვირველია, დაგვადგინა ჩვენი ორიენტაციის სისწორეში, რომელიც დამყარებული იყო „მართლმადიდებლურ გულუბრყვილობაზე.“ ამ საკითხზე იმიტომაც ვამახვილებთ ყურადღებას, რომ ერთმორწმუნეობის ფაქტორს გარკვეული ძალები მნიშვნელოვან არგუმენტად დღესაც თვლიან და იყენებენ.

იყო კი როდესმე რელიგია საქართველოში სუფთა ეროვნულ ნიადაგზე წარმოქმნილი? რამდენად ეროვნული იყო, ვთქვათ, ქართველთა წარმართული სარწმუნოება? ამ კითხვაზე პასუხი მიჭირს, რადგან ჩვენი წინაქრისტიანული სარწმუნოება არცთუ ისე კარგად ვიცით. ტყუილად როდი ფრთხილობდა აკად. ი. ჯავახიშვილი, როცა წერდა, რომ „...დიდი სიფრთხილე და კრიტიკული წინდახედულებაა საჭირო, რომ უცხო ქართულად არ ვცნათ, ახალი ძველად არ გვეჩვენოს.“ მაგრამ ის, რაც ვიცით — ფეტიშები, ტოტემური, ანიმისტური თუ ჯდოქორული ქმედებები, წინაპართა კულტი თუ ცალკეული ღვთაებები — უმეტესად ადგილობრივი ნიადაგზე, ყოფაზე და ტრადიციაზე უნდა ყოფილიყო დაყრდნობილი. ისინი საკმაოდ პოპულარულნი იყვნენ ხალხში. იმიტომაც იყო, რომ ქრისტიანობას გაუჭირდა გავრცელება საქართველოში, განსაკუთრებით კი მთაში. ხოლო ხალხში გავრცელებული ტრადიციები და წეს-ჩვეულებების ნაწილი, ის, რასაც ქრისტიანობა ვერ მოერია და თავიდან ვერ მოიშორა, იძულებული იყო შეეთვისებინა და გაეთვისებინა.

რა შეიძლება ითქვას ამ მხრივ თვით ქრისტიანობაზე. არის თუ არა ქრისტიანობა ჩვენთვის ეროვნული რელიგია, ან რა ხდის ქრისტიანობას ქართულ ეროვნულ რელიგიად? ამ კითხვაზე პასუხი თითქოსდა არ უნდა გაჭირდეს, აკი ჩვენ ვხმარობთ გამოთქმას „ქართული მართლმადიდებელი

ეკლესია“, მაგრამ განა ამ ეკლესიის მოძღვრება რითიმე სერიოზულად განსხვავდება, ვთქვათ, ბერძნული, რუსული ან სხვა მართლმადიდებლობისაგან? განა ყველა მათ ერთნაირი საფუძველი, დოგმები ან ტიპიკონი არა აქვთ?

თავის დროზე რომის პაპი პიუს მე-12 კათოლიკური მოძღვრების შესახებ წერდა: „კათოლიკური ეკლესია თავისი არსებით წარმოადგენს ზენაციონალურს, ეკლესია არის დედა, ქეშმარიტი დედა, დედა ყველა ერის და ყველა ხალხების არანაკლებად, ვიდრე ცალკეული ადამიანების, და სწორედ ამიტომ იგი წარმოადგენს ყველას დედას. იგი არ შეიძლება ეკუთვნოდეს ამა თუ იმ ხალხს, ან რომელიმე ხალხს უფრო მეტად ვიდრე მეორეს, არამედ ყველას ერთნაირად. იგი არის დედა და აქედან იგი არავისთვის არ არის უცხო და არ შეიძლება ასეთი იყოს, რადგან იგი ცხოვრობს ან ყოველ შემთხვევაში, თავისი ბუნებით უნდა იცხოვროს ყველა ხალხებში...ამდენად ეკლესია წარმოადგენს ზენაციონალურს, რადგან იგი წარმოადგენს ყველასათვის უხილავ, ყოვლისმომცველ ერთობას“. ამ მხრივ, ყველა ერის და ყველა ხალხების დედობის, საკუთარი მოძღვრების ქეშმარიტების პრეტენზიები მართლმადიდებელ ეკლესიასაც არანაკლები გააჩნია. მაშ რაში მდგომარეობს მისი ეროვნული ხასიათი? მისი ეროვნული სული?

ჩემი აზრით, მისი ეროვნულობა იმაში უნდა მდგომარეობდეს, რომ იგი გახდა მემკვიდრე საქართველოში გავრცელებული ძველი თუ ახალი რწმენებისა, ტრადიციებისა და წეს-ჩვეულებებისა. თუ ზოგადად ვიტყვით, მაშინ, როდესაც ქრისტიანობა სხვადასხვა ქვეყნებში ვრცელდებოდა, მას ადგილობრივ პირობებთან ადაპტაცია და მანამდე არსებული რელიგიური რწმენების დაძლევა უხდებოდა. ის, რის დაძლევასაც იგი ახერხებდა, იმას თავიდან იცილებდა, რის თავიდან აცილებასაც ვერ ახერხებდა,

მას უკვე სათანადოდ გადაეშვა ებუღლუსთავის არსენალში დებულობა. სწორედ ეს აძლევდა ეროვნულ ელფერს მართლმადიდებლობას საქართველოში, განსაკუთრებით ეს შეიმჩნეოდა მთაში. ყოველივე ეს, ზოგჯერ იმდენად უცნაურ ნაზავს ქმნიდა, რომ ორთოდოქსი ღვთისმეტყველები უარს ამბობდნენ ასეთი ნაზავის მართლმადიდებლობად აღიარებაზე. ამ მხრივ, თუნდაც ვაჟა-ფშაველას პუბლიცისტური წერილების გახსენებამაც კმარა (იხ. „ხევსურები“; ეპისკოპოს ანტონის აზრი ფშავ-ხევსურთა სარწმუნოებაზე; ვაჟა-ფშაველა, თხზ. ტ. 9, 1964წ.) — გარდა ამისა, ქრისტიანობის ეროვნულობა ჩვენი იმაშიც გამოიხატა, რომ მისი მოძღვრებით იცხოვრა მრავალი საუკუნე, მის საფუძველზე შექმნა თავისი კულტურა; ლიტერატურა, მუსიკა, მხატვრობა, არქიტექტურა, თავის სამართალსაც რელიგიური ზნეობა დაუდო საფუძველად.

თუმცა, მე თუ მკითხავთ, ქართველის ლაღი და თავისუფალი ბუნება ნაკლებად შეესატყვისება მკაცრ და ასკეტურ ქრისტიანულ მოძღვრებას. მაგრამ ქართველებმა ისტორიულად სწორედ ეს რელიგია აირჩიეს და მას უფრთხულეს.

რა როლს შეასრულებს რელიგიური ფაქტორი ჩვენი ეროვნული პრობლემების გადაჭრაში? ამ კითხვაზე ასევე ძალზე ძნელია პასუხის გაცემა, რადგან ჩვენს დროში ქართველები მხოლოდ ერთ რელიგიას როდი მისდევენ. ახლა ქართველები მართლმადიდებლებიც არიან, კათოლიკეებიც, ბაპტიტებიც, ორმოცდაათიანელებიც, ძველმართლმადიდებლებიც, ადვენტიტისტებიც, იეღოველებიც, კრომნაიტებიც, მუსლიმებიც და ა.შ. ყოველივე ეს, რასაკვირველია, აფერხებს ქართველთა ერთობას. ისევე როგორც ესოდენ ფართოდ გავრცელებული პარტიები უშლიან ხელს ერთმანეთს ქართულთა იდეურ გაერთიანებაში. თანაც, არ არის გამორიცხული, რომ ამ რელიგიურ სექტებს, რომელთაც ცენტრები სხვა ქვეყ-

ნებში აქვთ, გამოიყენებენ ჩვენს პატარა ქვეყანაზე პოლიტიკური ზეგავლენის მოსახდენად. მით უმეტეს, რომ, როგორც მათი უმრავლესობა თვლის, რელიგიური ყოველთვის წინ უნდა იდგეს ეროვნულზე. ზოგი მათგანი კი, საერთოდ იგნორირებას უკეთებს ეროვნულ ფაქტორს. ზოგის აზრით, „ნაცია — ერი წარმოადგენს ადამიანთა მოქმედების შედეგს, რომელსაც ღმერთი უშვებს და არ კრძალავს, იგი განკუთვნილია ადამიანთა გარკვეული ჯგუფებისათვის, რომელიც გარკვეულ დროს არსებობს... ქრისტიანობას ეკუთვნის პირველობა და უმაღლესობა, რამდენადაც ღმერთის ქმედება სჭარბობს ადამიანის ქმედებას, იმდენად ქრისტიანობა აჭარბებს ეროვნულს.“

აქ აქცენტები იმდენად ნათლად არის დასმული, რომ დამატებით განმარტებას აღარ თხოულობს.

პირადად ჩემთვის კი რელიგია იმდენად არის ძვირფასი, რამდენადაც იგი ერის სულს, მის მისწრაფებებს გამოხატავს, იმდენად, რამდენადაც ხელს უწყობს ეროვნულის დანერგვას და განმტკიცებას და თუ-

კი იგი ამ ფუნქციას ვერ ასრულებს, ჩემთვის მისი მნიშვნელობა კნინდება.

ჩვენ დაგვხვდა ისეთი საქართველო და იმ ზომის საქართველო, რომელიც ჩვენმა წინაპრებმა დაიცვეს და დაგვიტოვეს; ხოლო ის, რასაც ჩვენ დავიცავთ და დავტოვებთ, ჩვენს შთამომავლობას დარჩება. შესაბამისად მიზანი ჩვენს ისტორიაში იმ ქართველი მებრძოლესია, იმ 300არაგველისა თუ 9 ძმა ხერხეულიძისა, იმ გმირობისა და თავდადებისა, რომელსაც ისინი ბრძოლაში იჩენდნენ, პირველ ყოვლისა, ჩვენი სამშობლოს და მამულის დაცვა იყო, რათა არ დაგვეკარგა სამშობლო და სხვაგან არ ვყოფილიყავით თავშეფარებულნი, რადგან არავინ არ არის ამქვეყნად იმაზე უბედური და საცოდავი, ვისაც სამშობლო არ გააჩნია. ძალაუბნებურად გახსენდება ჯანსუღ ჩარკვიანის ლექსის სტრიქონები: „მთავარი მაინც მამული არის, განსაცვიფრებლად არის მთავარი.“ ამ საქმეში კი რელიგიამ თავისი სიტყვა უნდა თქვას. ხმა ღვთისა და ხმა ერისა უნდა გაერთიანდეს ამ სანუკვარი მიზნის განსახორციელებლად.



თენგიზ ჩხაიძე

უსაზრისო ყოფა

(გაუო ზვიზვილი — 14 ნოემბ. „ბანთიალი“. 9.91.)

პირველი ნოველა, რომელსაც ჰქვია „რუა“, სახელი — მდინარის, წყლის, ვით სიცოცხლის საწყისისა, საერთო ტონალობასა და აზრს ანიჭებს ნოველების ამ ციკლს. აქ არის დახატული ერთი პატარა სურათი, თავისთავად ფრიად სიმბოლური და, გასინჯეთ, თითქოს წინასწარმეტყველურიც: ღორი დაგორებს ეკლის ღობის ძირას კაცის თავს. ამ სურათს უყურებს დაღუპულის ორი გაოგნებული ამფსონი. დაღუპვის მიზეზი: ავტოავარია, ორსავე მხარეს საჭესთან მსხდომთა გამოთავყვანებამდე მისული სიმთვრალე. გაივლის არც ისე დიდი ხანი და მწერლისეული ხილვა, ვაგლახ, აცხადდება უფრო ფართო და საზარელი სახით: საქართველოს ერთ-ერთ კუთხეში ღორები ჯიჯნიან ტვინგადმონთხეული ჭაბუკების თავებს. ამას თავისი თვალთ ხედავენ დახოცილ-დასახიჩრებულთა ამხანაგები. ვერ აიტანენ კომმარულ სანახაობას, ავტომატის ჯერს მიუშვებენ გათავებულული პირუტყვისაკენ... გადაგვარების მწვერვალი: ატყდება ვიუშველებელი. ჩივიან არა ადამიანის სისხლის დაღვრას, ისიც — თვისტომთა, ისიც — ერთმანეთის ხელთ, ჩივიან ღორების დახოცვას, თანაც — ქალები, დედები... ზემომოტანილი ორი სურათი მხოლოდ გარეგნულად როდი ჰგავს ერთიმეორეს. ნოველისეული ხატი, თავად ქმნილების საერთო განწყობისაგან გამომდინარე, შეგვიძლია აღვიქვათ თვითგანადგურებისაკენ ლტოლვის თავისებურ გამომყდევნებად, თუნდაც არაცნობიერი ლტოლვისა, განა იმავე აზრისკენ არ გვიბიძგებს სინამდვილის ის ფაქტებიც, რასაც ასოციაციით აღგვიძრავს ნოველაში დახატული ზე-

მთ მოხმობილი სურათი?

თვით ნოველა შეიძლება ორ ნაწილად გავეოთ პირობითად: პირველ ნახევარში ძუნწ ინფორმაციას, მოწოდებულს მდინარისა და სოფლის ადგილმდებარეობის, მისი გეოგრაფიული გარემოს შესახებ, მოსდევს აქ გაშენებული ბოტანიკური ბღის დახასიათება. ავტორის განგებისად უემოციო აღწერითს თხრობას ერთბაშად ცვლის მღელვარებამორეული ხმა ქალისა, რომლის ნაუბარი მთლიანად გვირდევს თავდაპირველ იდილიურ წარმოდგენას ამ, ერთი შეხედვით, მყუდრო, სუფთა, ჯანსაღ, ადგილზე. ქალის ჩივილის გასამხელად, ჩივილისა იმის გამო, რომ ეს ადგილი კერაა რალაც უცნობი დაავადებისა, რისგანაც სნეულდებიან და იღუპებიან ადამიანები, შერჩეულია ჟურნალისტთან ინტერვიუს ფორმა. თავად ინტერვიუერი და მისი თანამოსაუბრე არ ჩანან, ასე ვთქვათ, კადრს მიღმა არიან. გვესმის მხოლოდ თანამოსაუბრის პასუხი, შინაგანად აღელვებული ადამიანის მონოლოგი, წუხილის, შემფოთების გრძნობით გამსჭვალული.

მეორე ნაწილში აღწერილია (ასევე საკმაოდ ძუნწად), როგორ გამოვლენ აქ ჩადგმული რესტორნიდან შუალამემდე ნაჭეიფარი, უგონოდ მთვრალი ამფსონები, როგორ დაეჯახება მათ მანქანას მეორე მანქანა, როგორ აღმოჩნდებიან საავადმყოფოში და როგორ დაბრუნდება უკან ორი გადარჩენილი თანამეინახე დაღუპული ამხანაგის თავის მოსაძებნად.

სულ ეს არის გადმოცემული ნოველაში, რომელსაც ჟურნალის ორად ორი გვერდი უკავია. უმარტივესი მონტაჟი სამი უბ-

რალო რამის: სოფლის გარემოს ძუნწი აღ-
წერა, უჩინარი პერსონაჟის მოკლე მონო-
ლოგი და ყოველდღიური, ჩვეულებრივი ამ-
ბავი — ავტოაგარია, ერთი უამრავ შემთხ-
ვევათაგანი.

არადა, თავს ეკითხები: რატომაა, რომ გუ-
ლჯირლად ვერ წაგვიტხავს თითქმის ოქმისე-
ბური სიმშრალით დაწერილი ეს მინიატურა?

ჩვენ ჩვენდაშემუმჩნევლად ხშირად
ყურს ვაჩვენებთ, ვეგუებით ხოლმე ზოგ ისეთ
რამეს, ისეთ მოვლენას, რასაც ადამიანი არ
უნდა ეგუებოდეს. ეს გვემართება არა მხო-
ლოდ პრესა-ტელევიზიის, თავად გართუ-
ლებული ცხოვრების ზეგავლენით, გვემარ-
თება ლიტერატურისა და ხელოვნების მო-
ჭარბებული პროდუქციის ზეგავლენითაც.
რამდენჯერ გავცნობილვართ ათასგვარ სი-
ავეს, წიგნის ფურცლებზე მოთხრობილს,
და რამდენჯერ გვითქვამს გუნებაში: „ეს ხომ
ნაცნობი, ჩვეულებრივი ამბავია, აკი წაგვი-
კითხავს მსგავსი რამ.“ ჭეშმარიტი მხატვრუ-
ლი ნიჭი თითქოს პირველად, ან ხელახლა,
ხელახალი თვალთ შეგახედებს საგანსა თუ
მოვლენას, გულში გიღვიძებს მიძინებულ
გრძნობას გაკვირებისას. ეს თვისება რეზო
ჭეიშვილის ნიჭსაც ახასიათებს, არაერთ მის
მოთხრობაში გამოვლენილია იგი მკაფიოდ.
დღეს, აბა, ვის გააოცებ მძიმე ეკოლოგიური
მდგომარეობის წარმოჩენით? როცა „რუას“
კითხულობ, იმ მონაკვეთს, სადაც კორეს-
პონდენტთან მოსაუბრე ქალის ხმა მოგეს-
მის, შენი არსების სიღრმეში მიჩქმალული
ეს პირვანდელი გრძნობა (გაოცებისა) აღგე-
ძვრის. მხატვრული სიტყვის ზემოქმედების,
მხატვრული ეფექტის საიდუმლო რომ ბო-
ლომდე, ზედმიწევნით შეიცნობოდეს,
ზღვარი შემოქმედებასა და ხელოვნობას
შუა დიდი ხანია წაშლილი იქნებოდა. მხო-
ლოდ ზოგიერთ ძირითად ხერხს, საშუალე-
ბას — თუ საცნაურყოფთ, რომლებსაც
ხელოვანი ქვეშეცნეულად იყენებს რაიმე
მოვლენის ასახვისას. ფსიქოლოგიური ზე-
მოქმედების საფუძველს „რუას“ პირველი

ნახევრის კითხვისას, უწინარეს ყოვლისა,
აღბათ მოულოდნელობის ეფექტი ქმნის, ის
კონტრასტი, რაც ვლინდება ძუნწი შტრი-
ხებით წარმოდგენილ სოფლის იდილიურ
გარემოსა და ამ იდილიურობის საფარველს
მიღმა, სინამდვილეში არსებულ სავალალო
მდგომარეობას შორის. თანაც ეს გადასვლა
ხდება ერთბაშად, მკითხველის რაიმე წინა-
სწარი შემზადების გარეშე. მხატვრულ
ეფექტს აძლიერებს ისიც, რომ დაავადების,
უცნობი გამოსხივების კერად შერჩეულია
ისეთი ალაგი, როგორც ყველაზე მეტად
შეეფერება ჩვენს წარმოდგენას „სუფთა და
წმინდა ადგილის“ შესახებ — ბუნების ნაკ-
რძალი, ბოტანიკური ბაღი. „გვაკვირებს“
ისიც, თუ რა მორიდებული კილოთი ლაპა-
რაკობს ადამიანი თავის კუთხის უბედურე-
ბაზე, იმ საფრთხეზე, რაც აქ მცხოვრებთა
სიცოცხლეს ემუქრება. მკითხველი ვერ გა-
რკვეულა ხეირიანად, სამარჩიელოდ, თით-
ქმის გამოცანად გახდომია, რატომ ამჯობი-
ნებენ აქაურები, არ გაამხილონ თავიანთი
ჭირ-სატკივარი, ვისი ან რისი ეშინიათ. თავ-
ად მსხვერპლად აქ გავრცელებული სწეუ-
ლებისა ქალებია მითითებულნი. კორესპო-
დენტთან მოსაუბრე პირდაპირ ამ სიტყვე-
ბით იწყებს: „აქ ქალები ავადდებიან ქა-
ლური ავადმყოფობით, საშვილოსნოს ყე-
ლის და თვით საშვილოსნოს სიმსივნით...“
უფრო მოსალოდნელი უნდა ყოფილიყო,
ავტორს ბავშვების მდგომარეობაზე გაე-
მახვილებინა ყურადღება, ეს თითქოს უფ-
რო „მომგებიანი“ იქნებოდა შთაბეჭდი-
ლების მოხდენის თვალსაზრისით. ავტორი
არ ჰყვება ამ ცდუნებას. თუ დავუკვირდე-
ბით, მითითება ქალზე, დაავადების კონკ-
რეტულ სახეობაზე სიმბოლურ აზრს შე-
იცავს. ქალი და დედა-მიწა. წაბილწულია
პირველის საშო — წიაღი შეილოსნობისა
და ნაყოფიერებისა. წაბილწულია მეორის
საშო — დასაბამი სიცოცხლისა. თუმცა ამ
ნოველის სიმბოლიკაზე ქვემოთ კიდევ შე-
ვჩერდები.

მეორე ნახევრის მხატვრული ზემოქმედების თავისებურებას ძირითადად მკითხველის შეცბუნების, „შოკირების“ პრინციპი განსაზღვრავს. ჩვენ ისე შევფიქრეთ თვალი და სმენა ათასგვარ უბედურ შემთხვევას, სამწუხაროდ, ისეთ ჩვეულებრივ ამბად იქცა ავტოკატასტროფა, ადამიანთა მსხვერპლი, რომ ძნელია შთაბეჭდილება მოახდინო მანქანის ავარიის აღწერით. ავტორი არცა ცდილობს ამას. სამაგიეროდ იგი პოულობს ერთადერთ ნიშანს, თავისებურებას, რითაც ეს კონკრეტული უბედური შემთხვევა განსხვავდება სხვა უამრავი მსგავსი შემთხვევისაგან. აქაც იყენებს მოულოდნელობის ელემენტს. ჩვენ ჯერ მხოლოდ ის ვიცით, რომ ოთხი ამხანაგიდან ორი დაიღუპა, ისიც ვიცით, განგებისად მშრალი საგაზეთო ინფორმაციის ენით ნათქვამი: „ალაგობრივ დაიღუპა ორი, ორი არც დაშავებულა.“ მხოლოდ საავადმყოფოს ექიმის მოულოდნელი განცხადება, თავი სად არისო, გვეგვრის შეცბუნების გრძობას, ბოლოს კი შოკში ვვარდებით იმ ორ პერსონაჟთან ერთად, რომლებიც ავარიის ადგილას ბრუნდებიან და გამთენიის ხანს თავიანთი თვალით ხედავენ ამაზრზენ სურათს, ამ წერილის დასაწყისში რომ მოვიხმეთ.

ორი-სამი შტრიხით მონიშნული უბადრუკი სინამდვილის სურათი აქ უფრო საგულისხმიერაა, უფრო ძლიერ ემოციურ დამოკიდებულებას გვიქმნის, ვიდრე ბევრი საგულდაგულოდ დახატული სურათი შეგვიქმნიდა. აქ, ამ კუთხეში, არავის არაფერი ანაღვლებს, არც ვინმე პასუხს აგებს დანაშაულის გამო. სრული განუკითხაობა გამეფებულია. მეტიც: ავტორის ძუნწი, ქრონიკის შესაფერისი ცნობა, სარკაზმის გვარიანი დოზით შეზავებული, გვაუწყებს, რომ რაიონის მილიციის მუშაკებმა ერთ-ერთ პერსონაჟს, ავარიაში მოხვედრილსა და უვნებლად გადარჩენილს, „ტობრაკში გამოკრული ანაშა შეუგდეს მანქანაში, დაიჭირეს და უკვე მერამდენედ, გაასამართლეს ნარკო-

ტიკული ნივთიერების (გასაღება არადასაქმის ტიციდა) ხმარებისათვის და მალე გამოუშვეს.“

ადამიანთა უბედურება და დანაშაული წესრიგის ოფიციალურ დამცველთ ხელის მოთხოვნის საშუალებად, შემოსავლის წყაროდ გაუზნიათ. ყველანი კვლავინდებურად არჩენიან გრძობენ თავს ამ დამყაყებულ ყოფაში, ამ ჭაობში. თავისიცა და ქვეყნის ბედიც ფეხებზე ჰკიდიათ. ნიშანდობლივია: ერთადერთი ადამიანი გამოსთქვამს შეშფოთებას არსებული მდგომარეობის გამო და ისიც უცხოელია, წარმომოხებით უცხო ტომისა...

ერთი შეხედვით, მარტივად დახატული მარტივი სურათები პატარა ნოველისა, მთლიანობაში აღქმული, თავისთავად იძენს, მწერლის მხრივ ძალის დაუტანებლად, განზოგადებულ, ფრიად საგულისხმო სიმბოლურ აზრს. ამ მინიატურულ ქმნილებაში, ისე, როგორც სარკეში, შიშვლად, შეულამაზებლად ვხედავთ საკუთარ თავს, დამოკიდებულებას საკუთარი მიწა-წყლისადმი, საკუთარი არსებობისადმი. წმინდა მდინარის სანაგვედ გადაქცევა, ღვთის ბოძებული სამოთხისებური ალაგის გამოყენება სიცოცხლის დამახინჯებისა და თვითგანადგურების არენად უბრალო ყოფითი მოვლენები აღარაა, ეს ყოველივე ამხელს ჩვენს ფარულ სახიფათო მიდრეკილებას, წამოჭრის უღმობელ კითხვას ჩვენს წინაშე: გესურს თუ არა სიცოცხლე? ხომ არ მოიღალა ჩვენი მოდგმის სისხლი, ხომ არ მიღულა ჩვენი სიცოცხლის ძალა? ამ კითხვებს ვერც ერთი ჩვენთაგანი ვერ გავერიდებით, ვერც ვინმეს იოლად ვანუგეშებინებთ თავს ტიკტიკით, ყურში მოლიტინე ბაიათებით.

ნოველის ავტორი ცდილობს, ცდილობს ძალზე ფრთხილად, ადგვიძრას ერთი სარისკო ასოციაცია. ამ მიზნით იგი ახდენს გათამაშებას სიტყვებისას: „თავი“, „ტრიფოლიატის ნაყოფი“, „გორება“, „ბურთი“, „ფეხით თამაში“. უფრო რე სი-

გნალის, ვიდრე მინიმუმების დონეზე, სურთ „ჩაგვაწვეთონ“ რომ ადამიანის თავის გორება და ტრიფოლიატის ნაყოფით ბურთის თამაში დაახლოებით თანაბარი რიგის მოვლენები. როცა ინდივიდის სიცოცხლის ფასი ამ ზომამდე დაეცემა, ასე გაუფასურდება, ეს იმაზე მეტყველებს, რაირგ გაუცხოებულა ადამიანი სხვა ადამიანთაგან, მთლიანად საზოგადოებისაგან, რაოდენ უაზრო გამხდარა მისი არსებობა.

უაზრო ცხოვრების თემაზე დაწერილ ვარიაციებს ქმნის ნოველები: „გიო“, „ექიმი კვინიხიძე“, „მენაგრე“, „ვასო ერედელი“. ასაკით, პროფესიით განსხვავებულ ადამიანთა უღიმღამო ცხოვრება გაიღვებებს ჩვენს თვალწინ, გაიღვებებს ლანდით და უკვალოდ ქრება. ბოლო, აღსასრული, არყოფნაში გადასვლა განსაკუთრებული სიცხადით წარმოაჩენს თითოეული მათგანის ცხოვრების მოჩვენებითობას, ეფემერულობას, ძალაუვნებურად დაგაფიქრებს კითხვაზე: ან მათი მოსვლა რა იყო, ან მათი — წასვლა? დამცრობილ-დაკინებულნი ყოფა, მოკლებული რაიმე მიზანს, აქ საერთო ადამიანური ცხოვრების გარკვეულ ნორმად უფროა მიჩნეული, ვიდრე საკუთრივ ობიექტელთა არსებობის ხვედრად. თუმცა ავტორს ხელთ ერთობ მწირი საშუალებანი აქვს პერსონაჟთა უბადრუკი ცხოვრების საჩვენებლად, ის განწყობა, რაც სურს მკითხველს გადასდოს, მაინც კარგადაა გამოხატული; უნარიანად არის შერჩეული და გამოყენებული ყოველი დეტალი, შტრიხი, ქცევა, შესიტყვება, პერსონაჟსა და უშუალოდ მის გარემოს რომ გვიხასიათებს. ზოგი პერსონაჟი აღსასრულის წინ ამკარად ხედავს თავისი სიცოცხლის უაზრობას, ზოგი არხეინად, ფარვანასავით გაღვებს წუთისოფელს. ზოგ ამ ნოველთაგანს იუმორთან და ირონიასთან ერთად მსუბუქი მელანქოლია ახლავს, ზოგი ტრაგიფარსის ხასიათს იძენს („ექიმი კვინიხიძე“).

გაუცხოების თემას ჯერ კიდევ 60-იან წლების დასაწყისში შეეხო ჩვენი მწერლობა. აქ, პირველ ყოვლისა, უნდა მოვიხსენიოთ არჩილ სულაკაური და თამაზ ჭილაძე. მათს აღრინდელ ზოგიერთ პროზაულ ქმნილებაში უკვე ვხედავთ, როგორ იჩენს თავს, როგორ ღრმავდება შინაგანი კრიზისი ახლობლებს შორის, ოჯახურ ურთიერთობაში, თვით სიყვარულით შეუღლებულ ქალ-ვაჟს შორისაც კი. გაუცხოება ზოგიერთი პერსონაჟისა სცილდება ოჯახური წრის ფარგლებს, ვთქვათ, დამოკიდებულებას შეილსა და მშობლებს შორის, და გადაიზრდება დისპარმონიულ მიმართებაში გარემომცველ საზოგადოებასთან (მაგ., „დათო ნათიშვილი ა. სულაკაურის „ოქროს თევზიდან“). თამაზ ჭილაძესთან სიღრმისეულ მიზეზად მოყვარულ ადამიანთა განშორებისა და ერთიმეორისაგან გაუცხოებისა ცხოვრების პროზა წარმოგვიჩნდება. არჩილ სულაკაურთან საცნაური ხდება სოციალურ-ზნეობრივი კონფლიქტი ან კიდევ პერსონაჟთა ხასიათში გამომყვანებული სიხარბე, ლტოლვა ნივთების შექმნისკენ, ხვეჭისა, რაც არყვეს, სპობს ადამიანურ კავშირს (მოთხრობა „გაბო“). ქართული თვალსაზრისით მათს ამგვარ ნაწარმოებებს უფრო სულიერ-ფსიქოლოგიური ან საზოგადოებრივ კონფლიქტზე აღმოცენებული სოციალურ-მორალური დრამის ნიშნები ახასიათებს, თუმცა შიგადაშიგ სატირის ელემენტიც არის გამოყენებული. სატირულ-პაროდული სახით გამოიხატა ნათესაური კავშირის გაუკუღმართება ჯემალ ქარჩხაძის საყურადღებო მოთხრობაში „ოპერაცია „დედა ტასო“. რეზო ჭეიშვილი თავის მოთხრობებში უპირატესად სატირულ-გროტესკული ფორმით წარმოსახავს ჩვენი საზოგადოების ადამიანს, ეს მისი პროზის ყველაზე უფრო თვალსაჩინოდ გამოკვეთილი ნაკადია, აქ ახერხებს იგი შემოქმედებითი ნიჭის თავისებურების მეტი სისრულით გამოვლინებას, თუმცა აღრინდელ მის ზოგი-

ერთ ნოველაში, ხოლო შემდგომ მოთხრობების ციკლში — „მუსიკა ქარში“, რომელიც ბავშვობის მოგონებებითა და შთაბეჭდილებებით არის ნასაზრდოები, შესამჩნევად და საკმაოდ მიმზიდველდაც გამოიყვანდა ლირიკულ-პოეტური საწყისი. გაუცხოებული ადამიანის თემა, თემა საზრისმოკლებული, დამცრობილ-დაკნინებული ყოფისა რეზო ჭეიშვილმა სატირულ-გროტესკული თვალსაზრისით ყველაზე უფრო მრავალმხრივ და შთამბეჭდავად ასახა (ნაირა გელაშვილთან ერთად) თანამედროვე ჩვენს მწერლობაში.

ერთი მთავარი მიზეზი მწერლის მოთხრობათა გმირების გაუცხოებისა ერთიმეორისგან, საზოგადოებისგან და საკუთარი თავისგანაც ესაა გაუცხოება შრომისაგან, უშუალო მოვალეობით გათვალისწინებული საქმისგან, საერთოდ საზოგადოებრივ-შემოქმედებითი საქმიანობისაგან („ჭა“, „ცისფერი მთები“, „კომპოზიტორი ჩირბებიძე“, კინომოთხრობა „წარსულის სურათები“). არც ერთი პერსონაჟი არ ასრულებს, არ ადგას ისეთ საქმეს, რაც მათ ზნეობრივ-ფსიქოლოგიურ კმაყოფილებას მოჰგვრიდა. მწერალი ცდილობს ადამიანთა საზოგადო საქმიანობა მაქსიმალურად დაწუროს შინაარსისაგან და წარმოადგინოს აბსურდულ რამედ. ამგვარი აზრი ცნაურდება, მაგალითად „ცისფერ მთებში“. აქ საგულისხმოა ისიც, რომ ამ მოთხრობის საბოლოო ვარიანტს პირვანდელთან შედარებით ემჩნევა ტენდენცია პარადოქსული ვითარების განვითარება-გაღრმავებისა აბსურდული სიტუაციისაკენ. ავტორი ესწრაფვის აბსურდულობის ეს აზრი განაზოგადოს და შრომითი საქმიანობიდან გაავრცელოს საერთოდ ადამიანის არსებობაზე. ეგვევ აზრი განსახილველთაგან ერთ-ერთ ნოველაში („გოში“) ასე ვთქვათ, ენობრივ დონეზე მქვანდება, ფრაზეოლოგიურ-სემანტიკური ფორმით მხილდება. მაგალითად, მთავარ პერსონაჟზე ნათქვამია: „სახ-

ლიდან გამოსულმა არ იცოდა, მიაღწევდა თუ არა იქამდე, სადაც არ მიდიოდა.“ აქ ჩანს სურვილი, მოქმედების ალოგიკურობა, მთლიანად უმიზნო არსებობა პერსონაჟისა ავტორის სუბიექტური წარმოდგენიდან გადატანილ იქნეს ონტოლოგიის სფეროში. ძალაუვნებურად აღიძვრის მწერლის მსოფლმხედველობის საკითხი, რის შესახებაც ბოლოს ვიტყვი ორიოდ სიტყვას.

ნოველა „ჭეპი“ (სოფლის სახელია) გარკვეულწილად ენათესავება ზემოთ მითითებულ ოთხ ნოველას, „განთიადის“ მე-9 ნომერში რომ არის წარმოდგენილი, ენათესავება მინორული განწყობილებით, სევდით, წარმავლობის, ცხოვრების უსიხარულობისა და ამოების გამო. იგი დაწერილია მოგონების ფორმით და ემყარება სოფლის ბავშვობისდროინდელ გარემოსთან ორმოცი წლის შემდგომ ნანახი გაპარტახებული სახლ-კარის შეპირისპირებას. ეგ კია: ყოველივე ეს მკითხველისთვის უკვე საკმაოდ ნაცნობი განწყობილება და ნაცნობი ანტურაჟია.

რაგინდ ნიჭიერიც უნდა იყოს ბელეტრისტი, ვერ მოვთხოვთ ყველა ქმნილება თანაბარი ღირებულებისა გამოუვიდეს მხატვრულ-შემეცნებითი თავლსაზრისით.

„ტურისტულ გემში“ აღწერილია, როგორ მოგზაურობს ტურისტთა ჯგუფი ევროპის გარშემო. ერთ-ერთი ტურისტი „სუკ“-ის წარმომადგენელი ეგონებათ თანამგზავრებს. ეჭვმიტანილი, ცოლშვილიანი ახალგაზრდა კაცი, ისე განაწყენდება, ისე შეურაცხყოფილად იგრძნობს თავს ამის გამო, უცხო ქვეყანაში დარჩენას გადაწყვეტს; გაჯიქდება და ვერაფრით მოახერხებენ დაიყოლიონ და უკან გამოგზავრებისას თან წამოიყვანონ. შესაძლოა, ავტორს განზრახული ჰქონდა კიდევ ერთი სატირული ისარი ეტყორცნა ყბადაღებული, აწ უკვე წარსულს ჩაბარებული სახელმწიფოებრივი ორგანიზაციისათვის, სურდა გავეკვირვებინეთ, ნახეთ, რა საძრახისი უნდა იყოს ორ-

განიზაცია, თუკი საკმარისია ეჭვი მიიტანო კაცზე, დააბრალო, „ორგანოს“ მუშაკი ხარო, რომ პროტესტის ნიშნად ცოლ-შვილზეც და სამშობლოზეც ხელი ააღებინაო. მაგრამ ერთია განზრახვა, მეორეა მხატვრული შედეგი. მიზანი აქ მიუღწეველი რჩება. საბოლოოდ, კაცმა რომ თქვას, თვალწინა გვაქვს ერთი ჭირვეული კაცის ახირებული საქციელი. „მეჭეში“ გამოყვანილია თავისებურად საინტერესო ბიოგრაფიისა და ხასიათის მქონე კაცი, უკვე საკმაოდ ნაცნობი ჩვენი ლიტერატურიდან: დამძიმებული კაენის ცოდვით, რომლისთვისაც ბოლომდე უცხოა მონანიება, ახლაც ძველ დროს მისტრის გულში და დიქტატორის სადღეგრძელოს სვამს. არადა, ზიზღი, სიძულელი მეზობლებისა სიბერეშიც წინ ხედება. იგი ცოცხლად არის დახატული. ძირითადი დატვირთვა აქ დიალოგსა და ზუსტად შერჩეულ დეტალებზე მოდის. ახალი შტრიხი ამ ხასიათისა ის არის, რომ საჭირო, დასაფასებელი ხელობის მიმდევარია და ეს ხელობა თავისებურ მიმზიდველობასაც არ არის მოკლებული. ჩვენ თითქოს გვეკითხებიან: რატომ არის ან როგორ ხდება, რომ კაცის არსებაში სასიკეთო საქმის სიყვარულთან, წმინდა ადამიანურ თვისებასთან კაენის სული შეთავსებულაო. ამის იქით ავტორის მხატვრული აზრის ძიება არ მიდის.

„ნოდარია თოვაში“ ქანრულ-სახასიათო ჩანახატის შთაბეჭდილებას უფრო ახდენს, ვიდრე სრულფასოვანი ნოველისას. „დენში“ ჩანს ჩვენი, ქართული ხასიათის თავისებურება, ორგვარი ბუნება: სიფიცხე და სილბო ერთსა და იმავე დროს, განწყობილების სწრაფი ცვლა, ერთი უკიდურესობიდან ერთბაშად მეორეში გადასვლა. ჩანს აგრეთვე მაღლი კაცის გარჯისა, როცა ადამიანს შეუძლია სხვა ადამიანები გამოიყვანოს, მართალია, არცთუ ისე მიძიმე, მაგრამ მაინც უსიამოვნო ყოფითი გასაჭირისაგან.

ერთ-ერთ ნოველაში, რომელსაც „ქ-—— შვილი“ ჰქვია, აღწერილია ახალ-

ბედა ავტორის შეხვედრა პოეტ გიორგი ქუჩიშვილთან, მასთან გატარებული ერთი დღე. მწერლის სურვილია წარმოაჩინოს ქუჩიშვილის გულითა, პოეტური ბუნება, და მაინც ეს თვისება აქ ვერ იძენს შესაფერისი მხატვრული განზოგადების ხასიათს, არსებითად, კერძობითი ადამიანის კერძო თვისებად რჩება. შედარებისათვის მივუთითებ მურმან ლებანიძის პრაზის ერთ-ერთ ნიმუშს — „კაცის გახსენებას“, რომელიც ავტორს თავისი კრებულის მოგონებათა გაწყობილებაში მოუთავსებია, არადა ერთი მშვენიერი ნოველაა. შეუძლებელია ეს ნოველა წაიკითხო და სამუდამოდ არ დაგამახსოვრდეს მწერალ სოსო იორამაშვილის სახე, ხასიათი, ბუნება, თვალწინ არ დაგიდგეს იგი, თუნდაც პირადად არ გცნობოდეს, რაც მთავარია, შენიანად, ახლობელად არ დაიგულო. მურმან ლებანიძის მიერ შენიშნული ადამიანური თვისება იორამაშვილის ბუნებისა, ესოდენ ფაქიზი ნიუანსებით ოსტატურად წარმოჩენილი, სცილდება კერძობითობის ფარგლებს და საერთო ადამიანურ თვისებად იშლება, თანაც გაყნოს ვინებს სურნელს იმისას, რასაც რევაზ თვარაძემ „ადამიანურ ურთიერთობათა პოეზია“ უწოდა. ის ერთგვარი გრძნობა უქმარისობისა, რაც რეზო ჭეიშვილის ზემოთხსენებული ნოველის წაკითხვისას გიჩნდება, შესაძლოა უშუალოდისა და ლირიზმის უქმარისობის ბრალი იყოს, მხედველობაში მისაღებია ისიც, რომ რეზო ჭეიშვილი მოთხორობასა თუ ნოველას ზოგჯერ, თუმც იშვიათად, საფანელად უღებს ხოლმე საფუძველს ჩანაფიქრის ადეკვატური ხორცშესხმისათვის, სათანადო მხატვრული განზოგადებისათვის.

„სიუზანა მაკდონალდში“ ნაჩვენებია ჩვენებური, გადაჭარბებული, უკულტურო, პროვინციული სტუმარმასპინძლობის ჩვეულება, როცა გვეგონია, თან გადავყვეთ უცხოელსო, სინამდვილეში კი, იმის მაგიერ, სიამოვნება მივიანიჭოთ, შე-

ვაწუხებთ და გავტანჯავთ ხოლმე. ეს თემა „ყამირი“ არ არის თანამედროვე ჩვენს მწერლობაში. პირველი ხნული, თუ არ ვცდები, რეზო მიშველაძემ გაავლო.

„ჩიშაროზა“ ისეთ უმნიშვნელო რამეზეა აგებული, ჩიტი ბღვენად არ ღირდაო, რომ იტყვიან. სამაგიეროდ ბოლო, მე-14 მოთხრობა, „ატროპოსი“, დიახაც დამაგვირგვინებელია ნოველების ამ ციკლისა. აქ კვლავ გველის „შეხვედრა“ რეზო ჭეიშვილთან, მისი ნიჭის საკადრის ქმნილებასთან, თუმცა შინაარსი ამ ქმნილების ქუფრი, საკმაოდ მძიმე აქვს. თავში, პირველი ნოველის „რუას“ განხილვისას ვთქვი, ავტორს ეხერხება-მეთქი ისე მოგაწოდოს რაიმე ტრაგიკული შემთხვევა, რომელიც თითქმის ჩვეულებრივ ამბად ქცეულა, რომ შეგაცბუნოს, აგაღელვოს, თანაც საფიქრალი გაგიჩინოს. ანალოგიურ მხატვრულ ეფექტს ახდენს რეზო ჭეიშვილის თხრობის ხელოვნება ამ ბოლო მოთხრობაში. დაიკარგება სტუდენტი ქალიშვილი. რამდენიმე დღის შემდეგ გარეუბანში, ტყეში იპოვიან მკვდარს, ტანსაცმელშემოვლევილსა და გაუპატორებულს. ჩვენი უკულმართი ცხოვრების ამ ფაქტზეა აგებული მოთხრობა. ეს ფაბულა ისეა ხორცშესხმული, გიჩნდება ილუზია, თითქოს ახალ ამბავს ეცნობოდე. ავტორი უბრალოდ, ძალდაუტანებლად მოგვითხრობს უბედური ქალიშვილის თავგადასავალს, არც შინაგანი დაძაბვა ეტყობა, არც განსაკუთრებული ცდა — როგორმე აგვაფორი-აქოს, შეგვძრას. თავად ქალიშვილს გარედან ხედვით გვიჩვენებს, თანაც საკმაოდ ძუნწად, მხოლოდ ფიზიკურ პორტრეტს გამოკვეთს მკაფიოდ, ისიც კონკრეტულად, სულ ორიოდე დამახასიათებელი დეტალით. და მაინც თანდათან გიჩნდება ინდივიდუალური ემოციური დამოკიდებულება პერსონაჟის მიმართ. ამ მხრივ ორი ჯერემოებაა ყურადღასიანი: მამა-შვილის დამოკიდებულების თავისებურება, უფრო სწორად მამის დამოკიდებულება ქალიშვილისადმი, ამას-

თან დაკავშირებული ზოგიერთი ფსიქოლოგიური დეტალი, რაც უშუალოდ პერსონაჟის (მამის) ქცევისას მტკანდნდება და თავისებურება დედის მწუხარების გამოხატვისა. თუმცა თხრობის სტილი გარეგნულად სადა და ნათელია, მოთხრობაში იქმნება განსაკუთრებული იდუმალების ატმოსფერო, რაც ამძაფრებს შთაბეჭდილებას. ეს ატმოსფერო იწყება მისტიფიკაციით, ძლიერდება დედის სიზმრით და გვირგვინდება მისივე მისტიკური ხილვით, მისტიკური კავშირით ქალიშვილის სულთან. მეორე მხარე მოთხრობისეული სინამდვილისა ესაა თავად საზოგადოება, მისი რეაქცია მომხდარი ფაქტის მიმართ, აგრეთვე დამოკიდებულება გაუბედურებული დედის დარდისადმი, დამოკიდებულება არაერთგვაროვანი. ეს საზოგადოება, მწერლის ყალმის ძუნწი, მაგრამ ეფექტური მონასმების წყალობით, ტრაგიკულთან ირონიულ-კომიკურის ელემენტის შეხამებით, თხრობის მიმდინარეობაში ანონიმი პერსონაჟის ცინიკური სატელეფონო გამოხდომის ჩართვით, წარმოგვიდგება თავისებურ პანოპტიკუმად, ხილვად საზარელი რომ არის. თუ „რუასში“ ცნაურდება ბნელი ინსტინქტური ლტოლვა სიცოცხლის ესთეტიკური თვალსაზრისით დამახინჯებისა და თვითგანადგურებისადმი, აქ, ამ ბოლო მოთხრობაში, თავად სიცოცხლე წარმოჩნდება შემადრწუნებელი სახით. კაფკას ჩაუწერია დღიურში: სიკვდილის იმდენად როდი უნდა გეშინოდეს კაცს, შიში სიცოცხლისა უნდა გჭონდესო. „ატროპოსი“ ამ სიტყვების დადასტურებად გამოდგება.

რეზო ჭეიშვილის სატირულ-გროტესკული მოთხრობები საბჭოური სინამდვილის შინა სახეს ააშკარაებდა, ამხილებდა საბჭოთა იდეოლოგიის სიყალბეს, იდეოლოგიისა, რომელიც ცდილობდა, საბჭოთა ადამიანის ხასიათი და ცხოვრება ვარდისფერად, ყოველნაირად შელამაზებული წარ-

მოედგინა. ამას შეეძლო შეექმნა მცდარი წარმოდგენა, ადამიანის სულიერი სატკივარი, გაუცხოება, უსაზრისო არსებობა — საბჭოური სინამდვილის სპეციფიკური ნიშან-თვისებანი, მისი დამახასიათებელი სენიაო. თუ ხალხს არ გააჩნია ეროვნული თავისუფლება და, მაშ, არ აქვს არც საკუთარი საზოგადოებრივი იდეალი, ეს მიძიმე სულიერი შეჭორების დაღს დასავამს მას. არადა, დასავლეთის სინამდვილეში ჩვენზე უფრო ადრე იჩინა თავი ხსენებულმა სენმა, იქაურ ლიტერატურაში ფართოდ და მძაფრად აისახა იგი. ასე რომ, დასავლური ცივილიზაციის გზაზე შედგომა ჯერ კიდევ არ არის ამ სენისაგან თავის დაღწევის გარანტია.

მას შემდეგ, რაც ჩვენი მწერლობა განთავისუფლდა საბჭოური იდეოლოგიის შემბოჰველი არტახებისაგან, სულ უფრო არსებით მნიშვნელობას იძენს მწერლის მსოფლმხედველობის საკითხი, მითუმეტეს, სერიოზული პრობლემების დამუშავებისას. წინათ კიდევ შეიძლებოდა ფონს გასვლა საზოგადოებრივ მანკიერებათა უბრალოდ მხილებით, მათ მიმართ უარყოფითი დამოკიდებულების გამოხატვით. ამიერიდან ეს საკმარისი აღარ არის. ახლანაწარმოების მიხედვით უნდა ჩანდეს, სახელდობრ რა მრწამსის მქონე ავტორი დგას მის უკან, რამდენად წრფელია ეს მრწამსი, მისეულია თუ ნასხვისარი, მწიგნობრული, წამბაძველობის ნიშნით აღბეჭდილი. ზემოთ უკვე ვთქვი, რეზო ჭეიშვილი ცდილობს ადამიანის ქცევის ალოგიურობას, აბსურდულობას ონტოლოგიური საფანელი დაუდოს-მეთქი. ამ ცდას, ჩემი აზრით, მსოფლმხედველობრივი სიღრმე აკლია. როცა, ვთქვათ, კაფკა ადამიანის ყოფის აბსურდულობას წარმოსახავს, ჩანს: ეს ღრმა რწმენის უკუფენაა, რწმენისა, რომლის მიხედვითაც ადამიანის ბედს ირაციონალური ძალები განაგებს. იმისათვის, რომ თავიდან ავიცილოთ მსოფლმხედველობრივი მიმბაძვე-

ლობა და ზერელობა, საკუთარი თვალსაზრისის შემუშავება უნდა შევძლოთ ზოგიერთ კარდინალურ საკითხზე. აქ, უწინარეს ყოვლისა, იგულისხმება შეხედულება ნების თავისუფლებასა და ადამიანის ბუნებაზე. ამ საკითხს თვალი უნდა გამოვავლოთ იმ დავიდან, რაც ჰუმანიზმისა და რეფორმაციის ეპოქათა მიჯნაზე ატყდა ერაზმ როტერდამელსა და ლუთერს შორის, აგერ მეოცე საუკუნის ფილოსოფიური მიმდინარეობის, ეგზისტენციალიზმის შიგნით გამართულ კამათამდე სარტრსა და კამიუს შორის შესახებ იმისა, არსება წინ უსწრებს თუ არა არსებობას, ანუ არის თუ არა წინასწარ განსაზღვრული ადამიანის ბუნება. ცხადია აქ ლაპარაკი როდია მსოფლმხედველობის შემუშავებაზე მხოლოდ თეორიული, მწიგნობრული განათლების გზით. მწერლის მსოფლმხედველობას მთელი მისი ცხოვრების გამოცდილება, თანაც ტანჯვით მოპოვებული გამოცდილება აყალიბებს.

თანამედროვე ჩვენს მწერლობაში, აგრეთვე კრიტიკულ ნააზრევში, აზრთა სხვადასხვაობა ვლინდება ზოგიერთი არსებითი პრობლემის ირგვლივ. შეინიშნება ტენდენცია იმ თვალსაზრისის დამკვიდრებისაკენ, რომლის თანახმადაც ადამიანის ბუნება უცვლელია; ხოლო ზნეობა განიხილება, როგორც თვითმკარი, ავტონომიური რამ, მოწყვეტილი სოციალურ ფაქტორს. ამას მოსდევს სხვადასხვაგვარი პასუხი კითხვაზე: როგორ შეიძლება გარდაიქმნას საზოგადოება — თითოეულმა მისმა წევრმა ინდივიდუალური ძალისხმევით თვითგაუკეთესებასა და თვითსრულყოფას უნდა მიადწიოს, თუ ჯერ საჭიროა ცხოვრების პირობები შეიცვალოს, სოციალურ-ეკონომიკური თვალსაზრისით საზოგადოების ჯანსაღი საფუძველი შეიქმნას? მსოფლმხედველობრივი პოზიციის გამომუშავება ამ კითხვებში გარკვევას მოითხოვს მწერლისაგან.

რეზო ჭეიშვილმა ისე მრავალმხრივ და საფუძვლიანად დაამუშავა გარკვეული

თემატიკა, ამ მხრივ თითქოს ამოწურა კიდევ თავისი თავი. ყოველ შემთხვევაში, საკუთარი თავის განმეორების საფრთხე ელის, თუ ახალ გზასა და საშუალებას არ მოძებნის. ესეც გავითვალისწინოთ: ამ ბოლო რამდენიმე წლის განმავლობაში აგერ ჩვენს თვალწინ რა უმსგავსობა და სიგლაზე არ გამოაშკარავდა, რა საშინელება არ დატრიალდა, რამდენი გაუგონარი რამ მოხდა.

ყოველივე ამან თითქოს წინდაწინვე გააფერმკრთალა, უძლური გახადა მხატვრული სიტყვა. მართლაცდა, რაღამ უნდა გაგვაკვიროს ამიერიდან, თუკი სინამდვილემ ფანტაზიას გადააჭარბა? თუმცა, ვინ იცის, მწერლის სატირილმა ნიჭმა კვლავ შეძლოს ჩაგვახედოს სარკეში და განცვიფრებით გვათქმევინოს გულში: ნუთუ ეს ჩვენ ვართ?!



„უნამოდ არაზრის ძმნა არ შვიბიძლიათ“

ხშირად ღმერთის არსებობასა და მის სამართლიანობაში ეჭვი იმის გამო უჩნდებათ, რომ ბოროტება და „ბოროტი ადამიანები“ არსებობენ. ფიქრობენ, თუ ღმერთი არსებობს და ყოველადღლიერია, მაშინ რატომ უშეგებს და როგორ ჰგუობს ბოროტებას? თუ ღმერთი არსებობს და ყოველადღლიერია, მაშინ როგორ ითმენს ერთეულ ადამიანთა მიერ ათასობით და ათიათასობით ადამიანის გაუბედურებას, ტანჯვა-წამებასა და სიკვდილს? მაგრამ წმინდა მართლმადიდებელი ეკლესიის სწავლებით ბოროტება თავისთავად ტანჯვა და სიკვდილი კი არ არის, არამედ ჩვენი ცოდვები, ჩვენი ზნეობრივი დანაშაული, ანუ როგორც სულხან-საბა განმარტავს: „ცოდვა ესაა ავის ქმნა. ბოროტი, ჭინა უშჯულოება“...

ღმერთმა ადამიანები მთელს ქვეყნიერებაზე, ყოველივე არსებულზე იმით აგვამალა, რომ შეგვექმნა ხატად და მსგავსად თვისა, მოგვცა უკვდავი სული, გონება და თავისუფალი ნება, არჩევანის შე- საძლებლობა, — ვიაროთ ან საღვთო გზით, რომელსაც ცხოვნებისკენ, მარადიული ნეტარებისაკენ, ცათა სასუფეველისაკენ მიგვაგაროთ, ან ღვთის საწინააღმდეგო გზით, რომელიც წარწყმედისაკენ, მარადიული სატანჯველისა და ჯოჯოხეთისაკენ გვიხსნის კარს.

ჩვენ ყოველ წამს, ყოველ წუთს თავისუფალი ვართ, განუწყვეტლივ თავისუფლების, არჩევანის წინაშე, როგორც კირკეგორი იტყოდა: „ან-ან“-ის წინაშე ვდგევართ. ღმერთი სიყვარულია. სწორედ ამიტომ არ სურს, მისკენ ძალდატანებით ვიაროთ, არ სურს, იძულებით ვიყოთ მი-

სი ნების მორჩილნი, არამედ სურს ვიმოქმედოთ მხოლოდ და მხოლოდ ჩვენი თავისუფალი ნებიდან გამომდინარე, ანუ როგორც წმინდა წერილში კითხულობთ: „ღმერთმა დასაბამიდანვე შექმნა ადამიანი და მისი ხელის ანაბარა დატოვა.“

ბოროტება არის ცოდვა — ღვთის ნების დარღვევა. მაშასადამე, ბოროტება სამყაროში ჩვენი ადამიანური ნებიდან, ჩვენი თავისუფლებიდან შემოდის. ჩვენთვის ყველაფერი ნებადართულია, მაგრამ ყველაფერი სასარგებლო როდია! ღმერთს შეეძლო უცოდველნი, ე.ი. უბოროტონი, უბიწონი დავრჩენილიყავით, მაგრამ მაშინ ასეთები ვიქნებოდით იძულებით, აუცილებლობით და არა ნებაყოფლობით, არა ჩვენი თავისუფალი ნებიდან გამომდინარე. ღმერთი სიყვარულია! ჩვენი გონებისათვის მიუწვდომელი, ამ სიყვარულის თვალსაჩინო გამოვლინება და გამოხატულებაა ისიც, რომ იგი არ გეტოვებს ჩვენი ნებით ჩადენილი ცოდვებისა და ბოროტების ამარა, და თვით ბოროტებასაც კი, საბოლოო ჯამში, ჩვენს სასიკეთოდ, ჩვენს სასარგებლოდ წარმართავს. მოციქულებსა და მორწმუნე ქრისტიანებს, განსაკუთრებით, პირველ საუკუნეებში, უსასტიკესად, დაუნდობლად დევნიდნენ, შეიძლება ითქვას, ნადირობდნენ მათზე; აიძულებდნენ მშობლიური ქვეყნიებიდან სახელმწიფოებში გადახვეწილიყვნენ, მაგრამ ამით მდევნელებმა, ჯალათებმა, ტირანებმა არათუ ვერ ამოძირკვეს და ვერ მოსპეს ქრისტიანული მოძღვრება, თავიანთი ნების წინააღმდეგ ხელიც კი შეუ-

წყვეს განდევნილ მორწმუნეთა მიერვე მთელს დედამიწაზე ქრისტიანული სარწმუნოების სწრაფ გავრცელებას. ქრისტიანებს კლავდნენ, ხერხავდნენ, წვაგდნენ, მიწაში ცოცხლად მარხავდნენ, ჯვარზე აკრავდნენ, მაგრამ ამ მოწამეთა დაღვრილი წმინდა სისხლის წვეთებიდან, როგორც ფიგურალურად ამბობენ წმინდა მამები, ასიათასობით და მილიონობით ქრისტიანის სიცოცხლე აღმოცენდა. ისინი, ქრისტე მაცხოვრის რწმენასა და ერთგულებაში განმტკიცებულნი, იღებდნენ თავიანთ ჯვარს და მიჰყვებოდნენ უფალს, ღოცულობდნენ თავიანთ მღვდართათვის, აკურთხებდნენ თავიანთ მკვლელებს, გალობდნენ, ფსალმუნებდნენ: „ქრისტე აღსდგა მკვდრეთით, სიკვდილითა სიკვდილისა დამთრგუნველი და საფლავების შინათა ცხოვრების მომნიჭებელი“...

მათ სიკვდილისა და მოწამებრივ აღსასრულს საუკუნეთა შემდგომ ჩვენს დღეებშიც მოაქვს კეთილი ნაყოფი: „დანათელი ბნელში ნათობს“; სინათლე ქრისტესი, სინათლე რწმენისა და ჭეშმარიტებისა, იმედისა და სიყვარულისა ჩაუქრობელი აღმოჩნდა, რადგან „ბნელმა იგი ვერ მოიცვა“ (იოანე 1,5).

ვინც ბოროტებას გვემავს და ვინც ბოროტებასა იქმს ჩვენი ერის მიმართ, არ უწყიან, რომ ეს ბოროტება საბოლოოდ ჩვენს სულიერ-სარწმუნოებრივ გამოღვიძებასა და აღორძინებას მოემსახურება. თვით სტიქიური უბედურებანი, მიწისძვრები, წყალდიდობები, მეწყრები, კატასტროფები, ხოცვა-ჟლეტა ასაკოვანთა თუ უასაკოთა, ძმათა კვლა, ომები, ძარცვა, ტაცება, — ყოველივე ეს, ჩვენი ურცხვი მოუწანიებელი ცოდვის გამო დაშვებული ჩვენს მიმართ, წმინდა წერილის ღვთაებრივი სიბრძნიდან გამომდინარე, ღმერთისა და ერთმანეთისაკენ მოგვაქცევს, გაგვახსენებს ღვთის მიხედვით ჭეშმარიტებაში სიარულის აუცილებლობას, და-

გვარწმუნებს, რომ ჩვენი ხსნა მხოლოდ და მხოლოდ ღმერთშია, ჩვენი სასიცოცხლო ენერგია კი ქრისტიანულ სარწმუნოებაში და არა ადამიანთა მიერ შეთხზულ რომელიმე, თუნდაც გენიალურ და ჰუმანურ მოძღვრებაში. ჩვენი დღევანდელი ვითარება და მდგომარეობა, მართალია, გეკართობს და გეაძრწუნებს, მაგრამ სასოება მაინც არ უნდა დაგეკარგოთ. უფლისადმი რწმენით, იმედითა და სიყვარულით, სულიერი მოძღვრებით უნდა ავიტანოთ ყოველგვარი განსაცდელი და უბედურება, შეურაცხყოფა და დამცირება, დევნა და ცილისწამება, რადგან როგორც ბიბლია, როგორც წმინდა მამები გვასწავლიან, ვინც განსაცდელში ჩავარდება და გაიმარჯვებს, იგი დიდების გვირგვინის ღირსია (ბოროტი საქმე ყოველი, მოკლეა, მით ოხერია, — რუსთაველი).

მსოფლმხედველობა, რომელზედაც საუკუნეების განმავლობაში ჩვენი ერის სულიერ-კულტურული და სოციალურ-პოლიტიკური ცხოვრება შენდებოდა, შეიძლება ასეთი, მოკლე ფორმული განისაზღვროს: ქრისტიანული პატრიოტიზმი. სამწუხაროდ, უკანასკნელ წლებში პატრიოტული გრძნობებისა და ეროვნული ცნობიერების გამოღვიძებას, ეროვნული მოძრაობის აღორძინებას ხალხში, წამყვან, წარმმართველ ძალებში პარალელურად არ მოჰყვა ასეთივე ძალითა და ინტენსივობით ქრისტიანულ-ეკლესიური ცხოვრების აღორძინება, ამიტომ მივიღეთ პატრიოტიზმი ქრისტიანობის გარეშე, ეროვნული ცნობიერება ქრისტიანული ცნობიერების გარეშე, ეროვნული სული ქრისტიანული სულის გარეშე, თუმცა ეროვნულმა მოძრაობამ განსაკუთრებული, გამორჩეული როლი ითამაშა ერის ერთი ნაწილის მართლმადიდებელი ქრისტიანული იდეალებით სულიერ-სარწმუნოებრივ ცხოვრებაში დასაბრუნებლად.



წინა საუკუნეებში ქართველობას, მაშინაც კი როდესაც ტერიტორიული მთლიანობა ჰქონდა დაკარგული, ქრისტიანული მსოფლმხედველობა და ქრისტიანული იდეალები აერთიანებდა, როგორც ილია იტყოდა, ქვეთიკირივით ჰკრავდა და აღუღაბებდა ერთ მთლიან ეროვნულ სხეულად. წარსულში ქართველები არ ფილოსოფოსობდნენ, რომელი უფრო მაღლა იდგა — ღმერთი ანუ ჭეშმარიტება თუ სამშობლო, მოყვასი. ღმერთის ჭეშმარიტებისა და სამშობლოს, მოყვასის სიყვარული ურთიერთგანუყოფელი იყო. ამით აიხსნება ის ფაქტი, რომ გასაბჭოებამდე საქართველოს საქრისტიანოს უწოდებდნენ, ქართველს — ქრისტიანს. ილიას სიტყვებითვე:

„რჯულის დაცვა საქართველოს მიწა-წყლის დასაცავად გარდაიქმნა და მიწა-წყლის დაცვა — რჯულის დაცვად. რჯული ჩვენი მამულის, ჩვენი ეროვნობის ხმლად იქცა ზედმოსევისათვის და ზედმოსეულათვის.“

ქრისტიანობა, ქრისტეს მოძღვრების გარდა, ჩვენში ჰნიშნავდა მთელი საქართველოს მიწა-წყალს, ჰნიშნავდა ქართველობას. დღესაც მთელს ამიერკავკასიაში ქართველი და ქრისტიანი ერთსა და იმავე მნიშვნელობის სიტყვები არიან. გაქრისტიანების მაგიერ იტყვიან: გაქართველდო. ჩვენმა სამღვდელოებამ კარგად იცოდა, რომ მამული და ეროვნება რჯულამდე გააპატიოსნოს, სარწმუნოებამდე აღამაღლოს, ასწიოს და ყოველივე ამ სამწმინდას და უდიდეს საგანს, ერთად შეერთებულს, თავდადებით ამსახუროს, თავგანწირვით ამოქმედოს...

...ქრისტიანობამ მოაგებინა ამ პატარა ქვეყანას აუარებელი მტერი! მამული და ეროვნება მიაშველა სამღვდელოებამ რჯულს, რჯული მამულსა და ეროვნებასა, და ეგრეთ მოძღვრებულმა ერმა ეს სამება წაიმძღვარა წინ, ათასხუთასი წე-

ლიწადი ომითა და სისხლისღვრით მოიარა და ქართველს ბინაც შეუნახა და ქართველობაცა“.

ჩვენი ერის ძალა სწორედ ქრისტიანობისა და ეროვნულობის გაუთიშველობაში იყო, იდეალად კი ქრისტიანული საქართველო გვქონდა. ქართველთა ძლიერება რომ ქრისტიანობისა და ეროვნულობის ერთიანობაში მდგომარეობდა, ეს შესანიშნავად იცოდა ჩვენი ერის ყველა მტერმა — შინაურმა თუ გარეულმა. ამიტომ ცდილობდნენ მუდამ და დღესაც არ აკლებენ ცდასა და მონღოშობას ქართველი ერის საბოლოოდ დასამონებლად და გასანადგურებლად ჩვენი სულიდან მართლმადიდებელი ქრისტიანული სარწმუნოების აღმოფხვრას, ქრისტიანულ-ეროვნული იდეალების ამოძირკვას.

ქართველი ერისადმი ეს დამოკიდებულება, ეს პოლიტიკა ლაკონურად ჩამოაყალიბა აკაკიმ ერთ-ერთ თავის პოემაში („რაჭა-ლეჩხუმი“), ქართველთა ერთ-ერთი დაუძინებელი მტრის პირით: სანამდი სარწმუნოება ქართველს ექნება ხელშიო და არ მოკვდება ზნეობით, — ხელს ვერ წაუჭერ ყელშიო! ჯერ უნდა რჯული წაგართვათ, გაეხადოთ უნამუსო და მერე შეეძლებთ ადვილად, რომ კიდევ გაათათროთო... იმავე აზრს გამოხატავს შაჰ-აბაზი აკაკის „ბაში-აჩეკში“:

„რას გააწყობ იმ ხალხთან, რომელსაც რჯული და ეროვნება ერთმანეთზე გადაუბამს, შეუხორცებია და სულს ხორცზე მაღლა აყენებს...ხალხი, რომელსაც სხეული გაუკაყებია და სული აუმაღლებია, საშოშია, ჯერ უნდა სხეული დაუღუნდეს, სული დაუშაბლდეს და მერე შეიძლება მისი დამონება.“

ასევე ფიქრობენ თვით მოღალატე ქა-



რთველებიც: გავისხენოთ აკაკის მოთხრობა „წმინდა გიორგის რაზმი“, რა რჩევას აძლევს მოღატე ქუთათელი იზმაილ ფაშას:

„ქართველი ხალხი რომ საყდარში სიარულს აღარ დაიწყებს და საქრისტიანო მოძღვრებას მოკლებული იქნება, მაშინ ნელ-ნელა დაივიწყებს რჯულს, დაპყრობას სარწმუნოებას, ზნეობითად დაეცემა და ამნაირად სულით მკვდარი ხალხი ადვილად მოსათოკი იქნება“...

გარკვეულწილად ეს ამოცანა ჩვენმა მტრებმა შეასრულეს: ქართველობის უდიდესი ნაწილი ქრისტიანული იდეალებისა და ეკლესიის გარეშე აღმოჩნდა.

დღეს არც თუ იშვიათად ფიქრობენ, თითქოსდა ჭეშმარიტი ქრისტიანული მოძღვრება გამორიცხავს სამშობლოს, თანამემამულის სიყვარულს და მხოლოდ ზოგად-ადამიანურ, კოსმოპოლიტურ სიყვარულს ითვალისწინებს. ეს მცდარი, არასწორი თვალსაზრისია.

წმინდა პავლე მოციქული სასტიკად შეიძულეს თანამემამულეებმა, რადგან მათ ქრისტეს მოძღვრებას უქადაგებდა და ამიტომ თავიანთი მამების რწმენის მოღალატედ მიაჩნდათ.

წმინდა პავლეს კი იმდენად უსახლვროდ უყვარს ისინი, მზადაა თავად საუკუნო სატანჯველში მოხვდეს, ოღონდ კი ჭეშმარიტებისაგან განდგომილი თანამემამულენი ცხონდნენ:

„დიდია ჩემი მწუხარება, და დაუმცხრალია ტკივილი ჩემი გულისა;

ასე რომ, ვისურვებდი თავად ვყოფილიყავი შეჩვენებული ქრისტეს მიერ ჩემი ძმების, ჩემი სისხლის და ხორცის გამო“ (რომ. 9. 2—3).

ურწმუნო ადამიანი ამქვეყნად მსჯავრდებულია უკვე იმით, რომ ურწმუნოა. ერთი სიტყვით, წმინდა მოციქული გვასწავლის: შორეული, უცხო ქვეყნის წარმომადგენელი რომ შეიყვარო, ჯერ შინა-

ური, ახლობელი უნდა შეიყვარო; ვერცა ბრიობა რომ შეიყვარო, ჯერ შენი ერის სიყვარული უნდა ისწავლო; ღმერთი რომ შეიყვარო, ჯერ მოყვასის სიყვარულში უნდა გამოიწრთოს შენი სული (მოყვასის სიყვარულში პირადი მტრის სიყვარულიც იგულისხმება...

ღმერთის, ანუ ჭეშმარიტების სიყვარული განუყოფელია მოყვასის სიყვარულისაგან, ამიტომ გვიწესებს მცნებად იოანე ღვთისმეტყველის პირით უფალი; ღმერთის მოყვარულს ძმაც უყვარდესო (იოანე 4, 21).

ჩვენ შორის არიან ისეთები, რომლებიც ხმამაღლა აცხადებენ, რომ ღმერთი, ჭეშმარიტება უყვართ, მოყვასი კი სძულთ. გავიხსენოთ, როგორ ახასიათებს ასეთ ადამიანებს წმინდა წერილი:

„თუ ვინმე ამბობს, რომ ღმერთი მიყვარს, თავისი ძმა კი სძულს, იგი მატყუარაა, ვინაიდან ვისაც არ უყვარს თავისი ძმა, რომელსაც ხედავს, არ შეუძლია უყვარდეს ღმერთი, რომელსაც ვერ ხედავს!“ (იოანე.4,20).

ამიტომ ღმერთის მოყვარულს თავისი ძმა, თავისი მოყვასიც უნდა უყვარდეს.

თვით იესო ქრისტე, ადამიანთა მთელი მოდგმის, ყოველი ჩვენგანის ცოდვების გამომსყიდველი ებრაელ ერს, თავის ხალხს უწოდებს. იერუსალემში ქრისტეს დიდებით შესვლისას აღრფთოვანებული ხალხი უფალს „ოსანას“ შეძახილებით ეგებებოდა, ფერხითით საკუთარ სამოსს და პალმის რტოებს უფენდა, თვითონ უფალი კი ამ დროს ქალაქს გადაჰყურებდა და ტიროდა, მაგრამ ტიროდა არა თავისი მოახლოებული ვნებისა და ტანჯვის გამო, არამედ თავისი ერის გამო, სადაც იშვა ის ხორციელად, ტიროდა თანამემამულეთა გამო, რომელნიც მას, ჭეშმარიტ ღმერთს, განაკებულ ჭეშმარიტებას ჯვარს აცვამდნენ, უარყოფდნენ, რის გამოც შემდგომში საუკუნეთა



განმავლობაში მისი საყვარელი ერი, ჯვარცმული, ტანჯული ცხოვრებით იცხოვრებდა; ტიროდა იერუსალიმის მომავალი დანგრევის გამო, რაც მას ქრისტეს ჯვარცმიდან უახლოეს პერიოდში დაატყდებოდა თავს (ლუკა 19, 41—44., ლუკა 21,6).

როცა იესო ქრისტე თავის მოწაფეებს, წმინდა მოციქულებს გზავნის საქადაგებლად, უპირველეს ყოვლისა უბარებს:

„მიაკითხეთ უპირატესად ისრაელის სახლის დაკარგულ ცხვრებს“ (მათე 10,6).

ამრიგად, ზემოთ ციტირებული ორი-ოდე მაგალითიდანაც საკმარისი თვალსაჩინოდ გამოჩნდა, რომ ქრისტიანობა არათუ გამორიცხავს ეროვნულობას, ჭეშმარიტ პატრიოტიზმს, ნაციონალურ გრძნობას, არამედ აუცილებლობით გულისხმობს კიდევ მას. ასეთნაირად გაგებული ნაციონალიზმი კი, თავის მხრივ, ცხადია, შეიცავს სხვა ერების, კაცობრიობის სიყვარულს. მაშასადამე, რელიგიურად გამართლებულია ნაციონალიზმი, ოღონდ ნაციონალიზმი, ქრისტიანული სულით გაუღვნილი, წმინდანები უფრო ინდივიდუალურნი და ნაციონალურნი იყენენ, ვიდრე ჩვეულებრივი ადამიანები, უამრავი ადამიანი ღმერთთან, ეკლესიურ ცხოვრებასთან ნაციონალურ-ეროვნული ტკივილებიდან მიდიოდა: წინააღმდეგ შემთხვევაში, თუ ნაციონალიზმი, სამშობლოს სიყვარული ღვთაებრივი სიყვარულით არ არის გასხივოსნებული, ის შეიძლება კერპთაყვანისმცემლობის შეფარულ ფორმად, ღვთისმბრძოლობლად და კაცთმოძულეობის წყაროდაც კი გადაიქცეს. აქედან გამომდინარე, გასაგებია გაჟანს სიტყვები: ვისაც გსურთ, იყავით კოსმოპოლიტები, ჩვენ ნაციონალისტებად დავრჩებით...

ოდესღაც ქრისტიანულ-ეროვნული

იდეალებით შემოსილი, აწ უღმერთობა გაკზნით, საღვთო მცნებას არათუ არ ვიცავთ, (რომელთა გარეშე ხსნა და გადაჩენა საერთოდ შეუძლებელია), არც კი ვიცნობთ ამ მცნებებს. ჩვენი ცხოვრების წესით და საქმეებით არა ვართ ქრისტესთან, ხოლო ვინც ქრისტესთან არ არის, ის ღმერთის მტერია: „ვინც ჩემთან არაა, ჩემს წინააღმდეგაა“ (ლუკა 11,23). ღმერთის მტერსა და მოწინააღმდეგეს კი შეუძლებელია რაიმე წარმატება ჰქონდეს ერისათვის საჭირობოტო და სიცოცხლისეულად მნიშვნელოვან საქმეებში. ამიტომ დღეს ჩვენს ტრაგიკულ, ისტორიულ ობლობასა და მარტოობას დედამიწაზე ემატება მარტოობა და მიტოვებულობა ღვთისაგან:

„ვინც გადადის ქრისტეს მოძღვრებას და არ მკვიდრობს მასში, არა ჰყავს ღმერთი; ხოლო ვინც მკვიდრობს ქრისტეს მოძღვრებაში, მამაცა ჰყავს და ძეც“ (იოანე 1,9)

„თქვენ ჩემი მეგობრები ხართ, თუ ასრულებთ იმას, რაც გამცნეთ თქვენ“ (იოანე 14.)

არაკინაა ამჟამად ჩვენი ერის მეგობარი არც დედამიწაზე, არც ზეცაში ქრისტიანული ცხოვრების გზიდან გადახვევისა და მოუნანიებელ ცოდვათა გამრავლების გამო. ჩვენი ერის ხვედრია — კოსმიური მარტოობა, ტრანსცენდენტური მიუსაფრობა, ღვთისაგან და დანარჩენ ერთაგან მიტოვებულობა, როგორც სულიერი, ისე რეალური თავისუფლების უქონლობა. მარტოობა კი, წმინდა წერილის მიხედვით, ღმერთის მიერ მოვლენილი სასჯელია, სასჯელი იმის გამო, რომ მაცხოვრებელი ქრისტიანული „ვიწრო“ გზით ცხოვრებას „ფართო გზით“ სიარული ვამჯობინეთ, მთელი იმედი და სასოება ღმერთიდან და საკუთარი თავიდან „მეზობელ თუ შორეულ ხალხებზე, უცხო ძალებზე გადავიტანეთ. გავიხსე-

ნოთ, ამის გამო რა ბედი ეწიათ ასურელებს მაშინ, როცა ღმერთის მფარველობაში მყოფებმა ყველა სასოება და იმედი ღმერთის ნაცვლად სხვა სახელმწიფოებს დაუკავშირეს:

„დამასკოს განაჩენი. აჰა, წაერთმევა დამასკოს ქალაქობა და ნანგრევების გროვად იქცევა! დაწვებიან და კერავინ დააფრთხობს მათ. არაფერი დარჩება ეფრემის ციხე-სიმაგრისაგან, დამასკოს სამეფოსაგან და ბარმაამის ნატამალისაგან...იქნება ისე, თითქოს მომკელს აელოს ყანა და მის მკლავს მოემკას თავთავები...დარჩება ნამცვრევი, რამდენიც რჩება ზეთისხილის ჩამობერტყვის შემდეგ: ორი, სამი მარცვალი წვერში, ოთხი, ხუთი მსხმოიარე ტოტებზე! იმ დღეს მიიხეხედავს ადამიანი შემოქმედისაკენ...იმ დღეს უღრან და გაუვალ ტყეს დაემსგავსება მისი გამაგრებული ქალაქები...და გაუდაბურდება, რადგან დაიწყოებული გყავს შენი ხსნის ღმერთი!“ (ესაია 1-10).

ღვთისაგან ამა თუ იმ პიროვნებისა თუ ერის მიტოვებაზე როცა ვსაუბრობთ, ყოველთვის ვგულისხმობთ შემდეგს:

ღმერთი, საერთოდ, ყველასთანაა — ცოდვილთანაც და უცოდველთანაც, კეთილთანაც და ბოროტთანაც; იგი ყველას სიცოცხლეს იცავს და იფარავს, რადგან „ჩვენ მისით ვცოცხლობთ და ვმორაობთ და ვართ“ (საქმ. 17,28). მაგრამ თავისი განსაკუთრებული მადლითა და შემწეობით უხილაკად მხოლოდ მათთან იმყოფება, ვინც მის მიხედვით ცხოვრობს, ვინც მას მუდმივად მოუხმობს: „ახლოა უფალი ყველა მის მლოცველთან, ყოველთან, ვინც მას მოუხმობს ჭეშმარიტებით (ფსალმუნნი 144, 18)„, „მის მოშიშთა სურვილს შეასრულებს და მათს დადავისს მოისმენს და უშველის მათ. იცავს ყველა მის მოყვარულს და ყველა ბოროტს მოსპობს“ (ფსალმუნნი 144, 19-20).

იესო ქრისტე ვაზია ჭეშმარიტი ღმერთი — ლერწები (რტოები). როგორც ვაზისგან მოცილებული ლერწი თავისთავად ნაყოფს ვერ გამოიღებს, ასევე ვერც ერთი ადამიანი თუ ერი, ქრისტესგან დაშორებული და მისგან გაუცხოებული, ღვთის მოსაწონ ცხოვრებასა და საქმეებს ვერ მოიტანს: „ვინც ჩემში რჩება, ხოლო მე მასში, დიდძალი ნაყოფი გამოაქვს, ვინაიდან უჩემოდ არაფრის ქმნა არ შეგიძლიათ. ვინც არ დარჩება ჩემში, ლერწივით გადაიგდება და გახშება“ (იოანე 15, 5-6). გაევისენოთ მსგავსი აზრის გამომხატველი რუსთაველის აფორიზმი: „არას გარგებს ძლიერება, თუ არ შეგწევს ღმრთისა ძალი.“ სწორედ ამიტომ ვერ იშკის ქრისტესა და მისი წმინდა ეკლესიისაგან განდგომილი ქართველობა, ბრძოლებისა და მცდელობის მიუხედავად, იმ ნაყოფს, რომელიც ღვთისთვის მოსაწონი და ერისთვის სასარგებლო იქნება.

ანალოგიურ თვალსაზრისს გამოხატავს ილია წერილში „წმინდა ნინო“, რომელშიც ამტკიცებს, რომ სწორედ ღმერთმა, ქრისტეს ერთგულებამ, „ქრისტიანობამ...მოაგებინა ამ პატარა ქვეყანას აუარებელი მტერი! მამული და ეროვნება მოაშველა სამღვდელოებამ რჯულს, რჯული მამულსა და ეროვნებას, და ეგრეთ მოძღვრებულმა ერმა ეს სამება წაიმძღვარა წინ, ათასხუთასი წელიწადი ომითა და სისხლისღვრით გამოიარა და ქართველს ბინაც შეუნარჩუნა და ქართველობაც.“ წმინდა ნინოს მოციქულობით მოყვნილმა და დამკვიდრებულმა ქრისტიანობამ გვიხსნა ჩვენ არამცთუ სულიერად, არამედ ზორციელადაც. იმა უდიდესმა მოძღვრებამ, რომელიც ქრისტე ღმერთმა მიაკლინა ქვეყანას ხსნად და ცხოვნებად; თავისი ძლევაშობილი კალთა გადააფარა ჩვენს მამულს, ჩვენს ეროვნებას, ვითა ობოლნი შეიკედლა, თავისი

ღვთაებურის ძალ-ღონით გამოჰზარდა, შეჰქმნა, შთაუდგა გული რკინისა, გაუძღვარა ჯვარი პატიოსანი და ძელი ჭეშმარიტებისა... ამ ძალ-ღონით ქრისტიანობამ შეგვინახა ჩვენ ჩვენი მიწა-წყალი, ჩვენი ენა, ჩვენი ვინაობა, ჩვენი ეროვნება... ქრისტიანობამ ქეთიკირივით შეგვკარა და გაგვამაგრა, რომ ქრისტიანობა გავვიძღა მამულისა და ეროვნების შერჩენისა და ხსნისათვის“.

ილიას ციტირებული სიტყვებიდანაც უაღრესად თვალსაჩინოა, რა უმთავრესი მიზეზი განაპირობებს ჩვენი დღევანდელი მდგომარეობის უკიდურეს ტრაგიკულობას — ესაა ქრისტიანობის, ქრისტიანული სულის დაკარგვა, ერის ყველა ფენაში სარწმუნოებრივი, მაღალზნობრივი ცხოვრების აღმოფხვრა; ღმერთისათვის, ჭეშმარიტებისათვის ზურგის შექცევა („ღმერთია ჭეშმარიტება“ იოანე 14.6.). ჩვენი ხსნა ქრისტიანული და ეკლესიური ცხოვრების, ღვთაებრივი და ეროვნული იდეალების გაეშე შეუძლებელია. ბევრს უკვირს, რატომ ვერ ვკახანითო მტრულ მცირე ეთნიკურ ჯგუფებს, რატომ განვიცდით პერმანენტულ მარცხს ჩვენი ნაციონალური ცხოვრებისა თუ ბრძოლის ყველა სფეროში უკანასკნელ ხანებში, რატომ ვართ დისკრიმინირებულნი საკუთარ ტერიტორიაზე:

ღმერთს ამით სურს, დაგვანახოს, შეგვაგნებინოს, გაგვაცნობიერებინოს, რომ უქრისტიოდ და უმადლოდ დარჩენილებს უფლის შემწეობის გარეშე, თუ დიდი სინანულითა და ქრისტიანულ-ეკლესიური ცხოვრებით არ დავბრუნდით ჭეშმარიტებასთან, თუ მთელს ჩვენს სიყვარულს, რწმენასა და იმედს, უპირველეს ყოვლისა, ღმერთზე და საკუთარ ეროვნულ შესაძლებლობებზე არ დავამყარებთ, ნებისმიერი, თვით ყველაზე მცირერიცხოვანი მტერიც კი დაგვიძლევს და დაგვკახანის, როგორც ეს არაერთგზის ხდებოდა არა

მარტო ჩვენი ერის, არამედ ძველი აღმოსავლეთის ერის ცხოვრებაში. ამასთან დაკავშირებით გაეიხსენებ წმ. წინასწარმეტყველთა წიგნებიდან უფლის სიტყვებს თავისი რჩეული ერის მიმართ ღვთისაგან განდგომის ჟამს. და თუ ჩაუუკვირდებით მათ, ჩვენი დღევანდელი უმწეობისა და უძლურების უმთავრეს მიზეზსაც დაინახავთ:

— რადგან ცოდვები გაამრავლეთ და გაასასტიკეთ, რადგან ხსნის ერთადერთ გზას — ღმერთს — ჭეშმარიტების გზას გადაუხვიეთ, რადგან დამივიწყეთ, რომ გამიხსენოთ, — ამბობს უფალი ღმერთი, — თქვენივე სულის გადარჩენისათვის ღობეს (ე.ი. საზღვრებს) მოგირღვევთ, რომ გაპარტახდეთ, ზღუდეს მოგიგრვეთ, რომ გაითელოთ, გაგაველურებთ... მრავალი სახლი გაუდაბურდება, დიდნი და კეთილნაგებნი გაუკაცრიელდებიან... განსჯა აღარ არის თქვენში. სიბრძნე რომ გქონდეთ, მიხვდებოდით ამას, განჭვრეტდით თქვენს ბოლოს: ერთი როგორ დაგვედვენებათ ათასს? ორნი როგორ გაგყრით ათიათასს, თუ თქვენმა მფარველმა არ გაგწირათ, თუ უფალმა არ ჩაგაგდოთ მათ ხელში?!

არ არსებობს ადამიანი, არ არსებობს ერი, რომელსაც არ შეუცოდავს. ჩვენც შევცოდეთ, — სიმართლეს, ჭეშმარიტებას ვუღალატეთ, ღმერთს განუუღექით, შედეგად კიდეც უფრო ურწმუნონი და ახალ-ახალი უსასტიკესი, პათოლოგიური ცოდვებით დამძიმებულნი გავხდით, რის გამოც, ღვთის დაშვებით, უმწეო მდგომარეობაში ჩავცვივდით. მაგრამ რაოდენ დიდი და მძიმეც უნდა იყოს ჩვენი ცოდვები, ისინი ღმერთის სიყვარულს ჩვენს მიმართ მაინც ვერ გადაფარავენ, მით უფრო, რომ თავად უფალი გვიღებს აღთქმას და გვიპირდება: ჩემთან მოსულს არ გაეაძევებ, იესო ქრისტეს — „მონანულთა ღმერთის“ — ჩვენდამი სიყვარუ-

ლით გამთბარ ამ სიტყვებთან დაკავშირებით ჩემთან მოსულ არც ერთ მონანიე ცოდვილს არ გავაძევებ, არ განვაგებ, ყველა უძღვებ შვილს მივიღებო (ლუკა 15), — უადგილო არ იქნება, თუ გავიხსენებთ აკაკის ნაკლებად განზაფრებულ ლექსს, „ცოდვილის სინანული.“, რომელიც მან ცხრაშეტი წლისამ დაწერა:

სოფლის ღვლევისგან აღტაცებულმან,
გადავსციდი მცნებას, გცოდე, მამაო!
და გაი! დღეს სცნო ბოროტმა სულმან
სოფელი ესე ცრუ და ამაო!

გვრძნობ საზიერო! ეს ბოროტება
გამოუთქმელი და საშინელი,
თუმც სხვათ ბოროტთა აღმატება,
მაგრამ შენდობას მაინც მოველი!
რადგანაც ზეცავე, შენ, ჰა, მოვმართე,
ამაოდ ნუ ჰყოფ ჩემს სინანულსა!
კეთილისათვის გზა წარმიმართე,
ძალ-შეც, ვსთრგუნვიდე ბოროტსა
სულსა!

შენანებულს შენ არ მოიძაგებ,
ნუგეში ამით მე მემატება!
და სულგრძელებას შენსას ვადიდებ,
ოდეს მეზვერე გამახსენდება.

საკუთარი ცოდვების მონანული უძღვები შვილის — ძე შეცდომილის მსგავსად ჩვენც თუ „გონს მოვევებით“ (ლუკა 15, 17), ე.ი. თუ შევიანებთ ჩვენს უღმერთო და დაცემულ ცხოვრებას და დავეუბრუნდებით ჩვენს შემოქმედს, ვისაც ღრმად განუღდექით, ყველას სიხარულით მიგვიღებს. იგივეს გვიმეორებს უფალი წმინდა ზაქარია წინასწარმეტყველის პირით: „მოიქეცით ჩემდამი, და მე მოვიქეცე თქვენდა,“ და სხვაგან, წმინდა წერილში: „მომიახლოვდით, რათა მოვიახლოვდე“...ღმერთი, როგორც დავით წინასწარმეტყველიც ადასტურებს, სწორედ გულითშემუსრბლთა, ე.ი. სულით მოდრეკილთა, გულით მორჩილთა და მონანულთა მახლობელია (ფსალმუნნი 50, 19). თანამედროვე ქართველებს, —

დღევანდელ ძე შეცდომილებს — სწორედ ეს მხსნელი სინანული და გულითშემუსრვილება გვაკლია ცოდვათა ჩვენთა გამო („თუ არ შეინანეთ...ყველა დაიღუპებით“) გვაკლია სინანული, საიდანაც იხსნება კარი, და მხოლოდ და მხოლოდ აქედან იხსნება კარი ყოველი ერის, მათ შორის, ცხადია, ჩვენი ერის ხსნისა და გადარჩენისა, აღდგომისა და აღორძინებისა, სარწმუნოებრივ-სულიერი გაბრწყინებისა და ამადლებისა.

ძველი აღთქმიდან ღვთის რჩეული ერის და თვით ჩვენი ერის ისტორიული გამოცდილების მაგალითზე ვიცი, მაგრამ დღეს მრავალს აღარ გვახსოვს, რა მკაცრია უფალი — თავისი უმაღლესი სამართლიანობიდან გამომდინარე ჩვენივე საბოლოო კეთილდღეობის, გამოსწორებისა და გადარჩენის მიზნით მოუწინავებელი, ცოდვილი, ურწმუნო ცხოვრების გზით მოსიარულე ცალკეული პიროვნებებისა თუ ერების მიმართ:

„მაღე იხილავენ იმ კაცთა ძველებს, რომელნიც განმიდგნენ. მატლი მათი არ დაიღუვა და ცეცხლი მათი არ დაიშრიტება...უსამართლონი იღველებენ და განსვენებას ვერ შეძლებენ...ველარ გაიგონებთ მხიარულობის ხმას თქვენი სახლებიდან, რადგან არ არსებობს უღვთოთა სიხარული (ესაია წინასწარმეტყველი).

ჩვენ, ქართველობამ, მართალ, მაღლმოსილ, ღვთისადმი რწმენით, იმედითა და სიყვარულით აღსავსე ცხოვრებას მიწიური, ამქვეყნიური ინტერესებით აღსავსე, რელიგიური ენით რომ ვთქვათ, „ხორციელი ცხოვრება“ ვარჩიეთ, ყურად არ ვიღეთ გაფრთხილება უფლისა: „საჭმლის გულისთვის ნუ დაანგრეეთ ღმერთის საქმეებს“, რადგან „საჭმელი მუცლისთვისაა და მუცელი საჭმლისთვის, მაგრამ ღმერთი მოსპობს ერთსაც და მეორესაც,“ სული კი, ცოდვებით დამძიმებული, მოუწინავებელი, კეთილი საქმე-

ბით ღატაკი, ზეცაში ავა უფალთან, მაშინ რით და როგორ შევძლებთ უზენაესის წინაშე თავის გამართლებას?!

ჩვენი დღევანდელი ცხოვრება მართლაც ხორციელი და უადრესად მიწიურია, ნიცმე იტყოდა, „ადამიანური, მეტი-სმეტად ადამიანურია,“ მაგრამ არა ღვთაებრივი, არა უფლისათვის სათნო-ყოფელი და მოსაწონი, — ეს, უპირველეს ყოვლისა, ჩვენი ურწმუნობის შედეგია. ურწმუნობა კი, თავის მხრივ, ღვთისა-გან ჩვენი განდგომილებისათვის, მოუნა-ნიებელი, განუწმენდელი ცოდვებისათ-ვის, არაქრისტიანული, არაკლესიური ცხოვრებისათვის უდიდესი სასჯელის გამოხატულებაა:

„ვისაც სწამს, იგი არ განისჯება, ხო-ლო ურწმუნო ახლავ, უკვე ამქვეყნად სოცოცხლეშივე განსჯილია, ვინაიდან არ იწამა სახელი მხოლოდ შობილი ძი-სა“ (იოანე 3, 16).

იმ გარემოების შეგნება და გაცნობი-ერება, რომ ჩვენი გამრავლებული, მოუ-ნანიებელი ცოდვების გამო ღმერთმა მი-გვატოვა, ბევრს სასოწარკვეთილებაში აგდებს. მაგრამ უნდა გვწამდეს, რომ ღმე-რთი დღეს თავის მფარველობასა და მზრუნველობას სწორედ ამით გამოხა-ტავს, ამგვარად ამჟღავნებს. დღეს ჭეშმა-რიტებამ — „ღმერთია ჭეშმარიტება“ (იოანე, 14, 6). „დაიძინა ჩვენი ერის მი-მართ“ (სოლომონ ბრძენის გამოთქმა), დროებით დაგვტოვა, მაღლი აიღო, რად-გან ჩვენ მის გარეშე ვისურვეთ ცხოვრება. ჩვენივე ნებით ღვთისგანდგომილებს უამ-რავი ჭირი, ტანჯვა, უბედურება, განსაც-დელი და ურიცხვი ბოროტება რომ დაგ-ვატყვევებდა თავს, საკუთარი თავის უმწეო-ბისა და სრული მარტოობის განცდა რომ დაგვეუფლებდა, უქრისტეოდ და უმად-ლოდ დარჩენილნი როცა დავინახავთ, რომ ქრისტე ღმერთის შემწეობისა და დახმარების გარეშე არაფერი არ შეგვიძ-

ლია, სწორედ მაშინ გავიღვიძებთ უსჯუ-ლო, არაქრისტიანული ცხოვრებიდან (სარწმუნოებრივი თვალსაზრისით, მო-გვხსნებათ, უმძიმესი მდგომარეობაა მთელს საქართველოში — მთასა თუ ბა-რში, ქალაქსა თუ სოფელში, ზედა ფენე-ბსა თუ ქვედა ფენებში, უწიგნურებსა თუ მწიგნობრებში), გავიხსენებთ მას, ვინც დავეიწყეთ, ვის წინააღმდეგაც წარვმა-რთეთ საკუთარი ცხოვრება და უთუოდ მივალთ ღვთის ნების, ქრისტიანული მცნებების, საღრმთო კანონების მიხედ-ვით ცხოვრების აუცილებლობისა და გა-რდუელობის შეგნებამდე.

ჩვენი ერის კრიზისული, ერთი შეხე-დვით გამოუვალ მიდგომარეობის გამო თავის დროზე ვაჟა-ფშაველა სწერს ექვ-თიმე თაყაიშვილს:

„ხშირად ისეთი დროც ჩამოვარდება ხოლმე, რომ ყველას უჭირს, დიდსა და პატარას, — ყველა წოდების კაცს ერთისა და იმავე ერისას, — ეს ის დროა, როცა გაერეშე მტერი შემოესევა და იკლებს ქვეყანას. ამისთანა დროს საერთო და სა-ერო აზრი იბადება თავის ხსნისა და შეე-ლისა: ყველა ამას ამბობს, ამაზე ფიქ-რობს. ხშირად ისრეც მოხდება, რომ ში-ნაურობაშიც გაჩნდებიან ხოლმე მტრები, რომელნიც არანაკლებ გარეშე მტრებისა აზარალებენ და აბეჩაუბენ ქვეყანას. რო-გორც პირველს, ისე მეორე შემთხვევაში, შველა ქვეყნისა შეგნებულთა საქმე ყო-ფილა და იქნება; შეგნებულნი ამაღლე-ბენ დროშას“.

ვაჟას ამ სიტყვებიდანაც შესანიშნა-ვად ჩანს, თუ კიდევ რა მიზნით უშვებს ხოლმე ერის განსაცდელში შეყვანას ღმერთი.

პირადად მე, წმინდა წერილიდან, წმინდა ღმერთშემოსილ მამათა სწავ-ლებიდან და ჩვენი ერის ისტორიული ცხოვრებიდან გამომდინარე, მწამს: დად-გება უამი როცა იმ უბედურებათა და სა-

ტანჯველთა გამო, რომელნიც უფალმა ჩვენი გადარჩენისათვის, გამოღვიძებისათვის, სწავლებისა და ჭირში გამობრძმედისათვის დაუშვა, ერთ დღესაც მრავალწამებული, მრავალტანჯული და მრავალსისხლდანთხეული ერი ჩვენი წმინდა დავით წინასწარმეტყველივით შეჰღაღადებს უფალს:

„ვიცოდი, უფალო, რომ მართალია შენი სამართალი და სამართლიანად დავიტანჯე.“

„ვიცოდი, უფალო, რომ ვეწამე, იმისათვის, რათა ვისწავლო წესები შენი!“

ღმერთმა ჩვენს მიმართ განსაცდელი იმისათვის დაუშვა, რათა გამოვსწორდეთ და გამოვიცადოთ, გამოცდილებიდან იმედი შევიძინოთ, იმედის მქონე კი, როგორც ერთ-ერთი მოციქული ამბობს, არ შერცხვება. ამიტომ, საღვთო მოძღვრებიდან გამომდინარე, ნებისმიერი მდგომარეობა, როგორც პირადულ, ისე ეროვნულ ცხოვრებაში, რაოდენ მძიმე, გაუსაძლისი და აუტანელიც უნდა იყოს, როგორი უზნეობა და უსამართლობაც უნდა ზეიმობდეს, ქრისტიანებს უფლებას არ გვაძლევს სასო წარვიკვეთოთ, იმედი გადავიწუროთ.

თუ ჩვენი ერის, ჩვენი წინაპრების ცხოვრებას გავიხსენებთ, დავრწმუნდებით, რომ მათი არსებობა ფაქტობრივად ტანჯვა წვალებით აღსავსე მოწამებრივი ცხოვრება იყო. “დიდი წამება კი, – როგორც ილია ამბობს, – არა სისუსტისა და უძლურების, არამედ დიდბუნებოვნების ნიშანია, როგორც დიდი ძლევა მოსილეობა. დიდი წამება იგივე დიდი გამარჯვებაა, რომელიც წილად ჰხვდება ზოლმე დიდბუნებოვანს კაცსა, ზოლო გამარჯვებული ბედნიერია იმიტომ, რომ თვითონ სტკებდა მით, რაც გამარჯვებას მოაქვს, და წამებული კი თვით იწვის სანთელივით და სხვასაც უნათებს.

ამიტომ ეკლიანი გვირგვინი წამებუ-

ლისა უფრო უანგაროა, უფრო მიწვეულია ვეღობა, უფრო საგულმტკიენეულოა და, მაშასადამე, უფრო მშვენიერი, სასახელო და სადიდებელი. მარტო ამ წამებულთა ჰლოცულობს კაცობრიობა, მარტო ამ წამებულთა აღიარებს იგი წმინდანებად და თაყვანსა სცემს ლოცვითა და კურთხევითა.

„თუ ვისმე სამართლიანად ეთქმის, რომ თვით დაიწვინე და სხვას კი გზა გაუნათესო, ეს ჩვენს მამა-პაპას ეთქმის და მადლობელი შეილნი ღმობიერებით პირქვე უნდა დავემხროთ მათ საფლავთა წინაშე და ვუგალობოთ დიდებულთა და ქება-ქებულთა“ („წმინდა ნინო“).

ღღევანდელი ქართველი ერიც მრავალი ჭრილობით დასერილი და გულგასენილია. მაგრამ არ არსებობს ისეთი ჭრილობა, იქნება ის ზორციელი თუ სულიერი, რომლის განკურნებაც მაცხოვარს არ შეეძლოს, ისეთი მწუხარება, რომლის განქარებაც მისთვის იყოს ისეთი უიმედო მდგომარეობა, საიდანაც ჩვენი იმედიანი გამოყვანა არ ძალუძდეს. როგორც წმ. მართლმადიდებელი ეკლესიის მამები აღნიშნავენ, ღმერთი სწორედ იქ და მაშინ ავლენს თავის განსაკუთრებულ ძალმოსილებას, სადაც ყველა-ნაირი სხვა ძალა უძლურია.

რამდენი ტანჯვა, რამდენი ვაება, რამდენი ჭირი და განსაცდელი დაითმინა მთელი ჩვენი მრავალსაუკუნოვანი ეკლიანი ისტორიის მანძილზე ქართველმა ხალხმა; ილიას სიტყვებით რომ ვთქვათ – რა წისქვილის ქვა არ დატრიალებულა მის მკერდზე, მაგრამ რწმუნდებოდა, რომ მისი ხსნა ღმერთში იმალებოდა, მისი სიცოცხლისუნარიანობა და სასიცოცხლო ენერგია – ქრისტიანულ სარწმუნოებასა და ეკლესიურ ცხოვრებაში. აი, მხოლოდ ამის შემდეგ უბრუნდებოდა ღრმა სინანულითა და მტკიცე გააწყვეტილებით უფალს, განცხრომისა და ფუ-

ფუნების ჟამს დაეიწყებულა რომ ჰყავდა. გაეიხსენოთ, რამდენი ტანჯვა-ვაება დაითმინა იობმა, მაგრამ სანაცვლოდ განუზომლად დიდი საზღაური მიიღო განსაცდელში მყოფმა ჭირის დათმენის გამო. ჩვენმა რამდენმა წინაპარმა, რამდენმა საერთო თუ სასულიერო პირმა, რამდენმა ღირსეულმა თანამედროვემ, სხვადასხვა ქვეყნების რამდენმა ქრისტიანმა ყველა დროისა დაითმინეს ყოველგვარი დამცირება, წამება და გვემა, ბორკილები და საპყრობილე ჭეშმარიტებისათვის, სიძარტლისათვის; რამდენი იყო ჩაქოლილი, შუაზე გადახერხილი, ხმლით განგმირული, ცხვრისა თუ თხის ტყავით მორარული, გაჭირვებული, ურვილი, ძვირხილული, უღაბნოსა და ტყე-ღრეში მოხეტენი, მღვიმეებსა თუ მიწის ხერელებს შეფარულნი, რომელთა ღირსიც, თუ წმინდა პავლე მოციქულს დაეიმოწმებთ, არ იყო მთელი ქვეყანა და ყველა ამათ მიიღეს მოწმობა რწმენით (ებრ. 11, 30—38).

ღიას, მწუხარებანი და უბედურებანი გვასწავლიან და გვაძლევენ ყველაზე მთავარს, — სინანულს საკუთარი ცოდვების გამო, ე. ი. თვითშეცნობას, შიშს ღვთისას, რომელიც სოლომონ ბრძენის თქმით, სიბრძნის დასაწყისია და რომელიც დღეს ჯერჯერობით გადაკარგული გვაქვს, უმთავრეს ფარსა და მახვილს გვაწვდიან, როგორც ხილული, ისე უხილავი (დემონური) ძალების წინააღმდეგ ბრძოლაში — რწმენას, იმედსა და სიყვარულს ღვთისას და მოყვრისას გვიღვივებენ. გვასწავლიან ლოცვას უფლისადმი, ყოველდღიური ცხოვრების, ამქვეყნიური ამოებების მტკერში ამოგანგლული ჩვენი გულების „ზედასვლას ზეცაში“, ანუ ზეცურ ეკლესიაში. ამიტომ ჩვენი დღევანდელი ყოფნაც განსაცდელში მანამდე გაგრძელდება, ვიდრე ჩვენი რწმენა, მორჩილება და სასოება ღვთისადმი, ვედრება და ლოცვა მის მიმართ, ერისა ხსნისა და

გადარჩენისთვის ისეთ ღრმა და უსაზღვრო არ გახდება, როგორც იყო. მაგალითად, რწმენა და იმედი საზარებისეული ტანჯული, უბედური ქანაანელი დედისა, როდესაც დედამ მთელი თავისი არსებით ირწმუნა, რომ სასიკვდილოდ განწირულ შვილს ამქვეყნად ქრისტე ღმერთის გარდა ვერანაირი ადამიანური ძალა ვერ იხსნიდა და ვერ განკურნავდა მომაკვდინებელი სენისაგან, ამის შემდგომ მთელი თავის არსებით სწორედ უფალს, და მხოლოდ მას შესთხოვდა. ამიტომ მიიღო მან ის, რასაც ითხოვდა — განკურნება შვილისა („ითხოვდეთ და მოგვეცემათ“).

ამ განსაცდელის ღირსეულად გადამტანნი შეეძლებთ მოვიპოვოთ სიძარტლე, მშვილობა და სიხარული, დაეიმკვიდროთ სასუფეველი. სასუფეველი კი, როგორც დღეს მრავალს ჰგონია, ფული, სიმდიდრე და სამეღ-საჭმელი კი არ არის, არამედ სწორედ სიძარტლე, მშვილობა და სიხარულია სულიწმინდით (რომ. 14, 17). ზოლო ვინც ამით ემსახურებოდა ქრისტეს, იგი სასურველია ღმერთისათვის (რომ 14,7—9). ამიტომ წარმავალი სიკეთებისათვის, „საჭმლისათვის, — როგორც მოციქული ვერჩევს, — ნუ დაანგრევთ ღმერთის საქმებს“ (რომ. 14,20).

ამავე დროს, მან, ვინც ქრისტესაგან მიმავალ გზაზე ივლის, იქნება ის პიროვნება თუ ერი, წინასწარ უნდა იცოდეს და გაითვალისწინოს, რომ „ქვეყნიერებაზე ჭირი გექნებათ, მაგრამ გამხნევდით: მე ეძლიე ქვეყანა“ (იოანე,6,33).

იმავეს აცხადებს წმ. პავლეც:

„და მეტისმეტად რომ არ აღზევდე გამოცხადების ზეობით, მომეცა მე ნესტარი ხორცში, სატანის ანგელოზი (ჩვენს ერს კი — როგორც შინაური და გარეული, ისე უხილავი მტრები — დემონური ძალები), ჩემდა საწამებლად, რომ არ აღზევდე.

სამგზის ვევედრე უფალს, განმამოხრე-მეთქი.

და მითხრა მე: შენთვის საკმარისია

ჩემი მადლიც, რადგან ჩემი ძალა აღსრუ-
ლდება უძღურებაში. ამიტომაც მეტი ხა-
ლისით დავიქადი ჩემს უძღურებას, რათა
ქრისტეს ძალა დაემკვიდროს ჩემში;

ამიტომაც ვტკბები უძღურებით, შე-
ურაცხყოფით, გაჭირვებით, ღვენილობი-
თა და ქრისტეს გამო შევიწროებით, რა-
დგან როცა უძღური ვარ, მაშინა ვარ
ძლიერი“ (2 კორ. 12, 7-10).

მოციქულის ამ სიტყვებიდან ჩანს, რა
დიდი სარგებელი ჰქონია განსაცდელში
ყოფნას ქრისტეს გამო ანუ ჭეშმარიტების
გამო ღვენილობაში, ტანჯვა-წამებასა და
უძღურებაში ყოფნას.

თვალს თუ გავადევნებთ და გავიხსე-
ნებთ წმინდანთა, წამებულთა, საერთოდ
— ღირსეულ საერო თუ სასულიერო პი-
რთა ცხოვრებას, შევნიშნავთ ერთ საერ-
თო დამახასიათებელ კანონზომიერე-
ბას: ყველი მათგანი რაოდენ უცნაურადაც
უნდა აღერდეს, ყველაზე დიდ სულიერ
სინათლეში იყო განსაცდელის, მწუხა-
რების, ღვეწა-შევიწროების, გაჭირვებისა
და უბედურებათა ჟამს. აღარას ვამბობთ
ბიბლიურ წინასწარმეტყველთა და მო-
ციქულთა ტანჯულ და მოწამებრივ ცხო-
ვრებაზე, რომელნიც განსაკუთრებულად
სწორედ ცხოვრების უმძიმეს პერიოდებ-
ში ბრწყინავდნენ (გავიხსენოთ აგრეთვე
ანალოგიური მაგალითები ჩვენს წმინდა-
ნთა ცხოვრებიდან, აგიოგრაფიული ლი-
ტერატურიდან).

ძე მეცდომილთა, ღვთისაგან, ჭეშმა-
რიტებისაგან გაუცხოებულთა ღმერთ-
თან მისვლა და „უფალში დადგომა“ ჭი-
რისა და განსაცდელის გარეშე როგორც
ცალკეული პიროვნებისათვის, ისე ამა
თუ იმ ერისათვის, კონკრეტულად ჩვენი
ერისთვისაც, შეუძლებელია:

„შვილო, თუ უფალს მიეახლები სამ-
სახურად, განსაცდელისათვის გაამზადე
თავი, გული დაიმორჩილე, მოთმინებით
აღიჭურვე და ნუ აჩქარდები განსაცდე-

ლის ჟამს, მიეახლე მას და ნუ განდობი-
ლები, რათა ამადლდე საბოლოოდ; რაც
შეგემთხვევა, ყველაფერი მიილე სულგრ-
ძელობით. დაითმინე დამცირებანი, რად-
გან ოქრო ვერცხლში გამოიცდება, უფ-
ლის სათნონი — მორჩილების ქურაში.
ერწმუნე მას და შეგეწევა; სწორად წარ-
მართე გზები და მისი იმედი იქონიე. უფ-
ლის მოშიშრო, მის წყალობას ელოდეთ
და ნუ მოიქცევით, რათა არ დაეცეთ. უფ-
ლის მოშიშრო, იმედი გქონდეთ სიკეთი-
სა, საუკუნო სიხარულისა და წყალობი-
სა. გადახედეთ ძველ თაობებს და იხი-
ლეთ: ვინ ირწმუნა უფლისა და შერცხ-
ვენილი იქნა?! ან ვინ იყო მოშიში და
მიტოვებული?!... რადგან უფალი შემბ-
რალეა და მოწყალე, ცოდვათა მიმტვე-
ბელი და მხსნელი გასაჭირის ჟამს. ვაი
გულმხდალებს და ხელძაბუნებს, და ცო-
დვილებს ორი გზით მაკალთ. ვაი გულს,
დაძაბუნებულს, რადგან არ სწამს, ამი-
ტომაც ხილული არ იქნება! ვაი თქვენ,
მოთმინების დამკარგავნი! რას მოიმოქ-
მედებთ, როცა უფალი მოგაკითხავთ!..
უფლის მოშიშნი თავიანთ წყალობას
ეძიებენ და მისი მოყვარულნი აღივსები-
ან რჯულით, უფლის მოშიშნი თავიანთ
გულებს გაამზადებენ და მის წინაშე და-
იმდაბლებენ. ჩაკვარდეთ უფლის ხელში
და არა კაცთა ხელში, რადგან რა დიდი-
ცაა იგი, იმგვარივეა მისი წყალობა“
(ზირ. 2, 1-18).

როდის უნდა დამთავრდეს მწუხარე-
ბანი და უბედურებანი ჩვენი ერის სარგე-
ბლისათვის, ეს ღმერთის უფლებამოსი-
ლებაა, ხოლო როგორ გადავიტანთ ამ
უბედურებებს, ეს უკვე ჩვენზეა დამოკიდე-
ბული. ქრისტეს და წმინდა მამათა სწავ-
ლების მიხედვით, უბედურებათა გადატა-
ნა გვართებს მადლიერებით, იმიტომ,
რომ უფალმა ჩვენზე უკეთ იცის, როდის
რა არის სასარგებლო ჩვენთვის, და რა
მავნებელი. აი, სწორედ ამ რწმენით

გემართებს ძლევა და შემსუბუქება იმ მწუნარებათა და უბედურებათა, რომელნიც თავს დაგვატყდა ქართველობას. ისიც უნდა გვახსოვდეს, რომ უფალს ვინც უყვარს, მას გამოარჩევს, და ვისაც გამოარჩევს, მას ტანჯავს, რათა საკუთარი ჯვრის ზიდვით ასწავლოს „ჰუმმარიტებაში სიარული“ მარადიული სიცოცხლისაკენ: „და ვინც არ აიღებს თავის ჯვარს და არ გამოძევება უკან, ვერ იქნება ჩემი მოწაფე“ — ამბობს უფალი (ლუკა, 14, 27).

ჯვარი მაცხოვრისა ანი და ჰოეა, დასაწყისი და დასასრულია ჩვენი ერის ისტორიისა, ჩვენი ცხოვრებისა, ჩვენი ხსნისა და ცხოვნებისა. ჯვრის გარეშე ჩვენ ქრისტიანები არა ვართ, ჯვრის გარეშე ჩვენ სრულფასოვანი ქრისტიანები არა ვართ, არა ვართ ძენი ღვთისა, არა ვართ წვევრები ქრისტეს წმინდა ეკლესიისა, მოწაფეები მაცხოვრისა. „ჯვრით ვიბადებით, ჯვრით გცხოვრობთ და ჯვრით გკვდებით“.

ჯვარი ქრისტესი ჩვენი სულიერი მახვილია, რომლითაც ვამარცხებთ როგორც ხილულ, ისე უხილავ მტრებს — ამიტომ ლოცულობენ ჩვენი წინაპრები და მორწმუნენი დღესაც. ლოცულობენ, შესთხოვენ უფალს — საერთო მტერზე გამარჯვება ჯვრით მოაპოვებინოს და არა ცეცხლითა და მახვილით:

„ძლევა ჯვრითა ბარბაროზთა ზედა ღვთივ დაცულსა ერსა ჩვენსა მონაიჭე და საფარველსა ქვეშე მისსა დაიცევ...“

„ძლიერებაო ჯვარო, გაზისაო, დაგვიცევ და დაგვიფარე ჩვენ“...

„ჯვარსა შენსა თაყვანი გსცეთ მეუფეო, და წმინდასა აღდგომასა შენსა ვადიდებთ და ვუგალობთ“.

ჯვარი — ესაა ბრძოლა ჩვენს ადამიანურ ნებასთან და ვნებებთან, რომელნიც გვაუცხოებენ ღვთისაგან, ჯვარი — ესაა ბრძოლა ჩვენში ღვთაებრივი ნების გასაბატონებლად, იმ წმინდა ნებისა, რომე-

ლიც საღმრთო მცნებებში, წმინდა წერილში გვაქვს მოცემული (მხოლოდ ღვთის ნებისადმი სრულ მორჩილებაში შეიძლება მიადწიოს პიროვნებამ ჰუმარიტ თავისუფლებას).

გარდა ამისა, ვერტიკალური სხივი ჯვრისა გამოხატავს ადამიანის სულის სწრაფვას ზეცისაკენ, ღმერთისაკენ, მაგრამ ამ სწრაფვას ერწყმის, გადაეჯვარედინება მეორე, ჰორიზონტალური სხივი, რომელიც მოყვასისაკენ, ადამიანისაკენ სწრაფვასა და სიყვარულს აღნიშნავს საუკუნეთა მანძილზე. გავიმეორებ, ქრისტეს მორწმუნე ქართველები გამუდმებით ცდილობდნენ ღმერთის სიყვარული მოყვასის სიყვარულთან შეეხამებინათ და შეეერთებინათ. ისევე, როგორც ჩვენი მაცხოვრებელი ჯვარი წარმოდგენელია ერთმანეთზე გადაჯვარედინებული, ურთიერთგადამკვეთი ორი სხივის გარეშე, ასევე ღმერთისა და მოყვასის სიყვარული — ერთმანეთისაგან განუყოფლად, გაუთიშველად, ერთმანეთისაგან გამიჯნულად ქართველებსაც ვერ წარმოედგინათ. გავიხსენოთ უფლის შეგონება, რომლის თანახმად ღმერთის მოყვარულს მოყვასიც უნდა უყვარდეს (1 იოანე 4, 21). ქართველ ხალხს ისტორიულად აღებული ჰქონდა არა მარტო გარეგანი, არამედ შინაგანი ჯვარიც. ჯვრით ჰქონდა შემოსილი არა მარტო მკერდი, არამედ გულიც. ჩვენი ერის ისტორია — ესაა არსებითად ტანჯვის, გოლგოთისა და ჯვარცმის, ჯვრის შემეცნების საიდუმლოს ისტორია. თავისი ორიათასწლოვანი ქრისტიანული ცხოვრების განმავლობაში ქართველი ერი სწორედ ჯვარში — ამ „განსხეულებულ სიყვარულში“, ქრისტეში — ამ „ჯვარცმულ სიყვარულში“ ხედავდა საფუძველს ხსნისას და გადარჩენისას, და როგორც ვთქვით, ასეც ევედრებოდა უფალს: „ძლევა ჯვრითა ბარბაროზთა

ზედა ღვთივ დაცულსა ერისა ჩვენსა მო-
ანიჭე“...

ქართველ ერს საუკუნეთა მანძილზე
უარყოფილი ჰქონდა თავისი სული ქრის-
ტესათვის და ამიტომ შეძლო მისი მოპო-
ვება და შენარჩუნება.

დღეს საკუთარი სულის შენარჩუნებას
ცდილობს ქრისტეს გარეშე და ამიტომ კა-
რგავს მას. დღეს ქართველი ერი თანდათა-
ნობით იმოსება მოწამებრივი გვირგვინით
და ჯვრით, მაგრამ ეს ჯერ მხოლოდ გარე-
განი ჯვარია. ჩვენს ხალხს ჯერ ბოლომდე
არ აუღია შინაგანი ჯვარი. ის რწმენითა
და იმედით შესცქერის დღეს ჯვარს შორი-
დან და ინტუიტურად გრძნობს, რომ მახ-
ვილი და ფარი ხსნისა და გადარჩენისა
მასშია. მაგრამ თვით უფლის, ქრისტეს მო-
ციქულთა, წმინდა მამათა, წამებულთა და
ჩვენი მაღალღირსეული წინაპრების ცხო-
ვრება გვასწავლის არა მხოლოდ თავგანი-
სცემას, არამედ „ჯვარზე აღსვლას“: „და
ვინც არ აიღებს თავის ჯვარს და არ მომყ-
ვება, — მოგმართავს მაცხოვარი, — იგი არ
არის ჩემი ღირსი; თავისი სულის გამაფ-

რთხილებელი, დაკარგავს მას. ხოლო
თავის სულის დამკარგველი ჩემთვის, პო-
ვებს მას“ (მათ, 10, 38—39).

მწამს, ჩვენი ერი განსაცდელიდან და
ყველა უბედურებიდან უახლოეს მომავა-
ლში, უახლოეს წლებში გამარჯვებული
გამოვა. სხვადასხვა პარტიებში, დაჯგუ-
ფებებში, საზოგადოებებში, სექტებში და-
ქსაქსული, კვლავ ქრისტეში გაერთიან-
დება, სულიერ-სარწმუნოებრივად და ეკ-
ლესიურად აღორძინდება, ხსნისა და
ცხოვნების გზას დაადგება.

ეს გზა ერთადერთია:

„მე ვარ გზა და ჭეშმარიტება და ცხო-
ვრება“, — ამბობს უფალი იესო ქრისტე
(იოანე 14, 6).

ვისაც სხვა „გზა“, სხვა „ჭეშმარიტე-
ბა“ და სხვა „ცხოვრება“ სწამს, მას ღმე-
რთი არა სწამს, ხოლო ვინც ქრისტე ღმე-
რთთან არ არის, ის მისი მტერია, ე. ი.
ბოროტის მსახურია.

ქრისტე ღმერთი კი გვაფრთხილებს:
„ნეტარ არს, ვინც არ შემცდარა ჩემ-
ში“ (მათე, 11, 6).



ბიორგი კანკავა

„ოთარაანთ ძვრივი“,
„წყევალ-პრუფიანი საკითხავი“, ანუ საკუთარ
ისტორიასთან „ჩატახილი ხიდი“

დღევანდელი დღე „შეყენებული“ სტერეოტიპების გადასინჯვა-გამოცვლას მოითხოვს. გამონაკლისი არც ჩვენი ლიტერატურათმცოდნეობაა. მრავალი ლიტერატურული თვალსაზრისი, რომელიც შემდგომ ქართული ლიტერატურათმცოდნეობის ტრადიციული შეხედულებად იქცა, ცნობილი მიზეზების გამო თავიდანვე „მკედარი“ იყო და მათგან გათავისუფლება საშური საქმეა. „ოთარაანთ ქვრივზე“ ტრადიციული შეხედულება არსებობს, რომლის მიხედვით მოთხრობის მთავარი თემა სოციალური პრობლემატიკითაა შემოფარგლული. ამ წერილის მიზანია, უკუგაგლოთ ეს მცდარი მოსაზრება და ვაჩვენოთ, რომ მოთხრობა ძლიერი ეროვნული განზოგადების შემცველია და სოციალური პრობლემატიკა — წოდებათა შორის „ჩატახილი ხიდი“ ეროვნულ პრობლემატიკაშია „ჩაწერილი“.

ილია ჭავჭავაძის პროზას, კერძოდ, მის მოთხრობებს, ორი გამოკვეთილი გმირი ჰყავს — ქართული ენა და საქართველო. ლიტერატურა მისთვის ის „ადგილია“, სადაც მშობლიური ენა უკვდავყოფილი უნდა იქნეს, ხოლო საზოგადოებისათვის ლიტერატურამ მის ავ-კარგზე, მის ვინაობაზე თვალისამხელი „სარკის“ ფუნქცია უნდა შეასრულოს. ლიტერატურისადმი ამ უტილიტარისტული მიდგომის ერთი მთავარი მიზეზი ილიას თანადროული მძიმე, დრამატული ეროვნული ვითარებაა. მართლაც, „ოთარაანთ ქვრივში“ წამოჭრილ დრამატულ, „წყევალ — კრულვიანი საკითხავების“ სიღრმე და

სიმრავლე სქელტანიან რომანსაც კი ეყოფოდა, არათუ მოთხრობას. შემთხვევითი არ არის, რომ ამ მოთხრობა-რომანში კონფლიქტური ვითარების უკიდურესად მწვავედ ამსახველი ქანრის — ტრაგედიის ზნესრული გმირის დაღუპვა-განწმენდის სალიტერატურო სქემა გამოყენებული. ზნეობრივი საჭირბოროტო ვითარება გაკვრით, მაგრამ მკაფიოდ არის მოცემული: „კაცი კაცს ვეღარ ნდობია“ და სხვა... გმირის დაღუპვა-განწმენდის სქემა ორჯერ გვხვდება. განწმენდაც ორგვარი ხასიათისაა: ზნესრული გმირის, გიორგის დაღუპვით შეძრული, „თვალახელილი“ არჩილი მეცნიერული, სოციოლოგიური შინაარსის „ცრემლიან ცოდნას“ უქადაგებს კესოს (მკითხველს, საზოგადოებას), რამაც ეროვნული საჭირბოროტო ვითარება უნდა დაძლიოს და ერის „განთიადის დასაწყისი“ მოიყვანოს. ამგვარად, ეს ცოდნა განწმენდავი, რეალობის დრამატიზმის დამძლევი ხასიათისაა. თავში — „ეძახის“, ოთარაანთ ქვრივს, ამ „რკინის დედაკაცს“ ქრისტეშობის ღამით მისი უკანასკნელი გზის ბოლოში ღმერთი ელოდება; აქ განწმენდა რელიგიურ-სიმბოლურ ხასიათს ატარებს. მართლაც, გიორგი და ქრისტე ერთ დღეს არიან დაბადებული. გარდა ამისა, გიორგის დაღუპვა „სხვისთვის“ თვალის ამხელია და, ამდენად, სქემატურად იგი, ქრისტესავით, „მოყვასისათვის“ შეწირული ზვარაკია. ამიტომ შემთხვევითი აღარ გვგონია გიორგისა და ქრისტეს დაბადების დღის დამთხვევა. მოთხრობაში მათი სქემატური გაიგივება

ხდება. ამგვარად ვგებულობთ, რომ ოთხრანთ ქერვის ღმერთი უხმობს თავისთან.

გადავიდეთ მოთხრობის ძირითადი თემატიკის განხილვაზე, რომელიც, ჩვენი აზრით, ეროვნულ პრობლემატიკასა და თემატიკას მოიცავს. „ოთხრანთ ქერვის“ მთავარ თემას განვმარტავ, როგორც ერის საკუთარი ისტორიისაგან გაუცხოების ან, სხვანაირად, საკუთარ ისტორიასთან „ჩატეხილ ხიდს“. „ჩატეხილი ხიდი“ დროითი (ისტორიული) ჭრის მქონე პრობლემის (ოდეხლაც ხიდი არ იყო ჩატეხილი, ამჟამად ჩატეხილია, იგი უნდა გამოთელდეს) „დამტევი“ სიმბოლოა და მთლიანად შეესაბამება იმ ეროვნული პრობლემატიკის თავისებურებებს, რომელიც ზემოთ სიტყვათშეთანხმებაში ჩამოვყავალიბეთ.

ამ სიტყვათშეთანხმების შინაარსის დასაზუსტებლად ხელსაყრელობისთვის გამოვიყენებთ ნ.ნათაძის ნაშრომის „ერი და ეროვნული კულტურა“ იმ ნაწილს, რომელიც ერის და მის მიერ შექმნილი ეროვნული კულტურის უმთავრეს მიმართებებს იკვლევს და განმარტავს. ჩვენი ამოცანისათვის საკმარი იქნება ამ განმარტებათა ზოგადი სქემითა და სულისკვეთებით შემოფარგვლა.

აღნიშნული მიმართების არსი და ხასიათი გამომდინარეობს ერის უმთავრესი მოთხოვნილებიდან — იყოს მარად ერთად, რასაც იგი ახორციელებს ეროვნული კულტურის შექმნა — ქონის მეშვეობით. შეიძლება ითქვას, რომ ერი (და მაშ, მისი შემადგენელი წევრები) არსებობს მის მიერ შექმნილ ეროვნულ კულტურაში (ცხოვრების წესი, ტრადიციები, ესთეტიკური საგნები...) როგორც „საკუთარ“ სახლში. ერის უმთავრესი მოთხოვნილების სპეციფიკიდან გამომდინარე ეროვნულ კულტურას ორგვარი ფუნქცია გააჩნია; ერთი, როგორც „მისაბამი“ რაიმე, რაც ერის არსებობას უზრუნველყოფს

(ცხოვრების წესის განხორციელების გამოყენების გზით), ხოლო მეორე „ემსახურება“ ერის სწორედ ამ ვერად ყოფნის მოთხოვნილებას, იმ ნათელი ვითარებიდან გამომდინარე, რომ ეროვნული კულტურა სწორედ ამ ერის კულტურაა, როგორც მისი შემქმნელის და არა სხვისა და ამ მიმართებაში მას სიმბოლური ფუნქცია გააჩნია. ორივე მოთხოვნილება ერისა და მაშ, ეროვნული კულტურის შესაბამისი ფუნქციებიც ძირეულია, მაგრამ მეორე უპირატესია, როგორც ერის უმთავრეს მოთხოვნილებასთან მიმართებაში (და ზოგადადაც) პირველისთვის სახის, ფორმის მიმცემი, აძლენად, უფრო მაღალი რანგისა). იგივე ითქმის შესაბამის ეროვნულ კულტურათა ფუნქციების შესახებ.

ამ ზოგად სქემასთან მიმართებაში ერის საკუთარი ისტორია გვემის, როგორც ერის მოთხოვნილებათა (არსებობის და ინდივიდუალობის) და ეროვნული კულტურის შესაბამის უმთავრეს ფუნქციათა დაუბრკოლებელი დაკმაყოფილების შესაბამისი ისტორიული ვითარება, ხოლო საკუთარი ისტორიისაგან გაუცხოება, „ჩატეხილი ხიდი“, შესაბამისად, როგორც მათი დაბრკოლება-შეფერხება. ერის მიერ რომელიმე მოთხოვნილების შეწყვეტა მისი, როგორც ერის ისტორიიდან გაქრობის, სიკვდილის ტოლფასი იქნებოდა.

ისტორიულად ჩვენში საკუთარ ისტორიასთან „ჩატეხილი ხიდის“ ვითარების დამკვიდრება გაცილებით ადრე დაიწყო. მისი მკაფიოდ ჩამოყალიბება რუსეთის იმპერიის მეორეხარისხოვან ნაწილად გადაქცევაზე მოვიდა. გარდა კაცობრიობის წინაშე საკუთარი (ეროვნული) სახისა და იქ ჩვენი წვლილის დაკარგვისა, ჩვენი ეროვნული თვითობის მოთხოვნილების შეფერხების მრავალი ფაქტია ცნობილი. ვნის დევნა, ერის წინამძღოლი ძალისთვის, გმირული და პატრიო-

ტული წარსულის მქონე ქართველი თავადაზნაურობისათვის ეროვნული სახის მოშლის, ეროვნული ნიადაგიდან მოშორების და საიმპერატორო ტანტის (რუსეთის) სამსახურში ჩაყენების პოლიტიკა (მაგ. ქართველი მეფის ოჯახის იძულებით რუსეთში გადასახლება), ეროვნული ეკონომიკური და პოლიტიკური (ნებადართული თვითმართველობანი) „სექტორის“, როგორც ეროვნულის „შევიწროება“ (სხვა ერების წარმომადგენელთა ხარჯზე მისი შეესებოდა). ამგვარად, კულმინაცია საკუთარ ისტორიასთან ჩატყნობილი ხიდისა ჩვენი, ერთ დროს ისტორიის შუაგულ პროცესებში აქტიური წილის მქონე ერის, თბილისის და ქუთაისის გუბერნიებად გადაქცევაზე მოდის. ამ მოვლენამ აქტიური ისტორია პასიურ ბიოგრაფიად გვიქცია. შედეგად, როგორც ყველაზე არსებითმა პრობლემამ, ეროვნულმა პრობლემამ ბუნებრივად მოახდინა მოსახლეობის დიფერენციაცია მისდამი დამოკიდებლობის ნიშნით; იმ ნაწილად, ვინც დაუპირისპირდა (სხვადასხვა სახით) ეროვნულ-საჭირობოროტო ვითარებას და იმათ, ვინც ეროვნულობის მოთხოვნილების რეალიზაციის შეფერხება უკრიტიკოდ, შეუსწორებლად მიიღო და პირადული მოტივაცია მასზე ააგო: მოსახლეობის ასეთ (ამ ნიშნით) დიფერენციაციას და მის აქტუალობას ჩვენი ისტორიაც გვიდასტურებს და ჩვენც კულტურის (ვიწროდ გაგებული კულტურის — მწერლობის, მუსიკის, ფერწერის...) ისტორიაც. ყველა ჩვენი სასახელო პირი, რომლის სახელის ხსენებაც საკმარისია, ეროვნული სულისკვეთების მატარებელია (ბარათაშვილი, ილია, აკაკი, ვაჟა, ივანე ჯავახიშვილი, გალაკტიონი...). საკუთარ ისტორიასთან „ჩატყნობილი ხიდის“ საზოგადო ვითარებასთან კულტურული დაპირისპირების, მისი თვისების

ერთი მაგალითი და შედეგი „მთარაანთ ქვრივიცაა.“ ამგვარად, ერის მთავარი მოთხოვნილების რეალიზაციის შეფერხების პირობებში ამ მოვლენისადმი დაპირისპირება ნებადართულის, შესაძლებლობის ფარგლებში ეროვნული კულტურის შექმნა-ქონების პირობაა, ხოლო მის შექმნა-მატარებლობას ეროვნული კულტურული ტიპი ახორციელებს.

ამ ვითარებათა დაფიქსირების შემდგომ, ჩამოუთვლით იმ ფსიქოლოგიურ (და, მაშ, საზოგადოების ზნობაზე გავლენის მქონე) შედეგებს, რაც ერის საკუთარ ისტორიასთან „ჩატყნობილი ხიდის“ მოვლენამ მოვეციანა.

ერის მთავარი, ერად ყოფნის მოთხოვნილების რეალიზაციის შეფერხებამ, კაცობრიობის წინაშე „სხვის“ ნაწილად და არა საკუთარი ეროვნული „სახით“ (პოლიტიკურად, ეკონომიკურად, სოციალურად,) წარდგენამ, ერს, როგორც ასეთს, უფუნქციობა „დამართა“. უფუნქციობის ფსიქოლოგიური შედეგი საკუთარი თავისადმი უპატივცემულობაა. თბილისისა და ქუთაისის გუბერნიებად (უბრალოდ ტერიტორიად, უბრალოდ — მოსახლეობად) ქცევამ ჩვენი ეროვნული თავმოყვარეობის გრძნობა შელახა, ეროვნული არასრულფასოვნების კომპლექსი ჩამოგვიყალიბა (კიდევ გავიმეორებთ: სხვა საქმეა, როგორ შეხვდა ამ „მუქარას“ მოსახლეობა — დაუპირისპირდა ამ მოვლენას, თუ მიიღო იგი, თავისი პირადულის მოტივაციად გაიზადა) — არასრულფასოვნების კომპლექსის ერთი შედეგი კი საკუთარი თავისადმი არაადექვატური დამოკიდებულების ქონაში მდგომარეობს. კერძოდ, საკუთარი კარგის, რეალური ეროვნული მიღწევების ვერშეფასება-დაფასებაში (და ასევე, როგორც პირდაპირი რეაქცია საკუთარი ეროვნული მეობის გადაჭარბებული შეფასების კომპლექსზე).

ყველა ჩამოთვლილი ფსიქოლოგიური შედეგი ჩვენი „საჭირბოროტო“ ეროვნული პრობლემატიკისა მოთხრობის თემატიკაში მკაფიოდაა ასახული.

ოთარაანთ ქვრივის ოჯახის თავგადასავალი ცენტრალურია მოთხრობაში. ქვრივის სახლ-კარის აღწერისას ჩვენ იმ დროზე მინიშნებას ვხვდებით, როცა ქართველებს არა ბიოგრაფია, არამედ საკუთარი ისტორია ჰქონდათ, რაც მტრის წინაშე თავად საკუთარ უსაფრთხოებაზე ზრუნვაშიც მდგომარეობს. „...კედლები ყველგან დაჩითულია სათოფეებითა. სჩანს შიშიანობის დროს ყოფილა აშენებული.“ „შიშიანობის დრო“ იმ „საკუთარი ისტორიის“ სახელია ჩვენი ისტორიული მხელბედიანობის შესაბამისად. მაგრამ ეს დრო წარსულს ჩაბარებულია. იარაღი (თავის შემადგენლობით საომარი — თოფი, ხმალი, დამბაჩა...), რომლითაც ადრე თავს იცავდნენ მტრისგან, ახლა კედელზე დაუკიდიათ, „სადიაცოდ“ დარჩენილა, რადგან მხმარებელი, პატრონი აღარ ჰყავს. მოთხრობაში არაფერია ნათქვამი ქვრივის ქმრის, თევდორეს დაღუპვის მიზეზების შესახებ, იქნებ საგანგებოდაც, მკითხველს თავად რომ გაეკეთებინა დასკვნები ამის თაობაზე. კედელზე დაკიდებულ თოფ-ხმლით, მათი პატრონი თავად რომ ისტუმრებდა მტერს, ამ ისტორიულ დროზე სხვა მინიშნებასაც ვხვდებით. ქართული ოჯახის შიდა მოწყობილობისათვის, ინტერიერისათვის დამახასიათებელი ტრადიციული ნივთები მოვლილია, დაწმენდილ-დაწკრივებულია. იგი ერთდროულად სახლის პატრონის ხასიათზე მიმნიშნებელი მეტაფორაა და ოჯახის ტრადიციულობის, ერის წარსულთან მჭიდრო კავშირის ქონაზეც მეტყველებს, ვინაიდან ეს ტრადიციული საგნები ძველია; სიძველე კი კულტურული წარსულის, ისტორიის განცდის მოუშორებელი ატრიბუტია —

აღწერაში ერთგან ძველ ქართულ მენტსაც ვხვდებით. მაგრამ სახლის შიდა მოწყობილობის შემადგენელი საგნები არა მხოლოდ ძველია, არამედ დაბერებულიცაა, განახლებას მოკლებულია. ოჯახს თევდორეს ხელი აკლია. თუმცა ქვრივი სახლ-კარს, მამულს თავად ჩინებულად უვლის. ეს მას „გამწარებულ წუთისოფლის“ ფასად უჯდება. ოთარაანთ ქვრივმა მთელი თავისი ცხოვრება ქმრის ანდერძის შესრულებას მონადმოა. ანდერძის ერთი ნაწილი იარაღის უზადოდ მოვლა-პატრონობასა და გიორგისათვის მისი დავაჟაკების ჟამს გადაცემაში მდგომარეობს. ოთარაანთ ქვრივისათვის ქმრის ხატი მუდამ კავშირშია იარაღთან, უძვირფასეს განძთან. როცა თვალცრემლიანი ქვრივი გარდაცვლილ ქმარს იხსენებს, პირდაპირ ჩანს, რომ ოთარაანთ ქვრივისათვის „გამწარებელი წუთისოფელი“ საზოგადო მოვლენა კი არ არის, არამედ ქვრივობის, „ცალუღლობის“, „ცალად დარჩენის“ კონკრეტული ვითარების გამოხატულებაა. ქმრის სიცოცხლეში იგი მისთვის „სიხარულიანი“ ყოფილა. თავად თევდორე, თუმცა ეპიზოდური პერსონაჟია, მოთხრობის სწორად გაგებისათვის ცენტრალურ პერსონაჟთა რიცხვს მიეკუთვნება, როგორც ოთარაანთ ქვრივის ოჯახის („სხვანიშანწყლიანი“ — ასე აფასებს ამ ოჯახს სოფელი) წევრი და, ამავე დროს, არა რიგითი წევრიც. თევდორე ოჯახის „დედაბოძია“, ანუ მისი საფუძველი, ქვაკუთხედი, საყრდენი; მისი არსებობისა და წინსვლის მომპოვებელი, ცხოვრებისათვის გემოს და აზრის მიმნიჭებელი. მასთან დაკავშირებულია იმ ფუნქციების შესრულება, რომელიც საზოგადოდ ეროვნული ცხოვრების წესს შეადგენს, მტრისგან თავდაცვა (საბრძოლო იარაღის პატრონია). ლხინში და ჭირში, შრომაში მოთავეობა და, მამ, ოჯახის



არსებობის მოსაპოვებლად წინსვლის მთავარ პირობად წარმოგვიდგება. მაგრამ თევდორეს საზრუნავი ოდენ ოჯახისათვის საარსებო პირობების მოპოვება როდია. მისი უძლიერესი სურვილი ოჯახის არსებობის არშეწყვეტაში, მისი მუდმივობის მოთხოვნაში იქნება. ამ მოთხოვნის რეალიზაციისათვის თევდორე ტოვებს მცირეწლოვან ვაჟიშვილს, მისთვის გადასაცემ იარაღს და ანდერძს, რომლის შესრულებამ (ოთარანთ ქვრივის ფუნქცია) ვაჟიშვილის მომავალი (ე.ი. ოჯახისა) უნდა უზრუნველყოს. ამდენად, თავად ოთარანთ ქვრივის ფუნქციის საფუძველი ქმრის ანდერძშია, მის აღსრულებაში. აქვე შევნიშნავთ, ეს სიუჟეტი ცნობილია მითოლოგიაში და ზღაპარშიც. მომაკვდავი ქმარი (მისი სიკვდილი, რაღაც გარეგან, ბოროტ ძალასთანა დაკავშირებული) ცოლს აბარებს იარაღს ან ანდერძს თავისი ჯერ მცირეწლოვანი ვაჟიშვილისთვის დავაუკაცების ჟამს გადასაცემად, რომელიც შემდგომ იარაღის (ან ანდერძის) მეშვეობით და პირადი გმირობის გამოჩენით ბედნიერ მომავალს მოიპოვებს (აქაც დედა იარაღის, ანდერძის შვილამდე მიმტანის ფუნქციაშია. იგი უკიდურეს გაჭირვებაში ზრდის შვილს). ამ მითოლოგიურ, ზღაპრულ თემას ძლიერი განზოგადება აქვს; საზოგადოდ, სიკეთის გამარჯვებისა და, კერძოდ, შეფერხებული, დროებით გამარცხებული (მამის სიკვდილი) სიკეთის საბოლოო გამარჯვების და, მამასადავად, განვითარების, ევოლუციის ერთიანი ხაზის (მამა, წინაპარი) ცნობიერება გააჩნია (გავიხსენოთ, ერთი „პუნქტი“ თევდორეს ანდერძისა ასეთია, „მკვდარს მიპატრონე“ — ანუ წარსულის, წინაპრების ხსოვნის მომთხოვნია).

ნათქვამი კონკრეტულად ერთი ოჯახის ისტორიას რომ შეეხებოდეს, ესოდენ მნიშვნელოვანი არ იქნებოდა ჩვენთვის.

მაგრამ იგი ძლიერი ეროვნული განვითარების შემცველია. თევდორე ჩვენი ეროვნულობის „დედაბოძია“. იგი ერის საარსებო პირობების მოპოვებელიცაა და ერის უმთავრესი მოთხოვნილების — „აწ და მარადის“ იყოს ერად — მოთხოვნის განმასახიერებელიც. ამ თვალსაზრისით იგი ეროვნული შემოქმედებითი საწყისის განმასახიერებელი პერსონაჟია. მის ამ ფუნქციაში გასაგები ხდება თევდორეს არდასახელებული დაღუპვის მიზეზიც. იგი ჩვენს ისტორიული უბედობით გამოწვეულ უფუნქციობაშია და ამავე დროს ამის უბრალო კონსტანტაცია-საც წარმოადგენს. ისტორიული მიზეზებით, ჩვენი ერის უფუნქციოდ დარჩენის პირობებში, უფუნქციოდ „ზედმეტი“ ხდება თევდორეც, როგორც ამ უმთავრესი მოთხოვნის განმასახიერებელი პერსონაჟი, მაგრამ როგორც ეროვნული შემოქმედებითი საწყისი, მისი „სიკვდილი“, ამ სიტყვის ნამდვილი მნიშვნელობით, ერის სიკვდილის, უმომავლობის, „უგანთიალობის“ ტოლფასი იქნებოდა, რაც ფაქტურადაც შეუსაბამო რამაა.

ამგვარად, თევდორეს „სიკვდილი“ პირობითია, სიმბოლურია; იგი „გარდასახება“, „რჩება“ თავის ანდერძში და მცირეწლოვან ვაჟიშვილში, რომელმაც დავაუკაცების შემდგომ მამის ფუნქცია უნდა იკისროს. მამრული საწყისი მითოლოგიაში შემოქმედი საწყისის იგივე რია. ასევე, მითოლოგიაში ცნობილია ამგვარი გარდასახვის, „მეტამორფოზის“ შემცველი სქემები (აღონისი, ისირისი, ფენიქსი...), რომელთა შინაარსი მუდმივ დაღუპვა — განახლებაში მდგომარეობს. ამასთან დაკავშირებით შემოდის ოთარანთ ქვრივის ფუნქციაც, როგორც „გამწარებული წუთისოფლის“ ჟამს ქმრის იარაღის შემნახავის, მისი ანდერძის აღსრულებლისა, მან, „ცალად დარჩენილმა“, შეილი უნდა დაავაუკაცოს („არ გაა-

ღარბოს, არ დააჩაგვრინოს“) და მამის იარაღი (აგრეთვე — ზნეობრივი შეგვრძნება“...თავის მარჯვენით კაცობდესო) გადასცეს, როგორც თვითობის სიმბოლო: მისი ფუნქციაა ხსენებულ მითოლოგიურ სქემაში, ქალის (დედის და ცოლის), მღერის ფუნქციას ემთხვევა: როგორც მამრის (შემოქმედებითი საწყისის) შექმნილის შემნახავი და ძნელბედობაში გაჟამდე (ასევე მამრამდე) მამის შემოქმედების, ქმნის გამგრძელებლამდე მიმტანი. აქედან ჩანს, რომ „გამწარებული წუთისოფლის“ მოტივი ეროვნული პრობლემატიკის სიბრტყეში ძვეს, იგი საკუთარ ისტორიასთან „ჩატყხილი ხიდის“ ვითარებას გამოხატავს. პერსონაჟების ფუნქციათა ამგვარ განაწილებაში იკვეთება გიორგის ფუნქციაც. იგი ერის მომავალია. მაგრამ მოთხრობაში მისი ფუნქცია გაცილებით ფართოა. თევდორე, როგორც ერის მთავარი მოთხოვნის მატარებელი, მისი საარსებო პირობების მომპოვებელი, ეროვნული შემოქმედებითი საწყისის განმასახიერებელი, ეროვნული კულტურული ტიპია. ამ ტიპის რაკვარობა გიორგის სახესთანაა დაკავშირებული, რაზეც მოგვიანებით ვისაუბრებთ.

უფუნქციობის ისტორიის მიერ შეყრილი „სენის“ სიმპტომები მთელი მოთხრობის განმავლობაში გვხვდება, როგორც „გამწარებული წუთისოფელი“, „ცალად დარჩენა“, „ცალყურა“, „ცალთვალა“, „ნახევარკაც“, „მკვდარი გული“ და სხვა. მისი მკვეთრი, უფუნქციობასთან დაკავშირებული ემოციური თვითგანცდის გამომსახველი ფორმულირება თავად არჩილს ეკუთვნის“...მე ჩემი თავი მძაგს და მეზიზღება. არა, ნახევარ კაცად, ნახევარ გულით ცხოვრება სიკვდილია, კვდომაა...„უფუნქციობის თემა ყველაზე მჭიდროდ თავად არჩილთან არის დაკავშირებული. ეს არცაა გასაკვირი. ერის უფუნქციობა პირველ რიგში მის გამძ-

ლოლ, ქართველი მეფისა და მამულის სამსახურში გმირული წარსულის მქონე თავადაზნაურობას შეეხო. მეფის რუსეთმა, ასევე, მის გამძლოლ ძალად ყოფნის გამო, პირველი დარტყმა ქართულ, ეროვნულ თავადაზნაურობას მიადევნა. სწორედ ამიტომ უფუნქციობის სენი ყველაზე ძლიერად ამ წოდებას შეეხო, რაც ასახულია კიდევ მოთხრობაში.

თავადი არჩილი თავისი წოდების ის შვილია, რომელიც ფუნქციის აღდგენას ლამობს: იგი, ბუნებრივად, წინაპართა წესის მიხედვით, პატრიოტულ პოზიციებზე დგას. მისი ახალი „იარაღი“ ცოდნა და ინტელექტუალური ძალისხმევაა. არჩილი გიორგისთან ერთად წყვილს ქმნის მომავალთან მიმართებაში (და არა მართლ მომავალთან, მათ სხვა საერთო საფუძველიც გააჩნიათ, რაზეც შემდგომ ვიტყვი). გიორგი მომავალია, მაგრამ ამ მომავალს, „განთიადის დასაწყისს“ არჩილი „ქადაგებს“.

ერთი შედეგი უფუნქციობისა, როგორც ვთქვით, საკუთარი კარგის ვერ შეფასება-დაფასებაში მდგომარეობს.

გიორგის სიკვდილით შემძრული არჩილი მოთხრობის ორ თავში („ჩატყხილი ხიდი“ და „დასაწყისი განთიადისა“) წოდებათა შორის საჭირობოროტო „ჩატყხილი ხიდის“ პრობლემას დასვამს და მისი „გამთელების“ გზასაც დასახავს, რამაც ერისთვის „განთიადის დასაწყისი“ უნდა მოიტანოს. საგულისხმოა, სოციალურია „ჩატყხილი ხიდის“ პრობლემის დაყენება — აღწერა, თავში „ჩატყხილი ხიდი“ ზემოთ დასახელებულ, ეროვნული უფუნქციობის სიმპტომების

ამსახველ ტერმინოლოგიაშია მოცემული — ცალყურა, ცალთვალა, ნახევარკაცი, ნახევარგული. ამასთან კავშირშია არჩილის თვითგანცდის ემოციური შეფასება — „მე ჩემი თავი მძაგს და მეზიზღება...“ აქ საინტერესოა ერთი რამის

აღნიშვნა: ოთარანთ ქერივს, როგორც ძლიერი ეროვნული განზოგადების მატარებელ პერსონაჟს (თევდორეს, გიორგის, საერთოდ, „სხვანიშანწყლიან“ ოთარანთ ქერივის ოჯახის დარად), რომელიც კავშირშია უდრემეს ეროვნულ შრეებთან, არ შეუძლია „საკუთარი თავი სძაგდეს“, ვინაიდან ამ შრეების შესაბამისი მოთხოვნილებაა, რომ მარად იყოს, იარსებოს. სხვა საქმეა არჩილი. იგი კონკრეტული წოდების შვილია, ამდენად, ისტორიულ განზომილებაში არსებობს და, მაშასადამე, შეუძლია „სძაგდეს“ საკუთარი თავი. არჩილს ერთი ფსიქოლოგიური, ემოციური განზომილებით მეტი გააჩნია ოთარანთ ქერივზე.

ასე ნიშანდობლივია, რომ ამ თავის ფონს, პათოსს კარგის კერძანახვის მოვლენა შეადგენს. თავად „ჩატეხილი ხიდის“, თავის მთავარი თემის წამოჭრის საბაბი კესოს „აპილპილებაა.“ იმის გამო, რომ გლეხობამ ადექვატურად ვერ შეაფასა და — ძმის „კარგი“ — სიკეთე, სურვილებისა და განზრახვის სიღალღმართლუ. „კარგის მქნელი — იმათია თუ ჩვენი, — ან სულელი გვეგონია, ან მატყუარა“, — ასე აფასებს „ჩატეხილი ხიდის“ ვითარების დრამატულ შინაარსს არჩილი.

თავის „დასაწყისი განთიადისა“ ერთი მთავარი შინაარსი „სხვის“, „სხვა წოდების, ქვეითკარის კედელს“ მიღმა არსებული „კარგის“ შეფასების უუნარობის კრიტიკაა; ხოლო „ცრემლიანი ცოდნის“ მთავარი მოწოდება „სხვისი“ კარგის „საკუთარ“ კარგად აღიარებაში მდგომარეობს. „ცრემლიანი ცოდნა“ ეროვნული ცნობიერების მქონეა და მის ამ მიმართებაშია ერის „განთიადის დასაწყისი.“ ამგვარად, არჩილი ეროვნული ცნობიერების მქონეა. მისთვის სხვაა წოდება, მისი „კარგი“ იგივე საკუთარი (ეროვნული) „კარგია“. ის რაც წოდებრივ სიბრტყეში „სხვაა“, ეროვნულ მასშტაბში „ჩვენია“, „საკუთარია“.

„ის ჩემგან მოკვეთილი ნახევარია“ ასე უყურებს და აფასებს იგი გლეხობას („მოკვეთილი“ — ვითარების ისტორიულობაზე, დროით მოტანილობაზე, ეროვნულ საჭირობოროტოზე მინიშნებაცაა).

ეს ფრაზა ერთი მაგალითია არჩილის ეროვნული ცნობიერების მქონეობისა. საკუთარი „ცოდნიანი ცრემლი“, გიორგის დაღუპვით დაძრული, ეროვნული ცნობიერების ცრემლია და არა წოდებრივისა. არჩილი ცოდნის, ინტელექტუალური უნარის, ეროვნული ცნობიერების მქონე პირია — ქართველი ინტელიგენცია. ეს ქართულ ლიტერატურაში ყველაზე ადრეული ცდაა ქართველი ინტელიგენტის შემოყვანისა (მის წინაპრად შეგვიძლია „დავითიანის“ მთავარი გმირი დავასახელოთ). არჩილი, გიორგის დარად, ქართული კულტურული ტიპის ღვიძლი შვილია.

მიუხედავად ყველაფერ ზემოთ თქმულისა, როგორც ვიცით, გიორგი იღუპება. იღუპება ეროვნული ცნობიერების გაუმართაობის, საკუთარი კარგის მიმართ არაადექვატური დამოკიდებულების გამო. ესაა მოთხოვრებაში მომხდარი ტრაგედიის მიზეზი, რაზეც არჩილი პირდაპირ ლაპარაკობს:

„გიორგი წიგნია მეთქი, მთელი წიგნი ცხოვრებისა, სულ სხვა ასოებით დაბეჭდილი. წინ გადაგვეშალა ეს წიგნი და კერ წავიკითხეთ.“

ამ მწარე, მაგრამ საკუთარი ნაკლის პირდაპირ შემყურე რეფლექსიას თან ერთვის დაგვიანებული ეპითეტები გიორგის მისამართით: „ხატი ღირსებისა,“ „მშვენიერი სული“...

ამის მიზეზი ისტორიული საჭირობოროტო ვითარებაა. ამ საჭირობოროტებაზე მინიშნებას ვითარების დამასურათებელი სიმბოლო — მეტაფორების ხმარების თავისებურებებში ვხვდებით: „ჩატეხილი ხიდი“ (ადრე მთელი იყო), „მოკვეთილი

ნახევარი“ (ადრე მთელი იყო), „შუაზედ გაპობილი წუთისოფლის უღელი“ (ადრე მთლიანი იყო), „გამწარებული წუთისოფელი“ (ადრე, „სიხარულიანი“ იყო) და სხვა. ამგვარად, ზედპირული თვალის შეკვებით, სიუჟეტურად თითქოს ერთმანეთისგან (მაგალითად, ზოგი ოთარაანთ ქვრივის ცხოვრების დასახასიათებლად იხმარება, ზოგი სოციალურ წოდებათა გაუცხოების ვითარებას აღწერს, ზოგი არჩილის თვითგანცდას) სხვადასხვა სიბრტყეში მდგომი ვითარებები ერთ, ეროვნულ საჭირბოროტო საკუთარ ისტორიასთან „ჩატყეხილი ხიდის“ პრობლემატიკაში ერთიანდება.

არჩილის მიერ გიორგის, როგორც ეროვნული კულტურული ტიპის „ვერწაკითხვა“ (უფრო სწორად, საჭირო მკაფიობით „დაგვიანებული“ წაკითხვა), საკუთარი კარგის ვერდანახვა — ცნობა, როგორც მოთხრობაში აღწერილი, ისე შემდგომ მოვლენებში გათამაშებული ჩვენი ისტორიის დრამის, ტრაგედიის ერთი მთავარი „შიდა“, სუბიექტური მიზეზია.

ვიდრე მოთხრობაში გიორგის სახესთან დაკავშირებულ, ეროვნული კულტურული ტიპის რაგვარობის გარკვევას შევუდგებოდეთ, გამოვიტანოთ ზემოთქმულიდან ერთი მეტად მნიშვნელოვანი (როგორც მოთხრობის, ისე ჩვენი ისტორიის შესაბამისი ხანის გაგებისათვის) დასკვნა: სოციალური უღერადობის მქონე საჭირბოროტო წოდებათა შორის გაუცხოების პრობლემა მთლიანად, უნაშთოდ „იწერება“ ეროვნულ პრობლემატიკაში და სოციალური საკითხისათვის, როგორც ასეთისათვის, ადგილი არ რჩება.

ამის შესახებ ნათლად მეტყველებს სოციალური საკითხის შინაარსისა და ისტორიის და ჩვენი ერის ქონებრივი და უფლებრივი მდგომარეობის ერთმანეთთან ერთი თვალის გადავლებით შეჯერება. სოციალურ საკითხთან დაკავშირებული პრობლემა ერის მიერ დაგროვილი

(შექმნილი) სიმდიდრის (კომფორტის საგნების) განაწილებასა და მათით სარგებლობის უფლებასთანაა დაკავშირებული. იგი შესაბამისად (როგორც პრობლემა) ბუნებრივად წამოიჭრა ევროპაში, როგორც ამ სიმდიდრის მქონეში, და თან იმ დროს, როცა იგი იმდენი დაგროვდა, მართლა იყო გასაყოფი რაოდენობისა. როგორც საკითხი, იგი დაისვა XIX საუკუნის დასავლურ სოციოლოგიურ ლიტერატურაში და მისი შინაარსი ერის, საზოგადოების წოდებებისა და კლასების ქონებრივი და უფლებრივი ინტერესების ჰარმონიზაციაში მდგომარეობდა. ამგვარად (მეტ-ნაკლები ეფექტიანობით) გადაწყვიტა კიდეც იგი ევროპული კაცობრიობის ნაწილმა, რისი სასიკეთო შედეგი მისთვის სახეზეა (და ჩვენთვისაც, როგორც ამის მოწმეების).

ზემოთ თქმულის გათვალისწინებით ცხადი უნდა იყოს, რომ ჩვენი (ტიფლისისა და ქუთაისის გუბარნიებისათვის) გადატაკებული და უუფლებო სინამდვილისათვის სოციალური საკითხი და მისი შესაბამისი პრობლემა თავის ბუნებით უცხო იყო და მას ჩვენში არსებობის საფუძველი არ ჰქონია; ხოლო ცალკეული მებატონის თუ მემამულის სიხარბე თუ პათოლოგიური მიდრეკილებანი სოციალური საკითხის, როგორც ასეთის, ჩვენში აღიარების საბუთად ვერ გამოდგება. ჩვენში იდგა ერთი, ეროვნული საჭირბოროტო პრობლემატიკა, რომელიც ჩვენ უნდა გადაგვეჭრა და საკუთარი მომავლისათვის გვეზრუნა (ვინაიდან აწმყო ამ პრობლემატიკის გამოისობით „გამწარებულ წუთისოფლად“ გვექცა).

თუკი ჩვენში ატყდა დავა-კამათი გამოვონილი სოციალური საკითხის გამო, მავანთა აგიტაცია-პროპაგანდის მეშვეობით და მოსახლეობის ნაწილის დარაზმვაც მოახერხეს მის გარშემო, ეს ეროვნული ცნობიერების არქონისთვის, ერო-

ენულ-განმათავისუფლებელი მოძრაობის ჩაშლისთვის ანუ „ჩატეხილი ხიდის“ ვერგამართლებისთვის გამიზნული (მაშასადამე, „განთიადის დასაწყისი“ არ უნდა მოჰყოლოდა) მტრის დაგეგმილი „ეროვნული პოლიტიკის“ განხორციელება იყო, რაშიც ქართული წარმომობის პირებიც იღებდნენ აქტიურ მონაწილეობას კარიერული, პირადული მიზნებიდან გამომდინარე.

ეს ძალები ჩვენში ატეხილ აგიტპროპაგანდაში გამოგონილ სოციალურ საკითხს მარქსის ისტმატის მიხედვით სვამდნენ. ჩვენთვის, პირველ რიგში, საქმის არსი ის არის, რომ არარსებულის „გინდათ თუ არა“ არსებულობაზე გვიკიჟინებდნენ, მაგრამ სასოგადოდ ისტმატს ერთი დამახასიათებელი თავისებურებაც აქვს, რის გამოც იგი სოციალური საკითხის მოსაგვარებლად თავისი დაბადების ადგილზეც კი არ გამოყენებულა. ისტმატში ყირაზე დაყენებულია, ფალსიფიცირებულია რეალობა; კერძოდ, ყოველგვარი ლოგიკის დარღვევით, სოციალური საკითხი პირდაპირ წაბმულია ეროვნულზე; იგი სოციალური საკითხის საბოლოო გადაჭრის შემდგომ ეროვნულის არააქტუალობის გამო უქმდება. ზემოთ ნათქვამიდან ცხადია, რომ სოციალური საკითხი პირდაპირ კავშირშია სახელმწიფო განაწილების სისტემასთან. ე.ი. პოლიტიკურ სისტემასთან, ანუ ერის ორგანიზაციასთან, მის „ხელ-ფეხთან“ და არა უშუალოდ ერის არსთან (ეროვნულთან მაგალითად, სიმდიდრე ისევ ეროვნულ სიმდიდრედ დარჩება, როგორც არ უნდა გადანაწილდეს იგი მოსახლეობაში). ამგვარად, სოციალური საკითხის ცნებას არავითარი პირდაპირი მიზეზ-შედეგობრივი კავშირი არ გააჩნია ერის ცნებასთან, ხოლო თუ კი ამ კავშირების შინაარს და სულისკვეთებას გავითვალისწინებთ, იგი რეალობის ყირაზე

დამყენებელ ფალსიფიკაციად უნდა ვიჩინოთ, მაგალითად, სოციალიზმის, პოლიტიკური სისტემის ეროვნულთან ანტაგონისტურად დაყენებას სხვაგან (სოციოლოგიურ ლიტერატურაში) არსად ვხვდებით. ეს მავნე თვისება შემდგომ მთელი ერების ისტორიამ დაადასტურა. ისტმატი სოციალური დინამიტი აღმოჩნდა. კერძოდ, იმ პირებისათვის (მათში ქართული წარმომობის პირებიც იყვნენ), ვისთვისაც იგი თავიდანვე პირადული მიზნებისათვის გამოსადეგი დემაგოგია იყო და სხვა არაფერი, იმათ იგი „შეერგო“, ხოლო ვინც ისტმატი მიიღო და დაიჯერა (სულ ერთია, რა ქვენა, სოციალურ ჰუმანიზმთან საერთოს არმქონე მისწრაფებები ამოძრავებდათ), იმას ამ „მოდერების“ ნამდვილი შინაარსის მიხედვით ყირაზე დაყენებული არსებობა, ეროვნული კატასტროფა ერგო წილად.

ჩვენში ძირითადი პრობლემატიკა ეროვნული იყო. ამიტომ შეთანხმებული აგიტაცია-პროპაგანდით ისტმატ-დინამიტის ფეხის მოკიდების მიზეზი მოსახლეობის ნაწილში, სწორედ ეროვნულ პრობლემატიკასთან კავშირში ვეძიოთ. კერძოდ, აქაური ისტმატის მოტრფიალენი მოსახლეობას მოუწოდებდნენ ეროვნულობისთვის ზურგის შექცევით პირდაპირ საკაცობრიო, („ინტერნაციონალურ“) პრობლემატიკაში ჩაბმულიყვნენ, თუნდაც ეს მსოფლიო პროლეტარიატის ინტერესებისათვის ბრძოლა ყოფილიყო. ამგვარად მოგვიწოდებდნენ „სხვა“ გვერჩია საკუთარი თავის, „ჩვენის“ ხარჯზე.

იმავედროულად და ამის საწინააღმდეგოდ, ილია და მისი თანამშრომლები მოსახლეობას მოუწოდებდნენ, რათა „საკუთარი თავისთვის“ მიგვეხედა და მოგვეარა, როგორც, მაგალითად, კაცობრიობის ეროვნულმა ნაწილმა მიხედა საკუთარ თავს მისთვის არცთუ ისე იოლ ისტორიულ ხანაში.

ამგვარად ჩვენ (ჩვენმა ნაწილმა) „სხვა“ ვამჯობინეთ „საკუთარ თავს“. ესაა სოციალური საკითხის ჩვენში დასმისა და გადაჭრის ნამდვილი ისტორია. მიზეზი კვლავ ჩვენს მიერ არჩეულ პრობლემათა და თემათა წრეში უნდა ვეძებოთ. ერთ მიზეზს ისტორიული საჭირობოროტო ვითარებით ჩვენში (ჩვენს ნაწილში) ფეხმოკიდებული ეროვნული არასრულფასოვნების კომპლექსში, ეროვნული მეობისადმი პატივისცემის დადაბლებაში ვხედავთ, რაც გადაება ჩვენს მიერ მეორე მიზეზად დასახელებულ ქართველის ეროვნული ხასიათისათვის მკვეთრად დამახასიათებელ უსაზღვრო ინდივიდუალობის მოთხოვნას, რაც ხშირად უსაფუძვლო ამბიციურობაში მქლავდება (მაგრამ არა ყოველთვის).

ამ ეროვნული არასრულფასოვნების კომპლექსისა და უსაზღვრო ამბიციის ნასკვი კარგად გაირჩევა ჩვენი ისტორიის დრამატულ მოვლენებში. ქართველებმა მართლაც მსოფლიოში პირველი (!) სოცდემოკრატიული რესპუბლიკა შექმნეს (გადაშენების პირას მისულმა ერმა!) საკუთარი თავის არსებობის კითხვის ქვეშ დაყენების ფასად. ამ რესპუბლიკის მკვიდრნი პარტიებად დაყოფილი მოსახლეობა აღმოჩნდა და არა ერთიანი ეროვნული სახის მქონე ერი. ეს ვითარება შესაბამისად აისახა მტრისთვის გაწეული წინააღმდეგობის უნარიანობაში (ლაპარაკი არა გვაქვს იმაზე, მტერი ნებისმიერ შემთხვევაში ყურით შეგვათრევდა თუ არა ბოლშევიკურ იმპერიაში, არამედ ჩვენ საკუთარ მიზეზებზე, ჩვენ საკუთარ სახეზე, თუ ჩვენ რა ვქენით?). ზოლო მაშინ დაწყებული ქართველთა ხერება დღესაც არ შეწყვეტილა. ტერიტორიების „ჩამოჭრის“ ინერცია დღესაც ძალაშია.

საზოგადო არმცნობი, უსაზღვრო პირადული მოთხოვნილებების მქონე ძალა ჩვენს ისტორიაში კარგადაა ცნობილი.

მისი ზეობა ჩვენში, როგორც წესი, „სამე“, მტრულ ძალასთან შეკერით ხორციელდებოდა და მოსახლეობისთვის, ქვეყნისთვის მუდამ უბედურების მომტანი იყო. ამ ძალის „ნაკვალევს“ ამკარად ვამჩნევთ ჩვენს უახლეს ისტორიაშიც. ზოგიერთი ქართველური წარმოშობის პირი იმპერიის მასშტაბში „მსხვილმასშტაბიან“ კარიერულ აღმასვლას ატარებდა, იმავდროულად „ჩვენ“ დაღმა მივექანებოდით (იმათ „წაშველებით“) ისტორიის ყველაზე მძიმე ფურცლებისაკენ. სხვადასხვა ჯურის აქაურ მედინამიტებს მუდამ მტრის ძებნასა და ჩვენს საღმე ყურით შეთრევაზე ეჭირათ თვალი, ვინაიდან მათ ნგრევის მეტი არაფერი შეუძლიათ და შექმნა, შემოქმედება მათ შესაძლებლობას სცილდება, რის გამოც ქვეყნის მართვაც მათი უნარების მიღმა დგას. ამიტომ მათ მუდამ ეშინოდათ „საკუთარ“ ხალხთან, მოსახლეობასთან პირისპირ დარჩენისა და მესამე ძალის ჯარისკენ აცეცებდნენ თვალებს. ასე იყო მუდამ, ამგვარად, ჩვენს ისტორიაში ახალი არაფერი მომხდარა, მაგრამ ამ ბნელ, ანტისოციალურ ძალას მუდამ წინ ედგა მისი მომთოკველი და გამანადგურებელი ქართული კულტურული ტიპი, რომლის სახელთანაა დაკავშირებული ჩვენი ყველა რეალური ეროვნული მიღწევა, მათ შორის სახელმწიფოებრიობის შექმნაც. ვიდრე ქართულ კულტურულ ტიპზე გავაგრძელებდეთ საუბარს, ზემოთ თქმულისთვის მცირე რეზიუმეს გაკეთება გვსურს. ჩვენი ბოლო ხნის ისტორიის (რომლის სიმბოლურ, პირობით ქვედა თარიღად ილიას მკვლელობის წელს ავიღებთ, ზოლო ზედა თარიღად, ასევე სიმბოლურად, რუსეთისგან ჩვენი დაპყრობისას) განმსაზღვრელ, მთავარ თავისებურებას შევაფასებდით ჩვენს მიერ გაკეთებული არჩევნიდან გამომდინარე — სამყაროში გვეარსება ეროვნულობის გა-

რეთ, არა ერთად, არამედ, უბრალოდ, ადამიანებად, ისტორიამ გვიჩვენა, რომ ამგვარი, ეროვნულობის მიღმა, უბრალო მოსახლეობად არსებობა ამ მოსახლეობისათვის უმძიმეს განსაცდელად, სპობად და თვითსპობად იქცევა.

დაკუბრუნდეთ გიორგის ფუნქციის პრობლემის საკითხს. როგორც ვთქვით, გიორგი ეროვნული კულტურული ტიპია და მისი ფუნქციის გარკვევასთან დაკავშირებულია ამ ტიპის რაგვარობის საკითხი. მოთხრობაში სოფელი ორჭოფულად აფასებს ოთარაანთ ქვრივის ოჯახს, მის წევრებს. („აქ სხვა ნიშანწყალია“, „გიჟია თუ რა?“, „მოუსვენარი“, „ახალი ცოცხი“). ამ „სხვანიშანწყალისის“ რაობას ყველაზე მკვეთრად გიორგი გამოხატავს. მის პირდაპირ დახასიათებას (ავტორისა და არჩილის პირით) რამდენიმე ადგილას ვხვდებით.

„ეს ხასიათი დასჩემდა გიორგის, დედასავეთ, — თავისი იყო, თუ სხვისა — თუ ცუდი რამ იყო, გამოეკიდებოდა“. იგი მოვლენებს შეფასებისას პირადულის საზომით (თავისი — სხვისა) არ უდგება, არამედ ზნეობრივით.

„...მაგისი ნამუსი ჭკუით კი არ არის ახილებული, გულით გამოკვებილია, გულით...“

„...მინამ ჭკუა იტყვის, ჭკუა ურჩევს, გულმა იცის, რა ჰქმნას...“

მაშ, გიორგისთვის ჭკუა პირადულის მოთხოვნილება („ჭკუა“) დაქვემდებარებულია ზნეობრივს; უფრო ზუსტად, პირადულის, ინდივიდუალურის მოთხოვნილება ზნეობრივის მოთხოვნილებას ემთხვევა და ამის გარდა სხვას არაფერს ცნობს. გიორგისათვის ეს თვისება ინდივიდუალური განსჯის, ნებით არჩევნის შედეგი როდია, არამედ ისეთივე ბუნებრივია, როგორც შიმშილის გრძნობა, „როგორც პური შიმშილი“¹, „როგორც სიგრილე სიცხე-ჰაჰანაქებაში“, ამგვარად

გიორგი რომ ასეთია, ეს, ასე ვთქვათ, მისი პირადი „დამსახურება“ როდია, მას არ შეუძლია იყოს სხვანაირი, ეს მისი უარსებითი თვისება ზნეობრივად უარსებითი კლასტია, რომელიც ერის ისტორიულ-კულტურულ პროცესში ჩამოყალიბდა; იგი ერის უმთავრესი საგანძურია, ერის კულტურული ტიპია, კერძოდ, იგი ქართული ზნეობრივი ტიპია. მისი ეს განსაკუთრებული ვითარება რამდენჯერმეა ხაზგასმული: „...ეს დიდი საქმეა-მეთქი, დიდი“, „...ეს დიდი ნიშანწყალია კაცობრიობისა...სწორედ დიდი ნიშანწყალია“. ქართული ზნეობრივი ტიპისათვის პირადული მოთხოვნილება საზოგადოს ემთხვევა. იგი უპირისპირდება, თოკავს და ანეიტრალებს უსაზღვრო პირადულის მოთხოვნილების მქონე ძალას და ერი ძლიერების, აყვავების გზაზე გაყავს. მტრის დარტყმაც სწორედ ქართულ ზნეობრივ ტიპზე მოდის, როგორც ერის „ჯიშის“ (სახის) და ძალის, აღორძინების უნარის მატარებელზე. გიორგი, როგორც ვიცით, ისევე ერის მომავალთან მჭიდრო დამოკიდებულებაში მყოფი პერსონაჟია. იგი მას ასახიერებს. იგი ეროვნული კულტურული ტიპია — ქართული ზნეობრივი ტიპი, რომელიც საკაცობრიო ისტორიულ-კულტურულ პროცესში ქართველ ერს „საკუთარ ისტორიას“ უქმნის. თვედორე საკუთრივ ამ ტიპს, მის მიერ შექმნილი ფასეულობების, ცხოვრების წესის, ტრადიციების (ეროვნული კულტურის) „საღაროა“ მომავლისათვის, შემდეგი თაობებისათვის; გიორგი, როგორც ვთქვით, მომავალთან მიმართებაში მდგარი ეროვნული კულტურული ტიპია და, ამდენად, ეროვნული შემოქმედების პოტენციაა; ასეთად მიგვაჩნია ამ პერსონაჟთა ფუნქციების განაწილება მოთხრობაში.

ახლა შევეხეთ გმირების წოდებათა მიკუთვნებულობას ნაწარმოებში. გიორ-



გი, საზოგადოდ, თევდორეს ოჯახი — ქართული კულტურული ტიპი — „ხალხურია“ პერსონაჟებია, „ხალხის შვილებია“. ეროვნული კულტურული ტიპი ილიას თავის უფრო აღრინდელ „კაცია-ადამიანში?“ აქვს მოხსენებული (შესავალში), როგორც ხალხის გენია, რომლის არსებითი თვისება „სხვისთვის“, მოცემულ კონტექსტში ეროვნულისთვის, საზოგადოსთვის გულშემატკივრობაა. ასეთივე „უხილავია“ (უსახელო) ოთარაანთ ქვრივიც. როგორ უნდა გავიგოთ, რომ ქართული კულტურული ტიპი „ხალხში“ მყოფია? რას ნიშნავს მისი „ხალხურობა“? არის თუ არა თავადი არჩილი, როგორც ეროვნული კულტურული ტიპის ღვიძლი შვილი, „ხალხის შვილი“? და თუ არა, რატომ? სიტყვა „ხალხს“ სიფრთხილით უნდა მივედგეთ, იმდენად ყურს გაგვეჩვივა წამდაუწუმი ხმარებით. მაგრამ უფრო „საშიში“ იყო ის ქირურგიული ოპერაცია, რომელიც მასზე მარქსისტ-ლენინისტმა მედინამიტე-აგიტატორებმა ჩაატარეს. რეალობის გამოცდილმა ფალსიფიკატორებმა იგი საოპერაციო მაგიდაზე მოკლეს. სიტყვა „ხალხი“, რომელიც თავის მნიშვნელობაში ეროვნული ნიშნის შემცველიცაა და, ამიტომ, სახის მქონე და, მაშასადამე, ღირებულებრივი სინამდვილის აღმნიშვნელიც, ყირაზე დააყენეს და შეცვალეს გაუფორმებელის, უსახურის და, შესაბამისად, არაღირებულებრივის შესატყვისი „მასით“, თანაც ამ „ოპერაციას“ ღირებულებრიობის ნიშანი დაასვეს — „ნაოპერაციევი“ „ხალხი-მასა“, „პროგრესისა“ და „ცივილიზაციის“ სათავეში „გაგზავნეს“. ამის გათვალისწინებით და ყოველგვარი ბინდუნდის თავიდან აცილებისათვის უნდა ითქვას, რომ თევდორეს ოჯახის „ხალხურობა“ ეროვნულის შინაარსით იხმარება. ილია სიტყვა „ხალხს“ ერის მნიშვნელობით ხმარობს. მაგრამ დასმულ პრო-

ბლემას დამატებითი ასპექტი აქვს. რომელიც დაკავშირებულია იმ აშკარა ფაქტთან, რომ ნაწარმოებში ეროვნულ-კულტურული ტიპი ყველაზე განზოგადებული სახით განსაზღვრულია — ისინი გლეხის წოდებისანი არიან და იმავედროულად ისიც, რომ სიტყვა „ხალხს“, გარდა ზემოთ აღნიშნული მნიშვნელობისა, ასევე გააჩნია დამატებითი მნიშვნელობაც, რომელიც გაუფორმებელი, დანაწევრებული სახის არამქონე რეალობასთან ასოციაციის აღმძვრელია. სათქმელი რომ უფრო გაათვალსაჩინოთ, გავისხენოთ, რომ იმავე სოფელში, სადაც თევდორეს ოჯახი ცხოვრობს სხვა ოჯახებიც არიან. ცხადია, თევდორეს ოჯახის თანასოფელენიც „ხალხია“. მაშ, რატომაა, რომ მათი დამოკიდებულება და შეფასება ამ ოჯახისა, მისი თითოეული წევრისა ასეთი ორჭოფული, უნდობლობისა და გაღიზიანების შემცველია? მათ არ ესმით ამ ოჯახის! „გიჟია, თუ რა?“ „გადარეული“, „მოუსვენარი“, „სხვა ნიშან-წყალი“... ამ და კიდევ მსგავსი ეპითეტებით მიჯნავენ თანასოფელენი საკუთარ თავს ამ ოჯახისგან. რა არსებითი განსხვავებაა ამ ოჯახსა და თანასოფელებს შორის? ისიც და ესენიც „ხალხია“, „ხალხს“ ეკუთვნიან, ეროვნული მიკუთვნებულობა ორივეს ერთი აქვს. მაშ, რაშია საქმე? საქმე იმაშია, რომ თევდორეს ოჯახი, როგორც ეროვნული კულტურული ტიპი, ქმნის, „სოფელი“ კი მოიხმარს. ამგვარად, „გამყოფი“ ხაზი თევდორეს ოჯახსა და „დანარჩენთა“ შორის ეროვნულ კულტურულ ტიპისადმი მიკუთვნებულობა-არმიკუთვნებულობაზე გადის, რაც ყველაზე არსებითი „სადემარკაციო ხაზია“ მოთხრობაში. ქართული ზნეობრივი ტიპი, როგორც ეროვნული შემოქმედებითი ტიპი, შემოქმედებითი პოტენციალს ერს საკუთარ ისტორიას აძლევს, მაგრამ ამით იგი საკუთარი სახესაც იქმნის



ერისა და ისტორიის წინაშე, ანუ იმ უმაღლეს კატეგორიათა წინაშე, რომლებიც ხელმისაწვდომია ადამიანური პრაქტიკისათვის. ასეთი ჩამოყალიბებული, საკუთარი სახე არ გააჩნია „სოფელს“, როგორც ნაკლებად შემოქმედებითი იგი ნაკლებ აქტიურია ისტორიის წინაშე და ამიტომ მას ნაკლებად დანაწევრებული ეროვნულის სახე აქვს, უფრო მეტიც, როგორც ერისთვის თავისი სახის მომპოვებელსა და შემქმნელს ისტორიულ პროცესში, ეროვნული კულტურული ტიპი ეროვნულ სახეს აძლევს „სოფელსაც“, რომელსაც ერის მიერ ისტორიის მოპოვების პროცესში უწველილობის გამო საკუთარი სახე არ გააჩნია და, მაშასადამე, შეესაბამება სიტყვა „ხალხის“ მეორე, ნაკლებად დანაწევრებულის აღმნიშვნელ მნიშვნელობას. მაგრამ რა კავშირი შეიძლება ჰქონდეს თევდორეს ოჯახს, როგორც ეროვნულ კულტურულ ტიპს, „ხალხის“ ამ მნიშვნელობასთან? ცხადია, მხოლოდ ერთ შემთხვევაში, როცა ეროვნული კულტურული ტიპი არარეალიზებულია, ანუ გაუფორმებელია, ანუ დანაწევრებული სახე არ გააჩნია; ასეთად კი იგი მხოლოდ ერის ჯერ არდამდგარი მომავლის წინაშე ჩნდება, როგორც ერის ჯერ არარეალიზებული კულტურული, შემოქმედებითი პოტენცია. ამგვარად, თევდორეს ოჯახის „ხალხურობა“ (გარდა იმგვარად გაგებულისა, როგორც ეროვნულისა) ერის ჯერ არდამდგარ მომავალთან მიმართებაში, ჯერ არარეალიზებულ პოტენციალ დგომის მნიშვნელობით უნდა გავიგოთ. სწორედ ამ კუთხით განვიხილოთ წოდებითა ურთიერთმიმართების საკითხი, რაც ზემოთ ნათქვამს მეტ ნათელს მოჰყვნს. მოყვანილი სქემის ფარგლებში ბუნებრივია, ეროვნულ-კულტურული ტიპის, როგორც ერისთვის საკუთარი ისტორიის მიმცემი ძალის ადგილზე წარმოვიდგინოთ ერის

წინამძღოლი წოდება, რომელსაც ხელმძღვანელი როლი აქვს ერისა და, მაშასადამე ისტორიის ასპარეზზეც. ამგვარად, ჩავთვალოთ გარკვეული სქემატური მიახლოებით, რომ „აწმყოსთან“ მიმართებაში ეროვნული კულტურული ტიპი რეალიზდება ხელმძღვანელ წოდებაში, ერის მიერ საკუთარი ისტორიის მოპოვების ისტორიულ-კულტურულ პროცესში. ამდენად, იგი ისტორიის წინაშე ეროვნულის ნიშნით დანაწევრებულ და, მაშასადამე, მაღალღირებულებრივ სახეს იძენს. ეს სახე ისტორიული აუცილებლობით ნაკარნახევია და ერთხელ და მუდამოდ მიღებული. როგორც ერისთვის, მისი ისტორიისათვის სახის მომპოვებელი და სახის მიმცემიც, იგი ეროვნულ სახეს აძლევს „დანარჩენ“ მოსახლეობასაც, ანუ სხვა წოდებებს, რომლებსაც აღნიშნულ პროცესში ესოდენ აქტიური, განმსაზღვრელი წილი არ უძევთ, რის გამოც თავადაც ნაკლებად დიფერენცირებული ეროვნული სახე აქვთ. ერის ისტორიულ პროცესში წოდებათა ამდაგვარ ურთიერთმიმართებათა ხასიათის გამო „დაბალი“ (ეროვნული ნიშნით ნაკლებდანაწევრებული სახის მქონე) წოდება ეროვნულ-კულტურული ტიპის პოტენციურად, ანუ გაუფორმებლად, დაუნაწევრებლად მატარებელი ხდება. ამგვარად, მის მიერ ეროვნული კულტურული ტიპის მატარებლობა მომავალთან მიმართებაში დგება და კულტურული „ბედულის“ ფუნქცია აკისრია ერის წინაშე, განსხვავებით წინამძღოლი წოდებისაგან, რომელიც უკვე „დღეს“ რეალიზებულია. ამგვარად, თუმცა ორივე წოდება ყველა თვალსაზრისით განსხვავებულ მდგომარეობაშია, ერის წინაშე მათ ურთიერთშემავსებელი ფუნქცია აქვთ.

ასეთნაირად, „ხალხი“ თავისი ღირებულებრივი გაგებით (განსხვავებით „ნაოპერაციები „ხალხი-მასისაგან“) ერ-

თი მნიშვნელობით იხმარება — „ერის“ შინაარსით, ხოლო მისი მეორე მნიშვნელობა გულისხმობს ერის კულტურულ პოტენციას მომავალთან მიმართებაში. სიტყვის ამ ორივე მნიშვნელობის გათვალისწინებით უნდა გვესმოდეს თვედორეს ოჯახის „ხალხურობა“, როგორც ეროვნული კულტურული ტიპისა და მომავლის წინაშე, მასთან მიმართებაში მდგარი ეროვნული კულტურული, შემოქმედებითი პოტენციისა. ეს უკანასკნელი ფუნქცია ყველაზე მკაფიოდ გიორგის სახესთანაა დაკავშირებული. იგი თავად მომავალია, მაგრამ დანაწევრებული ეროვნული ცნობიერება არ გააჩნია.

სხვაგვარი ვითარებაა არჩილთან მიმართებაში. იგი იმ წოდების შვილია, რომელმაც ერთხელ და სამუდამოდ მოაოვა სახე. ამ წოდების დრამა თავად ისტორიის ავანსცენაზე გამოსვლაში მდგომარეობს, რადგან ამ დროს მაღალღირებულებრივ სახესთან ერთად იგი იძენს ისტორიულობის თვისებასაც. ცნობილია, ორჯერ ისტორიის ავანსცენაზე გამოსვლა არ ხერხდება. როგორც დანაწევრებული ეროვნული სახის მქონე, არჩილი მართლაც არ არის „ხალხის შვილი“, ამ სიტყვის გაუფორმებელთან დაკავშირებული მნიშვნელობით, მაგრამ იგი ერის შვილია, თან არა რიგითი, არამედ სასარგებლო; იგი ერთადერთია მოთხრობაში, ვისაც აქვს ჩამოყალიბებული ეროვნული ცნობიერება („ცოდნინი ცრემლი“). ისტორიული აუცილებლობით უფუნქციოდ დარჩენილი თავადაზნაურთა წარმომადგენლები წოდების პატრიოტული ტრადიციით ბუნებრივად იკავებენ ადგილს ეროვნულ მუშაკობაში და, თუკი ილიას ხანაში თვალმისაცემია მათი სიმრავლე ეროვნულ საქმიანობაში, ეს პირველ რიგში ამ მიზეზით ხდება და არა განათლების ადვილი ხელმისაწვდომობის გამო.

დაყენებულ პრობლემასთან დაკავშირებით გვსურს კიდევ ერთ საკითხს შევხვით, რომელიც არ არის ზემოთ თქმუ-

ლთან პირდაპირ მიმართებაში. თხოვდარჩილის „ხალხის შვილად“ განათვლად არამართო გაუმართლებელია, არამედ რაღაცნაირად ყურსაც ეხამუშება. ეს კი უკვე იმ „ღირებულებათა“ ხანგრძლივი აგიტაციის შედეგია, ყირაზემავალ იდეოლოგიას რომ ელანდება. ამ შემთხვევაში მუშაობს ნაოპერაციები „ხალხი-მასას“ მნიშვნელობა, სადაც გაუფორმებელი, არაღირებულებრივი ღირებულებრივის სტატუსითაა აღჭურვილი, უფრო სწორად, ამ მნიშვნელობასთან დაკავშირებული „კლასობრივი ცნობიერება“, რომელიც უბრალოდ სახის მქონეზე, გაფორმებულზე, „გამოჩენილზე“ მოსპობის მარტივი ანტიკულტურული რეაქციაა და სხვა არაფერი.

„ჩატეხილი ხიდი“ გამთელების მნიშვნელობა შემდეგნაირად გვესახება. გიორგი დანაწევრებული ეროვნული ცნობიერების არმქონეა (მხოლოდ პოტენციურად, გაუფორმებლად მქონე და ამიტომ მისი ქონის შემძლები). მომავალი, „განთიადის დასაწყისი“ რომ მოიყვანოს, მან იგი უნდა შეიძინოს. ამიტომ, მასსა, როგორც გლეხის წოდების წარმომადგენელსა და არჩილის წოდებას შორის „ჩატეხილი ხიდი“ უნდა აღდგეს. იგი არჩილთან უნდა დადგეს, სხვაგვარად მომავალი არ დაიწყება. ამგვარად გამთელებული „ჩატეხილი ხიდი“ ერის მიერ მომავლის „შემენისათვის“ ერთიანი ეროვნული ცნობიერების შემენის აუცილებლობაზე მიუთითებს. გიორგი რომ გლეხის წოდებისაა, ეს იმას ნიშნავს, რომ ამ წოდებაში იგი პოტენციის სახითაა და მომავალთან მიმართებაში დგას. სამაგიეროდ, მას „აწმყოში“ დანაწევრებული ეროვნული ცნობიერება არ აქვს. ეს არსებითი მხარე ეროვნული კულტურული ტიპისა წინ მოდის ერის უფუნქციო (უაწმყო) „გამწარებული წუთისოფლის“ ვითარებაში, როგორც აღწერილია „ოთარანთ ქვრივში“ და რასაც

ჩვენ საკუთარ ისტორიასთან გაუცხოება ეუწოდეთ. ამგვარად, მომავალთან მიმართებაში ეროვნული კულტურული ტიპი „ხალხშია“, როგორც ჯერ კიდევ არარეალიზებულ პოტენციაში. ილიასთვის ერისთვის „საკუთარი ისტორიის“ ქონა ძირითადად და მისთვის ის წოდება, ფენათუ კლასია ღირებული, ვინც ერის საკუთარი სახის მოთხოვნილების დაკმაყოფილების ფუნქციას იღებს. ასევეა ერისთვის და ისტორიისთვისაც.

ილია ქართველ გლეხს ასეთ ნდობას რომ უცხადებს, შემთხვევითი არ არის. ამის საფუძველი ის ისტორიული სპეციფიკური მიზეზია, რის გამოც არჩილი და გიორგი „ახლოს“ იღვანენ ერთურთთან ჩვენს ისტორიაში. ამ მსგავსებაზე ავტორი გვეუბნება: „ერთი დონჯის შემოყრადა აკლია, თორემ თავადიშვილია და თავადიშვილი..“

ქართველი გლეხის ამ პირადი ღირსების მაღალი (თავადიშვილური) გრძნობის ქონების საფუძველი ჩვენს ისტორიაში ძვეს. რეგულარული, პროფესიული არმიის ტრადიციის უქონლობის ვითარებაში ომის წარმართვა ჩვენში „ქუღზე კაცის“ წესით ხდებოდა, რის გამოც ქართველ გლეხობას თავისი წილი აქვს გაცემული სამშობლოს დაცვის საქმეში და პატრიოტიზმის განცდაში თავისი კუთხე-კუნჭული გააჩნია; თავადაზნაურობასთან გვერდი-გვერდ მამულის დაცვამ ქართველი გლეხი „ახლო“ დააყენა ერის წინამძღოლ წოდებასთან. ამ ორმა გარემოებამ განაპირობა ის შესაძლებლობაც, რომ ქართული კულტურული ტიპი — ზნეობრივი ტიპი თავადაზნაურობასთან ერთად გლეხობაშიც არა მხოლოდ პოტენციურად, რეალურადაც რეალიზებულიყო. მხოლოდ ამ „ახლო“ დგომის გათვალისწინებით, ანუ ქართული ზნეობრივი ტიპის გლეხობაში მკვეთრად ყოფნაში ეხედავთ ახსნას გაძიძვე-

ბის ტრადიციის არსებობისა.

არსებითად, მოთხრობის სიუჟეტის მთავარი, ზოგადი სქემა სწორედ ამაში მდგომარეობს. ახალგაზრდა ქართველი გლეხი იგივეს აკეთებს, რაც ეროვნული ტრადიციას, ცხოვრების წესს შეესაბამება, იგი ღირსების გრძნობის ქონების საფუძველზე („გული გწვდებოდა, გული...“) წინამძღოლ წოდებასთან „ახლო“ დგება, რასაც იქ ვერ „წაიკითხავენ“ უფუნქციობის, საკუთარ ეროვნულ ცხოვრების წესთან გაუცხოების, მის მიმართ თაკილის განცდის გამო („ხელი კი ვეღარ“).

ამგვარად, საკუთრივ ცხოვრების წესის, ტრადიციის მოშლა ან, სხვაგვარად, მისი მოსახმარებისაგან გაუცხოება, მისი შეფერხება, ანუ საკუთარ ისტორიასთან „ჩატყეხილი ხიდი“ დრამის მთავარ მიზეზად გვევლინება.

ამგვარად, მოთხრობა ეროვნული განზოგადების მატარებელი იდეებითა და ტვირთული. ჩვენ შევეცადეთ გვეჩვენებინა, რომ ოთარაანთ ქერივის“ ძირითადი პრობლემატიკა ეროვნული უფუნქციობის, საკუთარი კარგის ვერ შეფასება-დაფასებაში, ეროვნული ცნობიერების დარღვევაშია, რაც გიორგის დაღუპვის მთავარი მიზეზია. მოთხრობის ძირითადი თემა ოთარაანთ ქერივის ოჯახთანაა დაკავშირებული, უფრო ზუსტად, სიმბოლურ დაღუპვა-აღორძინების სქემასთან (თვედორე — ოთარაანთ ქერივი — გიორგი), რაც ერის ერად ყოფნის მოთხოვნილებას ასიმბოლოებს. მთავარი პერსონაჟები ეროვნული განზოგადების მატარებლები არიან — ისინი ქართული კულტურული ტიპის — ზნეობრივ ტიპს ასახეობენ, რომელიც ერის აღორძინების, მისთვის საკუთარი ისტორიის ბოძების განმახორციელებელი ძალაა. მისთვის პირადულის მოთხოვნილება საზოგადოს მოთხოვნილებას ემთხვევა.

„ქრისტიანული სოციალიზმის“ პრობლემა

I

მას შემდეგ, რაც ე.წ. „სოციალური საკითხი“ წამოიჭრა, მას შემდეგ, რაც, ამ ასიოდე წლის წინათ ევროპულ კაცობრიობას მშრომელი ხალხის ფართო ფენების სიღუბლიერ და სიღატაკემ თვალი აუხილა და სინდისი გაუღვიძა, ქრისტიანული პოზიციის დაკავებას და ამ საკითხის ქრისტიანული რწმენის თვალსაზრისით გადაჭრასაც მრავალნაირად ცდილან; ე.წ. „ქრისტიანული სოციალიზმი“ ნაირ-ნაირი სახისაა, მათ ჩამოთვლას და შეფასებას აქვერ გამოუდგებით. სხვა თუ არაფერი, ცალკეული ადამიანები და ადამიანთა ჯგუფები მაინც ხვდებიან, რომ აუარებელი თანამომძმის სასტიკი გასაჭირისადმი ქრისტიანთა გულგრილობა და პასიური დამოკიდებულება დიდ ცოდვად აწევს ქრისტიანულ სამყაროს. კათოლიკურ ეკლესიაში ეს შეგნება ეკლესიურად სანქციონირებულ და გაცხადებულ იქნა პაპების – ლევ XIII-ის და პიუს XI-ის ცნობილ ენციკლიკებში. ადამიანები, რომელთაც სურთ ქრისტიანები იყვნენ. სულ უფრო ხშირად და მწვავედ გრძნობენ, თუ რა აუტანელი ფარისევლობა იქნება, საღვთისმეტყველო ფიქრებს მისცენ თავი, ილოცონ, ქრისტიანული სათნოებების შექმნაზე იზრუნონ და, ამავე დრო, არ იწუხონ, რომ ეკლესიის ან ჩვენი სახლის კედლებს მიღმა მილიონობით ადამიანი – მათ შორის ქალი, მოხუცი და ბავშვი – შიმშილობს და უსახსრობისგან იღუპება. თუ, თანახმად ქრისტეს მცნებისა, საკურთხეველთან მიახლებამდე ჩვენზე განაწყნებულ თანამომძმეს უნდა შეგურიგდეთ, მაშინ როგორღა შეიძლება გულგრილები და-

რჩეთ იმის მიმართ, რომ მილიონობით ხელმოკლე ადამიანი ცხოვრობს საზოგადოების იმ მატერიალურად პრივილეგირებულ წევრებზე დაბოლმილი, რომლებიც აუღელვებლად იმეტებენ მოყვასს საშიშილოდ?

მართალია, ეკლესიაში ნიადაგ ღმობიერებას, ღარიბებზე ზრუნვას და მოწყალების გაღებას შეგვაგონებენ, მაგრამ არავისთვის საიდუმლო არ არის, რომ ქრისტიანული ქველმოქმედება მისი ჩვეულებრივი, გავრცელებული ფორმით უადრესად იაფფასიანი რამ არის: გროშების გამეჭება – გამღებისათვის საადვილო, თანამომძმის გასაჭირისათვის კი გვარაფერი შეღავათი. ასეთი „ქვემოქმედება“ საერთო წესის თანახმად სრულდება, ჭეშმარიტი სიყვარულის, მსხვერპლის გაღების უმცირესი ნება-სურვილის გარეშე; ის იოლად ეხამება ღარიბი და გაჭირვებული ადამიანისადმი ჩვენს გულგრილობას, უგრძნობლობას და სისასტიკესაც კი მთელ ჩვენს დანარჩენ ეკლესიისგარე „ცხოვრებაში და, განსაკუთრებით, მათთან ჩვენს საქმიან ურთიერთობაში; ასეთი იაფფასიანი ქველმოქმედებაც კი, უკეთეს შემთხვევაში, ათასში ერთს თუ შეეხება ხოლმე, ჩვენს მახლობლებს თუ შემთხვევით შემხვედრთ; ის, რომ ამ ფარგლებს გარეთ კიდევ აუარებელი ღატაკი და გაჭირვებული რჩება, ჩვეულებრივ, ნაკლებად აწუხებს ქრისტიანს; სინდისის საყვედურებს ის, ჩვეულებრივ, ქარაფშუტული, უსულგულო აზრით ირიდებს: ყველას ხომ ვერ დაეხმარებით.

მართებული იქნება, თუ ქრისტიანულ სამყაროზე ნამდვილ თავსლაფის



დასხმად მივიჩნევთ, რომ, ჩაგრულთა ბედ-იღბლისადმი აქ გავრცელებული გულგრილობის საპირისპიროდ, მათი ნამდვილი, გულმხურვალე მზრუნველობა ხშირად ურწმუნო და ქრისტიანობის მოწინააღმდეგე ადამიანების პრივილეგია ხდება. როგორც საკვებით სამართლიანად აღნიშნა ნ. ბერდიაევი, ათეისტური სოციალიზმის და მისი უკიდურესი ფორმის — მატერიალისტური კომუნისმის — წარმატება და მიმზიდველი ძალა, უპირველეს ყოვლისა, ქრისტიანული სამყაროს ისტორიული ცოდვებით, სოციალური გაჭირვებისადმი მისი გულგრილობით განისაზღვრება. სოციალისტი და კომუნისტი იყენებს ამ ვითარებას, რათა დაასახუთოს, რომ მორჩილების, მოთმინების და მიწიერი კეთილდღეობისადმი გულგრილობის ქრისტიანული ქადაგება მხოლოდ ღარიბთა ადამიანური, ღირსეული არსებობისაკენ მისწრაფების ალაგმვის მიზანს ემსახურება და მესაკუთრე კლასის ურცხვ ეგოიზმს იცავს. და სწორედ ქრისტიანული სამყაროს სამარცხვინოდ, უნდა ვაღიაროთ, რომ ეს მტკიცება უდავო ჭეშმარიტების ნაწილსაც შეიცავს. ადამიანებს, რომლებიც თავს ქრისტიანებს უწოდებენ — ეკლესიის მსახურებსა თუ ერისკაცებს — მართლაც ხშირად უსარგებლათ ქრისტიანული რწმენის წმინდა მცნებებით მესაკუთრეთა პრივილეგიების დასაცავად და გაჭირვებულთა ყოფა-ცხოვრების გაუმჯობესების დასაბრკოლებლად.

ამ უბრალო და ზოგადი დებულებიდან გამომდინარე, შეიძლება მოგვჩვენებოდეს, რომ „ქრისტიანული სოციალიზმი“ საერთოდ არ არის პრობლემა. და, მართლაც, რამდენადაც სოციალიზმში სხვას არაფერს ვგულისხმობთ, თუ არა მოყვასის ქმედით სიყვარულს, მისი მატერიალური ბედისადმი პასუხისმგებლობის სერიოზულ გრძნობას, ყოველი ქრი-

სტიანი, რამდენადაც მას სურს ჭეშმარიტ ქრისტიანად რჩებოდეს, მოვალეა, ამ გაგებით „სოციალისტი“ იყოს. ქრისტიანი, ცხადია, თავს შეიკავებს მდიდრების სიძულვილისაგან — ეგოიზმის ცოდვაში მათი მხილებისას მხილებულ ცოდვითა სიყვარულით იხელმძღვანელებს და მოერიდება ღარიბთა ეგოისტური ვნებების დემაგოგიური აღვირაშვების გზით სოციალური სამართლიანობის მიღწევის მცდელობას, მაგრამ სოციალური უსამართლობის თვით ფაქტისადმი გულგრილი ვერ დარჩება და არ მოერიდება, ცოდვად შერაცხოს დაბეჩავებული თანამომხმეების გაჭირვებისადმი მდიდართა გულგრილობა და უგრძნობლობა. ის, ყოველის უწინარეს, თავის პირად ცხოვრებაში ეცდება ნამდვილი, ქმედითი სიყვარულის სათნოება შეიძინოს, ეცდება — თავისი შესაძლებლობის ფარგლებში — განახორციელოს ქრისტეს მცნება: გაჭირვებულ თანამომხმეს გაუყოს ის უკანასკნელი, რაც კი აბაღია; მდიდრებს სინანულისაკენ, ქმედითი სიყვარულისაკენ და ღარიბებზე ზრუნვისაკენ მოუწოდებს; სიმდაბლეს, თავდაჭერილობას, უანგარობას ჯერ მდიდრებს უქადაგებს და არა ღარიბებს; შეგნებული ექნება, რომ ამ სათნოებების ღარიბებისადმი ქადაგება ფარისევლობის გარეშე მხოლოდ მას მერე შეიძლება, რაც ქმედითად შეეწევი მათ გაჭირვებას და გაუყოფ, რაც გაბაღია. ვიმეორებ: ამ აზრით სრულიად თვალსაჩინოა, რომ ყოველი, ვინც ნამდვილად არის ქრისტიანული სინდისის მქონე და სურს ქრისტიანი იყოს, ვალდებულია „ქრისტიანული სოციალისტი“ იყოს.

მაგრამ ნამდვილ პრობლემატიკას, რასაც სპეციფიკური აზრით „ქრისტიანული სოციალიზმი“ ეწოდება, ზემოთქმულით ჯერ სრულიადაც არ შევხებივართ. ეს პრობლემატიკა აქ მხოლოდ იწყება.

იგი ორ არსებით მომენტს შეიცავს.

1. ცხოვრების გამოცდილება, „ამა სოფლის სიბრძნე“ აშკარად მოწმობს, რომ პირადი ქველმოქმედება, სიყვარულის ინდივიდუალური ძალთაზმევა არამტოვ ფართო მასების სოციალური გაჭირვების გასაქარწყლებლად, არამედ რამდენადმე გასანელებლადაც კი არ კმარა. ნამდვილი ქრისტიანული სიყვარულით აღსავსე თავგამოდებული ადამიანები ყოველთვის უმნიშვნელო უმცირესობას შეადგენდნენ; ანგარიში უნდა გავუწიოთ, რომ ადამიანთა დიდი უმრავლესობა ანგარი, ეგოსტი და თანამოძმის გასაჭირისადმი გულგრილია. ამ პირობებში სოციალური გაჭირვების გაქარწყლებას ანდ რამდენადმე მაინც განელებას მხოლოდ სოციალური რეფორმების ე.ი. სახელმწიფო ხელისუფლების მიერ სოციალური ურთიერთობების იძულებითი რეგულირებისაგან უნდა მოველოდეთ (სამუშაო დროის შემოფარგვლა, კანონით დადგენილი მინიმუმი ჯამაგირისა, იძულებითი დაზღვევა, საცხოვრებელი პირობების კანონმდებლობითი ნორმირება, აგრარული კანონმდებლობა და ა.შ.). დაისმის კითხვა:

როგორ უნდა მოეკიდოს ქრისტიანი — სწორედ როგორც ქრისტიანი, ანუ ცხოვრებისადმი სპეციფიკურად ქრისტიანული განწყობის სიღრმიდან გამოძინარე — სოციალური რეფორმების იდეას? ეს საკითხი, საბოლოო ანგარიშით, მეორე საკითხზე დაიყვანება:

როგორ უნდა შეაფასოს ქრისტიანმა ხალხის მატერიალური საჭიროების დაკმაყოფილებაზე მიმართული გარეგანი ორგანიზაციული ხასიათის ღონისძიებები?

2. იგივე კითხვა განსაკუთრებით მკა-

ფიოდ იჩენს თავს და საგანგებო სიმწვემებს ავლენს, როცა „სოციალიზმთან“ (ამ სიტყვის სპეციფიკური აზრით) ქრისტიანულ დამოკიდებულებაზე ვლაპარაკობთ. როგორც ცნობილია, სოციალისტური მოძღვრება გვიმტკიცებს, რომ ე.წ. ბურჟუაზიული წყობა, ანუ შრომისა და სამეურნეო ცხოვრების პრინციპულ თავისუფლებასა და კერძო საკუთრებაზე დამყარებული წყობა უსათუოდ მიგვიყვანს (უმრავლესობის გაჭირვებისა და გაღატაკების ხარჯზე) უმცირესობის გამდიდრებამდე; ამიტომ ის „სოციალისტური“ წყობით უნდა შეიცვალოს, რომლის დროსაც სამეურნეო ცხოვრება და სახალხო შემოსავლის განაწილება სახელმწიფო ხელისუფლების ანდა სულაც კოლექტიური ხალხური ნების რომელიმე გემანზომიერად მოქმედი ორგანოს მიერ დარეგულირდება სამართლიანობის ფარგლებში (ჩვენ შეგნებულად ვიძლევეთ სოციალიზმის ყველაზე ფართო განსაზღვრებას, რომელსაც შეიძლება მისი კონკრეტული განხორციელების ნაირ-ნაირი ტიპები მიესადაგოს). თავი ვანებოთ პირწმინდად ეკონომიკურ ან სოციალურ, ე.ი. საერთოდ ემპირიულ პრობლემატიკას — სხვანაირად რომ ვთქვათ, უკამათოდ შევიწყნაროთ (საკითხის გამარტივების და მისი პრინციპული მხარის გაშუქების მიზნით), რომ შემოსავლის სამართლიანი განაწილების და საერთოდ, ხალხთა მასების მატერიალური კეთილდღეობის თვალსაზრისით, სოციალისტურ წყობას უპირატესობა აქვს ე.წ. ბურჟუაზიული, ანუ კერძო საკუთრებასა და ეკონომიკურ თავისუფლებაზე დამყარებული წყობის წინაშე¹ და დავსვათ კითხვა: უნდა იყოს ქრისტიანი ამის გამო (თავისი ქრისტიანული შეგნების გამო) სოციალისტური წყობილების მომხრე თუ მას თავისი ქრისტიანული მოსაზრებები გააჩნია ამ წყობილე-

1. მართალი გითხრათ, ჩვენ ვფიქრობთ, რომ სოციალისტური მეურნეობის გამოცდილება (რუსეთშიც და გერმანიაშიც) უარყოფს ამ მტკიცებას და სწორედ რომ საწინააღმდეგოს მოწმობს.

ბის წინააღმდეგ, ან იქნებ შეუძლია, ან სულაც მოვალეა, ინდიფერენტული დარჩეს ამ დავაში და არავითარი პოზიცია არ დაიჭიროს (რაც, მგონი, ყველაზე უფრო გავრცელებული განწყობილებაა)?

ორ ზემოაღნიშნულ კითხვას შორის უჭველი კავშირის მიუხედავად, სიცხადისათვის ისინი უნდა დავანაწევროთ და თითოეული ცალ-ცალკე განვიხილოთ.

II

მაშ ასე, ჯერ ვიკითხოთ: როგორი უნდა იყოს ქრისტიანული დამოკიდებულება „სოციალური საკითხისადმი“, რამდენადაც ეს საკითხი პრაქტიკაში ქრისტიანული სიყვარულის და ინდივიდუალური ქველმოქმედების გზით კი არ გადაიჭრება, არამედ სახელმწიფო ხელისუფლების მიერ განხორციელებული იძულებითი სოციალური რეფორმების მეშვეობით? უნდა იყოს თუ არა ქრისტიანი — სწორედ როგორც ქრისტიანი — სოციალური რეფორმატორი და, ამ აზრით, „სოციალისტი“? თუ — სოციალური სამართლიანობის იძულებითი, სახელმწიფოებრივი ხორცშესხმის ამოცანა, როგორც ცხოვრების პირწმინდად მიწიერი, მატერიალური მოწესრიგების პრობლემა საერთოდ სცილდება სპეციფიკურ ქრისტიანული ინტერესის ფარგლებს? ან, იქნებ, აქ სულაც რომელიღაც სხვა, მესამენიანი აზრთწყობაა შესაძლებელი? ყოვლის უწინარეს, ერთი რამ გვეჩვენება სრულიად უდავოდ: თუ ქრისტიანული რწმენა არის სიმართლის სისხავისის მქონებლობა, მაშინ ქრისტიანული რელიგიური ცხოვრება და რელიგიური განწყობა ცხოვრების რომელიღაც კერძო, შეზღუდულ სფეროს არ განეკუთვნება, არ არის ცხოვრების სხვა დანარჩენ სფეროთა მიმართ უცხო და გულგრილი; პირიქით, მან მთელი ზნეობრივი და, სწორედ ამიტომ, სოციალური ცხოვრება

უნდა მოიცვას და მის მიმართ თავისი სპეციფიკური მიზანდასახულობა უნდა იქონიოს. ამით ერთბაშად უარიყოფა, ერთი მხრივ, სოციალური საკითხისადმი ინდიფერენტობაში და, მეორე მხრივ, ამ საკითხზე არაქრისტიანულ გარემოში გაბატონებული რომელიმე ტიპური შეხედულების ქრისტიანობასთან უბრალო მექანიკური შეთავსების ყველა მცდელობა. რაც შეეხება ამ ბოლო მომენტს, ქრისტიანს, რა თქმა უნდა, მართებს თავმდაბლად ეწაფებოდეს სიმართლეს, თუნდაც მას ურწმუნო წარმოთქვამდეს. ამ მხრივ ანგარიშგასაწვეია ფაქტი, რომ სოციალურ სამართლიანობაზე ზრუნვის და სოციალური საკითხის გადაჭრის ინიციატივა ეკუთვნოდათ — და დღემდეც ეკუთვნით — ურწმუნოებს. ქრისტიანულმა სამყარომ პატიოსნად უნდა აღიაროს ეს მისი შემარცხველი ფაქტი და ისწავლოს ურწმუნოთაგან სოციალური სიმართლისათვის სწორედ მათნაირად ზრუნვა. მაგრამ მეორე მხრივ, ლაპარაკიც კი ზედმეტია იმაზე, რომ მექანიკურად ვალიართ მზრუნველობის საკითხში ურწმუნოთა პასუხების მართებულობა და გავითავისოთ ისინი. მართალია, მცდარი რელიგიური აზრთწყობა შეიძლება შეეხამოს ზნეობრივ მისწრაფებათა მაღალ დონეს, მაგრამ ვერაფრით ჭეშმარიტი მსოფლმხედველობის საფუძვლად ვერ დაიდება. ამიტომ ქრისტიანული დამოკიდებულება სოციალური საკითხისადმი, მისი გადაჭრის გზების ქრისტიანული გაგება არაქრისტიანული გაგების უბრალო ასლი კი ვერ იქნება, არამედ მას ზედზოგადქრისტიანული მიზანდასახულობის საფუძვლად მდებარე რელიგიური არსების აშკარა ანაბეჭდი უნდა ეტყობოდეს. რაში მდგომარეობს ამ ქრისტიანული მიზანდასახულობის არსება, მისი პრინციპული განსხვავება არაქრისტიან-



ნული მიზანდასახულობისაგან? რა თქმა უნდა, ქრისტიანული ცნობიერების საზრისი არ შეიძლება ჩავატოთ ერთ რომელიმე განყენებულ ფორმულაში, მაგრამ მაინც არის შესაძლებელი, ყველაზე არსებითი ნიშანი განყენებულად გამოვხატოთ. ეს ნიშანი კი იმაში მდგომარეობს, რომ ქრისტიანული მსოფლშეგრძნებისა და მსოფლგაგებისათვის დამახასიათებელია ყოფიერების იმ სფეროთა ძირეული, „განუყოფელი და შეურწყავი“, ქვეყნიერების აღსასრულამდე და მის საბოლოო ფერისცვალებამდე (რასაც სასოებით მოველით) აუცილებელი ორმაგობის შეგნება, რომელშიც ცხოვრობს და მონაწილეობს ქრიტიანი. რა სიტყვებითაც უნდა გამოვსახოთ ეს ორმაგობა — „ციური“ სასუფეველი და „მიწიერი“ სამეფო, შინაგანი ცხოვრება ღმერთში, ანუ „ქრისტიანული“ და „ამ სოფელში“ ცხოვრება, ცხოვრება ეკლესიის (ძირითადად ამ ცნების მისტიკური გაგებით) სფეროში და სააქაოში ცხოვრება ანდა მადლის სფეროში და ჯგულის სფეროში ცხოვრება — ორმაგობის თვით ფაქტი და მისი დედააზრი ქრისტიანულ გამოცხადებას შინაგანად ნაზიარები ყოველი ცნობიერებისათვის უშუალოდ გასაკვები და ცხადია. ამ ორმაგობიდან სულაც არ გამომდინარეობს, როგორც ამას ზშირად ფიქრობენ, სრული გულგრილობა — „ამ სოფლისადმი“, მარტოოდენ „ზეციურით“ შემოფარგვლა: პირიქით, ასეთი პოზიცია ქრისტიანული ცნობიერებისათვის ზემოაღნიშნული ფუძემდებლური ორმაგობის არარსებობის მომასწავებელი იქნებოდა. თუ ქრისტიანს მართებს საკუთარი, ეგოისტური „ამქვეყნიური“ ინტერესების ჩახშობა და დაცნობის მცდელობა, მოყვასისადმი ქრისტიანულ სიყვარულში მას, პირიქით, უფლება არა აქვს ანგარიში გაუწიოს მის „ამქვეყნიურ“ „მიწიერ“ მოთხოვნილებებს მაგრამ ერთი რამ მაინც

გამომდინარეობს ამ თავისებური ქრისტიანული მიზანდასახულობიდან — სახელდობრ, შეგნება იმისა, რომ მიწიერი მოთხოვნილებებით, ყოველ შემთხვევაში, არ ამოიწურება ადამიანის საჭიროებანი, მეტიც, — რომ სულიერ ცხოვრებას და მის მოთხოვნილებებს რაღაც ონტოლოგიური პრიმატი გააჩნია მიწიერ ცხოვრებასა და მის ინტერესებზე.

აქედან ჩვენი თემისათვის ზოგიერთი, უადრესად არსებითი დასკვნა გამომდინარეობს. რამდენადაც მოყვასისადმი ქმედითი სიყვარული — თავისი ნამდვილი, ნაყოფიერი განხორციელებისათვის — „სოციალურ რეფორმებში“, ე.ი. რომელიც ახალი ორგანიზაციული ფორმით გამოხატვას მოითხოვს, არავითარი საფუძველი არ არსებობს ქრისტიანი ადამიანისათვის — პრინციპულად უარყოფითად, ანდა თუნდაც მხოლოდ გულგრილად მოეცილოს ამდაგვარ ძალისხმევებს. პირიქით, ის ძირითადად თანახმა იქნება ყველა იმ ღონისძიებას უთანაგრძნოს, რაც კი სოციალური სამართლიანობის დამკვიდრებას შეუწყობს ხელს. მაგრამ, მიუხედავად სოციალური რეფორმებისადმი მთელი თავისი პრინციპული თანაგრძნობისა, რამდენადაც ეს რეფორმები ორგანიზებული, კოლექტიური ნების სფეროში მოყვასის ბედზე ზრუნვას გამოხატავს, ქრისტიანი ვერასოდეს ჩათვლის ადამიანური ურთიერთობების ამნაირ ორგანიზაციულ გარდასახვებს ადამიანური გაჭირვებების დაძლევის ერთადერთ და თუნდაც ყველაზე უფრო არსებით გზად, რადგან მან იცის, რომ ამ გაჭირვებას და ადამიანური ცხოვრების საერთო ტრაგიზმს უფრო ღრმა, ყოველგვარი პოლიტიკური ღონისძიებისათვის მიუწვდომელი სულიერი სათავე აქვს. ერთი მხრივ, ადამიანურ სულს მატერიალური მოთხოვნილებების გარდა სულიერი მოთხოვნილებებიც გააჩნია, რო-

მელთა დაკმაყოფილებაც, რა თქმა უნდა, არანაირი „სოციალური რეფორმებით“ არ შეიძლება. თუკი მიტევებული ფარისევლობა და პირფერობა იქნებოდა მხოლოდ ასეთი მითითებით აგვერიდებინათაი მოყვასის მატერიალურ საჭიროებებზე ზრუნვისათვის, თუკი ქრისტიანის უპირველესი მოვალეობაა მშვიერი დააპუროს და ქადაგებები არ უკითხოს მას, ამით მაინც არ უქმდება ჭეშმარიტება, რომ „არა პურითა ხოლო ცხოვნდების კაცი“. და, მეორე მხრივ, თვითონ „მიწიერი“ მატერიალური მოთხოვნილებები განისაზღვრება არამარტო ამა თუ იმ სოციალურ-პოლიტიკური წყობით, არამედ ადამიანის საერთო ცოდვილიანი, სრულქმნილობას მოკლებული ბუნებით. ქრისტიანი ვერ გაიზიარებს რუსოს აზრს, ადამიანური ცხოვრების უკეთურობანი არასწორი საზოგადოებრივი ურთიერთობებით განისაზღვრებაო. ამიტომაც ქრისტიანი ვერასოდეს იქნება სოციალური უტოპისტი; ვერასოდეს გაიზიარებს რწმენას, რომ რამენაერი სოციალური რეფორმა ან გადატრიალება ყოველგვარ უსამართლობას, ყოველნაირ უკეთურობას, ადამიანური ცხოვრების ყველა უბედურებას მოუღებს ბოლოს; ვერ ირწმუნებს, რომ რამენაირი გარეგანი ორგანიზაციული ღონისძიებით სიმართლის, მშვიდობის და ნეტარების სასუფეველი, „ღვთიური სასუფეველი“ დამეკვიდრება ამქვეყნად. მან იცის, რომ სოციალური ბოროტება, ისევე, როგორც ყოველგვარი ბოროტება, საბოლოო ანგარიშით, ადამიანის ცოდვიანი ბუნებით განისაზღვრება და ამიტომ ძირეულად ვერავითარი გარეგანი ადამიანური საშუალებებით ვერ აღმოიფხვრება. მან უწყის, რომ ქვეყნად გამეფებული უსამართლობისაგან შეჭირვებულობა სამყაროს საბოლოო განღვთობამდე და ფერისცვალებამდე (რასაც ქრისტიანი სასოებით მოეღის)

ადამიანის ბედისწერაა და მას ვერსად გაექცევა. მართალია, ეს რწმენა ადამიანთა სოციალური რეფორმებით მისი შეზღუდების მცდელობებისადმი გულგრილობის ან პასიურობის საბაბი არ უნდა გახდეს – როგორც ეს, საუბედუროდ, ხშირად მომხდარა ქრისტიანობის ისტორიაში, მაგრამ, ხალხის მდგომარეობის ორგანიზაციული გაუმჯობესების მცდელობის ქმედით მონაწილედ ყოფნის მთელი სურვილის მიუხედავად ქრისტიანი თვით თავისი ცხოვრებისეული მიზანდასახულობის დედაარსის გამო სოციალური რეფორმებში ვერც ყველა უბედურების პანაცეას დაინახავს და ვერც თავისი ცხოვრების ერთადერთ ამოცანას.

ზემოთქმული, პირველი შეხედვით, შეიძლება „გაცვეთილ სიტყვებად“ ანდა იმ ფორმალური ხასიათის მოსაზრებებად მოგვეჩვენოს, რისგანაც ჩვენთვის საინტერესო საკითხის არსისათვის არავითარი კონკრეტული დასკვნები არ გამომდინარეობს სოციალურ საკითხებში ქრისტიანული მიზანდასახულობის შესახებ. ქრისტიანი არამცთუ ვერ თანაუგრძნობს მარტოოდენ მიწიერი კეთილდღეობის რწმენაზე დაფუძნებულ მატერიალისტურ სოციალიზმს, რომელიც კლასობრივ სიმულვილს იწვევს და შურისა და ანგარების ინსტინქტს აღვივებს ხალხთა მასებში – რაც თავისთავად გასაგებია – არამედ ვერც რევოლუციონერი იქნება (სოციალური და პოლიტიკური აზრით) და ვერც კვრანაირი სოციალური ან პოლიტიკური ფანატიკოსი. ის, ერთის მხრივ, დამღუპველ ცთომილებად მიიჩნევს და უარყოფს დიდ რადიკალურ გადატრიალებას სოციალურ ურთიერთობებში, რომელიც ყოველთვის იმის იმედადაა, რომ ერთბაშად, ხელის ერთი დაკვრით იხსნის კაცობრიობას თუ ყველა უბედურებისაგან არა, ყველაზე არსე-

ბითი გასაჭირისგან მაინც. რაკი წინასწარ იცის, რომ ყველა ადამიანური რეფორმა პალიატივაა, რომ ერთი, მოცემულ მომენტში განსაკუთრებით ძნელსათმენი გასაჭირის თავიდან მოცილება იმ ახალ გასაჭირს გამოამქლავებს, რაზედაც ადამიანები ახლა არ ფიქრობენ, იგი იქითკენ იქნება მიდრეკილი, რომ დიდ ძვრებთან დაკავშირებულ ყოველგვარ მოჩვენებითად მაშველ გადატრიალებებთან შედარებით უპირატესობა მიანიჭოს თანდათანობით და ნაწილ-ნაწილ გატარებულ რეფორმებს. სწორედ თავისი რელიგიური რადიკალიზმის, სწორედ თავისი ზემოწერი პოზიციის ძალით ქრისტიანი სოციალურ-პოლიტიკური რეფორმების სფეროში ზომიერი და რეალისტი იქნება. ყველა ამქვეყნიურ საზრუნავსა და გეგმათაგან უპირატესობას იმ „ჯანსაღ აზრს“ მიანიჭებს, რომელიც ბრმა და ცრუ რწმენიდან წარმოქმნილი ყოველგვარი მგზნებარე ენთუზიზმის წინაშე ცივი გონიერების ცხოვრებისეულ გამოცდილებას დაეყრდნობა. და მეორე მხრივ რაკი იცნობს მთელი ადამიანური ცხოვრების სულიერ საფუძვლებს, მუდამ ემახსოვრება, რომ თვით ყველაზე გონიერული და მიზანშეწონილი რეფორმა, ე.ი. ცხოვრების გარეგანი პირობების ორგანიზაციული ცვლილება მხოლოდ თვითონ ადამიანთა შინაგან ზნეობრივ და სულიერ გაუმჯობესებასთან კავშირში თუ იქნება ჭეშმარიტად ნაყოფიერი. არასოდეს დაივიწყებს, რომ ერთადერთი რამ, რასაც შეიძლება უნივერსალური მნიშვნელობა მივაწეროთ ადამიანის ცხოვრებაში, ადამიანის სულის შინაგან გონიერ წყობაზე ზრუნეა. ამიტომ ამ მხრივაც უპირატესობას ადამიანის დახვეწასთან, მისი ცხოვრების შინაგან ჩვევებთან დაკავშირებულ თანდათანობით რეფორმებს ანიჭებს და არა ნაჩქარევ-ნა-

უცბათე და რადიკალურ ცვლილებებს.

III

ეს წინასწარი მოსაზრებები გვაძლავს პასუხის გასაცემად ზემოთ დასმულ მეორე კითხვაზე: როგორი არჩევანი უნდა გააკეთოს ქრისტიანმა კერძო საკუთრებასა და სამეურნეო თავისუფლებაზე, ანუ სამეურნეო ინდივიდუალობაზე დაფუძნებულ, გაბატონებულ „ბურჟუაზიულ“ წყობასა და იმ სოციალურ წყობას შორის, რომელშიც სახელმწიფო ან საზოგადოება სამეურნეო ეგოიზმის წინააღმდეგ მიმართული სამართლებრივი ნორმების მეშვეობით ზრუნავს მშრომელი მასების მატერიალური კეთილდღეობისათვის? როგორც ზემოთ უკვე აღვნიშნეთ, საკითხის გამარტივების მიზნით მთელი პირწმინდად ეკონომიკური თუ სოციალურ-პოლიტიკური პრობლემატიკა განზე გადავდეთ და მარტოოდენ საკითხის რელიგიურ-ზნეობრივი ასპექტით შემოვიფარგლოთ.

არსებულ ბურჟუაზიულ წყობას რომ აკრიტიკებს, სოციალიზმი გვიმტკიცებს, რომ კერძო საკუთრებას და პიროვნების შეუზღუდავ სამეურნეო თავისუფლებას არამარტო სამეურნეო უთანასწორობასთან და საზოგადოების მდიდრებად და ღარიბებად დაყოფასთან მიყვავართ, ამასთან ერთად, მდიდრებს, როგორც მეურნეობრივად უფრო ძლიერებს, ეს ღარიბების თავისუფალი ექსპლუატირების საშუალებასაც აძლევს; ამრიგად, ბურჟუაზიულ წყობაში სოციალური უსამართლობა თვით სამართლითვე კანონდება. სამართალი კი, თავისი არსით, სამართლიანობის საწყისის გამომხატველი უნდა ყოფილიყო. თუკი ცივილიზებული ხალხების სამართალი ვერ ჰკუთხს, რომ ფიზიკურად ძლიერმა ფიზიკურად სუსტი აწვალოს, დაჩაგროს და დაიმონოს, მაშინ სამეურნეო და სოციალური ცხოვრების მიმართაც ეს პრინციპი (ძლიერ-

რის თავისუფლების შეზღუდვას, სადაც კი ამას უფლებების ბოროტად გამოყენებამდე მიყვავართ) ხომ არ უნდა გამოვიყენოთ? მდიდარზე მეურნეობრივად დამოკიდებულების ძალით ფორმალურად თავისუფალი (დემოკრატიულ მმართველობაში) ღარიბი, ფაქტობრივად, მდიდრის მონა ხდება. ხომ არ გვაკლდებულებს სამართლიანობის ელემენტარული გრძნობა, რომ სახელმწიფოს მეშვეობით გავეუქმოთ ან უკიდურეს შემთხვევაში, არსებითად შევზღუდოთ ინდივიდუალური სამეურნეო თავისუფლება და ვაიძულოთ მდიდრები, ანგარიში გაუწიონ ღარიბთა მართლზომიერ ინტერესებს?

პირველი შეხედვით შეიძლება მოგეჩვენებოდა, რომ სწორედ სრულიად წრფელი და თანმიმდევრული ქრისტიანული გონება-განწყობილებისას ეჭვისათვის აქ ადგილი საერთოდ არ რჩება. ანგარებისა და ეგოიზმის სამართებლივ სანქციონირებაზე დამყარებული წესწყობილება, რასაც მდიდრებისაგან ღარიბების ექსპლოატაციასთან მიყვავართ, ქრისტიანის თანადგომას თავისით ვერ გამოიწვევს. ეს უშუალო ზნეობრივი გრძნობა ფსიქოლოგიური საფუძველია გავრცელებული რწმენისა, რომ გულწრფელი და კეთილსინდისიერი ქრისტიანი სწორედაც სოციალისტი უნდა იყოს და პრინციპულად თანაუგრძნობდეს სოციალისტურ მოთხოვნებს. და ყოველივე ამის მიუხედავად, საკითხი არც ისე მარტივია, როგორც ეს პირველი შეხედვისას გვეჩვენება. სწორედ აქ ჩაკვსაფრებია პირწმინდად რელიგიურ-ზნეობრივი ხასიათის მძიმე და საბედისწერო ცდუნება.

სახელდობრ, ძირითადი პრბლემატკა აქ შემდეგ საკითხშია: შესაძლებელი და შესაწყნარებელია თუ არა ქრისტიანული ცნობიერების თვალსაზრისით, იძულებით ცვდილობდეთ მოყვასთან სამართლიანი, ძმური ურთიერთო-

ბის დამყარებას? შეიძლება თუ არა მოყვასის სიყვარულის ქრისტიანული მცნება სამართლის მაიძულებელ ნორმად ეაქციოთ? პასუხი ამ კითხვაზე, ვფიქრობ, საკვებით ნათელია: ეს ფაქტობრივადაც შეუძლებელია და მორალურ-რელიგიურადაც შეუწყნარებელი. ეს შეუძლებელია, რადგან მოყვასის სიყვარული, როგორც, სხვათა შორის, ყოველგვარი მორალური გონება-განწყობილება, იძულებით არ მოდის, არამედ მხოლოდ თავისუფლად თუ გადმოინდება ადამიანური სულის სიღრმიდან და ღმერთთან მისი ძალდაუტანებელი ურთიერთობიდან. მაგრამ სწორედ ამიტომ არის ეს იძულება შეუწყნარებელი, რადგან როცა ვერ აღწევს თავის ნამდვილ მიზანს, ყოველი ამდაგვარი მცდელობა მხოლოდ პირფერობად, ნამდვილი ქრისტიანული ეთიკური გონება-განწყობილების აუტანელ ფალსიფიკაციად იქცევა. ყოველი მცდელობა რომელიმე ქრისტიანული სათნოების იძულებისა (იქნება ეს ფიზიკური იძულება — სამართლის ნორმების გამოყენებისას — თუ თუნდაც მხოლოდ მორალური) თვითონ ქრისტიანული გონება-განწყობილების ღალატს — ფარისევლობაში, მერჯულებობასა და გარეკმედეგების რელიგიაში ჩავარდნას მოასწავებდა. „ხოლო უფალი სული არს, ზოლო სადა სული უფლისაი, მუნ აზნაურებაი (თავისუფლება) არს.“ რას ხშირად და ნაირ-ნაირი მიმართულებითაც უნდა შესცოდოს ქრისტიანულმა სამყარომ ამ ჭეშმარიტების წინაშე, ეს მაინც ქრისტიანული ცნობიერების ფუძემდებლურ აქსიომად რჩება.

ამ თვალსაზრისით ნამდვილი ქრისტიანული გონება-განწყობილებიდან „ქრისტიანული სათნოების“ (ამ ცნების სპეციფიკური აზრით, რასთანაც აქ გვაქვს საქმე) ეთიკურ-პოლიტიკურ პრინციპზე ერთი შეხედვით ბუნებრივი, თი-

თქოს და შეუმჩნეველი გადასვლა — სინამდვილეში ჭეშმარიტი გზიდან გადაცდენა, ის თავგზააბნევა გამოდგა, რაც არსებითად დოსტოევსკის „დიდი ინკვიზიტორის“ ცთუნებას ემთხვევა. ქრისტიანული რწმენის თვით არსებას განეკუთვნება, რომ ქრისტიანი მძიმე ალტერნატივის წინაშე დგას: ან ქრისტესთან რჩება, ე.ი. თავისუფალ სიყვარულზე დაფუძნებული ქრისტიანული ცხოვრებისეული იდეალი აქვს და, ამასთან, გარეგან საქმიანობაში ხელმოცარვის რისკზე მიდის, ანდა ადამიანური გაჭირვების ამქვეყნიური საშუალებებით, გარეგანი ძალდატანების გზით შემსუბუქების ცთუნებას ჰყვება და სწორედ ამიტომ ხელს იღებს ქრისტიანული ცხოვრებისეული მიზანდასახულობის იმ ნამდვილ არსზე, რაც მხოლოდ სრული შინაგანი თავისუფლებისას და გარეგან წარმატებაზე ფიქრის უარყოფისას ხორციელდება. ამ ალტერნატივის უკანასკნელი წვერი კვლავინდებურად ცთუნებად და ერესად რჩება, თუმცა კი მის შესაწყნარებლად ადამიანების სიყვარულის კეთილშობილური, მორალურად მართებული მოტივი გვაგულიანებს. ვითარება აქ ასეთია: რაც უფრო გულისხმიერია ადამიანი სხვისი გაჭირვებისადმი, რაც უფრო გულმხურვალედ მისდევს სიმათლეს ადამიანურ ურთიერთობებში, მით უფრო იოლად ხდება ამ ცთომილების მსხვერპლი. აკი ქვეყნად სიმათლის სწორედ ასეთი ჭეშმარიტი დამკვიდრებიდან გამომდინარე მიიჩნევენ ქრისტიანობის მოწინააღმდეგენი ქრისტიანულ რწმენას „მუდმივი ხელმოცარულობის რელიგიად“; თანაც ყვრდნობიან ისტორიულ გამოცდილებას, რაც გვიჩვენებს, რომ შეუძლებელია სამყაროს ქრისტიანიზირება, ქრისტეს მცნებების თავისუფალი აღსარების გზით სიმათლისაკენ მისი მობრუნება. მაგრამ სწორედ ამიტომ, აქ საბედისწერო გზაგასაყა-

რთან ვდგავართ და გემართებს არჩევნის ქრისტიანულ გზასა და სოციალისტურ გზას შორის.

მაგრამ რას ნიშნავს ეს? ნუთუ იმას, რომ ქრისტიანმა — აღიარა რა შეცდომად „სოციალისტური გზა“ — „ბურჟუაზიული“ წყობის სულიკვეთებას (რაც, როგორც ვნახეთ, ანგარებასა და ეგოიზმზეა დაფუძნებული) უნდა თანაუგრძნოს? და როგორ უნდა შევეთანხმოთ დასკვნა, რომელსაც ახლა მივადექით, ზემოთ გამოთქმულ მტკიცებას, რომ ქრისტიანი შეიძლება იყოს და მოვალეცა იყოს მომხრე სამართლიანობის დამამკვიდრელი და ადამიანური გაჭირვების შემამსუბუქებელი სოციალური რეფორმებისა, რაიც ასევე იძულებითი ღონისძიებებია? ხომ არ მიყვავართ ჩვენს ამ კონკრეტულ ვარაუდს — ჩვენ მიერ ყოველივე ზემოთ აღიარებულის საწინააღმდეგოდ — სოციალური გაჭირვებისადმი ქრისტიანი კაცის გულგრილობის გამართლებამდე, ე.ი. ქრისტიანული თვალსაზრისით რომელიღაც აშკარა *reductio ad absurdum*-ამდე?

ამ ეჭვის გაქარწყლების მცდელობას ბოლოს და ბოლოს სოციალურ საკითხთა პრობლემატიკაში ქრისტიანული ცხოვრების ნამდვილი, „სამეფო“ გზის გაგებამდე მიყვავართ.

ქრისტიანული ცნობიერების ძირეული, არსებითი განწყობილება, რაც ქრისტიანობის, როგორც ღმერთში ცხოვნების, როგორც მაღლის, რელიგიის თვით არსებისაგან გამოდის არის თავისუფლების, თავისუფალი სიყვარულის განწყობილება. მაგრამ აქედან სულაც არ გამომდინარეობს ნაჯახური, რაციონალისტური, „ტოლსტოვური“ მტკიცება, რომ საერთოდ გარეგნულ-ორგანიზაციული ხასიათის ყოველგვარი იძულება და ღონისძიება ეწინააღმდეგება ქრისტიანულ ცნობიერებას და აღკვეთილია ქრისტიან-

ნისათვის. ზემოთ მივუთითეთ, რომ ქრისტიანული ცხოვრებისეული განწყობილების არსებიდან „ღმერთში ცხოვრებისა“ და „ამსოფლიურობის“ ორმაგობა გამომდინარეობს. სწორედ ეს ორმაგობა განსაზღვრავს ცხოვრების დაუფლების ქრისტიანული გზების ორგვარობას. აღიარებს რა სამყაროსა და კაცობრიობის ხსნის ერთადერთ გზად იღუმალ, თვალთ უხილავ, ღმერთკაცობრივ აქტიურობას, რაც ადამიანური სულის სიღრმეში, თავისუფლებისა და სიყვარულის სტიქიაში აღესრულება, ქრისტიანს იმავედროულად შეგნებული აქვს თავისი ამოცანა – ბოროტებისეული ძალებისაგან დაიფაროს ცხოვრება ამსოფლად და სიძარტლისა და სიკეთის გამარჯვებას შეუწყოს ხელი. ეს უკანასკნელი ამოცანა არის სწორედ გარეგანი, ორგანიზაციული ამოცანა (რაც, პირიქით, გარკვეულ პირობებში სავალდებულოა), არამედ მხოლოდ ორგანიზაციული ამოცანის (უფრო ზუსტად რომ ვთქვათ, ბოროტისადმი გარეგანი შეწინააღმდეგების და სიკეთისადმი ხელშეწყობის ამოცანის) ცხოვრების იმ არსობით სახისცვალებაში აღრევა, რაც მხოლოდ თავისუფალი სიყვარულის მიერ ხორციელდება. ანდა მისი გასხვივონება, და სულ სხვა საქმეა მის დასაცავად გარეგანი ღონისძიებების გამოყენება და მის შინაგან ძალთა აღორძინებისათვის ხელის შეწყობა. ამ არსებითი განსხვავების შეგნება შესაძლებლობას გვაძლევს ზუსტად განვსაზღვროთ ქრისტიანის დამოკიდებულება „სოციალიზმის“, „ბურჟუაზიული წყობის“ და „სოციალური რეფორმისადმი“.

უწინარეს ყოვლისა, თვითონ ცნება „ქრისტიანული სოციალიზმისა“, რამდენადაც სოციალიზმის ცნებაში იგულისხმება არა გონება-განწყობილება, არამედ რომელიღაც საზოგადოებრივი „წყობა“ ანდა „წესწყობილება“ – ცნებათა აღრე-

ვის საფრთხეს შეიცავს და არის *tradictio in adjecto* უკვე იმ ზოგადი გაგებით, რითაც წინააღმდეგობრივია ცნება „ქრისტიანული საზოგადოებრივი წყობა“. ქრისტიანული ცხოვრების სფეროდ, ქრისტეში ადამიანთა თავისუფალი, სიყვარულისმიერი ერთიანობის აზრით გაგებული და არა რამენაირი სახელმწიფოებრივი თუ საზოგადოებრივი წყობილება. თუ ახლა ამ ზოგად მოსაზრებებს თავს გავანებებთ და ვიკითხავთ: რომელი წესწყობილება ან წყობა უფრო შეეფერება – სამართლებრივი წყობის პლანში – ქრისტიანულ იდეალს, პასუხის გაცემა არ გაგვიჭირდება. ქრისტიანული რწმენის და ცხოვრების ქრისტიანული გაგების თვალსაზრისით უპირატესობა იმ საზოგადოებრივ წყობილებას ან წყობას ენიჭება, რომელიც მაქსიმალური ზომით ხელსაყრელია კაცთა შორის თავისუფალი ძმურ-მოსიყვარულე ურთიერთობის განვითარებისა და განმტკიცებისათვის. რაოდენ პარადოქსულადაც უნდა ჩანდეს, ასეთ წყობად სოციალიზმი კი არ გამოდგება, არამედ სწორედ პიროვნების სამეურნეო თავისუფლებაზე, ქონების ინდივიდუალური განკარგვის უფლებამოსილებაზე დაფუძნებული წყობა. სოციალისტური წყობა ართმევს პიროვნებას ქონების თავისუფალი განკარგვის უფლებას, იძულებით ახორციელებს სოციალურ სამართლიანობას და ამით უსპობს შესაძლებლობას ქრისტიანს, თავისუფლად განახორციელოს ქრისტიანული სიყვარულის აღთქმა (რასაკვირველია, იმ ზომით, რა ზომითაც ქრისტიანული აღთქმის განხორციელება საერთოდ არის გარე პირობებზე დამოკიდებული). სოციალიზმი – თავისი არსების არა რომელიმე ცალკეულ, შემთხვევით ფორმაში, არამედ სწორედ თავისი არსებით და ზოგადი ჩანაფიქრით – არის ცხოვრების სისტემა, რომელიც

უარყოფს თავისუფალი ძმური სიყვარულის ქრისტიანულ იდეას (იმაზე დაყრდნობით, რომ ის განუხორციელებადიაო ადამიანის ეგოისტური ბუნების გამო) და მას სოციალური სამართლიანობის სახელმწიფო-სამართლებრივი, ე.ი. იძულებითი განხორციელებით ცვლის. პირიქით, სამართლებრივი წყობა, რომელიც სამეურნეო ცხოვრებაში პირადი განმკებლობის თავისუფლებას აღიარებს, აუცილებელი ან, სულ ცოტა, ყველაზე ხელსაყრელი პირობაა ქრისტიანული სიყვარულის განსახორციელებლად თვით მთელი ავლა-დიდების გაჩუქებამდე და ქონების ნებაყოფლობით, სიყვარულისმიერ განსაზოგადებამდე (ამას ემყარება პირველქრისტიანული თემის ქონებრივი საზიარობა, როგორც ეს განსაკუთრებით შკაფიოდ არის ნაჩვენები მოციქულთა საქმეში ანანიასა და საფირას თავგადასავალით; და ამასვე ეფუძნება, არსებითად, ერთობლივი ცხოვრების სამონასტრო წეს-წყობილება; საცხებით ცხადია, რომ აქ საქმე სოციალური სამართლიანობის იძულებით განხორციელებას კი არ ეხება, არამედ თავისუფალ ადამიანთა ნებაყოფლობით გადაწყვეტილებას — მოიხმარონ თავიანთი ქონება და შეადგინონ ერთიანი ქრისტიანული ოჯახი). და შეიძლება ითქვას, რომ ე.წ. „ბურჟუაზიული“ წყობა ისეთი ქვეყნებისა, როგორცაა, მაგალითად, საფრანგეთი და ინგლისი, აუცილებელი პირობაა „ქრისტიანული სოციალისტების“, ანუ გაჭირვებაში ჩავარდნილი მოყვასის სიყვარულით გულგამთბარი და თავიანთი ავლა-დიდების მათთვის გამოძიებული ადამიანების არსებობისა, მაშინ როდესაც ისეთ ქვეყნებში, სადაც სოციალური სოლიდარობა (სხვადასხვ ფორმით) ხელისუფლების მიერ განუწყესება და იძულებით აღესრულება — „ქრისტიანული სოციალიზმი“ ლამის მოუაზრებადი მოვლენაა.

ასეთ ვითარებაში ჩვენთვის აშკარად ცხადი ხდება პრინციპული განსხვავება სოციალიზმს (როგორც სამართლებრივ წყობასა) და სოციალურ რეფორმიზმს შორის.

სოციალიზმი, როგორც ცნობილია, კაცთა შორის სიმართლისა და ძმობის იძულებით დამკვიდრებას იზრახავს. ამ სახით ის პირდაპირ ეწინააღმდეგება ქრისტესმიერი, თავისუფალი ძმობის ქრისტიანულ შეგნებას. სოციალური რეფორმების ანდა სოციალური კანონმდებლობის იდეა კი იმაშია, რომ სახელმწიფო იქ ზღუდავს სამეურნეო თავისუფლებას, სადაც მას ძლიერთა მიერ სუსტების შეუწყნარებელ ექსპლუატაციასთან მიყვარათ; სახელმწიფო იძულებითი ღონისძიებების მეშვეობით იცავს ღარიბ-ღატაკებს, ხელმოკლეებს, ყადაღას ადებს ამა თუ იმ ქმედებასა და ურთიერთობას, რის შეწყნარებაც სოციალური სამართლიანობის თვალსაზრისით შეუძლებლად მიაჩნია; სხვაფრივ არ ავიწროვებს მოქალაქეთა სამეურნეო თავისუფლებას. უკანასკნელი ვითარება, რასაკვირველია, ქრისტიანული თვალსაზრისითაც ერთადერთი მართებული ვითარებაა. ნათელჯვით ეს თანაფარდობა უბრალო ანალოგიით: პოლიციის და სასამართლოს არსებობა, საზოგადოების წევრებს ცალკეულ ადამიანთა დანაშაულებრივი, კანონსაწინააღმდეგო ქმედებისაგან რომ იცავს, ცხადია, აუცილებელი და საცხებით კანონზომიერია. ქრისტიანის მსჯელობა ამ მხრივ არ განიჩევა არც ერთი საღად მოაზროვნე ადამიანის მსჯელობისაგან (რამეთუ მთავარი, რომელსაც „ხმალი აბს, ღმრთის მსახურ არს შენდა რისხვისათვის ბოროტმოქმედთა“). მაგრამ სულ სხვა საქმეა — ყველა ადამიანი წინასწარ მიიჩნიო ბოროტმოქმედად და უკეთურად, ციხეში გამოკეტო ან მონებად აქციო, რომ მათი ძალდატანებითი მეურვეობა მოახერხო და აიძულო ისინი სამართლიანად იქცეოდნენ.


რაკი ქრისტიანულ გონება-განწყობილებას ადამიანთა მატერიალური გაჭირვებისადმი გულგრილობასა და პირფერობას უსაყვედურებენ, ჩვენც გადაჭრით ვდგებით იმ აზრზე, რომ ქრისტიანული თვასაზრისით თავისუფლება, როგორც სულიერი ცხოვრების პირობა — და, სწორედ ამიტომაც, სამეურნეო თავისუფლებაც — ყოველგვარ მატერიალურ კეთილდღეობაზე ფასეულია. ჯონ სტ. მილმა ოდელსაც — უტილიტარიზმის საწინააღმდეგოდ — ჩამოაყალიბა დებულებულება: „უკმაყოფილო სოკრატე სჯობს კმაყოფილ ღორს“. ეს არის ერთადერთი სწორი ქრისტიანული თვალსაზრისი. მაძლარ მონებს (ვიმეორებთ: შესაძლებელიც რომ იყოს ასეთი რამ, ე.ი. დამონებას, როგორც გამოცდილება გვიჩვენებს, გადატაცებასთან რომ არ მიყვადებ) უცილობლად უნდა გამჯობინოთ თავისუფალი ადამიანები, მაშინაც კი, როცა ვაჭყობთ, რომ თავისუფლება მატერიალურ სიღუჭირესა და სამეურნეო გაჭირვების საფრთხესთან არის დაკავშირებული. მხოლოდ იმდენად, რამდენადაც სამეურნეო თავისუფლება თვითონვე გადაგვარდება ხოლმე ადამიანის დამონებლად და ამით მის სულიერ ცხოვრებასაც დააბრკოლებს, მართებული იქნება ძალდატანებით დაკუდოთ მას ზღვარი სოციალურ კანონმდებლობაში.

მაგრამ იძულებასთან შედარებით უპირატესობას ნებაყოფლობას რომ ვანიჭებთ, ეკონომიკის ისტორიის გამოცდილებით უკვე ურაცოფილ პოზიციას ხომ არ ვუბრუნდებით? ხომ არ ვეწინააღმდეგებით ჩვენს მიერვე აღიარებულ აზრს, რომ ადამიანთა უმრავლესობის სინარბისა და ეგოისტურობის გამო თავისუფლებას ეკონომიკურად

ღონიერების მიერ სუსტების ექსპლუატაციასთან მიყვავართ? ქრისტიანული ცნობიერებისათვის ამ სიძნელიდან ერთადერთი, ოღონდ საესებით ცხადი გამოსავალი არსებობს, რაც — ქრისტიანული ყოფის ზედნაშენურ ფენებში მთელი ამ ორიენტაციის შემდეგ — ისევ ქრისტიანული ცხოვრების ცენტრალურ მიზანდასახულობასთან გვაბრუნებს. ქრისტიანული რწმენა თავისი არსებით აკი რაღაც პარადოქსულია, ანუ ცხოვრებისეულ „გამოცდილებას“, „ამა სოფლის სიბრძნეს“ ეწინააღმდეგება. ასევე განსახილველ საკითხშიც, კაცობრიობის ტრაგიკული სოციალური ბედის შემყურებმა — რადგანაც ვგრძნობთ ჩვენს ქრისტიანულ პასუხისმგებლობას — საჭიროა ყოველგვარი გამოცდილების წინააღმდეგ ვირწმუნოთ ადამიანთა მსხვერპლისგამაღები მძური სიყვარულის და ამ სიყვარულის ქადაგების მძლეთამძლეობა. თუ რწმენას მთების დაძვრა შეუძლია, მაშინ მას, ყოველ შემთხვევაში, უნარი შესწევს დაამარცხოვოს ბოროტეული და სიცბიერე ადამიანურ ცხოვრებაში. ძირითადი ქრისტიანული პოზიცია სოციალურ საკითხში არის სიყვარულის ჯვაროსნული ლაშქრობა სამყაროს საუფლებლად. არავის შეწევს უნარი, წინასწარ დაადგინოს რწმენითა და მოყვასის სიყვარულით ნასულდგმულარი მოღვაწეობის (ინდივიდუალურის, გინდ ჯგუფურის) ნაყოფიერების ურყევი საზღვრები (მაგალითით — სათვის კავისხენით ზოგიერთი კათოლიკური ორდენის გავლენიანობა მათი აყვავების ხანაში). სოციალური რეფორმები, ღარიბთა და ჩაგრულთა ინტერესების კანონმდებლობითი შეზღუდვა საჭირო, გონიერული და ქრისტიანული თვალსაზრისით მართე-

ბული საქმეა. მაგრამ სოციალური საკითხის ძირითადი ქრისტიანული გადაწყვეტა (სეკუტიკოსების, ურწმუნოთა, ამა სოფლის ბრძენთა ქირქილის მიუხედავად), არის მოყვასის თავისუფალი, მსხვე-

პლის გამღები, ქრისტეს და მისი ღმერთის რწმენით შთაგონებული სიყვარული – სიყვარულის ღმერთის ყოვლისშემძლეობის არა სიტყვით, არამედ საქმით აღიარება.
თარგმნა ავთანდილ ჯოხაძემ.



ბილოცვა

ჩვენი ძალბატონი ეთერი

ჩვენს თანამშრომელს, ჩვენს კოლეგას ქალბატონ ეთერ თვარაძეს საიუბილეო თარიღი შეუსრულდა.. მის ასაკს არ ვასახელებთ; არა იმიტომ, უმშვენიერესი ქალბატონი რომ ბრძანდება დღემდე, უბრალოდ, ვინც ქალბატონ ეთერს იცნობს, ისიც იცის, იგი მუდამ ახალგაზრდული ენერგიით ტრიალებს თავის ახალგაზრდა თანამშრომლებსა თუ ავტორებს შორის.

ქალბატონო ეთერ, გთხოვთ, წუთით დაივიწყოთ, რომ ჩვენი ჟურნალის უმკაცრესი „ცენზორი“ ბრძანდებით — მშობლიური ენის არათუ დამახინჯებას, უბრალო წერტილ-მძიმის გადაადგილებასაც რომ არავის აპატიებთ, და ისე ჩაიკითხოთ თქვენი უმცროსი მეგობრებისაგან სიყვარულით ნათქვამი ეს სტრიქონები. ვიცით, გაცილებით, იქნებ გაგვინაწყენდეთ კიდევ — ამ გაჭირვებაში რა დროს მილოცვა-ზეიმებიათ, მაგრამ მაინც ასე ვამჯობინეთ — ორიოდ თბილი სიტყვა იქნებ სწორედ ახლა, ამ მძიმე ჟამს უნდა გავიმეტოთ ერთმანეთისათვის, თქვენ კი ის ადამიანი ბრძანდებით, ვინც დიახაც ღირსია, სითბო და სიყვარული მიაგოს დღევანდელმა „ცისკარმა“. თუ ჩვენი ჟურნალი სხვა გამოცემებთან შედარებით კარგი ქართულით ესაუბრება თავის მკითხველს, ამაში უდავოდ დიდა თქვენი დამსახურება. რომ არა ავტორებთან თქვენი გულმოდგინე მუშაობა, ალბათ, გაჭირდებოდა ამის მიღწევა. ავტორები ვახსენეთ და... ვისთან არ გიმუშვივით, ჩვენი მწერლობის კორიფეებს შებმიხართ, სიტყვა თუ ფრაზა მათსავით და ზოგჯერ მათზე უკეთ გაგიმართავთ და მადლობაც მიგიღიათ მათგან, მერე კი ასეთივე გულმოდგინებით ახალგაზრდა კაცის ნაფიქრალ-ნაზრევს ჩაჯდომიხართ და ახლა მისი ქართულის დახვეწაზე გიზრუნიათ. მადლობა თქვენ ასეთი სიყვარულისა და თანადგომისათვის, მადლობა თქვენი მშვენიერი თარგმანებისათვის, მადლობა იმისათვის, რომ დღევანდელობას ამშვენებს უდახვეწილესი გემოვნებისა და ერუდიციის მქონე მწერალი, თქვენი უმცროსი ძმა ბატონი რეზი თვარაძე, რომლის აღზრდაში თქვენს დიდ ოჯახთან ერთად თქვენი უდიდესი წვლილიც არის; და ბოლოს, მადლობა იმის გამო, რომ აგერ ლამის ოცდაათი წელია, ერთ-ერთ ბურჯად უდაგხართ „ცისკარს“ და ყველა ჩვენგანის საუკეთესო მეგობართაგანი ბრძანდებით. თქვენი მახვილი თვალი და ფაქიზი გემოვნება მუდამ დაჭირდება ჩვენს ჟურნალს — ამიტომაც გისურვებთ დიდხანს სიცოცხლეს, მრავალ საიუბილეო თარიღს და საიუბილეო განწყობილებას.

ჟურნალ „ცისკარის“ რედაქცია

ჩვენი მისამართი: თბილისი, 380026, ზიდის ქ. № 1. ტელეფონები: მთავარ რედაქტორი — 99.85.81; მთავარი რედაქტორის მოადგილე — 98.53.32; პასუხისმგებელი მდივანი — 98.47.62; განყოფილებები: 98.36.43, 98.43.75. საკორექტორო — 98.47.62

ხელმოწერილია დასაბეჭდად 12. 09. 95, ქალაქის ზომა 70 x 108 1/16; ფიზიკური ფორმატა რაოდენობა 14,75; პირობითი ფორმატა რაოდენობა 20,65, სააღრ. საგ. თაბახი 18,8, შეკვეთა №¹⁴³, ტირაჟი 600

ბაზომცემლობა „აჭარა“, ბათუმი, გობგებაუშვილის 24

ირაკლი გაცაძე

ზრიდონ ხალვაშის იუბილეზე სათქმელი ლექსი
რეზრანით: ბადნიარი ვარ, ხვალ ბათუმში მივმგზავრავი

ვინ იცის, იქნემ უვლავ გასსთვართ და მულდუმით —
ვრცული მულვარი, ზღვით ნაპოტნი ლურჯი კმდუნე.
იქნემ მიტომავ ხარ ძვირთვასი მუნ, სიქამუკუვ...
იქნემ მიტომავ, რამ არასდრთს არ მულდუმით.
გამასსუნდუმ პოტოტან ქალი... თმილმა ღმილმა
ჩუმს დაღლილ გულზე ასლავ ქარად გაღივთილა,
იქნემ მიტომავ ხარ ძვირთვასი მუნ, სიყვარულა,
სამუდამდ რთ აღმუქდუ გულზე ტვივილად,
იქნემ მიტომავ დღუმდუ ასუ მთრგუნავ ზმანუმით...
მუნდუმით ვარ, ხვალ მათუმში მივმგზავრავი.

მიმელის სამმთ აქარლუმის ღია გულუმით —
ჩუმე მგლსნუმ, მარჩხალა მზით გათანგულუმ;
ჩუმე ხალვაში (იუმულიუ ხვალუა ვისიც),
ჩუმე ხუსივა, დავუმნილი დრთის წყლულუმით.
ჩამტვლით ყვულას, მუმთ, იცით, მწამსართ ყვულანი,
ჩუმე ურთი გვრტგა, ქართვულ მგლსნუმ, მუდი ვრანი,
ვხედავ, წინ დიდი მრმლუმია გადასატანი
და გამარჯვუმის გალმანი გვაქვს სამმლურალი, —
ამ მულდუმის წვრიალუმენ მიგნი ზარუმ...
მუნდუმით ვარ, ხვალ მათუმში მივმგზავრავი.

„ინტუმისცის“ წინ, რთვა ლამაზ მარში ვისხედით,
დიდი არცისცის სადლურტუმულთს რთვა ვისმუნდი,
ვთვრუმდი თუქრით, რუმრთ თუქრით, ვიდრე არაყით...
ვტრმმმდი, ვით ჰგავდა ქალაქს ვაცი და ვაცს ქალაქი.
ასლავ დამყვმა ის თუსადგმულ გუმზე მუკლივით,
ვცსთვრთმ სსთვრანი... ვი არ ვცსთვრთმ, ვარ ჩახურტილი.
იქნემ მიტომავ ხარ ძვირთვასი მუნ, მტვრუმავ,
დიდი სუვდით რთ სივუდილამდუ ხარ დამუტრთილი.
იქნემ მიტომავ... უვლავ მიხმმუმენ მუნი არუნი...
მუნდუმით ვარ, ხვალ მათუმში მივმგზავრავი.

ფასი 60 თეთრი

072
ინდექსი 76286

